



77

S. 17

17





SS. PATRUM

OPERA SELECTA
DE GRATIA DEI

ET
PRAEDESTINATIONE SANCTORUM.

TOM. III.





S. PROSPERI

AQUITANI

S. LEONIS M. NOTARII

DE GRATIA DEI

ET LIBERO ARBITRIO HOMINIS

ET

PRAEDESTINATIONE SANCTORUM

OPERA OMNIA

Editionem emendatissimam, & variis lectionibus
undique collectis praecipue vero ex Codd. MSS.
Vaticanis adornatam curavit P. F. F.



ROMAE AN. SAL. CXCICCLVIII.

APUD FRATRES PALEARINIOS

PRAESIDIUM ADPROBATIONE.



CLEMENTI XIII

PONTIFICI MAXIMO

FELICITER . INSTINCTV . DIVINITA-
TIS . ECCLESIAE DATO . NON
SOLVM . PRAECEPTIS . AVGVSTIS-
SIMIS . SED . ETIAM . SANCTISSI-
MIS . EXEMPLIS . SVIS . ORBI . TER-
RAE . PROFVTVRO .

S. PROSPERI . AQVITANI . S. LEO-
NIS I. AB . EPISTOLIS . OPERA
DE . GRATIA . DEI . ET . PRAEDE-
STINATIONE . SANCTORVM . QVOD
EX . APOSTOLICAE . SEDIS
AVCTORITATE . SCRIPTA . FVERINT .
ET . AB . EADEM . AVCTORITATE .
PROBATA . ET . QVOD . S. AV-
GVSTINI . DOCTRINAM . QVAM
TOT . TANTISQVE . TESTIMONIIS

APOSTOLICA. SEDES. TV-
TISSIMAM . INCONCVSSAM . ET
PLANE . SVAM . DECLARAVIT . EX-
PONANT . ADSERANT. VINDICENT.
VT . DIGNATA . INDVLGENTIA . EJVS.
QVI . APOSTOLICAM . SE-
DEM . MAGNUS . IMPLET . NO-
VA . MERITAQVE . LAVDIS . DI-
GNITATISQVE . ACCESSIONE . CV-
MYLATA . IN . LUCEM . PRODEANT.
ET . CVRA . IN . ILLIS . RECEN-
SENDIS . EXORNANDISQVE . IM-
PENZA . AVSPICATISSIMA . SIET.

D. D.

PETRVS . FRANCISCVS . FOGGINIVS
NOMINI . MAJESTATIQUE .
OPTIMI . PRINCIPIS .
DICATISSIMVS .

s. PRO-



§. I.

S. PROSPERI Aquitani, privati certe hominis, sed agentis publicam Ecclesiae causam, & quidem EX APOSTOLICAE SEDIS AVCTORITATE, cujus libros eadem Apostolica Sedes legendos esse decrevit, laudatissimi- que cujusque aetatis viri commendarunt, & quem super S. AVGVSTINI spiritus, velut ille Eliae super Elisaeum, requiescere visus est, Opuscula omnia, quotquot compertum certo est edidisse DE GRATIA DEI, ET PRAEDESTINATIONE SANCTORVM, ut Ecclesiae Catholicae doctrinam a-

VIII

s. AVGVSTINO contra Pelagianos adfertam strenueque propugnatam a novis Semipelagianorum objectionibus fartam tectam servaret, in hoc, si molem spectes parvo, si res & usum magno quidem, & plane aureo volumine continentur.

§. II.

Natus est s. PROSPER exeunte quarto, aut quinto ineunte Ecclesiae saeculo in Aquitania¹, unde ut ab aliis ejusdem nominis ejusdemque ferme aetatis celebribus viris distinguatur, Aquitanus dici solet; sed qua in urbe, aut loco Aquitanicae Provinciae, haud liquet. Sirmondus fuisse illi cognomen *Tironi* commentus est; sed Prosperum Tironem ab Aquitano diversum esse eo convincimur, quod nul-
lus

¹ GENNADIUS de viris illustribus cap. 84.

lus laudatus sit hactenus vetus mss. codex certorum Operum s. PROSPERI Aquitani, in quo *Tironis* cognomine donetur; & praeterea quod nemo alius antiquior Beda presbytero, qui saeculo octavo claruit, Prosperi Tironis meminerit¹; demum quod ab ipso Beda² Prosper Tiro *Poetae* appellatione cohonestetur, noster vero, cui solum Prosperi nomen tribuit³, *Rhetoris*, seu Oratoris. Etsi vero nulla exstat memoria de illius in primaeva aetate peractis studiis, ac curis, manifesto tamen testantur lucubrationes, quae ab eo scriptae supersunt, in ingenuis artibus, poetica praecipue, non mediocriter esse versatum. Ex Aquitania, quibus de causis obscurum est, Provinciam demigravit, ubi circa annum

1 BEDA de arte metrica. 2 *Ibidem*.

3 BEDA Historiae Eccl. Gentis Anglorum l. i. c. 10.

X

num ccccxxviii commorabatur, ut ex illius epistola ad Rufinum tunc fere temporis data constat, in qua satis aperte meminit domesticae, quam inierat, concertationis pro s. AVGVSTINI doctrina adversus Jo: Cassianum, qui Massiliae monasticam vitam agebat. *Molestè ferunt*, inquit ¹. *quod his, quae adversum excellentissimae auctoritatis virum asseruere inter multas collationes, resistimus.*

Quoniam vero qui, Cassiano duce, AVGVSTINVM, & ejus doctrinam de Gratia calumniabantur, profitebantur tamen se recipere *quae sacratissima beati Apostoli Petri sedes contra inimicos gratiae Dei per ministerium praesulum suorum sanxerat, ac docuerat* ², PROSPER, qui eos fer-

¹ Ep. ad Rufinum cap. 4.

² Ex Praefatione ad Sedis Apostolicae Episcoporum auctoritates de Gratia Dei, seu ex cap. 3. epistolae S. Caelestini I. ad Galliarum episcopos.

fermone & scriptis refutare potuerat, non persuadere, adjuncto sibi socio Hilario Romam venit, iudicium exposcens, & auxilium s. Caelestini Papae, qui utriusque solitudine laudata Epistolam ad Galliarum Episcopos scripsit, in qua praeclarissimum impertiit de AUGUSTINI doctrina & virtute iudicii sui testimonium. Itaque PROSPER Apostolica fretus auctoritate eo magis alacriter in Galliam reversus, causam Dei contra Semipelagianos agere coepit, & scientiae atque pietatis optimam sibi famam meritissimamque comparavit. Quae quidem fama adeo constans exstitit, atque probata, ut Leo Magnus, quem *inter Aetium, & Albinum in Galliis amicitias redintegrantem*¹ Roma ad Petri thronum evexit, Romam illum arcessiverit, aut si mavis

¹ S. PROSPER in Chronico.

XII

vis una secum adduxerit, ubi ad idem munus illum adhibuit, quo s. Hieronymus functus olim fuerat apud Damasum. Hinc LEONIS MAGNI NOTARIUS ab Adone¹, aliisque sequioris aetatis scriptoribus PROSPER appellatur, quin etiam ab auctore synchrono Gennadio ex antiqui mss. cod. Corbejenfis fide.

Utrum vero s. PROSPER aliquo ecclesiastici ordinis gradu decoratus fuerit, ac praecipue, ut multi ferunt, Episcopatus honore, antiquis probabilibusque deficientibus monimentis, definiri minime potest. Si quid licet ex conjecturis deducere illud est, fuisse illum primo ex eorum numero, qui saecularibus rebus relictis vitam in secessu agebant, nullius tamen monasterii legibus obstricti, ut Paulinus, Pammachius, alique aetatis ejus-

¹ Ado in Chronico.

eiusdem sancti homines . Ubi vero a secretioribus consiliis Leoni Pontifici fuit , quis sibi suadeat nulla sacra dignitate exornatum fuisse , sive ejus merita spectentur erga Catholicam Ecclesiam , sive Apostolicae Majestatis decus ? Neque enim ullo pacto probabile esse videtur , quod ss. Pontifex Leo , aequissimus ecclesiasticarum dignitatum distributor , & acerrimus ecclesiasticae disciplinae adsertor , & vindex , mero ac simplici laico in summis Ecclesiae rebus consulendis gerendisque uteretur .

Quo anno s. PROSPER ad superos evolaverit , ignoratur . Fuisse illum in vivis an. Ch. CCCCLV ex ejus Chronico constat , quod eo usque perduxit ; sed fortassis multo etiam longius vixit , & Leoni superstes exstitit , de illo enim , ut videtur , tanquam adhuc superstite , mentionem facit Marcellinus ad an. Ch. CCCCLXIII.

§. III.

§. III.

Age vero , cum optima illa sit omnium laus a laudatissimis viris laudari , videamus modo , quae a summis viris de illo , & de ejus operibus lata sunt testimonia .

Hilarius ejus amicus in Epistola ad s. AVGVSTINVM ¹ vocat , *virum tum moribus , tum eloquio , & studio clarum .*

Sanctus Caelestinus in Epistola ad Galliarum Episcopos ² ejus circa Deum sollicitudinem laudat , *religiosam animam* appellat , & *persecutionem propter justitiam sustinuisse* adfirmat .

Gennadius in Câtalogo virorum illustrium ³ , Cassiani licet esset partibus addictus , fatetur tamen *scriptorem esse assertionibus nervosum .*

A Vi-

¹ §. 10.

² cap. 2. & 4.

³ Cap. 84.

A Victorio Aquitano¹ in Praefatione Cycli Paschalis ad Hilarium Ecclesiae Romanae archidiaconum, *sancti*, & *venerabilis viri* laudem tulit.

A Gelasio in Concilio Romano. LXX. Episcoporum *vir religiosissimus*: a s. Fulgentio² *vir eruditus, eruditissimus*, & *sanctus*, & qui AUGUSTINUM *recta defendit fide*, ac *copioso sermone*: a Cassiodoro³ *sanctus*: a Photio⁴ ἄνθρωπος ὡς ἀληθῶς τῷ Θεῷ homo sane divinus appellatur.

Neque est leviter transeundum, sed potius animadvertendum diligentissime, defensionem doctrinae, quae ad divinae gratiae oeconomiam pertinet, fuisse ab eo susceptam primum ex fidei, qua Ecclesia

sia

¹ In editione Aegidii Bucherii pag. 6.

² Ad Monimum lib. 1. cap. 30. & l. 2. c. 1.

³ Insl. Divin. cap. 17. ⁴ Cod. 54.

sia vivit, affectu ¹, sed deinde persecutum esse *ex ipsius Apostolicae Sedis auctoritate*, ut ipsemet disertis verbis testatur in praefatione *Responsionum ad objectiones Vincentianas*; seu, ut Hincmarus loquitur ², *ex delegatione Sedis Romanae*. Quin etiam illa, quae Sixtus III., & quae Leo Magnus contra Pelagianos egerunt, ejus potissimum opera facta fuisse existimantur. Demum libri ab eo editi non solum privatorum hominum plausu, sed etiam Gelasii & Concilii Romani auctoritate probati sunt; & ex ipsis eorum verbis plures conditi sunt Canones Arausicani Concilii II. quod mox Felice IV. celebratum est, & Bo-

¹ Sic ipse de se loquitur S. PROSPER in epistola ad Augustinum §. 1.

² HINCMARUS in ep. ad Carolum Regem, quae primo ejus operi de praedestinatione praefixa est.

& Bonifacius II. adprobavit. Itaque jure optimo adfirmare me posse arbitror, s. PROSPERI libros non solum auctoris nomine habendos esse commendatissimos, sed etiam qua pollent publica & ecclesiastica auctoritate.

§. IV.

Quod autem potissimum pertinet ad hanc syllogen, etsi plura etiam alia ad nos pervenerunt s. PROSPERI Aquitani scripta, non erat tamen hic omnibus locus; nam aut ad doctrinam *de Gratia Dei* nullo pacto spectant, ut *Chronicon*, aut de illa praecipue non agunt, ut *Liber sententiarum*, & *Expositio Psalmorum*, quae utinam aliquando integra reperiatur, qualem suo tempore adhuc superfuisset testatur Notkerus Balbulus¹.

b

Ne-

¹ Notkerus BALBULUS de interpr. divin. Script. c. 20

Neque me praeterit plures esse magni nominis criticos , qui nonnulla alia Opera S. PROSPERO Aquitano adjudicant, & inter haec etiam *Sedis Apostolicae Episcoporum Auctoritates de gratia Dei* , quae Epistolae s. Caelestini Papae I. ad Galliarum Episcopos subnecti solent , quae certe scopum , quo cura nostra dirigitur , mirifice attingunt ; sed ne dubiis quidem dare hic locum placuit . Praeterea hae Auctoritates ipsi epistolae Caelestini Papae adjungendae erunt , cum in alio simili volumine collectas dabimus Romanorum Pontificum epistolas , & Conciliorum decreta , quae ad causam pertinent de Gratia Dei .

Ceterum diligenter curavi , ne quid praetermitterem , ex quo haec sylloge litteratis hominibus , & iis praesertim , qui theologicis disciplinis sedulam operam navant , gra-
ta

ta fieret , atque utilis . Etenim non solum variantes lectiones adposui a Mangeant diligenter collectas in absolutissima Operum s. Prosperi editione Parisiensi an. MDCCXI. sed etiam alias addidi ex codicibus Vaticanis , quos inter plures sunt optimae notae . Cod. Vat. 558. qui olim fuit *Majoris Domus Carthusiae* , & praeter alia continet s. Prosperi *Responsa ad capitula Gallorum, Objectiones Vincentianas , Excerpta Genuensium , Epigrammata* , nec non *Librum contra Collatorem* , octingentorum circiter annorum aetatem praeseferre videtur . *Carmen de Ingratis* in nullo mss. cod. reperire potui . At vero hoc plane divinum opus , quod eorum omnium qui Theologiam docent curae esse deberet , ut ab auditoribus suis memoriae mandaretur , nec non tria quoque epigrammata , quae illi adjungi solent , perpetuis scholiis , ut

xx

junioribus theologis veluti facem
praeferrem , exornavi , quae magna
ex parte ex prolixioribus notis Mar-
tini Steyaert Doctoris Lovaniensis
& laudati Mangeant decerpta sunt.

P R A E F A T I O
E X P L I C I T .

IN-

I N D E X

OPERUM S. PROSPERI
AQUITANI, QUAE IN HOC VO-
LUMINE CONTINENTVR

S. PROSPERI *Epistola ad S. Au-
gustinum de reliquijs Pelagianae
haereseos in Gallia subolescenti-
bus.* pag. 3

*Epistola ad Rufinum de Gratia, &
libero arbitrio.* p. 23

*Liber Responſionum ad Capitula Gal-
lorum.* p. 59

*Liber Responſionum ad Capitula obje-
ctionum Vincentianarum.* p. 105

*Liber Responſionum ad Excerpta Ge-
nuensium.* p. 133.

Liber

XXII

Liber de Gratia Dei , & libero arbitrio hominis contra Collatorem .

P.169.

Carmen de Ingratis .

P.303

Epigrammatum trias adversus Massilienses .

P.369

Epigrammatum ex sententiis S. Augustini spicilegium .

P.379


IMPRIMATUR

Si videbitur Reverendissimo P. M. S.
Palatii Apostolici.

F.M. de Rubeis Pat. Const. Vic.

IMPRIMATUR

Fr. Vincentius Elena O. P. Reveren-
diss. P. Mag. Sacr. Pal. Apost. Soc.



S. PROSPERI
EPISTOLA

AD S. AUGUSTINUM

DE RELIQUIIS PELAGIANAE
HAERESIOS IN GALLIA
SUBOLESCENTIBUS.

Tom. III.

A

CUM



CUM S. AUGUSTINI scripta contra Pelagianos , & praecipue liber *De Correctione* , & *Gratia* multorum animos in Galliis offenderent , & potissimum inter Massilienses Monachos gravis esset de iisdem scriptis exorta contentio , PROSPER Aquitanus , vir tum moribus , tum eloquio & studio clarus , nec non Hilarius quidam , qui consuetudinis S. AUGUSTINI deliciis potitus aliquando fuerat , & ejus doctrinae salubri lacte nutritus , non solum pro datis sibi a Deo viribus , oblata occasione , licet essent laici , catholicam doctrinam tueri conati sunt , sed etiam de Massiliensium querelis , objectionibus , erroribusque AUGUSTINUM ipsum monuerunt , rogantes eum , ut quae in istis quaestionibus obscuriora , & ad percipiendum difficiliora essent , quam lucidissimis expositionibus dignaretur aperire ; quod luculenter ille quantocius praestitit missis ad eosdem duobus libris , quos inscripsit *De Praedestinatione Sanctorum* , & *de Dono perseverantiae* . Has Prosperi & Hilarii epistolas ad S. Augustinum An. Ch. ccccxxviii. aut ccccxxix. incunte datas constat : epistola autem PROSPERI haec est .

S. P R O S P E R I ³
E P I S T O L A

A D

S. AUGUSTINUM

*De reliquiis Pelagianae haereseos
in Gallia subolescentibus.*



*Domino, beatissimo papae, ineffabiliter mirabili;
incomparabiliter honorando, praestantissimo pa-
trono, AUGUSTINO, PROSPER.*

I. I Gnotus quidem tibi facie, sed jam
aliquatenus, si reminiscaris, ani-
mo ac sermone compertus: nam
per sanctum fratrem meum Leontium ¹.
diaconum misi epistolas ² & recepi: nunc
quoque beatitudini tuae scribere audeo,
non solum salutationis, ut tunc, studio,
sed etiam fidei, qua Ecclesia vivit, affe-
ctu.

A 2

ctu.

¹ Al. Leoninum. ² Al. epistolam, Haec non existat.

4 S. PROSPERI EPISTOLA

ctu . Excubante enim pro universis membris corporis Christi vigilantissima industria tua , & adversus haereticarum doctrinarum insidias veritatis virtute pugnante ; nullo modo mihi verendum putavi , ne onerosus tibi , aut importunus essem in eo , quod ad multorum salutem , ac perinde ad pietatem tuam pertinet : cum potius reum futurum esse me crederem , si ea , quae valde pernicioſa eſſe intelligo , ad SPECIALEM PATRONUM FIDEI non referrem .

2. Multi ergo fervorum Christi ¹, qui in Maſſilienſi urbe conſiſtunt , in ſanctitatis tuae ſcriptis , quae adverſus Pelagianos haereticos condidiſti , contrarium putant Patrum opinioni , & Eccleſiaſtico ſenſui ² , quicquid in eis de vocatione electorum *ſecundum Dei propoſitum* diſputaſti . Et cum aliquamdiu tarditatem ſuam culpae maluerint , quam non intellecta reprehendere , quidamque eorum lucidiorem ſuper hoc atque apertior
rem

¹ Monachos intellige Maſſilienſes , ex quibus erat Joannes Caſſianus nominatiſſimus Semipelagianismi propugnator . ² Al. *Chriſtianorum parum opinionis & Eccleſiaſtico ſenſui convenire* .

rem beatitudinis tuae expositionem voluerint postulare ; evenit ex dispositione misericordiae Dei , ut cum quosdam ¹ intra Africam similia movissent , librum de *Correptione & Gratia* , plenum divinae auctoritatis emitteres . Quo in notitiam nostram insperata opportunitate delato , putavimus omnes querelas resistentium sopiendas : quia universis quaestionibus , de quibus consulenda erat sanctitas tua , tam plene ² illic , absoluteque responsum est , quasi hoc specialiter studueris , ut quae apud nos erant turbata , componeres . Recensito autem hoc beatitudinis tuae libro , sicut qui sanctam atque Apostolicam doctrinae tuae auctoritatem ³ antea sequebantur , intelligentiores multo instructioresque sunt facti : ita qui persuasionis suae impediiebantur obscuro , aversiores , quam fuerant , recesserunt . Quorum tam abrupta dissensio primum propter ipsos metuenda est , ne tam clavis tamque egregiis in omnium virtutum studio viris spiritus Pelagianae impietatis

A 3

tis

¹ Monachos Adrumetinos intelligit . ² Al. plane . ³ Al. atque Apostolicam doctrinae auctoritatem .

6 S. PROSPERI EPISTOLA

tis illudat¹ : deinde ne simpliciores quique , apud quos horum magna est de probitatis contemplatione reverentia , hoc tutissimum sibi aestiment , quod audiunt² eos , quorum auctoritatem sine iudicio sequuntur , asserere .

3. Haec enim ipsorum definitio ac professio est . Omnem quidem hominem Adam peccante peccasse ; & neminem per opera sua , sed per Dei gratiam regeneratione salvari . Universis tamen hominibus propitiationem , quae est in sacramento sanguinis Christi , sine exceptione esse propositam , ut quicumque ad fidem & ad baptismum accedere voluerint , salvi esse possint . Qui autem credituri sunt³ , quive in ea fide , quae deinceps per Dei gratiam sit juvanda , mansuri sunt⁴ , praescisse ante mundi constitutionem Deum , & eos praedestinasse in regnum suum , quos gratis vocatos , dignos futuros electione , & de hac vita bono fine excessuros esse praeviderit . Ideoque omnem hominem ad credendum , & ad
ope-

1 Al. eludat . 2 Al. audiant . 3 Al. sint .

4 Al. quae deinceps per gratiam sit adjuvanda mansuri sint .

operandum divinis institutionibus admoneri, ut de apprehendenda vita aeterna nemo desperet, cum voluntariae devotioni remuneratio sit parata ¹. Hoc autem propositum vocationis Dei, quo ² vel ante mundi initium, vel in ipsa conditione generis humani, eligendorum & rejiciendorum dicitur facta discretio, ut secundum quod placuit creatori, alii vasa honoris, alii vasa contumeliae sint creati, & lapsis curam resurgendi adimere, & sanctis occasionem temporis adferre: eo quod in utraque parte superfluus labor sit, si neque rejectus ulla industria possit intrare, neque electus ulla negligentia possit excidere. Quoquo enim modo se egerint, non posse aliud erga eos quam Deus definivit, accidere, & sub incerta spe cursum non posse esse constantem: cum si aliud habeat praedestinantis electio, cassa sit adnitentis intentio. Removeri itaque omnem industriam, tollique virtutes, si Dei constitutio humanas praeveniat voluntates, & sub hoc praedestinationis nomine, fatalem quamdam induci necessitatem; aut

A 4 diver-

¹ Al. *praeparata*. ² Al. *propositum vocationis, de quo*.

8 S. PROSPERI EPISTOLA

diversarum naturarum dici Dominum conditorem, si nemo aliud possit esse quam factus est ¹. Atque ut brevius ² ac plenius, quod opinantur, exponam: quidquid in libro hoc ex contradicentium sensu sanctitas tua sibi opposuit, quicquid etiam in libris contra Julianum ab ipso sub hac quaestione objectum, potentissime debellasti; hoc totum ab istis sanctis intentiosissime conclamatur. Et cum contra eos scripta beatitudinis tuae validissimis & innumeris testimoniis divinarum scripturarum instructa proferimus, ac secundum formam disputationum tuarum, aliquid ³ etiam ipsi quo concludantur adstruimus; obstinationem suam vetustate defendunt; & ea, quae de epistola Apostoli Pauli Romanis scribentis, ad manifestationem divinae gratiae praevenientis electorum merita proferuntur ⁴, a nullo umquam Ecclesiasticorum ita esse intellecta, ut nunc sentiuntur, affirmant. Cumque, ut ipsi ea exponant secundum quorum velint sensa, deposeimus, nihil se profitentur invenisse quod pla-

¹ Al. *sic*. ² Al. *Utque brevius*. ³ Al. *aliud*.
⁴ Al. *praeservantur*.

placeat, & de his taceri exigunt, quorum altitudinem nullus adtigerit. Eo postremo pervicacia tota descendit, ut fidem nostram aedificationi audientium contrariam esse definiant; ac sic etiam si vera sit, non promendam: quia & perniciose non recipienda tradantur¹, & nullo periculo, quae intelligi nequeant, conticeantur.

4. Quidam vero horum in tantum a Pelagianis semitis non declinant, ut quum ad confitendam eam Christi gratiam, quae omnia praeveniat merita humana, cogantur, ne, si meritis redditur, frustra gratia nominetur: ad conditionem hanc velint uniuscujusque hominis pertinere, in qua cum nihil prius merentem, quia nec existentem, liberi arbitrii & rationalem gratia creatoris instituat², ut per discretionem boni ac mali, & ad cognitionem Dei, & ad obedientiam mandatorum ejus possit suam dirigere voluntatem: atque ad hanc gratiam, qua in Christo renascimur, pervenire per naturalem scilicet facultatem, petendo, quaerendo, pulsando: ut ideo accipiat, ideo inveniat, ideo introeat, quia

¹ Al. tradatur. ² Al. instituerat.

10 S. PROSPERI EPISTOLA

quia bono naturae bene usus, ad istam salvantem gratiam, initialis gratiae ope meruerit pervenire. Propositum autem vocantis gratiae in hoc omnino definiunt, quod Deus constituerit nullum in regnum suum, nisi per Sacramentum regenerationis assumere, & ad hoc salutis donum omnes homines universaliter, sive per naturalem, sive per scriptam legem, sive per Evangelicam praedicationem vocari; ut & qui voluerint, fiant filii Dei, & inexcusabiles sint, qui fideles esse noluerint: quia iustitia Dei in eo sit, ut qui non crediderint pereant; bonitas in eo appareat, si neminem repellat a vita, sed indifferenter universos *velit salvos fieri, & in agnitionem veritatis venire*. Jam hic proferunt testimonia, quibus divinarum Scripturarum cohortatio¹ ad obediendum incitat hominum voluntates, qui ex libero arbitrio aut faciant quae jubentur, aut negligant: & consequens putant, ut quia praevaricator ideo dicitur non obedisse, quia noluit; fidelis quoque non dubitetur ob hoc devotus fuisse, quia voluit: & quantum quisque ad malum, tantum habeat facultatis ad bo-

¹ Al. *exhortatio*.

bonum ; parique momento animum se¹ vel ad vitia , vel ad virtutes movere , quem bona appetentem gratia Dei foveat , mala sectantem damnatio iusta suscipiat .

5. Cumque inter haec innumerabilium illis multitudo objicitur parvulorum , qui utique excepto originali peccato , sub quo omnes homines similiter in primi hominis damnatione nascuntur , nullas adhuc habentes voluntates , nullas proprias actiones , non sine Dei iudicio secernuntur ; ut ante discretionem boni ac mali de usu vitae istius auferendi , alii per regenerationem inter coelestis regni assumantur heredes , alii sine baptismo inter mortis perpetuae transeant debitores : tales ajunt perdi , talesque salvari , quales futuros illos in annis majoribus , si ad activam fervarentur aetatem , scientia divina praeviderit . Nec considerant se gratiam Dei , quam comitem , non praevidiam humanorum volunt esse meritorum , etiam illis voluntatibus subdere , quas ab ea secundum suam phantasiam , non negant esse praeventas . Sed in tantum quibuscumque commentitiis meritis electionem

¹ Al. *animos moveri .*

12 S. PROSPERI EPISTOLA

ctionem Dei subijciunt, ut quia praeterita non exstant¹, futura, quae non sint futura, confingant; novoque apud illos absurditatis genere, & non agenda praescita sint, & praescita non acta sint. Hanc sane de humanis meritis praescientiam Dei, secundum quam gratia vocantis operetur, multo sibi rationabilius videntur adstruere, cum ad earum nationum contemplationem² venit, quae vel³ *in praeteritis saeculis dimissae sunt ingredi vias suas*, vel nunc quoque adhuc in veteris ignorantiae impietate depereunt, nec ulla eis aut legis, aut Evangelii illuminatio coruscavit: cum tamen in quantum praedicatoribus ostium apertum est, & via facta est, *gentium populus*, *qui sedebat in tenebris & in umbra mortis, lucem viderit magnam*; & qui quondam non populus⁶, nunc autem populus Dei sit; & quorum aliquando non misertus est, nunc autem misereatur: praevisos inquit a Domino credituros; & ad unamquamque gentem, ita dispen-

1 Al. existunt. 2 Al. vocationem. 3 Añ. 14. 15. 4 Al. & Gentium. 5 Isa. 9. 2. & Matth. 4. 16. 6 Osee 2. 24. & ep. ad Rom. 9. 25.

dispensata tempora ac ministeria magistrorum, ut exortura erat bonarum credulitas voluntatum. Nec vacillare illud, quod ¹ *Deus omnes homines velit salvos fieri, & in agnitionem veritatis venire*; quandoquidem inexcusabiles sint, qui & ad unius veri Dei cultum potuerint ² instrui intelligentia naturali, & Evangelium ideo non audierint, quia nec fuerint recepturi.

6. Pro universo autem humano genere mortuum esse Dominum nostrum Jesum Christum, & neminem prorsus a redemptione sanguinis ejus exceptum, etiamsi omnem hanc vitam alienissima ab eo mente pertranseat: quia ad omnes homines pertineat divinae misericordiae sacramentum; quo ideo plurimi non renoventur, quia quod nec renovari velle habeant, praenoscantur. Itaque quantum ad Deum pertinet, omnibus paratam vitam aeternam: quantum autem ad arbitrii libertatem, ab his eam apprehendi, qui Deo sponte crediderint, & auxilium gratiae merito credulitatis acceperint. In istam vero talis gratiae praedicationem

1 1. Tim. 2. 4.

2 Al. poterant.

nem hi, quorum contradictione offendimur, cum prius meliora sentirent, ideo se vel maxime contulerunt; quia si ¹ profiterentur ab ea omnia bona merita praeveniri, & ab ipsa ut possint esse, donari, necessitate concederent Deum *secundum propositum*, & consilium voluntatis suae, occulto iudicio, & opere manifesto ², *aliud vas condere in honorem, aliud in contumeliam*; quia nemo nisi per gratiam iustificetur, & nemo nisi in praevaricatione nascatur. Sed refugiunt istud fateari, divinoque adscribere operi sanctorum merita formidant: nec adquiescunt, praedestinatum electorum numerum nec augeri posse, nec minui; ne locum apud infideles ac negligentes cohortantium incitamenta non habeant; ac superflua sit industria ³ ac laboris indictio, cujus studium cessante electione frustrandum sit ⁴. Ita demum enim posse unumquemque ad correctionem, aut ad profectum vocari, si se sciat sua diligentia bonum esse posse,

¹ Al. *quasi*. ² *Ad Rom. 9. v. 21.* ³ Al. *industriac*. ⁴ Al. *cessante electione frustrandum est*.

se¹, & libertatem suam ob² hoc Dei auxilio juvandam, si quod Deus mandat, elegerit. Ac sic³ cum in his, qui tempus acceperunt liberae voluntatis, duo sint, quae humanam operentur salutem, Dei scilicet gratia & hominis obedientia; priorem volunt obedientiam esse quam gratiam, ut initium salutis ex eo, qui salvatur, non ex eo credendum sit stare, qui salvat; & voluntas hominis divinæ gratiae sibi pariat opem, non gratia sibi humanam subjiciat voluntatem.

7. Quod cum perversissimum esse, revelante Dei misericordia, & instruyente nos tua beatitudine, noverimus, possumus quidem ad non credendum esse constantes, sed ad auctoritatem⁴ talia sentientium non sumus pares: quia multum nos & vitae meritis antecellunt, & aliqui eorum adepto nuper summo⁵ sacerdotii honore supereminent; nec facile ququam praeter paucos perfectae gratiae intrepidos amatores, tanto⁶ superiorum disputationibus ausus est contraire.

Ex

¹ Al. si sciat se sua negligentia malum, bonum esse posse. ² Al. ab. ³ Al. si. ⁴ Al. sed auctoritati. ⁵ Al. summi. ⁶ Al. tantis.

Ex quo non solum his, qui eos audiunt, verumetiam ipsis, qui audiuntur, cum dignitatibus crevit periculum; dum & multos reverentia eorum aut inutili cohibet silentio, aut incurioso ducit assensu: & saluberrimum ipsis videtur, quod pene nullius contradictione reprehenditur. Unde quia ¹ in istis Pelagianae pravitatis reliquiis non medioeris virulentiae fibra nutritur, si principium salutis male in homine collocatur; si divinae voluntati impie voluntas humana praeferatur, ut ideo quis adjuvetur, quia voluit, non ideo quia adjuvatur velit; si originaliter malus receptionem boni non a summo bono, sed a semetipso inchoare male creditur; si aliunde Deo placetur, nisi ex eo, quod ipse donaverit: tribue nobis in hac causa, papa beatissime, pater optime, quantum donante ² Domino potes, diligentiam pietatis tuae, obsecro ³, ut quae in istis quaestionibus obscuriora, & ad percipiendum difficiliora sunt, quam lucidissimis expositionibus digneris aperire.

8. Ac primum, quia plerique non putant

¹ Al. Unde si in istis. ² Al. juvante.

³ Al. omittitur: obsecro.

tant Christianam fidem hac diffensione violari, quantum periculi sit in eorum persuasione patefacias. Deinde quomodo per istam praeoperantem¹ & cooperantem gratiam liberum non impediatur arbitrium. Tum utrum praescientia Dei, ita secundum propositum maneat, ut ea ipsa, quae sunt proposita, sint accipienda praescita: an² per genera caussarum, & species personarum ista varientur; ut quia diversae sunt vocationes, in his qui nihil operaturi salvantur, quasi solum Dei propositum videatur existere; in his autem, qui aliquid boni acturi sunt, per praescientiam possit stare & propositum: an vero uniformiter, licet dividi praescientia a proposito temporali distinctione non possit, praescientia tamen quodam ordine sit subnixa³ proposito: & sicut nihil sit quorumcumque negotiorum, quod non scientia divina praevenierit; ita nihil sit boni, quod in nostram participationem non Deo auctore defluerit. Postremo quemadmodum per hanc praedicationem propositi Dei, quo fideles fiunt, qui praeordinati sunt ad vitam aeternam,

Tom. III.

B

nemo

1 Al. praeoperantem. 2 Al. aut. 3 Al. obnixa.

nemo eorum, qui cohortandi sunt, impediat, nec ¹ occasionem negligentiae habeant, si se praedestinos esse desperent. Illud etiam qualiter diluatur, quae sumus, patienter insipientiam nostram ferendo demones, quod retractatis priorum de hac re opinionibus, pene omnium par invenitur & una sententia, qua propositum & praedestinationem Dei secundum praescientiam receperunt; ut ob hoc Deus alios vasa honoris, alios contumeliae fecerit, quia finem unicujusque praeviderit, & sub ipso gratiae adjutorio, in qua futurus esset voluntate ² & actione praescierit.

9. Quibus omnibus enodatis, & multis insuper, quae altiore intuitu ad causam hanc pertinentia magis potes videre, decussis ³; credimus & speramus non solum tenuitatem nostram disputationum tuarum praesidio roborandam, sed etiam ipsos, quos meritis atque honoribus claros caligo istius opinionis obscurat, defecatissimum lumen gratiae recepturos. Nam

¹ Al. ne.

² Al. gratia, voluntate. &

actione.

³ Al. discussis.

Nam unum eorum praecipuae auctoritatis, & spiritalium studiorum virum, sanctum Hilarium¹ Arelatensem Episcopum, sciat beatitudo tua admiratorem sectatoremque in aliis omnibus tuae esse doctrinae; & de hoc quod in querelam trahit², jampridem apud sanctitatem tuam sensum suum per litteras velle conferre. Sed quia utrum hoc facturus, aut quo fine sit facturus, incertum est, & omnium nostrum fatigatio, providente hoc praesenti saeculo Dei gratia, in tuae caritatis & scientiae vigore respirat³, adde eruditionem humilibus, adde increpationem superbis. Necessarium & utile est etiam, quae scripta sunt scribere, ne leve existimetur, quod non frequenter arguitur. Sanum enim putant esse, quod non dolet⁴, nec vulnus su-

B 2

per-

¹ Evectus est Hilarius ad cathedram Arelatensem an. Ch. 429. Nonnulli hic substituendum esse conjecerunt: *Honoratum*. Baronius vero irreptitia esse censuit & expungenda verba haec: *Arelatensem Episcopum*. Sed utrique emendationi mss. Codd. fides, & ipsius epistolae contextus repugnant. Praeterea ne substituas *Honoratum* repugnat quoque Chronologiae ratio.

² Al. *trahitur*. ³ Al. *sperat*. ⁴ Al. *dolent*.

20 S. PROSPERI EPISTOLA.

perducta¹ cute sentiunt : sed intelligant
perventurum ad sectionem , quod habue-
rit perseverantem tumorem . Gratia Dei
& pax Domini nostri Jesu Christi coro-
net te in omni tempore , & ambulantiem
de virtute in virtutem glorificet in aeter-
num , domine papa beatissime , ineffa-
biliter² mirabilis , incomparabiliter ho-
norande , praestantissime patrone .



S. PRO.

¹ Al. *superductum* . ² Al. & *ineffabiliter* .

S. PROSPERI
EPISTOLA
AD RUFINUM
DE GRATIA
ET LIBERO ARBITRIO.

S. PRO.



S. PROSPER a Rufino amico suo monitus sollicitum se esse de iis, quae contra ipsum disseminabantur eo quod S. AUGUSTINI doctrinam de Gratia Dei, & libero arbitrio hominis tueretur, ac praedicaret, epistolam ad eum dedit plane auream, in qua luculenter omnia exponit, & diluit, quae morosi quidam homines S. AUGUSTINO, & ejus discipulis ad constandam illis invidiam obloquebantur. Claudis autem illam hortando Rufinum, ut ipsis libris S. Doctoris cognoscendis curam impendat si in *constitenda Dei gratia defecatissimam, ac saluberrimam Evangelicae Apostolicaeque doctrinae intelligentiam consequi velit*. Quis iste Rufinus fuerit, & utrum per literas, an alio modo animi sui sollicitudinem PROSPERO significaverit, incertum. Quod vero ad tempus, quo data est haec epistola, ex contextu aperte apparet scriptam fuisse S. AUGUSTINO adhuc in vivis agente, sed editis jam ejus libris de *Correptione, & Gratia*, nec non JO: CASSIANI Collationibus, ideoque post annum ccccxvii. & ante annum cccxxx. quo S. AUGUSTINUS obiit die xxviii. Augusti.

S. PRO-

S. PROSPERI EPISTOLA

A D R U F I N U M

D E G R A T I A
E T L I B E R O A R B I T R I O .



Domino, fratri 1 dilectissimo in Christo, & merito venerabili RUFINO 2, PROSPER aeternam salutem in Domino. 3

A Ccepi per communem amicum fraternae erga me sollicitudinis tuae signa, & curam sincerissimae caritatis gratulanter agnovi. Ac nequid maligni rumores, in quantum se auribus tuis subtrahere nequeunt, formidi-

1 Al. omittitur : fratri. 2 Al. Ruffino.

3 Al. salutem. Al. salutem dicit.

midinis tibi aut anxietatis inferant¹, absolvere te ab omni scrupulo, quantum epistolari licuit fermone, curavi: tantum studens omnia plenissima veritate tibi pandere, ut quia non potuisti in totum, quae ab adversantibus disseminantur, audire; per meipsum quæas, quicquid de nobis ad inanem invidiam fertur referturque cognoscere. Sed insinuanda prius sanctitati tuae est qualitas quaestionis, de qua ista nascuntur: quo tibi magis pateat falsitas obloquentium: & videas quam lucem quibus tenebris conentur obducere.

CAP. I. *Pelagianorum error praecipuus*: Gratiam Dei secundum merita hominum dari.

PElagiana igitur haeresis, quo dogmate catholicam fidem destruere adorta sit, & quibus impietatum venenis viscera Ecclesiae, atque ipsa vitalia corporis Christi voluerit occupare, notiora sunt quam ut opere narrationis indigeant. Ex his tamen una est blasphemia, nequissimum & subtilissimum germen aliarum, quae dicunt, GRATIAM

DEI

¹ Al. *inferrent*.

DEI SECUNDUM MERITA HOMINUM DARI. Cum enim primum ¹ tantam naturae humanae vellent adstruere sanitatem, ut per solum liberum arbitrium posset ² assequi Dei regnum: eo quod tam plene ³ ipso conditionis suae praesidio juvaretur, ut habens naturaliter rationalem intellectum, facile bonum eligeret, malumque vitaret: & ubi in utraque parte libera essent opera voluntatis, non facultatem his qui mali sunt ad bonum deesse, sed studium. Cum ergo, ut dixi totam iustitiam hominis ex naturali vellent rectitudine ac possibilitate subsistere, atque hanc definitionem ⁴ doctrina sana respueret, damnatum a catholicis sensum, & ⁵ multis postea haereticae fraudis varietatibus ⁶ coloratum, hoc apud se ingenio servaverunt, ut ad incipiendum, & ad proficiendum, & ad perseverandum in bono necessariam homini Dei gratiam profiterentur.

TOM. III.

C

CAP. II.

1 Al. om. primum. 2 Al. possit. 3 Al. plane.

4 Al. diffinitionem. 5 Al. om. &.

6 Al. vanitatibus.

C A P. II. *Fallacia professionis Pelagianae de necessitate Gratiae detegitur.*

S Ed in hac professione , quo ¹ dolo vasa irae molirentur irrepere , ipsa Dei gratia ² vasis misericordiae revelavit : intellectum est enim , saluberrimeque perspectum , hoc tantum eos de gratia confiteri , quod quaedam libero arbitrio sit magistra , seque per cohortationes , per legem , per doctrinam , per creaturarum contemplationem ³ , per miracula , perque terrores extrinsecus iudicio ejus ostendat ⁴ , quo unusquisque secundum voluntatis suae motum , si quaesierit , inveniat : si petierit , accipiat ⁵ : si pulsaverit , introeat . Quia scilicet gratiae ipsius vocatio hoc primum circa nos agat , ut nostrae facultatis arbitrium admoneat , nec aliud sit gratia , quam lex , quam propheta , quam doctor , cui circa omnes homines per universum mundum commune & generale sit studium , ut qui voluerint credant , & qui crediderint ,

¹ Al. quod dolo . Al. quomodo . ² Al. in vasis .

³ Al. per creaturam , per contemplationem .

⁴ Al. ostendet . ⁵ Al. recipiat .

derint , justificationem merito fidei & bonae voluntatis accipiant : ac si gratia Dei secundum hominum meritum tribuatur : atque hoc modo gratia non sit gratia : quia si meritis redditur , & non ipsa est bonorum creatrix , frustra gratia nominatur .

C A P. III. *Pelagianorum versutiae deprehensae.*
S. AUGUSTINI *adversus eos doctrina non solum*
a Romana & Africana Ecclesia, sed per omnes
mundi partes probata. Ejus obtretractores occul-
ti in apertum certamen provocantur.

HAs autem versutias, quibus se filii tenebrarum, in similitudinem filiorum lucis transfigurare voluerant, cum & Orientalium Episcoporum judicia, & Apostolicae Sedis auctoritas, & Africanorum conciliorum vigilantia deprehenderit: beatissimus quoque AUGUSTINUS, praecipua utique in hoc tempore portio domini sacerdotum, copiose, & pulchre², in multis voluminum disputationibus destruxerit³, utpote inter multa Dei dona, quibus illum abundantissime spiritus veritatis implevit, ha-

C₂ benis

1 Al. *ac sic*. 2 Al. *copiosu & pulchra*.

3 Al. in multorum voluminum disputatione destruxit.

28. S. PROSPERI EPISTOLA

bens etiam hanc scientiae & sapientiae ex Dei caritate virtutem, ut non solum istam adhuc in suis detruncationibus palpitantem, sed etiam multas prius haereses invicto verbi gladio debellaret. Cui inter tot certaminum palmas, inter tot triumphorum coronas, ad illuminationem Ecclesiae, & ad gloriam Christi, qua ipse illustratus est, perfulgenti, quidam nostrorum (quod de ipsis multum¹ dolendum est) occultis, sed non incognitis susurrantibus obloquuntur. Et prout sibi obnoxias aliquorum aures opportunasque repperint, scripta² ejus, quibus error Pelagianorum impugnatur, infamant: dicentes, eum liberum arbitrium penitus submovere, & sub gratiae nomine necessitatem praedicare fatalem. Adjicientes etiam duas illum humani generis massas, & duas credi velle naturas: ut scilicet tantae pietatis viro Pagano- rum, & Manichaeorum adscribatur impietas. Quae si vera sunt, cur ipsi tam negligentes, ne dicam tam impii, sunt, ut tam abruptam perniciem ab Ecclesia non repellant? tam insanis praedicationibus

¹ Al. om. *multam* & additur post vocem *occultis*.

² Al. *scripturas*.

nibus non resistent ? nec saltem aliquibus scriptis eum , a quo talis emanat doctrina , convenient ? Magna enim gloria sua humano generi consuluerint , si AUGUSTINUM ab errore revocaverint : nisi forte modesti homines , novique censores , magnorum prius meritorum seni honorabiliter ac misericorditer parcunt , & securi , quia libros ejus nemo usquam recipiat , conquiescunt , atque ¹ ignoverint . Immo noverint , non solum Romanam , Africanamque ecclesiam , & per omnes mundi partes universos promissionis filios cum doctrina hujus viri , sicut ² in tota fide , ita in gratiae confessione congruere ; sed etiam in ipsis his locis , in quibus adversus eum querimonia concitatur , esse , propitio Deo , plurimos , qui ad perceptionem Evangelicae Apostolicaeque doctrinae saluberrimis ejus disputationibus imbuuntur , & quotidie in membris corporis Christi , in quantum ea ipse multiplicat , dilatantur . Si recte reprehendimur , cur

C 3 non

¹ Al. Atqui non noverint , immo noverunt &c. Al. atque ignoverint . Imo noverunt . ² Al. sicut tota fide .

30 S. PROSPERI EPISTOLA

Non contestanter ¹ arguimur? Si arguendi non sumus, cur occulta obtreccatione mordemur?

CAP. IV. *Rumoris contra PROSPERUM causa. Obtreccatores S. AUGUSTINI quid timidi & occulti. Cassiano auctori Collationum, in quibus adversus AUGUSTINI doctrinam disputatur, respicientiam PROSPER adprecatur.*

Sed quis ² nescit, cur ista privatim de stomacho garriant, & publice de consilio conticescant? Volentes enim in sua iustitia magis, quam in Dei gratia gloriari, moleste ferunt, quod his ³, quae adversum excellentissimae auctoritatis virum, inter multas collationes ⁴ asserueret, resistimus. Nec dubitant, si quam hinc moverint quaestionem, in qualibet frequentia sacerdotum, in qualibet congregatione populorum, centenis sibi beatissimi AUGUSTINI voluminibus obvian- dum. Quae cum cordibus ⁵ audientium manifestare coeperint potentissimam

Chri-

¹ Vox ex Cod. Vat. excepta: sonat quod in Legibus contestato. Al. constanter. ² Al. nesciat. ³ Al. in his. ⁴ Collationum opus a Cassiano editum intellige. Collationem XIII, in qua S. AUGUSTINI doctrina de Gratia Dei impugnatur, primum voce, deinde vero scriptis S. PROSPER confutavit, nempe libro contra Collatorem. ⁵ Al. obviantium.

Christianae fidei veritatem, & de fontibus divini eloquii praesentium animos inundare, quis fidelium, quis piorum, recognitis & commendatis sibi salutis suae causis, amaritudinem istam volet fumosae recipere vanitatis? Ego quidem etiam hoc de divitiis misericordiae Dei¹ spero, quod quos nunc libero falli arbitrio suo, & ab² humilitatis via patitur evagari, non usquequaque, neque in finem sit intelligentia fraudaturus: sed hunc ipsum in longinquiora progressum, ideo ab eo tardius revocari, ut opus gratiae ejus majore gloria celebretur, cum sibi etiam adverantium corda subdiderit, quibus de virtutum studio exortam est periculum, & de morum probitate discrimen. Non quia quisquam carere his debeat, sed quia miserrimus eorum usus est, cum ex naturali putantur facultate³ prodisse, aut ex largitate quidem gratiae, sed aliquo vel boni operis, vel bonae voluntatis merito praecedente venisse.

C 4

CAP.

¹ Al. omittitur: Dei: ² Al. humanitatis.
³ Al. prodesse.

CAP. V. *Auctoritatibus sacrarum scripturarum Pelagianos abuti. Incommutabiles esse, nec posse ulla interpretatione in sensum alium detorqueri auctoritates, quae illos confutant.*

ASferunt quidem haec quibusdam sanctarum scripturarum testimoniis, sed non rationabiliter adsumptis. Ad defensionem enim alicujus definitionis ea promenda sunt, quae alteri intellectui, a quo videtur definitio dissonare; non cedant, & eam regulam, cui sunt aptata, non deserant. Dictum ergo ajunt libero arbitrio utentibus¹: *Venite ad me omnes qui laboratis; & onerati estis, & ego vos reficiam. Tollite jugum meum super vos, & discite a me, quoniam mitis sum & humilis corde, & invenietis requiem animabus vestris. Jugum enim meum suave est, & onus meum leve.* Quod ad omnes homines volunt pertinere, laborantes in incerto istius vitae, oneratosque peccatis: ut qui voluerint mansuetudinem & humilitatem Salvatoris imitari, & jugum mandatorum ejus subire, inveniant requiem animabus² suis in spe³ vitae

¹ Matth. 11. 28.
spem.

² Al. animis. ³ Al. in

tae aeternae : qui autem haec facere noluerint , sua culpa careant salute , quam si voluissent , potuerant ¹ obtinere . Sed audiant & dictum a Domino libero arbitrio utentibus : *Sine me nihil potestis facere* : ² & , *Nemo venit ad me , nisi Pater , qui misit me , adtraxerit eum* : ³ & , *Nemo potest venire ad me , nisi datum ei fuerit a Patre meo* , ⁴ & sicut Pater vivificat mortuos , ita & Filius quos vult vivificat : & , ⁵ *Nemo novit Filium nisi Pater , neque Patrem quis novit nisi Filius , & cui voluerit Filius revelare* . Quae omnia cum sint incommutabilia , & nequeant ulla interpretatione in sensum alium detorqueri , quis ambigat tunc liberum arbitrium cohortationi vocantis obedire , cum in illo gratia Dei effectum credendi obediendique ⁶ generaverit ? Alioquin sufficeret ⁷ moneri hominem , non etiam in ipso novam fieri voluntatem : sicut scriptum est , ⁸ *Praeparatur voluntas a Domino* : & sicut ait Apostolus ⁹ : *Deus est enim ,*

¹ Al. potuerint . Al. potuerunt . ² Joan. 15. 5.
³ Joan. 6. 44. 66. ⁴ Joan. 5. 21. ⁵ Luc. 10.
⁶ Al. generavit . ⁷ Al. sufficere . ⁸ Prov.
⁹ 8. 35. ex versione LXX. ⁹ Philip. 2. 13.

enim, qui operatur in vobis & velle & perficere pro bona voluntate. Pro qua bona voluntate, nisi quam in ipsis operatus est Deus; ut quod donaverat velle; donaret & facere?

CAP. VI. *Exemplum Cornelii centurionis a Pelagianis pro se adlatum, contra ipsos retorquetur. Conversio nostra ad Deum non ex nobis, sed ex Deo est.*

DIcunt etiam ad demonstrandam liberi arbitrii facultatem, magnum in centurione Cornelio exstare documentum: eo quod ante gratiae perceptionem¹ *timens atque orans Deum, eleemosynis, & jejuniis, & orationi spontaneo studio fuerit intentus*: atque ob hoc divino testimonio laudatus, donum regenerationis acceperit; neque intelligunt omnem illam praeparationem Cornelii per Dei gratiam fuisse collatam. Siquidem cum sanctus Petrus per visionem omnigenum² animalium de baptizando Cornelio, ac perinde de omnibus gentibus doceretur, atque ille immundum & indifcretum cibum Judaica observantia recusaret, trina ad eum vox facta³ est, dicens:

¹ *Act. 10. 2.* ² *Al. omne genus.* ³ *Al. sit.*

cens : ¹ *Quae Deus mundavit , tu ne commune dixeris .* Quo satis aperte ostenditur , omnia bona opera , quae in Cornelio praecesserunt , Dei ² gratiam ad emundationem ipsius inchoasse : ut cui Dominus jam impertierat hoc donum , non dubitaret Apostolus conferre sacramentum : ne novae , & necdum revelatae vocationis vacillaret exordium , nisi per ipsa indicia praecedentium studiorum Deum in adsumendis constaret operatum. *Non enim omnium est fides , nec omnes credunt Evangelio : ³ sed qui credunt , Dei aguntur spiritu ; qui non credunt , libero avertuntur arbitrio .* Conversio ergo nostra ad Deum , non ex nobis , sed ex Deo est ; sicut Apostolus dicit ⁴ , *Gratia salvi facti estis per fidem , & hoc non ex vobis , sed Dei donum est : ⁵ & non ex operibus , ne quis glorietur .*

CAP.

¹ Act. 10. 15. ² Al. Dei gratia.

³ 2. Thess. 3. 2. ⁴ Ephes. 2. 8.

⁵ Al. omittitur : &.

36 S. PROSPERI EPISTOLA

CAP. VII. *Justitia hominis vera non nisi per Iesum Christum. Justitiam infidelium non esse justitiam.*

AGnoscat se humana debilitas, & in primo homine universarum generationum damnata successio: & cum mortui vivificantur, cum caeci illuminantur, cum impii justificantur, confiteantur vitam, & lumen, & justitiam suam Jesum Christum: *Et qui gloriatur, in Domino gloriatur*, non in se, qui cum esset impius, & caecus, & mortuus, a liberatore suo gratis accepit & justitiam, & lumen, & vitam. Non enim¹ juste agebat, & aucta est justitia ejus: nec ad Deum gradiebatur, & confirmatus est cursus ejus: nec diligebat Deum, & inflammata est caritas ejus. Sed cum esset sine fide, ac proinde impius, accepit spiritum fidei, & factus est justus: ² *Justus autem ex fide vivit: 3 &: Sine fide nemo potest placere Deo: &: 4 Omne quod non est ex fide, peccatum est: ut scilicet intelligat 5 justitiam infidelium non esse justitiam; quia sordet natura sine gratia.*

CAP.

¹ Al. omittitur: *juste*. ² Rom. 1. 17.

³ Hebr. 11. 6. ⁴ Rom. 14. 23.

⁵ Al. intelligas.

CAP. VIII. *Caritatem & Fidem esse dona Dei. Laudabilia, quae sine caritate sunt, non habere pietatis veritatem, sed similitudinem.*

A Missa quippe naturali innocentia, homo exul ac perditus ambulans sine via, profundiores intrabat errores: sed quaesitus, & inventus, & reportatus est, & in via, quae veritas & vita est, introductus,¹ ac dilectione in Deum, qui illum non diligentem prior dilexit, ignitus² est: sicut dicit beatus Apostolus Ioannes: ³ *Non quasi nos dilexerimus Deum, sed quoniam⁴ ipse dilexit nos: & iterum: Nos ergo diligamus Deum, quoniam Deus prior dilexit nos: & idem dicit: Carissimi, diligamus invicem, quoniam caritas ex Deo est: & omnis qui diligit, ex Deo natus est, & cognoscit Deum. Qui non diligit, non novit Deum: quia Deus caritas est. Cui beatus Paulus congruit, dicens: ⁵ In Christo Jesu, neque circumcisio, neque praeputium valet aliquid: sed fides quae per dilectionem operatur. Unde habetur*

tur

¹ Al. *introducitur ad dilectionem.* ² Al. *agnitus est.* ³ 1. Ioan. 4. v. 7. 8. 10. 19.

⁴ Al. *ipse prior.* ⁵ Galat. 5. 6.

tur haec fides connexa caritati, nisi unde eam ipse monstrat acceptam, dicens¹: *Quia vobis donatum est pro Christo, non solum ut in eum credatis, sed etiam ut pro ipso patiamini?* quod utique fieri sine magna caritate non poterat. Et iterum:² *Caritas Dei diffusa est in cordibus nostris per Spiritum sanctum, qui datus est nobis.* Sine qua caritate Apostolus, quantam fidem, quantamque scientiam, quas virtutes, quae studia, quos labores, nihil prodesse testatur? Quia scilicet multa laudabilia atque miranda possunt in homine reperiri, quae sine caritatis medullis habent quidem pietatis similitudinem, sed non habent veritatem.

C A P. IX. *Nemo caritatis dono inventus est dignus. Gratia justificans non ex bonis meliores, sed ex malis bonos facit; & liberum arbitrium liberat non adimit.*

Hoc ergo tanto & tam ineffabili bono, nemo inventus est dignus; sed quicumque electus est a Deo, factus est dignus: sicut dicit Apostolus: ³ *Gratias agentes Patri, qui dignos nos fecit in partem*

¹ Philip. 1. 29.

² Ad Rom. 5. 5.

³ Coloss. 1. 3.

tem sortis sanctorum in lumine, qui eripuit nos de potestate tenebrarum, & transtulit in regnum filii dilectionis suae. Et idem ad Timotheum: ¹ Conlabora, inquit, Evangelio secundum virtutem Dei, qui nos liberavit & vocavit vocatione sancta: non secundum opera nostra, sed secundum suum propositum, & gratiam, quae data est nobis in Christo Jesu ante tempora saecularia. Et ad Titum: ² Eramus, inquit, & nos aliquando insipientes & increduli, errantes, & servientes desideriis & voluptatibus variis, in malitia & invidia agentes, odibiles, odientes invicem. Cum autem benignitas & humanitas apparuit Salvatoris nostri, non ex operibus iustitiae, quae fecimus ³, sed secundum suam misericordiam salvos nos fecit. Gratia igitur Dei quoscunque justificat, non ex bonis meliores, sed ex malis bonos facit; postea per profectum, ex bonis factura ⁴ meliores: non adempto libero arbitrio, sed liberato. Quod donec sine Deo solum fuit, mortuum fuit iustitiae, vixitque peccato; ubi autem ipsum ⁵ illuminavit misericordia Christi, erutum est a regno diaboli,

¹ 2. Tim. 1. 8. ² Tit. 3. 3. ³ Al. quae fecimus nos. ⁴ Al. facit. ⁵ Al. cum.

boli, & factum est regnum Dei, in quo ut permanere possit, ne ea quidem facultate sufficit sibi, nisi inde accipiat perseverantiam, unde accepit industriam.

CAP. X. *Perseverantiam esse donum Dei, tum ex Christi Domini precibus pro fide Petri, tum ex ipsius Petri lapsu, cum in se ipso nimium confideret, comprobatur.*

QUoniam & ipsius sancti Petri ardentissima fides in tentationibus defecisset, nisi pro ¹ eo Dominus supplicasset, sicut Evangelista manifestat, dicens: *Dixit autem Jesus Petro: ² Simon Simon, ecce Satanas postulavit, ut vos cribraret velut triticum. Ego autem rogavi pro te, ne deficiat fides tua: & tu tandem conversus, confirma fratres tuos, & roga, ne intretis in tentationem.* Et ut magis probaretur, liberum arbitrium nihil posse sine gratia: cui dictum fuerat, *Confirma fratres tuos, & roga ne intretis in tentationem: quique responderat ³ utique ex libero arbitrio: ⁴ Domine tecum paratus*

¹ Al. pro ea. ² Lucæ 22. 31. & 32.

³ Al. respondit.

⁴ Lucæ 22. 34.

tus sum & in carcerem, & in mortem ire: eidem praedicatur quod priusquam gal-
lus cantet, ter Dominum negaturus sit.
Quod quid est aliud, quam quod in fide
defecturus sit? Certe rogaverat pro eo
Dominus ne deficeret fides ipsius. Nec
utique frustra rogaverat, cuius una erat
cum eo, quem rogaverat, operatio. Sed
ne libero arbitrio videretur stare, qui de
se magna promiserat, permittitur peri-
clitari, ut conturbatum ac deficientem
ille respiciat & reficiat, sine quo nemo
consistit, nemo persistit.

CAP. XI. *Causam male sentiendi de Gratia esse
horrorem praedestinationis definitae & grati-
tae. Impium esse talem praedestinationem negare.*

AB hac autem confessione gratiae Dei,
ideo quidam resiliunt, ne cum eam
talem confessi fuerint, qualis divino elo-
quio praedicatur, & qualis opere suae
potestatis agnoscitur, etiam hoc necesse
habeant confiteri, quod ex omni nume-
ro hominum per saecula cuncta natorum,
certus apud Deum, definitusque sit nu-
merus praedestinati in vitam aeternam
populi, & secundum propositum Dei
vocantis electi. Quod quidem tam im-

pium est negare , quam ipsi gratiae contrahere . Neque enim remotum est ab inspectione communi , quot saeculis , quam innumera hominum millia , & erroribus ¹ suis impietatibusque dimissa, sine ulla veri Dei cognitione ² defecerint . Sicut etiam in Actibus Apostolorum , Pauli & Barnabae verba declarant , dicentium ³ Li-caoniis ⁴ : *Viri fratres , quid haec facitis ?* *Et nos mortales sumus similes vobis homines , adnuntiantes vobis , ut ab his vanis convertamini ad Deum vivum , qui fecit coelum Et terram , mare , Et omnia quae in eis sunt : qui in praeteritis generationibus dimisit omnes gentes ingredi vias suas . Et quidem ⁵ non sine testimonio semetipsum relinquens , benefaciens eis , de coelo dans pluviam , Et tempora fructifera , implens cibo Et laetitia corda ⁶ vestra . Cum utique si eis vel naturalis intelligentia , vel usus beneficiorum Dei ad capeffendam vitam aeternam sufficere potuisset , nostro etiam tempore rationalis nos contemplatio , & temperies aeris , & fructuum copia ciborumque salvaret : quia scilicet*

me-

¹ Al. omittitur : Et . ² Al. cogitatione .

³ Al. Iconiis . ⁴ Act. 14. 14. ⁵ Al. omittitur : non . ⁶ Al. eorum .

melius natura utentes, Creatorem nostrum propter quotidiana ipsius dona coleremus.

CAP. XII. *Neminem salvavi nisi per Gratiam. Praedestinationis gratuita ineluctabile argumentum esse parvulos, qui baptismo renati ante rationis usum moriuntur.*

Sed absit ab animis piorum, & Christi sanguine redemptorum, stultitiam & perniciosam persuasio. Naturam humanam¹ non liberat extra unum mediatorem Dei & hominum, hominem Christum Jesum; sine illo nemini salus est. *Sicut ipse fecit nos, & non ipsi nos*²; ita ipse reficit³ nos, & non ipsi nos. Ac ne sibi facultas hominis precium reparationis huius, vel post restitutionem sui, per opera videretur iustitiae repensare, effuderunt se divitiae bonitatis Dei in ipsa, quorundam primordia parvulorum, in quibus nec praecedens eligitur, nec sequutura devotio, non obedientia, non discretio, non voluntas. De his enim loquor, qui mox ut nati sunt, renascuntur.

D 2

¹ Al. *Naturam humanam natura humana non liberat: extra unum . . . nemini salus est.*

² Ps. 99. 3. ³ Al. *reficit.*

44 S. PROSPERI EPISTOLA

scuntur, & rapti ab hac vita aeternae beatitudini deputantur. Cum tamen innumerabilis multitudo, ejusdem naturae, ejusdem conditionis infantium, sine regeneratione decedat; de qua dubitari non potest, quod partem in Dei civitate non habeat.

CAP. XIII. *Qua ratione dictum sit quod Deus vult omnes homines salvos fieri.*

ET ubi est illud, quod nobis quasi contrarium, a non intelligentibus semper opponitur¹: quod² *Deus omnes homines velit salvos fieri, & ad agnitionem veritatis venire?* Numquid non sunt de omnibus hominibus, qui a praeteritis generationibus usque in hoc tempus sine Dei cognitione perierunt? Et si majoribus natu (quod non recte dicitur) mala opera, quae libero arbitrio commiserant, obfuerunt; quasi boni, non mali gratia liberentur: inter salvatos parvulos, & non salvatos parvulos quae meritum potuit esse discretio? quid istos introduxit in regnum Dei? quid istos exclusit a Dei regno? Equidem
 si me-

¹ Al. *opponitur de eo quod scriptum est: Qui vult omnes &* ² 1. Tim. 2. 4.

si meritum ¹ consideres, non una pars salvari meruit, sed utraque damnari: quia omnibus in Adae praevaricatione prostratis, nisi quosdam adsumeret misericors gratia, maneret super universos inculpata iustitia. Quae autem sit discretionis istius in secreto consilio Dei causa vel ratio, & supra facultatem humanae cognitionis inquiritur, & si ne fidei diminutione nescitur: modo confiteamur neminem immerito perdi, neminem merito liberari, & omnipotentissimam Domini bonitatem omnes salvare, & omnes ad agnitionem veritatis imbuere, quos *vult omnes fieri salvos, & ad agnitionem veritatis venire*. Nisi enim ipso vocante, docente, salvante, nemo venit, nemo eruditur, nemo salvatur. Quia etsi indifferenter omnibus hominibus jubentur praedicare doctores, & semen verbi ubique differere, tamen ² *neque qui plantat, neque qui rigat est aliquid, sed qui incrementum dat Deus*.

CAP.

¹ Al. meritorum donum. ² 1. Cor. 3. 7.

CAP. XIV. *Gratiam dari gratuito confirmatur
ex historia praedicationis evangelii per Apostolos.*

UNde cum Apostoli gentibus Evangelium praedicare coepissent, de parte quadam eorum qui audierant, Scriptura commemorat, dicens ¹: *Audientes autem gentes gavisae sunt, & glorificabant verbum Dei* ², *& crediderunt quotquot erant praecordinati ad vitam aeternam.* Et alibi, cum multae mulieres audirent Paulum docentem ³: *Quaedam, inquit, mulier nomine Lydia, purpuraria civitatis Tyatirorum* ⁴, *colens Deum, audivit, cujus Dominus aperuit cor ut intenderet his, quae dicebantur a Paulo.* Et rursus eo ipso tempore, quo ad omnes gentes praedicationis Evangelii mittebatur, quaedam loca Apostolis adire prohibentur ⁵ ab eo, *qui vult omnes homines salvos fieri, & ad agnitionem veritatis venire*: multis utique in illa retardatis atque averfis Evangelii mora, sine agnitione veritatis, & sine regenerationis consecratione ⁶ morituris. Dicat ergo Scriptura quod gestum est:

¹ Act. 13. 48. ² Al. *Dominus*. ³ Act. 16. 14. 36.
⁴ Al. *Tiatyrenorum*. ⁵ Al. *Apostolis adire prohibebatur*. ⁶ Al. *sine regeneratione consecrationis*.

est: *Transseuntes autem, inquit, Phrygiam & Galatiae regionem, vetiti sunt a sancto Spiritu loqui verbum in Asia. Cum venissent autem in Mysiam, tentabant ire in Bithyniam, & non permisit illos spiritus Jesu. Quid autem mirum, si inter ipsa Evangelicae praedicationis exordia, non poterant ire Apostoli, nisi quo eos spiritus Dei ire voluisset, cum videamus plerasque gentes modo primum Christianae gratiae fieri coepisse participes, alias autem nullum adhuc odorem boni istius attigisse?*

CAP. XV. *Affectum ad obediendum Evangelio, & constantiam in eo praedicando dari a Deo. Certum esse apud Deum numerum praedestinatorum.*

AN dicendum est, voluntati Dei humanas obfistere voluntates, & tam feros tamque intractabiles horum hominum esse mores, ut Evangelium ideo non audiant, quia praedicationi impia corda non pateant? Et quis ¹ istis corda mutavit, nisi ² qui finxit singillatim corda eorum? Quis hujus rigoris duriciem ad obediendi mollivit affectum, ³ nisi qui
po.

¹ Al. est quis. ² Ps. 32. 15. ³ Matth. 3. 9.

48 S. PROSPERI EPISTOLA

potens est de lapidibus Abrahae filios excitare? Et quis dabit praedicantibus intrepidam illaesaque constantiam, nisi ille qui ait Paulo¹: Noli timere, sed loquere, & ne taceas; propter quod ego sum tecum, & nemo apponetur tibi ut noceat te: quoniam populus est mihi multus in hac civitate? Puto autem quod nemo audeat dicere ullam mundi gentem, ullam terrae praetermittendam esse regionem, in qua non sint Ecclesiae tabernacula dilatanda, dicente Deo ad Filium²: Postula a me, & dabo tibi gentes hereditatem tuam, & possessionem tuam terminos terrae: & iterum³: Reminiscentur & convertentur ad Dominum universi fines terrae, & adorabunt in conspectu ejus omnes patriae gentium: dicente quoque ipso Domino⁴: Praedicabitur hoc Evangelium in universo mundo in testimonium omnibus gentibus, & tunc veniet finis. Quaecumque ergo gentes nondum audierunt, audient Evangelium, & credent quotquot ex eis praedicti sunt in vitam aeternam. Non enim alii venient in consortium hereditatis Christi

¹ Act. 18. 9. ² Psal. 2. 8. ³ Psalm. 21. 28.
⁴ Matth. 24. 14.

Christi, quam qui ante constitutionem mundi electi sunt, & praedestinati, atque praesciti, *secundum propositum ejus, qui omnia operatur secundum consilium voluntatis suae.*¹

CAP. XVI. *Patienter ferendum quod Praedestinationis mysterium occultum sit. Hanc ignorantiam Sanctis non nocuisse, nec nostrae spei obesse.*

COnfiteamur igitur opera Domini, & glorificemus misericordias ejus. Nec impatienter feramus, quod quae aut quanta sint electionis vasa non novimus. Quia & in anterioribus saeculis, quando de unius gentis populo dicebatur²: *Notus in Judaea Deus, in Israel magnum nomen ejus: futura gentium latebat electio, & postmodum innotuit, quod revelatum ante non fuerat, sicut dicit Apostolus*³: *Quod aliis generationibus non est agnitum filiis hominum, sicut nunc revelatum est sanctis Apostolis ejus, & Prophetis in spiritu, esse gentes coheredes, & concorporales, & participes promissionis in Christo Jesu.* Et in Actibus Apostolo-
 Tom.III. E rum:

¹ Ephes. 1. 11. ² Psalm. 75. 2. ³ Ephes. 1. 11.

rum¹: *Obstupuerunt, inquit, ex circum-*
cisione fideles, qui venerant cum Petro,
quia & in nationes gratia Spiritus sancti
effusa est. Si enim hoc consilium vocatio-
 nis suae Dominus, quamdiu voluit, ab-
 scudit ac distulit, & quando voluit re-
 velavit, sanctisque ejus ignorantia ista
 non nocuit: cur spei nostrae obesse cre-
 dimus, si, in quo numero, quibusve ho-
 minibus vasa misericordiae in gloriam
 praeparentur², occulitur? cum tamen
 constet regnum coelorum omnes ingres-
 suos bonos, hoc eis donante Dei gratia:
 & nullos ingressuros malos, hoc ipsorum
 merente nequitia.

CAP. XVII. *Inepte obici, quod Gratia, quae do-*
nat & bene velle, & bene agere, liberum arbi-
trium destruit. Hominem sibi sufficere ad malum;
a gratia autem sanari, & Deo non sibi suam sa-
nitatem referre debere.

Nimium vero inepte, nimiumque
 inconsiderate ab adversantibus di-
 citur, quod per hanc Dei gratiam libero
 nihil relinquatur arbitrio. Quamvis enim
 in parvulis baptismum transeuntibus, ma-
 nifestissime nullum opus, nullusque appē-
 titus

¹ Al. 10. 45.

² Al. praeparantur.

titus eorum voluntatis existat : & plerisque utentes quidem libero arbitrio , sed aversos a vero Deo , vitamque in flagitiis exigentes , liberatrix regeneratio in ipso exhalandi spiritus sine sanctificet : tamen si eam filiorum Dei partem , quae ad pietatis opera reservatur , pio consideramus ¹ intuitu, nonne in eis non peremptum inveniemus liberum arbitrium , sed renatum ? Quod utique cum solum esset, sibi permixtum , non nisi in suam perniciem movebatur . Ipsum enim se excaecaverat , & ipsum se illuminare non poterat . Nunc autem idem arbitrium, conversum est, non eversum : & donatum est ei ² aliter velle , aliter sapere , aliter agere , & incolumitatem suam non in se , sed in ³ medico collocare . Quia necdum tam perfecta utitur sanitate , ut ea quae ei nocuerant , nequeant jam nocere : aut ab insalubribus ⁴ possit jam , viribus suis, temperare . Proinde homo qui in libero arbitrio fuit malus , in ipso libero arbitrio factus est bonus : sed per se malus , per Deum bonus , qui eum ita in illum initialem honorem alio initio reformavit,

E 2

ut

¹ Al. consideremus. ² Al. omitt. aliter velle.
³ Al. mediatore. ⁴ Al. aut in salubribus.

ut ei non solum culpam malae voluntatis & actionis remitteret, sed etiam bene velle, bene agere, atque in his permanere donaret¹: *Omne enim, inquit Apostolus Jacobus, datum optimum. & omne donum perfectum desursum est, descendens a Patre luminum. Qui quale sit liberum arbitrium, quod humano spiritu agitur, & quale sit quod a Deo regitur, evidenter ostendit, dicens²: Quod si zelum amarum habetis & contentiones in cordibus vestris, nolite gloriari adversum veritatem & mendaces esse. Non est ista sapientia desursum descendens, sed terrena, animalis, diabolica. Ubi enim zelus & contentio, ibi inconstantia & omne opus pravam. Quae autem desursum est sapientia, primum quidem pudica est, deinde pacifica, inodesta, suadibilis, plena misericordia & fructibus bonis, non dijudicans, sine³ simulatione. Quicumque ergo his virtutibus student atque inhaerent, non sua, sed superna sapientia illustrati sunt⁴: Quoniam Dominus dat sapientiam, & a facie ejus scientia & intellectus. Et haec*

co-

¹ Jacob. 1. 17. ² Jacob. 3. 14. &c. ³ Al.
secundum simulationem. ⁴ Prov. 1. 6.

eorum verissima ¹ gloria est, si non in se, sed in Domino gloriantur.

CAP. XVIII. S. AUGUSTINO per calumniam affingi quod fatum, & duplicem naturam inducat. Nihil fato geri, sed omnia Dei iudicio ordinari. Unam esse naturam, sed quae ad rectitudinem, a qua per se discessit, per solam gratiam reformari potest. Gratiae in liberum arbitrium virtus.

EA autem quae de fato, & de duabus massis, duabusque naturis stultissimo mendacio, in tanti ² viri iniuriam jactitantur, neque ipsum quidem onerant, in cujus libris copiosissime hujusmodi destruuntur ³ doctores, & errores: nec nos perturbant, qui tales opiniones cum suis auctoribus execramur. Sed videant quomodo se a dedecore istius exuant falsitatis, qui possunt tam inepta confingere, si hi, quorum abutuntur ⁴ auribus, aliquantulum diligentiae ad cognoscenda ea quae praestantissimus ⁵ minister gratiae disputavit, intenderint: licet omnem istius inquisitionis moram, ipsi, qui haec loquuntur, praevenire.

E 3

de-

¹ Al. verissimè. ² Al. intenti viri iniuriae jactitant. ³ Al. omittitur: doctores. ⁴ Al. imbutuntur aures. ⁵ Al. magister.

94 S PROSPERI EPISTOLA

deberent, proferendo atque explicando libros, ullamve eorum particulam demonstrando, quam, per dubium saltem, intellectum tali interpretationi obnoxium Vir sanctus ediderit. Sed prorsus nihil apud nos tale audierunt, nihil tale legerunt: quia non fato quicquam geri, sed omnia Dei iudicio novimus ordinari. Nec ex duabus massis, duabusve naturis, sed ex una massa, quae est caro primi hominis, unam scimus omnium hominum creatam, creatique naturam: & eandem per ipsius primi hominis liberum arbitrium, ¹ *in quo omnes peccaverunt*, esse prostratam: nec ullo modo ab aeternae mortis debito liberam, nisi eam ad imaginem Dei ² secundae creationis Christi gratia reformaverit ³, liberumque ejus arbitrium agendo, ⁴ adspirando, auxiliando, & usque in finem praeundo servaverit.

CAP.

¹ Rom. 5. 12. ² Al. *secunda*. ³ Al. *reformaret*. ⁴ Al. *spirando*. Al. *sperando*.

CAP. XIX. *Veritatem doctrinae S. AUGUSTINI ex contradictione inclarescere. Claudis S. PROSPER epistolam hortando Rufinum, ut ipsos S. Doctores libros legat.*

UNde quia perspicit Sanctitas tua (si tamen sermonis mei non obsistit obscuritas) frustra quosdam de nobis conqueri, & omnes illas ineptas quaestiones, vel ¹ criminationes, ad exasperandos avertendosque animos eorum, quibus aliud volunt persuadere, contexi: confide ² ergo in virtute ³ misericordiae Dei, quoniam haec contradictio sicut in aliis mundi partibus, ita & in his regionibus conquiescet: ut praedicatio summi hoc tempore in Ecclesia viri, etiam ab his a quibus ad praesens ⁴ refellitur, adjuvetur. Tu autem dilectissime & venerandissime mihi frater, si vere de his quaestionibus instrui desideras, sicut desiderare te convenit, ipsis beati Augustini disputationibus cognoscendis impende,

E 4 cu-

¹ Al. &. Al. omittitur: quaestiones. ² Al. confido ego. ³ Al. in virtutem. ⁴ Al. revelatur.

56 S. PROSPERI EPISTOLA

curam, ut in confitenda Dei gratia defecatifsimam ac saluberrimam Evangelicae Apostolicaeque doctrinae intelligentiam consequaris.

Gratia Dei & pax Domini nostri Jesu Christi custodiat te in omni tempore, & per viam veritatis dirigat in vitam aeternam.



S. PROSPERI
LIBER
RESPONSIONUM
AD CAPITULA GALLORUM.

Pres-



PResbyteri quidam Galli, forte ex Massiliensibus, ut doctrinam S. AUGUSTINI de Gratia in odium adducerent, loca quaedam ex ejus libris, praecipue vero ex libro *de Praedestinatione Sanctorum*, in indiculum digesta disseminabant in vulgus, praefixo illis invidioso titulo: *Capitula damnationis*. Haec ex contextu avulsa, & compositis verbis conclusa, a sensu, quem in ipsis libris habent, quam maxime distabant; qua de re S. PROSPER, ut calumniam removeret, singulis capitulis respondit, & quidem S. FULGENTIO iudice cap. 30. libri primi ad Monimum; *recta Fide, & copioso sermone*, ostendens ex ipsomet AUGUSTINO qui nam verus, & sincerus esset librorum illius sensus. Edidit hoc scriptum S. PROSPER S. AUGUSTINO jam mortuo, ut ex praefatione constat, ubi *Santisae memoriae Episcopum* cum vocat.

S. PROSPERI
RESPONSIONES
AD CAPITULA GALLORUM



PRAEFATIO.

DOctrinam, quam sanctae memoriae AUGUSTINUS Episcopus contra Pelagianos, inimicos gratiae Christi, & liberi arbitrii ¹ decomptores, per multos annos Apostolice asseruit, litterisque mandavit, quibusdam visum est aut non intelligendo, aut ² intelligi eam nolendo, reprehendere. Et

¹ Seu, decomptores: vox metaphorica, ducta, ut ferunt, ab iis, qui nimiam curam dant comae componendae; atque adeo ducta est a militia in qua Comites, Comptores, seu Comtores. Al. defensores. Al. deceptores. ² Al. aut eam intelligere. Al. aut etiam.

60 S. PROSPERI RESPONSIONES

Et hoc quasi compendium cognitionis his, qui iudicio eorum ducebantur, afferre: ut quae in libris praedicti viri damnabilia se reperisse jactabant, brevium capitulorum indiculis¹ publicarent: talique commento & detestationem ejus, quem impeterent, obtinerent²; & ab his, quae infamassent, curam exterriti lectoris averterent. Ne ergo hanc persuasionem temere quis recipiat, & talem putet sensum scriptis catholici inesse doctoris, qualem eum, qui frustra calumniantur,³ ostendant, singulis capitulis, quae⁴ damnationis⁵ titulo praenotarunt, brevi & absoluta professione respondeo, in nullo recedens a tramite earum definitionum, quae in sancti viri disputationibus continentur: ut facile vel tenuis diligentiae advertat inspector, quam injustis opprobriis catholici praedicatoris memoria carpatur: & in quod peccatum cadant⁶, qui aliena instigatione commoti, scriptorem celeberrimi nominis⁷ promptius⁸ habeant culpae, quam nosse.

CA-

¹ Al. praedicarent. ² Al. detinerent. ³ Al. ostendunt. ⁴ Al. rationis. ⁵ Al. capitulo.
⁶ Al. cadunt. ⁷ Al. potius. ⁸ Al. habent.

AD CAPITULA GALLORUM. 61
CAPITULA CALUMNIANTIVM
QUIBUS SINGVLIS RESPONDETUR.

C A P I T U L U M I.

OBIECTIO. *Quod ex praedestinatione Dei, velut fatali necessitate, homines ad peccata compulsi, cogantur in mortem.*

RESPONSIO. Praedestinationem Dei nullus catholicus ¹ Christianus negat: fatalem autem necessitatem, multi etiam non Christiani refutant. Peccatum ergo ad mortem trahit, sed ad peccandum neminem Deus cogit ²: *Nemini enim mandavit impie agere: &, ³ Odisti Domine omnes qui operantur iniquitatem: perdes ⁴ eos qui loquuntur mendacium.* Proinde qui praedestinationis nomine fatum praedicat, tam non est probandus, quam qui fati nomine veritatem praedestinationis infamat. Fati enim opinio vana est, & de falsitate concepta. Praedestina-

natio-

¹ Al. omittitur: *Christianus*, ² Eccl. 15. 21.

³ *Psalm. 5. 7.* ⁴ Al. *odit . . . perdet*. Al. *perdet eos, qui &c.* omissa voce, *perdes*.

62 S. PROSPERI RESPONSIONES

nationis autem fides , multa sanctarum auctoritate scripturarum ¹ munita est : cui nullo modo fas est ea , quae ab hominibus male aguntur , adscribi , qui in proclivitatem ² cadendi non ex conditione Dei , sed ex primi patris praevaricatione venerunt . De ³ huius poena nemo liberatur , nisi per gratiam Domini nostri Jesu Christi , praeparatam & praedestinatam in aeterno consilio Dei ante constitutionem mundi .

C A P I T U L U M II.

OBIECTIO . *Quod ab eis , qui non sunt praedestinati ad vitam , non aufert ⁴ percepta baptismi gratia originale peccatum.*

RESPONSIO . Omnis homo , qui credens in Patrem & Filium & Spiritum sanctum regeneratur in baptismo , ⁵ tam a propriis peccatis , quae mala voluntate & actione contraxit , quam ab originali , quod

¹ Al. *fulta* . ² Al. *in improbitatem* . Al. *improbitate* . ³ Al. *cujus* . ⁴ Al. *aufert* . ⁵ Al. *inverso ordine . tam ab originalibus , quam a propriis peccatis &c.*

quod a parentibus traxit , absolvitur . Sed ¹ relapsus post baptismum ad infidelitatem & impios mores , qui negat originali peccato fuisse purgatum , tam falsa ² opinatur , quam qui eundem adferit , non aeterna morte esse damnandum . Qui enim recedit a Christo , & ³ alienatus a gratia finit hanc vitam , quid nisi in perditionem cadit ? Sed non in id ⁴ , quod remissum ⁵ est , recidit , nec ⁶ in originali peccato damnabitur : qui tamen propter postrema crimina ea morte afficietur , quae ei propter illa quae remissa sunt , debebatur . Quod quia Dei praescientiam nec latuit , nec fefellit : sine dubio talem numquam elegit , numquam praedestinavit , & perituum numquam ab aeterna ⁷ perditione discrevit .

CA-

¹ Al. Sed relapsus . . . originale peccatum fuisse purgatum . ² Al. falso . ³ Al. alienus .
⁴ Al. Sed si &c. Al. in quod . ⁵ Al. repromissum .
⁶ Al. nec jam originali . ⁷ Al. damnatione .

CAPITULUM III.

OBIECTIO. *Quod non praedestinati¹ ad vitam, etiam si fuerint in Christo per baptismum regenerati, & pie iusteque vixerint, nihil profit; sed tamdiu² reservantur, donec ruant & pereant: nec ante eos ex hac vita, quam hoc eis contingat, auferri.*

RESPONSIO. A sanctitate ad immunditiam, a iustitia ad iniquitatem, a fide ad impietatem plerosque³ transire non dubium est: & ad tales⁴ praedestinationem filiorum Dei, ⁵ & coheredum Christi, non pertinere certissimum est. Quod⁶ ergo huiusmodi in haec prolapsi mala, sine correctione poenitentiae defecerunt, non ex eo necessitatem pereundi habuerunt, quia⁷ praedestinati non sunt: sed ideo praedestinati non sunt, quia tales futuri ex voluntaria praevaricatione praesciti sunt. Quod autem illos

¹ Al. *Quod non praedestinati . . . nihil eis profit.*

² Al. *reserventur.* ³ Al. *transferri.* ⁴ Al. *& tales ad praedestinationem &c.* ⁵ Al. *omittitur:*
&c. ⁶ Al. *Qui.* ⁷ Al. *quod.*

los non eo tempore, quo in fide recta & bonis moribus erant, ab hac vita Deus abstulit: ad occulta ejus judicia, quae tamen numquam sunt injusta, referendum est. Quis enim nesciat intra unam conditionem mortalitatis humanae, ab unius horae infantia, ¹ usque ad annosissimam senectutem, exitus morientium, impari aetatis sine variari? neque cujusquam animam vel citius vel tardius, quam Deus voluerit, a corpore quod ² vivificat, abscedere? Si ergo aliquis ³ in vitae suae longitudine deseruit Deum, bono, quod erat ex Deo, male usus est. Nam longaevitae ⁴ non est nisi ex Deo. Et quod ex Deo est, non nisi bonum est: & quod bonum est, mali causa non est. Non itaque recte opinatur, qui putat ⁵ prorogatorem vitae, lapsuris auctorem esse peccati: cum uti que non peccatum sit diu vivere, sed male vivere: quod etiam in paucorum annorum aetate fieri potest. Igitur sicut bona opera ad inspiratorem eorum Deum, ita mala ad eos

Tom. III. F sunt

1 Al. omittitur: usque. Al. novissimam.

2 Al. e corpore. Al. vivificabat. 3 Al. alius.

4 Al. longaevi aetas. 5 Al. praerogatorem.

66 S. PROSPERI RESPONSIONES

sunt referenda qui peccant. Non enim relictī sunt a Deo, ut relinquerent Deum: sed reliquerunt & relictī sunt, & ex bono in malum propria voluntate mutati sunt. Atque ab hoc¹ licet fuerint renati, fuerint iustificati, ab eo tamen qui illos tales praeſcivit, non sunt praeſtīnati.

CAPITULUM IV.

OBIECTIO. *Quod non omnes homines² vocentur ad gratiam.*

RESPONSIO. Non omnes vocari ad gratiam eos, quibus³ omnibus Evangelium praedicatur, non recte dicitur, etiamsi sint qui Evangelio non obediunt⁴: nisi ad eos respiciatur, quibus nondum sacramentum crucis Christi, & redemptio sanguinis ejus innotuit. Quia etiamsi constaret, quod jam in universis nationibus, & omnibus finibus terrae totus mundus Evangelium recepisset⁵ (quod utique

¹ Al. ob hoc.

² Al. omittitur: homines.

³ Al. omittitur: omnibus.

⁴ Al. obaudiant.

⁵ Al. suscepisset.

que futurum verissime praenuntia¹um est) non esset tamen dubium, a tempore resurrectionis Domini usque ad praesentem aetatem fuisse homines, qui ab hac vita sine Evangelii cognitione² transierint: de³ quibus dici possit, quod vocati non sint, quia nec spem vocationis audierint. Quod si quisquam hanc vocationis plenariam generalitatem, ita semper asserit celebratam, ut ab adfensione Domini in⁴ coelum, ne unus quidem annus effluerit, intra quem non ad omnes praedicatio missa pervenerit; videat⁵ quomodo tunc Asianos vocatos probet, quando⁶ Apostoli (sicut scriptum est) vetiti sunt a Spiritu sancto, loqui verbum⁷ Dei in Asia; aut Bithynios, ad quos iidem Apostoli tentabant ire, & non permisit eos Spiritus⁸ Jesu. Videat etiam quomodo tueatur denuntiationem ipsius Veritatis, dicentis: *8. Praedicabitur hoc Evangelium⁹ regni in universo orbe in testimonium omnibus gentibus;*

F 2

Et tunc

¹ Al. transferunt. ² Al. ex. ³ Al. in coelos.
⁴ Al. videat etiam. ⁵ Act. 16. 6. & 7. ⁶ Al. Domini.
⁷ Al. Spiritus sanctus. ⁸ Matth. 24. 14.
⁹ Al. omittitur; regni.

68 S. PROSPERI RESPONSIONES

Et tunc veniet finis . Nutat namque (quod dici ¹ nefas est) fides verbi , si ante quadringentos annos Evangelio impletus est mundus , & adhuc Domini differtur adventus . Postremo ² respiciat etiam inter Christianos populos tot millia parvulorum , qui ab hac vita sine baptismo transierunt . Tales quomodo ³ probentur vocati , quibus nec plantator praedicare , nec rigator potuit subvenire ?

C A P I T U L U M V.

OBIECTIO . *Quod qui vocati sunt , non aequaliter sunt ⁴ vocati : sed alii ut crederent , alii ut non crederent .*

R ESPONSIO . Si vocatio in Evangelii tantum praedicatione intelligatur , non veraciter dicitur , quod aliis atque aliis , aliter atque aliter praedicetur : cum unus sit Deus , una fides , una regeneratio , una promissio . Si autem ⁴ ad effectum plantationis & rigationis adspicitur , aliud actum est cum eis , quorum exte-

¹ Al. dictu . ² Al. respiciantur . ³ Al. & aliquo modo &c. omissa voce , tales . ⁴ Al. sint .
⁵ Al. Si autem ad effectum .

exteriore aures corporali voce pulsatae sunt: aliud in ¹ eis, quorum interiore sensum Deus aperuit, & in quorum corde posuit fidei fundamentum dilectionis ² fervorem. Quosdam autem, ideo vocatos dicere, ut non crederent, nimis absurdum est: quasi vocatio eis causa infidelitatis exstiterit, & praedicatio fidei fecerit infideles. Quamvis enim dispensatores verbi Dei quibusdam sint, sicut ³ scriptum est ⁴, *odor vitae ad vitam*, quibusdam autem *odor mortis ad mortem*: Deo tamen bonus Christi sunt odor, qui praedicant Christum crucifixum, ⁵ *Judaeis quidem scandalum, Gentibus autem stultitiam*, ipsis autem *vocatis Judaeis & Graecis, Christum Dei virtutem & Dei sapientiam*. Quod ⁶ ergo praedicatus Christus crucifixus, Judaeis erat scandalum, & Gentibus stultitia, humanae voluntatis faciebat aversio. Quod vero ipsis vocatis Judaeis & Graecis, Christus erat Dei virtus & Dei sapientia, divinae gratiae praestabat operatio.

GA-

¹ Al. *eum eis*. ² Al. *dilectionisque*. ³ Al. *ut*.
⁴ 2. Cor. 2. 16. ⁵ 1. Cor. 1. 23. & 24. ⁶ Al.
Quod autem.

CAPITULUM VI.

OBIECTIO. *Quod liberum arbitrium in homine nihil sit : sed sive ad bonum , sive ad malum prae destinatio Dei¹ in hominibus² operatur .*

RESPONSIO . Liberum arbitrium nihil esse , vel non esse , perperam dicitur : sed ante illuminationem fidei in tenebris illud & in umbra mortis agere , non recte negatur . Quoniam priusquam a dominatione diaboli per Dei gratiam liberetur , in illo profundo jacet , in quod se sua libertate demersit . Amat ergo languores suos , & pro sanitate habet , quod aegrotare se nescit , donec prima haec medela conficiatur aegroto , ut incipiat nosse quod langueat , & possit opem³ medici desiderare , qua surgat . Justificatus itaque homo , idest , ex impio pius factus , nullo praecedente bono merito , accipit donum , quo⁴ dono adquirat

¹ Al. omittitur : Dei . ² Al. in omnibus . Al. operetur . ³ Al. opem medicinae . ⁴ Al. quo medio .

quirat & meritum : ut quod in illo inchoatum est per gratiam Christi, etiam per industriam liberi augeatur arbitrii, numquam remoto adjutorio Dei, sine quo nec proficere, nec permanere in bono quisquam potest. Praedestinationem autem Dei sive ad bonum, sive ad malum, in hominibus operari, ¹ impiissime dicitur, ut ad utrumque homines quaedam necessitas videatur impellere : cum in bonis voluntas sit intelligenda de gratia, in malis autem voluntas intelligenda sine gratia.

CAPITULUM VII.

OBIECTIO. *Quod Deus quibusdam filiis suis, quos regeneravit in Christo, quibus fidem, spem, dilectionem dedit, ob hoc non det perseverantiam, quia non sunt a massa perditionis ² praescientia Dei & praedestinatione discreti.*

R. **ESPONSIO.** Ex regeneratis in Christo Jesu, quosdam, relicta fide & piis moribus, apostatate a Deo, & impiam

¹ Al. ineptissime. ² Al. per scientiam Dei & per praedestinationem.

piam vitam in sua averfione finire, multis (quod dolendum est) probatur exemplis. Sed horum ¹ lapsum Deo adscribere, immodicae pravitatis est: quasi ideo ² ruinae ipsorum impulsor atque auctor sit, quia illos ruituros propria ipsorum voluntate praescivit, & ob hoc a filiis perditionis nulla praedestinatione discrevit. Nam quomodo eos haberet praedeterminata in Christo electio, ³ quos discedentes a Christo habitura erat iusta damnatio? Cum autem dubium non sit, donum ⁴ Dei esse perseverantiam in bono usque ⁵ ad finem, quam istos ⁶ ex eo ipso, quod non perseveraverunt, non habuisse manifestum est: non est calumniandum. Deo quare istis non dederit, quod aliis dedit, sed confitendum est, & misericorditer eum dedisse quod dedit, & iuste non dedisse quod non dedit: ne, quemadmodum ex libero arbitrio oritur causa labendi, ita ex ipso ⁷ oriri videatur ⁸ & standi: cum illud humano fiat opere, hoc divino impleatur ex munere.

CA-

¹ Al. lapsus. ² Al. quasi Deus. ³ Al. praedeterminata in Christo electio, cum dubium non sit. Al. cui dubium non sit, intermediis verbis omissis.

⁴ Al. dono. ⁵ Al. in. ⁶ Al. ipsos. ⁷ Al. mittitur: oriri. ⁸ Al. mittitur: &.

CAPITULUM VIII.

OBIECTIO. *Quod non omnes homines velit¹ Deus salvos fieri, sed certum numerum praedestinatorum.*

RESPONSIO. Si circa universitatem generis humani salvandam, & in agnitionem veritatis vocandam, ita indifferens per omnia saecula² asserenda est voluntas Dei, ut usquequaque neminem hominum praetermisisse monstratur; impenetrabilis judiciorum Dei altitudo pulsatur. Quare enim³ in praeteritis saeculis dimiserit Deus omnes gentes ingredi vias suas, quando⁴ Jacob elegit sibi Dominus: &⁵ non fecit taliter omni nationi, & judicia sua non manifestavit eis: & cur⁶ qui aliquando non populus, nunc autem populus Dei sit: & quorum aliquando non misertus est, nunc autem misereatur: &⁷ ubi dictum est:⁸ *Non plebs mea vos, ibi vocentur filii Dei*
 Tom.III. G vivi;

¹ Al. vult. ² Al. per omnia ista saecula disponenda est. ³ Act. 14. 15. ⁴ Psalm. 134. 4.
⁵ Psalm. 147. 20. ⁶ 1. Pet. 2. 10. Osee 2. 24.
⁷ Al. & hic ubi. Al. & id. ⁸ Osee 1. 10.
 Rom. 9. 26.

74 S. PROSPERI RESPONSIONES

vivi ; & quare ¹ quod quaerebat Israel non sit consecutus , electio autem consecuta est ² , ceteri vero excaecati sunt : impossibile est comprehendere , & periculosae curiositatis est quaerere : cum tamen , quod nulla sit apud Deum iniquitas ³ , nemini liceat ignorare : nec alia gratia , aut alia fide , quemquam hominum sive ante legem , sive legis tempore justificatum esse credendum sit , quam hac eadem , per quam Dominus noster Jesus Christus secundum consilium voluntatis suae , in fine saeculorum venit quaerere & salvare quod perierat . Causas vero operum & judiciorum Dei , qui ex toto ad humanas voluntates & actiones refert , quas tamen in parvulorum ⁴ adoptione aut abdicatione non invenit , & dispensationes Dei ex liberi arbitrii vult mutabilitate variari , profitetur sibi scrutabilia judicia Dei , & vestigabiles vias ejus : & quod doctor gentium Paulus ⁵ non audebat ⁶ attingere , hic se extimat refferatum posse vulgare : quodque

¹ Rom. 11. 7 ² Al. sit . ³ 2. Paralip. 19. 7.

⁴ Al. in adoptionem aut abdicationem . ⁵ Rom. 11. 33. ⁶ Al. audeat . Al. audeat .

que non minoris impietatis est, ipsam gratiam, qua salvamur, aut bonis meritis docet rependi, aut malis adfirmat arceri. Remoto ergo obscurarum turbine quaestionum, ad ¹ revelatae nos gratiae latitudinem conferamus, dicamusque cum ² Apostolo. ³ Quoniam ⁴ Deus vult omnes homines salvos fieri: & in agnitionem veritatis venire. Et iterum dicamus cum Apostolo, ⁵ Qui est Salvator omnium, maxime fidelium. Et audiamus Dominum dicentem Apostolis suis: ⁶ Euntes ergo docete omnes gentes, baptizantes eos in nomine Patris, & Filii, & Spiritus sancti, docentes eos servare omnia quaecumque mandavi vobis. Audiamus quoque ad Abraham promissionem Dei dicentis: ⁷ In semine tuo benedicentur omnes tribus terrae. Et si Filii promissionis sumus, non haesitemus diffidentia, sed cum patre nostro Abraham demus gloriam Deo, & plenissime credamus, quoniam ⁸ quod promisit ⁹, potens est & facere. Audiamus

G 2

Da-

1 Al. ad revelationem nos gratiae latitudine.

2 Al. cum Paulo. 3 Al. Quomodo. Al. Cum.

4 1. Tim. 2. 4. 5 1. Tim. 4. 10. 6 Matth. 28.

19. & 20. 7 Genes. 28. 14. 8 Rom. 4. 20. & 21.

9 Al. quod promisit Deus.

76 S. PROSPERI RESPONSIONES

David prophetantem ¹ : *Commemorabuntur , & convertentur ad Dominum universi fines terrae , & adorabunt in conspectu ejus omnes patriae gentium . Et alibi : ² Et benedicentur in ipso omnes tribus terrae , omnes gentes magnificabunt eum . Et alibi : ³ Omnes gentes , quas cumque fecisti , venient , & adorabunt coram te Domine , & glorificabunt nomen tuum .* Quae promissiones , quia verissimae sunt , nec possunt ex ulla parte ⁴ mutare , in his implentur , qui salvi fiunt per universos fines terrae : quoniam ⁵ quod ⁶ promissit Deus , potens est & facere . Haec ergo est illa totius humani generis adsumptio , haec filiorum Dei adoptio , haec gentium plenitudo , praescita & praedestinata in Christo ante constitutionem mundi . Haec ⁷ est Jerusalem , quae ab initio usque in finem lapidibus vivis ⁸ & electis aedificatur ; ut civitas fundata ⁹ in ipso angulari lapide Christo Jesu , in quo omnis aedificatio constructa , crescit in templum sanctum in

¹ Psalm. 21. 28. ² Psalm. 71. 17. ³ Psalm. 85. 9. ⁴ Al. mutari . ⁵ Rom. 4. 21. ⁶ Al. quae . ⁷ Al. Haec Jerusalem ut ejus fundamenta , nempe , ut Apostoli . ⁸ 1. Pet. 2. 5.

⁹ Al. fundata sit .

in Domino. De his lapidibus nihil ejicitur, nihil minuitur, nihil rapitur. Veritas enim dicit: ¹ *Omne quod dat mihi Pater, veniet ad me, & eum qui* ² *venit ad me, non ejiciam foras. Et iterum:* ³ *Non creditis, quia non estis* ⁴ *de ovibus meis. Oves meae vocem meam audiunt* ⁵; & ego ⁶ *novi illas, & sequuntur me; & ego vitam aeternam do* ⁷ *illis, & non peribunt in aeternum, nec quisquam rapiet eas de manu mea. Omnium ergo hominum cura est Deo: & nemo est, quem non aut Evangelica praedicatione, aut legis testificatio, aut ipsa etiam* ⁸ *natura conveniat. Sed infidelitatem hominum, ipsis* ⁹ *adscribamus hominibus: fidem autem hominum donum Dei esse fateamur, sine cujus gratia nemo currit ad gratiam. Et cum ducentis quatuordecim sacerdotibus, quorum constitutionem contra inimicos gratiae Dei totus mundus amplexus est, veraci professione, quemadmodum ipsorum habet sermo, dicamus:* ¹⁰ *Gratia Dei* ¹¹.

G 3

per

¹ Joan. 6. 37. ² Al. venerit. ³ Joan. 10. 26.
⁴ Al. ex. ⁵ Al. audient. ⁶ Al. agnosco.
⁷ Al. eis. ⁸ Al. ratio naturae. ⁹ Al. adscribimus. ¹⁰ dicimus. ¹¹ Al. Gratiam Dei.

78. S. PROSPERI RESPONSIONES

per Jesum Christum Dominum, non solum ad cognoscendam, verum etiam ad faciendam justitiam nos per singulos actus adjuvari¹; ita ut sine illa nihil verae sanctaeque pietatis habere, dicere, vel cogitare valeamus³. Neque haec dona ita ex Deo esse opinemur⁴, ut quia ipsae naturae nostrae auctor est, per conditionem jam haec contulisse videatur. Quia dedit quidem ab initio hanc homini facultatem: sed omnes eam in illo amisimus, in quo omnes peccavimus. Unde alia creatione, alioque principio renovari egemus in Christo: in quo sumus nova creatura, novumque figmentum; & per quem nobis, nullis bonis, & multis malis meritis praecedentibus, donatur, ut simus ex vasis irae vasa misericordiae.

CA-

¹ Al. adjuvare. ² Al. habere, cogitare, dicere, agere valeamus. Al. cogitare, dicere, agere &c. omisso habere. ³ Episcopi ccxiv. qui Carthagine Concilium de Pelagii, & Coelestii causa habuerunt A. Ch. ccccxviii. octo canones condiderunt, quos ad Zosimum Papam miserunt praefixa eis epistola, cujus fragmentum hic refert S. PROSPER, nec non in libro *contra Collatorem* cap. 5. Cetera hujus epistolae, cujus etiam Marius Mercator meminit, & de qua loqui videtur S. AUGUSTINUS l. 2. *contra Bonifacium* c. 3. & c. 4. 5. 6. nec non in lib. *de peccato orig.* c. 8. desiderantur. ⁴ Al. opinamur.

CAPITULUM IX.

OBIECTIO. *Quod non pro totius mundi redemptione Salvator sit crucifixus.*

RESPONSIO. Nullus omnino est ex omnibus hominibus, cujus natura in Christo ¹ Domino nostro suscepta non fuerit : quamvis ille natus sit in similitudine carnis peccati ², omnis autem homo nascatur in carne peccati. Deus ergo Dei Filius, mortalitatis humanae particeps factus absque peccato, hoc peccatoribus & mortalibus contulit, ut qui natiuitatis ejus consortes fuissent, vinculum peccati, & mortis evaderent. Sicut itaque non sufficit hominum renovationi, natum esse hominem ³ Jesum Christum, nisi in ipso eodem, de quo ipse ortus est, spiritu ⁴ renascantur : sic non sufficit hominum redemptioni, crucifixum esse Dominum Christum, nisi commorian-
tur ei, & consépelian-
tur in baptismo.
Alioquin nato Salvatore in carne substan-

G 4 tiae

¹ Al. in Domino nostro Jesu Christo. ² Rom. 8. 3. ³ Al. additur : Dominum. ⁴ Al. renasceremur.

tiæ nostræ , & crucifixo pro omnibus nobis , non fuerat necessarium , ut renasceremur , & ¹ similitudini mortis ejus complantaremur. Sed cum sine hoc sacramento nemo hominum consequatur vitam æternam , non est salvatus per crucem² Christi , qui non est crucifixus in Christo . Non est autem crucifixus in Christo , qui non est membrum corporis Christi , nec est membrum corporis Christi , qui non per aquam & Spiritum sanctum induit Christum . Qui ideo in infirmitate nostra communionem subiit mortis , ut nos in virtute ejus haberemus consortium resurrectionis . Cum itaque rectissime dicatur Salvator pro totius mundi redemptione crucifixus , propter veram humanæ naturæ susceptionem , & propter communem in primo homine omnium perditionem : potest tamen dici pro his tantum crucifixus , quibus mors ipsius profuit . Dicit enim Evangelista ³ : *Quia Jesus moriturus erat pro gente , & non ⁴ tantum pro gente , sed etiam ut filios Dei dispersos congregaret in unum .* ⁵ *In sua enim venit :*

¹ Al. *similitudine* .

² Al. *cruce* .

³ Joan. 11. 51. ⁴ Al. *non solum* . ⁵ Joan. 1. 11.

venit, & sui eum non receperunt. Quotquot autem receperunt eum, dedit eis potestatem filios Dei fieri: qui non ex sanguinibus, neque ex¹ voluntate carnis, neque ex² voluntate viri, sed ex Deo nati sunt. Diversa³ ergo ab istis fors eorum est, qui inter illos censentur, de quibus dicitur⁴, *Mundus eum non cognovit*⁵, ut possit secundum hoc dici: Redemptor mundi dedit pro mundo sanguinem suum, & mundus redimi noluit; quia lucem tenebrae⁶ non receperunt: & tenebrae receperunt, quibus dicit Apostolus, *Fuistis aliquando tenebrae, nunc autem lux in Domino*. Ipse vero Dominus Jesus, qui dixit⁸ se venisse quaerere & salvare, quod perierat: *Non veni*, inquit⁹, *nisi ad oves, quae perierant domus Israel*. Sed quae sint istae oves domus Israel Apostolus Paulus exponit¹⁰ dicens:
¹¹ *Non enim omnes*¹², *qui ex Israel, hi sunt Israelitae*¹³, *neque qui sunt semen Abrahae,*

1 Al. voluptate. 2 Al. voluptate. 3 Al. Divisa. 4 Al. dicitur: *Lux lucet in tenebris & tenebrae eam non comprehenderunt, ut ec.* 5 Jo. 1. 10.

6 Al. tenebrae Judaei. 7 Ephes. 5. 8. 8 Luc. 19. 10. 9 Matth. 15. 24. 10 Al. exponat.

11 Rom. 9. v. 6. 7. & 8. 12 Al. Non omnes.

13 Al. Israel.

82 S. PROSPERI RESPONSIONES

hae, omnes filii, sed in Isaac vocabitur tibi semen¹: idest, non qui filii carnis, hi filii sunt Dei: sed qui filii sunt² promissionis aestimantur³ in semine. In istis⁴ ergo sunt illi, de quibus dictum⁵ supra⁶ memoravimus: ⁷ Quia Iesus moriturus erat pro gente: & non tantum pro gente, sed etiam ut filios Dei dispersos congregaret in unum. Quia non solum ex Judaeis, sed etiam ex gentibus, per eum, qui vocat⁸, quae non sunt, tamquam quae sunt, & qui dispersos Israel congregat, filii Dei, filii promissionis in⁹ unam ecclesiam congregantur¹⁰: ut impleatur quod promissum est Abrahae, cui dictum est, quod in semine ejus benedicendae¹¹ essent omnes tribus terrae.

CA-

¹ Gen. 21. 12. ² Al. om. sunt. ³ Al. existimantur. ⁴ Al. In istis ergo illud est. ⁵ Al. dictum supra esse. ⁶ Al. commemoravimus. ⁷ Jo. 11. 51. ⁸ Al. vocantur per eum. ⁹ Al. in una Ecclesia. ¹⁰ Al. congregentur. ¹¹ Al. benedicentur.

CAPITULUM X.

OBIECTIO. *Quod quibusdam Evangelii praedicatio a Domino subtrahatur, ne percepta Evangelii praedicatione salventur.*

RESPONSIO. Si probari potest, quod ex quo Evangelium praedicatur, nemo prorsus fuerit, cui Christiana gratia adnuntiata non fuerit; non recte dicitur tacitum, quod ostenditur praedicatum. Si autem aliquo ¹ modo inveniuntur homines, quibus Evangelium non fuerit praedicatum; non potest dici sine iudicio Dei factum: quod nefas est ideo reprehendi, quia non potest comprehendi.

CAPITULUM XI.

OBIECTIO. *Quod per potentiam Deus homines ² ad peccata compellat.*

RESPONSIO. Nullus catholicorum dixit aut dicit, quod Deus homines pie recteque viventes per potentiam ³ in pec-

¹ Al. aliquando. ² Al. hominem. ³ Al. ad.

84 S. PROSPERI RESPONSIONES

peccata compellat, & innocentiae humanae potestas divina vim faciat, ut eam a proposito bonae conversationis excutiat. Non sunt Dei opera ista, sed diaboli, cujus gaudium est ruina sanctorum: sed ¹ *allevat Dominus omnes qui corruunt* ²; & *erigit omnes elisos*; quibus dat ³ poenitentiam ⁴, ut *resipiscant a diaboli laqueis*, a quo *captivi* ⁵ tenebantur ad ipsius voluntatem. Cum vero aliquos a Deo aut traditos ⁶ desideriiis suis ⁷, aut obduratos legimus, aut relictos; magnis ⁸ peccatis suis, hoc ipsos meruisse profiteamur: quia talia eorum crimina praecesserunt, ut ipsi sibi poena fieri debuerint, quae eis etiam supplicium verteret in reatum ⁹. Atque ita nec de iudicio Dei querimur, quo ¹⁰ deserit meritos deferi; & misericordiae ejus gratias agimus, qua liberat non meritos liberari.

CA.

¹ Psalm. 144. 14. ² Al. ruunt. ³ 1. Tim. 2. 25. ⁴ Al. dat & poenitentiam. ⁵ Al. tenentur. ⁶ Al. retardatos. ⁷ Rom. 1. 24. ⁸ Al. magis. ⁹ Al. ut ipsi sibi poenas debuerint, quae eis etiam supplicium verterent in reatum. ¹⁰ Al. quo ita. Al. qui ita. Al. qui etiam.

CAPITULUM XII.

OBJECTION. *Quod quibusdam vocatis, & pie justeque viventibus, obedientia subtrahatur ut obedire desistant.*

RESPONSIO. Si Deus hominem sibi obedientem a pietate deturbat, & bene ¹ currentem cadere facit: ergo pro bonis mala retribuit, & injuste punit, quod ut fiat impellit. Quid tam perversum, quid tam insanum dici aut cogitari potest? Sed in talem sensum ² trahuntur, qui putant in omnibus hoc esse praescientiam Dei, quod & voluntatem: cum voluntas ejus numquam velit nisi bona, praescientia autem & bona ³ noverit & mala: sed bona, quae aut ipse ⁴ faciat, aut etiam ut nos faciamus, ⁵ impertit: mala autem, quae ⁶ omnino ipse non fecit⁷, neque fieri suavit, aut ⁸ impulit. Vires itaque obedientiae non ideo cuiquam subtrahit, quia eum non praedestinavit; sed

¹ Al. bene viventem. ² Al. trahunt.

³ Al. nescit. ⁴ Al. facit. ⁵ Al. imperat.

⁶ Al. om. quae. ⁷ Al. non faciat. ⁸ Al. suadet aut impellit.

sed ideo eum non praedestinavit, quia recessurum ab ¹ ipsa obedientia esse praevидit ².

CAPITULUM XIII.

OBIECTIO. *Quod quidam homines non ad hoc a Deo ³ creati sunt, ut vitam adipiscerentur aeternam: sed ut habitum tantummodo saeculi praesentis ornarent, & ad utilitatem nascerentur aliorum.*

RESPONSIO. Universos homines non ignoramus a Deo singillatim ⁴ creari, & de hac universitate alios damnandos cum diabolo, alios regnaturos esse cum Christo. Quod ergo etiam hi creantur, qui aeternae vitae participes non erunt, nulla est culpa creatoris, qui naturae auctor est, non vitii, quod natura contraxit. Ornari autem etiam talium conditione mundi hujus varietatem, quis non intelligat, ⁵ qui videat studiis & operibus quorundam impiorum tot comoda vitae praesentis instructa in inventionem

¹ Al. a se ipsa. ² Al. praescivit. ³ Al. om. a Deo. ⁴ Al. creatos. ⁵ Al. cum videat.

tione artium , in extruptione urbium , in constitutione legum , in ¹ confoederatione populorum ? Quod si quaeritur an de istis ² , quos a vera religione impius error avertit , aliquid boni profectibus sanctorum , & incrementis ecclesiae providentia divina contulerit : ³ inspiciatur primum ipsa crux Christi , in qua , ⁴ magno scelere Judaeorum , misericors voluntas Dei , ut pro redemptione nostra unicus Filius ejus occideretur , impleta est . Inspiciatur Apostolorum gloriosa tolerantia , inter persequentium fremitus unanimi ⁵ voce ad Deum clamantium ⁶ : *Convenerunt enim* ⁷ *vere in civitate ista adversus sanctum puerum tuum Jesum , quem unxisti , Herodes & Pontius Pilatus , cum gentibus & populis Israel , ut facerent quae manus tua , & consilium praedestinavit fieri .* Inspiciantur denique innumerabilium Martyrum palmae , quibus de crudelissima infidelium saevitia felix est conlata victoria . Audiatur etiam Apostolus ecclesiam Dei ad perseverantiam pietatis

¹ Al. ordinatione . ² Al. unde ex istis .

³ Al. adspiciatur . ⁴ Al. a magno . ⁵ Al. hac animi , ⁶ Act. 4. 27. ⁷ Al. ergo .

88 S. PROSPERI RESPONSIONES

tis ¹ instituens: *In nullo*, inquit ², *terreamini ab adversariis, quae est illis causa perditionis, vobis autem salutis, & hoc a Deo. Vobis enim donatum est pro* ³ *Christo, non solum ut in eum credatis, sed etiam ut pro illo patiamini. De illis quoque erroribus consulens nobis Dei bonitas* ⁴ *sentiat, quos Deus in ecclesia* ⁵ *contra ecclesiam permisit exsurgere: non utique eos creans aut fovens; sed per ipsos diligentiam filiorum suorum ad* ⁶ *inquisitionem & custodiam veritatis exercens: dicente Apostolo,* ⁷ *Oportet haereses esse* ⁸, *ut probati manifesti fiant in vobis. Quis autem respiciens ad tenebras impiorum, & ad illuminationem fidelium* ⁹, *non ad gratias agendas Deo ex* ¹⁰ *ipsa fiat collatione ferventior: & ex ruina* ¹¹ *pereuntium discat, in quae mala per liberum arbitrium* ¹² *rueret, nisi ei per Dominum nostrum Jesum Christum Dei gratia subveniret?* CA-

¹ Al. invitans dicendo: in nullo autem.

² Philip 1. 28. ³ Al. a Christo. ⁴ Al. pietas. ⁵ Al. pugnatores contra ecclesiam. Al. impugnatores. ⁶ Al. inquisitione & custodia veritatis. ⁷ 1. Cor. 11. 19. ⁸ Al. additur: & schismata. ⁹ Al. filiorum. ¹⁰ Al. &. ¹¹ Al. in ruina. ¹² Al. in quae mala liberum arbitrium veniret.

CAPITULUM XIV.

OBJECTION. *Quod qui Evangelicae praedicationi non credunt, ex Dei praedestinatione non credant: & quod Deus ita definierit, ut quicumque non credunt, ex ipsius constitutione non credant.*

RESPONSIO. Infidelitas non credentium Evangelio, nequaquam ex Dei praedestinatione ¹ generatur. Bonorum enim Deus auctor est, non malorum. Praedestinatio igitur Dei semper in bono est, aut ad retributionem justitiae, aut ad donationem pertinens gratiae ²: *Universae enim viae Domini misericordia & veritas*. Proinde infidelitas non credentium, non ad constitutionem Dei, sed ad praescientiam referenda est. Quae non ideo necessitatem non ³ credendi intulit, quia falli de ea, quae futura erat, infidelitate, non potuit. Fides autem & caritatis opera, atque in eis usque in finem perseverantia, quia homini per Dei gratiam conferuntur, re-

Tom.III.

H

cte

¹ Al. geritur. ² Psalm. 24. 10. ³ Al. non credentium.

ete & ¹ ipsa , & quae eis retribuenda sunt , praedestinata dicuntur ex auctoritate Apostoli , qui ait : ² *Gratia Dei salvi* ³ *facti estis per fidem , & hoc non ex vobis , sed Dei donum est : non ex operibus , ne forte quis extollatur . Ipsius enim sumus figmentum , creati in operibus bonis , in Christo Jesu , quae praeparavit Deus , ut in illis ambulemus .* Tam ergo in errore est , qui infidelitatem impiorum ad Dei constitutionem refert , quam qui fidei iustitiaeque sanctorum , non Deum profitetur auctorem . Qui enim quod acceperat perdidit , non inde id recipit unde perdidit , sed ab illo ⁴ recipit quod habeat , a quo quod amisit acceperat .

CAPITULUM XV.

OBIECTIO . *Quod idem sit praescientia , quod praedestinatio .*

RESPONSIO . Qui praescientiam Dei in nullo ab ipsius praedestinatione discernit , quod tribuendum est Deo de bonis , hoc ei etiam de malis conatur adscribere . Sed cum bona ad largitorem

COO-

¹ Al. & ista . Al. recte & ipsa quae . ² Ephes.
³ 8. ³ Al. salvi Dei . ⁴ Al. sed ab illo illud .
 Al. sed ab alio illud recipit qui habeat .

cooperatoremque ¹ eorum Deum, mala autem ad voluntariam rationalis creaturae nequitiam referenda sint: dubium non est, sine ulla temporali differentia Deum & praescisse simul, & praedestinasse, quae ipso erant auctore facienda², vel quae malis meritis iusto erant iudicio retribuenda; praescisse autem tantummodo, non etiam praedestinasse, quae non ex ipso erant causam operationis habitura. Potest itaque sine praedestinatione esse praescientia: praedestinatio autem sine praescientia esse non potest.

S. PROSPERI SENTENTIAE X.V.
DE TOTIDEM CAPITULIS
GALLORUM.

Quamvis ergo ad omnes objectiones seu querulae imperitiae, seu fallacis invidiae, planissime ac plenissime, quantum Dominus dedit, existimem esse responsum; professionem tamen sensus nostri etiam in breviori coartemus; ut sub paucorum verborum simplicitate, magis magisque

H. 2

¹ Al. cooperatoremque omnium, mala autem &c.

² Al. quae in ipso erant auctore finienda,

gisque appareat, nos quod de supra ¹ scriptis capitulis intelligimus, nulla circumloquendi arte praetexere, sed absolute ² ac libere & prava respuere, & consensum probabilibus non negare.

SENTENTIA SUPER I.

Quisquis igitur ex praedestinatione Dei, velut fatali necessitate homines in peccata compulsos cogi dicit in mortem, non est catholicus. Nullo enim modo praedestinatio Dei iniquos facit, neque cuiusquam omnino est causa peccati.

SENTENTIA SUPER II.

Item ³: Qui dicit, quod ab his, qui non sunt praedestinati ad vitam, non auferat percepta baptismi gratia originale peccatum, non est catholicus. Sacramentum enim baptismatis, quo omnia prorsus peccata delentur, etiam in eis verum est, qui non sunt in veritate mansuri, & ob hoc ad vitam veram non sunt praedestinati.

SEN-

¹ Al. *dictis*. ² Al. additur, *adhibere*.

³ Al. omititur: vox *item* hic & in sequentibus.

SENTENTIA SUPER III.

Item: Qui dicit, quod non praedestinati ad vitam¹, etiam si fuerint in Christo per² baptismum regenerati, & pie iusteque vixerint, nihil eis profit, sed tamdiu reserventur, donec ruant; nec ante eos ex hac vita, quam hoc eis contingat, auferri, tamquam ad constitutionem Dei talium hominum ruina referenda sit, non est catholicus. Quia non ideo Deus tempus aetatis cuiquam prolongavit, ut diu vivendo corrueret, & a fide recta in sua longaevitate deficeret: cum inter beneficia Dei numeranda sit ipsa longaevitas, qua homo melior debuit esse, non pejor.

SENTENTIA SUPER IV.

Item: Qui dicit, quod non omnes vocentur ad gratiam, si de his loquitur, quibus Christus adnunciatus non est, non potest³ reprehendi: quia scimus
qui-

¹ Al. ad vitam aeternam. si. ² Al. baptismo.
³ Al. reprehendi non debet.

quidem in omnes fines terrae Evangelium destinatum, sed non putamus jam in omnibus terrae finibus praedicatum: nec possumus dicere, quod ibi sit gratiae vocatio, ubi matris Ecclesiae¹ adhuc nulla est regeneratio.

SENTENTIA SUPER V.

Item: Qui dicit, quod qui vocati sunt, non aequaliter vocati sint, sed alii ut crederent, alii ut non crederent, quasi cuiquam vocatio causa fuerit non credendi; non recte dicit. Quamvis enim fides non sit nisi ex Dei dono, & hominis voluntate: infidelitas tamen non est, nisi ex sola² hominis voluntate.

SENTENTIA SUPER VI.

Item: Qui dicit, quod liberum arbitrium in homine nihil sit, sed sive ad bonum sive ad malum praedestinatio Dei in hominibus operetur, non est catholicus. Arbitrium enim hominis gratia Dei non abolet, sed adolet, & ab errore in
viam

¹ Al. omittitur; *adhuc*. ² Al. om. *sola*.

viam revocat ac reducit : ut quod sua libertate erat pravum , spiritu Dei agente sit rectum . Praedestinatio quoque Dei semper in bono est : qui ¹ peccatum , sola hominis voluntate commissum , aut remittendum novit cum laude misericordiae , aut plectendum cum laude justitiae .

SENTENTIA SUPER VII.

Item : Qui dicit , quod Deus quibusdam filiis suis , quos regeneravit in Christo , quibus fidem , spem , dilectionem dedit , ob hoc perseverantiam non dederit , quia non sunt ² a massa perditionis praescientia Dei ³ , & praedestinatione discreti : si hoc vult firmare , quod Deus hujusmodi homines in bonis , quae donaverat , noluerit permanere , & ipse eis causa aversionis exstiterit ; contra justitiam Dei sentit . Quamvis enim omnipotentia Dei potuerit vires standi praebere lapsuris : gratia tamen ejus non prius eos deseruit , quam ab eis defereretur . Et quia hoc ipsos voluntaria facturos de-
fectio-

1 Al. quae . 2 Al. non sint . 3 Al. om. Dei .

fectione praevidit, ideo in praedestinationis electione ¹ illos non habuit.

SENTENTIA SUPER VIII.

Item: Qui dicit, quod non omnes homines vult ² Deus salvos esse, sed certum numerum praedestinatorum, durius loquitur, quam loquendum est de altitudine inscrutabilis gratiae Dei: qui & omnes vult salvos fieri, atque ³ *in agnitionem venire veritatis*: & ⁴ voluntatis suae propositum in eis implet, quos praescitos praedestinavit, praedestinos vocavit, vocatos justificavit, justificados glorificavit: nihil amittens de plenitudine gentium, & de omni semine Israel, cui praeparatum est in Christo regnum aeternum ante constitutionem mundi. Ex toto enim mundo totus mundus eligitur, & ex omnibus hominibus, omnes homines adoptantur. Nec potest ullo modo per infidelitatem atque inobedientiam multorum, Dei promissio vacillare, dicentis ad Abraham: ⁵ *In semine tuo benedicentur*

¹ Al. *electionem*. ² Al. *velit Deus salvos fieri*.

³ 1. Tim. 2. 4. ⁴ Al. *sed*. ⁵ Genes. 22. 18.

tur omnes gentes. Quod autem ¹ promissit Deus ², potens est & facere: ut & qui salvantur, ³ ideo salvi sint, quia illos voluit Deus salvos ⁴ fieri; & qui pereunt, ideo pereant, quia perire meruerunt.

SENTENTIA SUPER IX.

Item: Qui dicit, quod non pro totius mundi redemptione Salvator sit crucifixus; non ad sacramenti virtutem, sed ad infidelium respicit partem: cum sanguis Domini nostri Jesu Christi pretium totius mundi sit; a quo pretio extranei sunt, qui aut delectati captivitate, redimi noluerunt, aut post redemptionem ad eandem sunt servitutem reversi. Non enim ⁵ cecidit verbum Domini, neque evacuata est mundi redemptio. Quia etsi non cognovit mundus Deum in vasis irae, cognovit tamen mundus Deum in vasis misericordiae: quae Deus, nullis eorum bonis meritis praecedentibus, eruit de potestate tenebrarum, & transfudit in regnum Filii dilectionis suae.

Tom. III.

I

SEN-

¹ Rom. 4. 21. ² Al. omittitur vox, Deus.

³ Al. in Deo salvi sint. ⁴ Al. facere. ⁵ Al. Non autem excidit.

SENTENTIA SUPER X.

Item : Qui dicit , quod quibusdam Evangelii praedicatio a Domino subtrahatur , ne percepta Evangelii praedicatione salventur ; potest objectionis invidiam declinare patrocinio ipsius Salvatoris , qui apud quosdam , quos ait ¹ fuisse credituro , si mirabilem ejus signa vidissent , noluit operari ; & quibusdam populis vetuit ² Apostolos evangelizare ; & nunc aliquas adhuc gentes patitur extra gratiam suam degere : cum tamen constantissima fide perceptum habeamus , in omnes mundi partes Ecclesiam ³ dilatandam ; nec ante esse hoc saeculum finiendum , quam in universos fines terrae Evangelium dirigatur , & ⁴ *omnis lingua confiteatur , quoniam Dominus Jesus Christus in gloria Dei Patris est .*

SENTENTIA SUPER XI.

Item : Qui dicit , quod per potentiam Deus homines in peccata compellat , merito reprehenditur . Nec enim Deus ,
qui

¹ *Matth. 11. 21.* ² *Al. voluit.* ³ *Al. dilatam.* ⁴ *Philip. 2. 11.*

qui iustitiae & bonitatis auctor est, & cuius omnia statuta & mandata contra peccatum sunt, quemquam ad ¹ peccandum cogere, & ab innocentia in facinora praecipitare credendus est. Si qui autem tam profundae impietatis sunt, ut extra remedium correctionis habeantur, non a Deo incrementa iniquitatis accipiunt, sed per semetipsos deteriores fiunt: quia relinqui a Deo, ac sibi ac deceptoribus suis tradi propter praecedentia peccata meruerunt, ut eis peccatum sit ipsa etiam poena ² peccati.

SENTENTIA SUPER XII.

Item: Qui dicit, quod quibusdam vocatis, & pie iusteque viventibus, obedientia subtrahatur, ut obedire desistant; male opinatur de ³ bonitate Dei atque iustitia, ut videatur ad impietatem pios cogere, & innocentiam bonis adimere: cum ipse sit pietatis atque innocentiae ⁴ & largitor, & custos. Qui ergo Deo adhaeret, spiritu Dei agitur:

I 2 qui

¹ Al. ad peccatum. ² Al. delectatio. ³ Al. de bonitate atque iustitia Dei; ⁴ Al. omittitur: &

100 S. PROSPERI RESPONSIONES
qui autem a Deo recedit, propria voluntate obedire defistit.

SENTENTIA SUPER XIII.

Item: Qui dicit, quod quidam homines non ad hoc a Deo creati sunt, ut vitam adipiscerentur aeternam, sed ut habitum tantummodo saeculi praesentis ornarent, & ad utilitatem nascerentur aliorum; melius loqueretur dicens, quod Deus qui creator est omnium, non frustra etiam eos condit, quos¹ praevidit vitae aeternae participes non futuros: quia etiam in malis hominibus bonum Dei opus est ipsa natura, &² laudabilis est in impiorum damnatione iustitia. Non potest autem merito reprehendi, qui dicit, quod etiam talium conditione mundus ornetur; & quod hi, qui sibi sua iniquitate nocituri sunt, ad utilitatem nascantur aliorum: neque enim quamlibet innumerabilis multitudo impiorum indecora est mundo, aut inutilis

¹ Al. praevidet. ² Al. & laudabilis; & impiorum damnatio iusta. Al. & laudabilis est impiorum damnatio iusta.

AD CAPITULA GALLORUM. IOI

tilis Dei regno: cum etiam per ipsorum
veniat propaginem regeneranda genera-
tio, & in eis tolerandis ac diligendis
populus Dei fiat illustrior; ¹ discens bo-
nitatem & patientiam ab illo, ² *qui pluit*
super justos & injustos, & solem suum
oriri facit super bonos & malos.

SENTENTIA SUPER XIV.

I Tem: Qui dicit, quod qui Evange-
licae praedicationi non credunt, ex
Dei praedestinatione non credant, &
quod Deus ita definierit, ut quicumque
non credunt ex ipsius constitutione non
credant; non est catholicus. Sicut enim
fides, quae per dilectionem operatur,
Dei donum est: ita infidelitas constitutio
Dei non est. Quia Deus poenas criminum
novit ordinare, non crimina: nec ³ con-
sequens est, ut quod non remiserit, ipse
commiserit. Praedestinatus itaque vivit
ex fide sibi donata: non praedestinatus
perit in ⁴ infidelitate voluntaria, non
coacta ⁵.

I 3

SEN-

Al. dicens. 2 Matth. 5. 45. 3 Al. Non.

4 Al. om. in. 5 Al. voluntate non coacta.

*Al. Non consequens est, ut quod non ipse com-
miserit*

SENTENTIA SUPER XV.

Item: Qui dicit, quod idem sit praescientia quod praedestinatio, in bonis sine dubio operibus nostris duo ista ¹ permiscet. Quae enim ex Dei munere habemus, & quae ² praescita dicuntur, non possunt non esse praedestinata: & quae praedestinata appellantur, non possunt non esse praescita. In malis autem operibus nostris, sola praescientia Dei intelligenda est. Quia sicut praescivit & praedestinavit, quae ipse ³ fecit, & ut faceremus dedit: ita praescivit tantum, non etiam praedestinavit, quae nec ipse fecit, nec ut faceremus exegit.

S. PRO-

miserit praedestinatus, puniatur, qui vivit ex fide sibi donata; & non praedestinatus justum est, ut pereat in infidelitate voluntaria, non coacta.

1 Al. permiscetur. 2 Al. ex praescientia dicuntur. 3 Al. facit.

S. P R O S P E R I
LIBER
RESPONSIONUM
AD CAPITULA OBIECTIONUM
VINCENTIANARUM.



AD excitandam S. PROSPERO Augustinianae doctrinae adsertori, ac vindici invidiam, Vincentius quidam plures illi affinxit ineptas atque blasphemias sententias, quas cum S. PROSPER publice, privatimque circumferri intelligeret, facile licet, & sufficienter subscriptione unius anathematis intentatam calumniam effugere potuisset, maluit tamen, sive ad calumniantium animos mitigandos, sive ad eos quorum auribus tale aliquid insonuisset instruendos, singillatim excutere, ac refutare; sub unoquoque ex sexdecim diabolici, ut ipse cum vocat, indiculi capitibus verba ponens sensus sui, & fidei, quam contra Pelagianos ex Apostolicae Sedis auctoritate defendebat. Hinc exortus est S. PROSPERI liber inscriptus: *Pro AUGUSTINI doctrina responsiones ad Capitula Objectionum Vincentianarum*. Quis autem Vincentius iste fuerit haud liquet. Sunt qui Vincentium incusant celeberrimi Commonitorii adversus haereticos auctorem, & qui Vincentio illi adtribuunt, quem multa cum laude Gennadius commemorat in *Catalogo de viris inlustribus* cap. LXXX. Sed levissimae conjecturae genus est nominis convenientia, quam, ut verbis utar S. AUGUSTINI in Brev. Collat. cap. 18. in diversis personis generis humani consuetudo frequentare non cessat. Quod vero ad tempus editionis harum responsionum, anno MCCCXXXI. aut XXXII. consignanda esse videtur.

S. PRO-

S. PROSPERI
RESPONSES
AD CAPITULA OBJECTIONUM
VINCENTIANARUM.



PRAEFATIO.

Quidam Christianae ac fraternae caritatis ¹obliti, intantum existimationem nostram, quoquomodo student laedere, ut suam se evertere, nocendi cupiditate, non videant. Contexunt enim, & quilibus possunt sententiis, comprehendunt ineptissimarum quarumdam blasphemiarum prodigiosa mendacia; eaque ostendenda & ingerenda multis publice privatimque circumferunt; afferentes talia in nostro esse sensu, qualia diabolico con-

¹ Al. *veritatis*.

continentur indiculo . Quae falso in nos ,
 ad excitandam invidiam jactitari , facile
 & sufficienter subscriptione unius proba-
 remus anathematis ; nisi malignitas eo-
 rum , qui se gravari putant si de nobis
 bene sentiatur , ipsam subscriptionis no-
 strae brevitatem suspectam esset habitura .
 Unde ne hujus querelae inveniretur oc-
 casio , necessarium convenientisque credi-
 dimus ¹, ut sive ad calumniantium animos
 mitigandos , sive ad eos quorum auribus
 tale aliquid insonuit instruendos , quan-
 tum adjuvante Domino fieri potuerit ,
 plene lucideque pandamus , quid de per-
 versis definitionibus judicemus . Propo-
 sitis igitur singillatim sedecim capitulis ,
 sub unoquoque eorum , sensus nostri &
 fidei , quam contra Pelagianos ex Apo-
 stolicae Sedis auctoritate defendimus ,
 verba ² ponemus : ut qui paululum se ad
 legenda haec dignati fuerint occupare ,
 evidenter agnoscant , impiarum profa-
 narumque opinionum nullum cordibus
 nostris inhaesisse vestigium ; & blasphe-
 mias , quas perspexerint nostra professione
 damnari , in earundem repertoriis cen-
 seant debere puniri .

CA-

¹ Al. credimus . ² Al. ponimus .

CAPITULA OBJECTIONUM
ET RESPONSES.

CAPITULUM I.

OBJECTION. *Quod¹ Dominus noster Iesus
Christus non pro omnium hominum salute
& redemptione sit passus.*

RESPONSIO. Contra vulnus origina-
lis peccati, quo in Adam omnium
hominum corrupta & mortificata natura
est, & unde omnium concupiscentiarum
morbus inolevit, verum & potens ac sin-
gulare remedium est mors Filii Dei Do-
mini nostri² Iesu Christi: qui liber a
mortis debito, & solus absque peccato,
pro peccatoribus & debitoribus mortis³
mortuus est. Quod ergo ad magnitudi-
nem & potentiam pretii, & quod ad
unam pertinet causam generis humani,
sanguis Christi redemptio est totius mun-
di. Sed qui hoc saeculum sine fide Chri-
sti, & sine regenerationis sacramento per-
tran-

¹ Al. *Quia*. ² Al. *om. nostri*. ³ Al. *om. mortis*.

transeunt, redemptionis alieni sunt. Cum itaque propter unam omnium naturam, & unam omnium causam a Domino nostro in veritate susceptam, recte omnes dicantur redempti, & tamen non omnes a captivitate sint eruti; redemptionis proprietas haud ¹ dubie penes illos est, de quibus princeps mundi missus est foras, & jam non vasa diaboli, sed membra sunt Christi. Cujus mors non ita impensa est humano generi, ut ad redemptionem ejus, etiam qui regenerandi non erant pertinerent: sed ² ita, ut quod per unicum exemplum gestum est pro universis, per singulare sacramentum celebraretur in singulis. Poculum quippe immortalitatis, quod confectum est de infirmitate nostra & virtute divina, habet quidem in se ut omnibus profit, sed si non bibitur, non medetur.

CA-

¹ Al. *haud dubio*. ² Al. *om. ita*.

CAPITULUM II.

OBJECTION. *Quod Deus nolit omnes salvare, etiam si omnes salvari velint.*

RESPONSIO. Cum Veritas dicat: ¹ *Si vos cum sitis mali, vestris bona dare filii vestris, quanto magis Pater vester coelestis dabit bona petentibus se?* qui fieri potest, ut Deus, qui etiam illos salvat, de quibus dici non potest, quod salvari velint, nolit aliquos salvare etiam si salvari velint, nisi aliquae causae existant, de quibus, quamvis sint nobis incognoscibiles, ² ille tamen bene judicat, de quo dici non potest, aliter eum quicquam facere debuisse, quam fecerit? Remota ergo hac discretione, quam divina scientia intra secretum justitiae suae continet, sincerissime credendum atque profitendum est, ³ *Deum velle, ut omnes homines salvi fiant.* Si quidem Apostolus, cujus ista sententia est, sollicitissime praecipit, quod in omnibus ecclesiis piissime ⁴ custodiatur, ut Deo pro omnibus ho-

¹ Matth. 7. 11. ² Al. ita. ³ 1. Tim. 2. 4.

⁴ Al. custoditur.

110. S. PROSPERI RESPONSIONES

hominibus supplicetur : ex quibus quod multi pereunt , pereuntium est meritum : quod multi salvantur , salvantis est donum . Ut enim reus damnetur , inculpabilis Dei iustitia est , ut autem reus iustificetur , ineffabilis Dei gratia est .

C A P I T U L U M III.

OBIECTIO . *Quod¹ Deus majorem partem generis humani ad hoc creet , ut illam perdat in aeternum .*

RESPONSIO . Omnium quidem hominum Deus creator est : sed nemo ab eo ideo creatus est ut periret : quia alia est causa nascendi , & alia est² causa pereundi . Ut enim nascantur homines , conditoris est beneficium ; ut autem pereant , praevaricatoris est meritum .³ *In Adam* quippe , in quo omnium hominum praeformata natura est , *omnes peccaverunt* : eademque sententia , quam ille excepit , obstricti sunt . Neque ab hoc vinculo , etiam si propriis peccatis careant ,

¹ Al. *Quia* . ² Al. omittitur : *causa* .

³ *Rom. 5. 12.*

reant, resolvuntur, nisi in sacramento mortis & resurrectionis Christi per Spiritum sanctum renascantur. Nimis ergo impius & indoctus est, qui vitium naturae non discernit ab auctore naturae: a quo prorsus alienum est quicquid in unoquoque ¹ damnandum est. Creat enim homines ut sint homines: nec multiplicandis generationum successionibus opificium suum subtrahit, secundum consilium bonae voluntatis suae reparaturus in multis quod ipse fecit, puniturus in multis, quod ipse non fecit; ² *Sicut enim* ³ *per inobedientiam unius hominis peccatores constituti sunt multi, ita & per unius hominis obedientiam iusti constituuntur multi.*

CAPITULUM IV.

OBIECTIO. Quod ⁴ major pars generis humani ad hoc ⁵ creetur a Deo, ut non Dei, sed diaboli faciat voluntatem.

RESPONSIO. Insanum omnino & contra rationem est, dicere, voluntatem Dei ex Dei voluntate non fieri: & dam-

¹ Al. *damnatum*. ² Al. *omittitur: enim*.

³ Rom. 5. 19. ⁴ Al. *Quia*. ⁵ Al. *creatur*.

damnatorem diaboli ejusque famulorum, velle ut diabolo serviatur. Sed hoc catholicis Pelagiani consequenter se objicere existimant, qui Adae peccatum transisse in omnes dissitentur: quoniam si primam nativitatem originalis culpa non obliget, non sint obnoxii diabolo parvuli,¹ nec indigeant erui de potestate tenebrarum, qui numquam a suo auctore discefferint. Nos autem, qui omnes in Adam periisse profiteremur (² *venit enim Filius hominis quaerere & salvare quod perierat*) nec dicimus ideo creari quemquam hominem, ut diaboli faciat voluntatem; & agnoscimus omnem hominem non redemptum,³ diabolo esse captivum. Praevaricatio enim hominum, dispositae a saeculis creationis ordinem turbare non potuit, &⁴ merito creatura peccatrix poenalem dominationem illius patitur, cui relicto vero Domino, sponte se vendidit. Haec quippe servitus non institutio est Dei, sed judicium, quo fraus deceptoris diaboli facta est decepto & male credulo homini poena peccati. De qua nemo

¹ Al. *ne*. ² *Lucas 19. 10.* ³ Al. *diaboli*.

⁴ Al. *omittitur: merito*.

nemo eruitur, nisi per mediatorem Dei & hominum hominem Christum Jesum, cujus gratuita gratia & multorum malis meritis non tribuitur, & nullorum bonis meritis praevenitur.

CAPITULUM V.

OBJECTIO. *Quod peccatorum nostrorum auctor sit Deus, eo quod malam faciat voluntatem hominum, plasmet substantiam, quae naturali motu¹ non possit nisi peccare.*

RESPONSIO. Hujus quoque objectionis vanitas de illa procedit schola, in qua natura humana immunis a peccato Adae, & illaesa defenditur, ut quia omnes homines praevaricationis reos &² damnationi obnoxios nasci, periturosque nisi in Christo renascantur asserimus, eundem videamur dicere auctorem cul-pae, quem profitemur conditorem esse naturae. Quod nos a sensu nostro penitus abdicamus, qui Deum justum, & bonum, sic humanae substantiae³, & inté-
 Tom.III. K riorum

¹ Al. nihil. ² Al. damnationis. ³ Al. om. G.

riorum exteriorumque sensuum novimus creatorem, ut prorsus ab illo sit quicquid pertinet ad naturam, & prorsus ¹ ab illo non sit quicquid contra naturam est. Peccatum autem contra naturam est, de quo mors & omnia, quae sunt mortis oriuntur. Quibus malis tunc se homo induit, quando illum fide obedientiaque privatum, in suas promissiones diabolus a Dei lege traduxit, omniaque sibi posteritatis ejus germina, per conditionem depravatæ stirpis obstrinxit. ² Unde si qua in Christo nova creatura est, libera fit diabolo, & subjicitur Deo reformata a deformitate sua ad imaginem ejus, qui creavit eam. ³ Quod nisi fiat, remanet in illo, in quo omnes moriuntur, non ⁴ habens sortem in eo, in quo omnes vivificantur. Non igitur cujusquam peccati auctor Deus, sed naturæ creator est: Quae cum potestatem habuerit non delinquendi, sponte deliquit, & deceptoris suo propria voluntate se subdidit. Nec naturali, sed captivo motu versatur in vitio, donec moriatur peccato & vivat Deo: quod si-
ne

¹ Al. non ab illo sit. ² 2. Cor. 5. 17. ³ Coloss. 3. 10. ⁴ Al. non habet.

ne gratia Dei facere non potest : quia libertatem , quam libertate perdidit , nisi Christo liberante non recipit : ¹ *Non est enim aliud nomen sub coelo datum hominibus , in quo oporteat salvos fieri .*

CAPITULUM VI.

OBJECTIO . *Quod Deus tale in hominibus plasmet arbitrium , quale est daemonum : quod proprio motu nihil aliud ² possit velle nisi malum .*

RESPONSIO . Totus quidem mundus , sicut ait Joannes Apostolus , ³ *in maligno positus est : & multorum hominum talis est malitia , qualis & daemonum .* Qualibus dicebat Dominus : ⁴ *Progenies viperarum , quomodo potestis bona loqui , cum sitis mali ? & : ⁵ Vos de diabolo patre nati estis , & concupiscentias patris vestri facere vultis .* Sed hoc inter malos homines distat & daemones , quod hominibus etiam valde malis superest , si Deus miseretur , reconciliatio : daemonibus au-
K 2 / tem

¹ Act. 4. 12. ² al. possit vel velit. ³ 1. Jo. 5. 19. ⁴ Matth. 12. 34. ⁵ Joan. 8. 44.

tem nulla est in aeternum servata conversio. Sicut ergo praevaricatoribus angelis non Deus indidit illam, quae in veritate non stetit, voluntatem: ita nec hominibus hunc affectum, quo diabolum imitarentur, inferuit. Mendax enim de proprio loquitur, & liber a mendacio non erit, nisi eum veritas liberaverit.

CAPITULUM VII.

OBJECTIO. *Quod haec sit voluntas Dei, ut magna pars Christianorum salva esse nec velit, nec possit.*

RESPONSIO. Si de his hoc dicitur, qui pietatem Christianae conversationis & fidei deferentes, in prophanos errores, aut in damnabiles mores irrevocabiliter transierunt, non dubium est, quod talem voluntatem habentes salvi esse nolunt: & quamdiu salvi esse nolunt, salvi esse non possunt. Sed nullo modo credendum est huiusmodi homines, in hanc desperationem ex Dei voluntate cecidisse, cum potius ¹ *allevet Dominus omnes qui corruunt, & erigat omnes elisos.*
Ne-

¹ Psalm. 144. 4.

Nemo enim nisi illius gratia erigitur, nemo nisi illius gratia stabilitur. Dei ergo voluntas est, ut in bona voluntate maneat: qui & priusquam deferatur neminem deserit; & multos desertores saepe convertit.

CAPITULUM VIII.

OBJECTIO. *Quod¹ nolit Deus, ut omnes catholici in fide catholica perseverent, sed velit² ut magna exinde pars apostatet.*

RESPONSIO. Non est dissimilis blasphemiae hujus impietas, a praecedente sententia: quod ergo ad illam, hoc etiam ad istam, quae in nullo est diversa, responsum sit.

CAPITULUM IX.

OBJECTIO. *Quod velit Deus, ut magna pars sanctorum a sanctitatis proposito ruat.*

RESPONSIO. Nec hujus definitionis infania aliud sonat, quam gemina obiectio praelocuta est. Unde mirandum est,

¹ Al. *Quia nolit.* ² Al. *sed magna omisit*
verbis velit ut.

est, objicientem tertio repetisse, quod semel dixisse suffecerat; sed ut res est, numerum criminationis augere voluit, quia sensum variare non potuit.

CAPITULUM X.

OBJECTIO. *Quod adulteria & corruptelae virginum sacrarum ideo contingant, quia illas Deus ad hoc praedestinavit, ut caderent.*

RESPONSIO. Detestanda & abominanda opinio, quae Deum cujusquam malae voluntatis, aut malae actionis credit auctorem: cujus praedestinatio numquam extra bonitatem, numquam extra justitiam est: ¹ *Universae enim viae Domini misericordia & veritas.* Adulteria enim ² maritatarum, & corruptelas virginum non instituere novit sancta divinitas, sed damnare; nec disponere, sed punire. Quae mala homines cum admittunt, suis concupiscentiis & cupiditatibus serviunt, quas ab illa prima voluntariae praevaricationis labe

tra-

¹ *Psalm. 24. 10.* • *al. maritarum, al. igitur*

traxerunt : cum autem declinant a malo, & faciunt bonum , ¹ a Domino gressus hominis diriguntur , & viam ejus volet . Propter quod dicit Apostolus : ² Oramus autem ³ ad Deum , ut nihil mali faciatis : non ut nos probati appareamus , sed ut vos quod bonum est faciatis . Non ergo casus ruentium , nec malignitatem iniquorum , neque cupiditates peccantium praedestinatio Dei aut excitavit , aut suavit , aut impulit : sed plane praedestinavit judicium suum , quo unicuique retributurus est prout gessit , five bonum , five malum . Quod judicium futurum omnino non esset , si homines Dei voluntate peccarent . Erit autem manifestissime : & omnis homo , quem discretio divinae scientiae in sinistra constituerit parte ⁴ , damnabitur : quia non Dei , sed suam exsecutus est voluntatem .

CA.

¹ Psalm. 36. 27. & 33. ² 2. Cor. 13. 7.

³ al. ad Dominum . ⁴ al. damnabilis .

CAPITULUM XI.

OBIECTIO. *Quod quando incestant patres filias, & matres filios; vel quando servi Dominos occidunt, ideo fiat, quia ita Deus praeordinavit, ut fieret.*

RESPONSIO. Si diabolo objiceretur, quod talium facinorum ipse auctor, ipse esset ¹ incentor, puto quod aliqua ratione exonerare se hac posset invidia, & talium scelerum ² patratores de ipsorum voluntate convinceret; quia etsi delectatus est furore peccantium, probaret tamen se non intulisse vim criminum. Qua ergo insipientia, quave dementia definitur, ad Dei referendum esse consilium, quod nec diabolo in totum adscribi potest, qui in peccantium flagitiis illecebrarum adiutor, non voluntatum credendus est esse generator? Nihil ergo talium negotiorum Deus praeordinavit ut fieret: nec ³ ullam animam nequiter, turpiterque victuram, ad hoc, ut taliter

¹ Al. incestor. ² Al. talium criminum patratores, de ipsorum voluntate vinceret. ³ Al. illam.

ter viveret, praeparavit: sed talem futuram non ignoravit, & de tali iuste se judicaturum esse praescivit. Atque ita ad praedestinationem ejus nihil aliud referri potest, nisi quod aut ad debitam justitiae retributionem, aut ad indebitam pertinet gratiae largitatem.

CAPITULUM XII.

OBIECTIO. *Quod Dei praedestinatione efficiantur de filiis Dei filii diaboli, & de templo Sancti Spiritus templa daemonum, & de membris Christi membra meretricis.*

RESPONSIO. Praedestinatio Dei, etsi apud nos, dum in praesentis vitae periculis versamur, incerta est; apud illum tamen, qui fecit, quae futura sunt, incommutabilis permanet: nec quae illuminavit, obcaecat: nec quae aedificavit destruit: nec quae plantavit, evellit.¹ Sine poenitentia enim sunt dona & vocatio Dei: & ² firmum fundamentum Dei stat, habens signaculum hoc: Cognovit Dominus qui sunt ejus. Nullo igitur modo praede-
 Tom. III. L fina-

stinatio ¹ Dei facit , ut aliqui ex filiis Dei filii sint diaboli², aut ex templo sancti Spiritus ² templa sint daemonum , aut ex membris Christi , fiant membra meretricis : sed potius praedestinatio facit , ut ex filiis diaboli fiant Filii Dei ; & ex templo daemonum templum sint ³ Spiritus sancti ; & ex membris meretricis membra sint Christi . Quia ipse alligat fortem , & vasa ejus rapit , ⁴ eruens ea de potestate tenebrarum , & transferens de contumelia in gloriam⁵. Hi autem de quibus dicitur : ⁶ *Ex nobis exierunt , sed non fuerunt ex nobis : si enim fuissent ex nobis , mansissent utique nobiscum ; voluntate exierunt , voluntate ceciderunt . Et quia praesciti sunt casuri , non sunt praedestinati .* Essent autem praedestinati , si essent reversuri , & in sanctitate ac veritate mansuri . Ac per hoc praedestinatio Dei , multis est causa standi , nemini est causa labendi .

CA-

¹ Al. om. Dei . ² Al. templum sint . ³ Al. sit .

⁴ Mar. 3. 27. ⁵ Coloss. 1. 13. ⁶ 1. Jo. 2. 19.

CAPITULUM XIII.

OBJECTION. *Quod omnes illi fideles & sancti¹, qui ad aeternam mortem praedestinati sunt, quando ad vomitum suum relabuntur, vitio quidem suo hoc facere videntur, sed ipsius vitii causa est divina praedestinatio, quae illis latenter subtrahit bonas voluntates.*

RESPONSIO. Idem blasphemiarum spiritus perseverat, & a praecedentibus mendaciis subsequens impietas non recedit: quam prorsus vera ratio reprobat, & incunctanter sana doctrina condemnat. Quia omnibus quidem a fide ad infidelitatem, a sanctitate ad turpitudinem relapsis, & ante finem vitae nulla emendatione purgatis, nihil aliud quam mors aeterna debetur: sed nefas est Deo adscribere causas talium ruinarum; qui etsi ex aeterna scientia praecognitum habet, quid uniuscujusque meritis retributurus sit; nemini tamen per hoc quod falli non potest, aut necessitatem, aut

L 2

VO-

1 al. omittitur: & sancti.

voluntatem intulit delinquendi. Si ergo a iustitia & pietate quis deficit, suo in praeceps fertur arbitrio, sua concupiscentia trahitur, sua persuasione decipitur. Nihil ibi Pater, nihil Filius, nihil agit Spiritus sanctus: nec tali negotio quidquam divinae voluntatis intervenit: cuius opere multos scimus, ne laberentur, retentos; nullos autem, ut laberentur, impulsos.

CAPITULUM XIV.

OBIECTIO. *Quod pars magna illa Christianorum catholicorum fidelium, atque sanctorum, quae ad ruinam & perditionem praedestinata est, etiam si petat a Deo sanctitatis perseverantiam, non impetrabit: eo quod mutari non potest divina praedestinatio, quae illos praedordinavit, praeparavit, praeceptavit ut caderent.*

RESPONSIO. Ad praevericationem legis, ad neglectum religionis, ad corruptelam disciplinae, ad desertionem fidei, ad perpetrationem qualiscumque peccati, nulla omnino est praedestinatio Dei: nec fieri potest, ut per quem a talibus malis surgitur, per eum in talia decia-

decidatur . Si ergo in sanctitate vivitur , si in ¹ virtute proficitur , si in bonis studiis permanetur , manifestum munus est Dei , sine quo nullus ² boni operis fructus acquiritur . Si autem ab his receditur , & ad vitia atque peccata transitur , nihil ibi Deus malae tentationis immittit , & recessurum non deferit ante quam deferat ; & facit plerumque , ne deferat , aut etiam si discessit , ut redeat . Cur autem illum retineat , illum non retineat ; nec possibile est comprehendere , nec licitum ³ vestigare ; cum scire sufficiat , & ab illo esse quod statur , & non ab illo esse quod ruitur .

CAPITULUM XV.

OBJECTIO . *Quod omnes illi fideles & sancti, qui ad aeternam mortem praedestinati sunt, posteaquam ceciderint, sic a Deo dispensentur, ut nec possint nec velint ⁴ per poenitentiam liberari.*

RESPONSIO . Non veraciter , nec sapienter hoc dicitur . Qui enim a fide & sanctitate exciderunt , sicut vo-

L 3

lun-

¹ Al. in virtutem . ² Al. nullius . ³ Al. investigare . ⁴ Al. ne possint vel velint .

luntate prolapsi sunt, ita voluntate non surgunt, & dominatum concupiscentiarum, quibus succubuerunt, sponte patiuntur. Si qui autem captivitatem suam gemunt, & judicantes semetipsos, ad misericordiam Dei mutato corde confugiunt, non sine spiritu divinae visitationis haec faciunt. ¹ *Haec enim* ² *mutatio dexteræ excelsi*; qui innumeris lapsis dat poenitentiam, ³ *ut resipiscant a diaboli laqueis, a quo captivi tenebantur ad ipsius voluntatem*. Nemini autem Deus correctionis adimit viam, nec quemquam boni possibilitate dispoliat. Quia qui se a Deo avertit, ipse & velle quod bonum est, & posse sibi sustulit. Non est ergo consequens, sicut putant qui talia obijciunt, ut Deus, quibus poenitentiam non dederit, resipiscentiam abstulerit: & quos non levaverit, alliferit: cum aliud sit infonem in crimen egisse, quod alienum est a Deo; aliud criminoso veniam non dedisse, quod de peccatoris est merito.

CA-

¹ *Psalm. 76. 11.*² *Al. Haec est enim.*³ *1. Tim. 2. 26.*

CAPITULUM XVI.

OBJECTIO. *Quod magna pars illa fidelium atque sanctorum, quae ad aeternam mortem praedestinata est, quando dicit Deo in oratione Dominica, Fiat voluntas tua; nihil aliud, quam contra se petat, id est, ut cadant & ruant: quia voluntas Dei haec est, ut aeterna morte pereant.*

RESPONSIO. Non hoc Veritas dicit, quod haec sit voluntas Dei, ut fideles & sancti a fide atque innocentia ruant, & pereant in aeternum: sed Veritas dicit: ¹ *Haec est voluntas ejus, qui me misit Patris, ut omne quod dedit mihi, non perdam ex eo quidquam, sed resuscitem illud in novissimo die.* Quod ergo Pater Filio dedit, Filius omnino non ² perdit. Idem enim dicit: ³ *Omne quod dat mihi Pater ad me veniet, & eum qui venit ad me, non eiiciam foras.* Quod si per generalitatem vocationis, & per abundantiam bonitatis Dei, etiam non perseveraturi perseveraturis admixti sunt; hi cum a pietate deficiunt, non ex Dei opere, sed ex sua voluntate deficiunt; nec impelluntur ut cadant, nec eiiciuntur ut deferant: caturi tamen & recessuri ab eo, qui falli non

¹ Joan. 6. 39. ² Al. non perdet. ³ Jo. 6. 37.

potest, praesciuntur. Quamdiu itaque in oratione Dominica dicunt, *Fiat voluntas tua*; non hoc contra se petunt, quod Deus nullo modo ulla ratione facturum est, idest, ut cadant & ruant: ipsorum¹ enim hoc nequitia, ipsorum est consummatura libertas. Sed plane illud contra se petunt, quod divinae voluntatis esse non dubium est: ut scilicet, cum venerit Filius hominis in maiestate sua, & sederit super thronum gloriae suae, congregentur ante eum omnes gentes,² & separet eos ab invicem, alios ad dextram, alios statuens ad sinistram; & audiant eum dextri dicentem:³ *Venite benedicti Patris mei, possidete praeparatum vobis & regnum a constitutione mundi*; audiant & sinistri,⁴ *Discedite a me maledicti in ignem aeternum, quem paravit Pater meus diabolo & angelis ejus*. Igitur qui facturi non sunt voluntatem⁵ Dei, & petunt ut fiat voluntas Dei, in eo quod Dei voluntate faciendum est⁷ audiuntur, ut imitatores diaboli cum diabolo iudicentur. Qui enim voluntatem Dei spreverunt invitantem, voluntatem Dei sentient vindicantem.

S. PRO-

¹ Al. Hoc enim ipsorum. ² Al. ut. ³ Matth. 25. 34. ⁴ Al. paratum. Al. regnum paratum vobis. ⁵ Matth. 25. 41. ⁶ Al. voluntatem ejus. ⁷ Al. audiunt.

S. P R O S P E R I
L I B E R
R E S P O N S I O N U M
A D E X C E R P T A G E N U E N S I U M .





PResbyteri duo Genuenses Camillus, & Theodorus non ad infamandam doctrinam S. AUGUSTINI, sed eam recte intelligendi causa S. PROSPERO miscerunt excerpta quaedam ex libris S. AUGUSTINI *De Praedestinatione Sanctorum*, & *de Dono Perseverantiae*, rogantes illum, quem Augustinianae doctrinae scientissimum noverant, ut ipsis significaret, quo intellectu, quove judicio ea acciperet; ipsis enim vel insolita, vel minus clara esse videbantur. Annuit PROSPER, & singulorum excerptorum rectum sensum, tum ex contextu antecedentium, consequentiumque verborum, tum ex aliorum sanctissimi Doctoris operum locis, luculentissime illis exposuit, petens tamen, ne ubi simplicitas erat obedientiae, praesumptionem putarent esse doctrinae. Quo anno haec contigerint haud liquet, sed certe post mortem S. AUGUSTINI.

S. PRO-

S. PROSPERI
RESPONSES
AD EXCERPTA GENUENSIIUM.



CAMILLO & THEODORO *venerabilibus*
Presbyteris, PROSPER.

IN libris beatae memoriae Augustini
Episcopi, quorum titulus est *De*
praedestinatione sanctorum, quaedam
sanctitatem vestram vel insolita aut mi-
nus clara moverunt, quae ad humilita-
tem meam, de contextu disputationis ex-
cerpta, misistis: ut quo intellectu, ²
quo-

1 Al. *Theodulo*. Al. *Theudulo*. Al. *Theodolo*.
2 Al. *vel quo iudicio ea acceperim*.

quoque iudicio ea acciperem, nosceretis: quasi plus in me, quam in vobis ad haec introspicienda esset ingenii: ac non magis in hoc examine vestrae facultatis ¹ debueritis exercere mensuram, & si aliqua vos morabatur obscuritas, decurrere ad Patrem luminum ², a quo descendit omne datum optimum, & omne donum perfectum, & a quo datur spiritus sapientiae & intellectus. Verumtamen praeceptis vestris obsequium meum non subtraham, & adjuvante ³ Domino, ⁴ *qui sapientiam praestat parvulis*, de capitulis istis, quid cum sanctis & eruditis fratribus sentiam, breviter indicabo; petens, ne ubi est simplicitas obedientiae, praesumptionem esse putetis doctrinae. De excerptis itaque haec prima proposuistis, in quibus verba sunt sancti Augustini Episcopi.

EX-

¹ Al. debueratis. ² Jacob. I. 17. ³ Al. Deo.

⁴ Psalm. 118. 2.

EXCERPTUM I.

Ex S. Augustini lib. de Praed. Sanct. cap. 3.

Iacob dilexi, Esau² autem odio habui³. Ad hoc perduxit⁴ ratiocinationem, ut dicerem: Non ergo elegit Deus opera cuiusquam quae ipse daturus sit, sed fidem elegit in praescientia; ut quem sibi crediturum esse praesciret⁵, ipsum elegerit⁶, cui sanctum Spiritum daret, ut bona operando etiam vitam aeternam consequeretur. Non dum diligentius quaesieram, nec adhuc inveneram, qualis esset electio gratiae.

EXCERPTUM II.

Ex S. Augustino eodem loco.

AC deinde subjunxi: Quod ergo credimus, nostrum est; quod autem bona operamur, illius est, qui credentibus dat Spiritum sanctum.⁷ Quod profecto non dicerem, si jam scirem etiam ipsam fidem inter Dei munera reperiri, quae⁸ dantur in eodem spiritu. Utrumque ergo nostrum est propter arbitrium voluntatis; utrumque tamen datum est propter spiritum fidei & caritatis.

EX.

¹ Al. Dubium. ² Al. om. autem. ³ Rom. 9. 23.

⁴ Al. produxi. ⁵ Al. praesciuit. ⁶ Al. eligeret.

⁷ Al. om. quod. ⁸ Al. datur. ⁹ Al. & utrumq.

EXCERPTUM III.

Ex S. Augustino ibidem.

AC per hoc, quod etiam postea dixi; Quia neque velle possumus, nisi vocemur: & cum post vocationem voluerimus, non sufficit voluntas nostra & cursus noster, nisi & Deus vires¹ credentibus praebeat, & ducat² quo vocat: ac deinde subjunxi; Manifestum est ergo non volentis, neque currentis, sed miserentis Dei esse, quod bene³ operamur: omnino verissimum est; sed parum de ipsa vocatione differui, quae⁴ fit secundum propositum Dei: non enim omnium qui vocantur talis vocatio⁵ est, sed tantum electorum.

RESPONSIO AD HAEC TRIA.

IN his tribus capitulis, licet divisa sint a disputationis⁶ corpore, & eo ipso obscuriora sint facta, quod & praecedentibus, & mediis, & subsequenter non cohaerent: ⁷ intelligo tamen quod unam atque⁸ eandem causam scriptor exequitur

¹ Al. currentibus. ² Al. perducatur. ³ Al. operemur. ⁴ Al. fit. ⁵ Al. om. vocatio. ⁶ Al. a disputatione corpora. ⁷ Al. intelligendo. ⁸ Al. eandemque.

tur, de eis loquens, qui dicebant eum primo conversionis suae tempore meliora sensisse, quando aestimabat, quod fides qua Christiani sumus, non esset ex gratia, nec ex dono haberetur Dei, sed esset ex ipso homine & ex arbitrii libertate; modo autem errare eum, ¹ quia assereret ipsam etiam fidem Dei esse donum, & ad hanc quoque pertinere quod dictum est: ² *Quid autem habes quod non accepisti?* neque recte eum nunc electionem Jacob ad propositum Dei referre, quam prius ad praescientiam retulisset. Ad hanc ergo obiectionem respondet, se, antequam cognosceret gratiae veritatem, & ante quam regendae praeponeretur Ecclesiae, in hac opinione ignoranter errasse: sed in ipso episcopatus sui exordio, a sanctae memoriae Simpliciano Mediolanensi antistite, de Jacob electione & de Esau rejectione consultum ³, totam quaestionem ad hos geminos pertinentem, sagaciore diligentia ventilasse: & omnibus ratio-

¹ Al. *qui*. ² 1. Cor. 4. 7. ³ Al. *consulto* omissa praepositione *a*, sed perperam, neque enim ab Augustino Simplicianus, sed a Simpliciano Augustinus consultus fuit, ut patet ex ep. 37. Operum S. Aug. tom. 2. edit. Paris. Monachorum s. Mauri.

rationandi viribus hoc indubitanter agnovisse, quod electionem gratiae nulla merita humana praecedant: & quod fides, unde incipiunt omnia merita, donum sit Dei; ne gratia non sit gratia, si aliquid eam, propter quod tribuatur, antevenit. Itaque in eo quod dictum est, ¹ *Jacob dilexi*, ostensum esse quid homini donaretur: & in eo quod dictum est, *Esau autem odio habui*, ostensum esse, quid homini ² deberetur. Hoc autem se in libro Retractionum secundo suo opere studiose recoluisse ³: & cum omnes opiniones suas censoria gravitate discuteret, istam, quam obrectatores ejus eligunt, improbasse, quam ante Pelagianae haeresis ortum futuro errori amicam esse praevidit, & revelata sibi gratiae veritate rejecit. Quae igitur ratio est, ut hanc viri hujus professionem non approbemus, qua nos ad castigandas opiniones nostras, si quas forte imprudenter incidimus, exemplo suae correctionis instituit; & qua docet a Deo nos accipere, quod ut accipiamus jubemur orare?

Tom. III.

M

Si

¹ Rom. 9. 13. ² Al. debetur; ³ Retract. lib. 2. cap. 1.

Si enim consideremus Pelagianae argumenta perfidiae, quid magis nititur obtinere, quam ut videatur gratia Dei secundum merita nostra dari, ut in eo ipso, in quo gratiam necessariam confiteatur, meritis eam humanae voluntatis enervet? quam perversitatem omnino incurrit, qui fidem ad Dei munera non putat pertinere: aut ideo eam se jactitat ad Deum referre, quia ab ipso sit creata natura, cui rationabilem inseruit libertatem, per quam unusquisque & credere & non credere in sua habeat potestate; & de hoc naturali bono, ¹ quod nullis praecedentibus meritis, cum crearetur, accepit, cetera dona mereatur. Hoc autem qui asserit, fatetur (credo) nobiscum, quod in primo Adam omnium hominum natura vitata sit; nec negat eam in illo lapsu suas amisisse virtutes, quas nisi per gratiam recipiat, habere non possit. Quid est autem, quod eidem naturae solam fidem non vult esse praereptam, quam nisi primam amisisset, ceteris bonis omnibus non careret? Credendo enim Adam diabolo, non credit Deo: & cum spiritu superbiae inebria-

briatus esset , discessit a Domino cor ejus , & factus est servus apostatae , ¹ dum liber vult esse justitiae . Cum itaque non haberemus continentiam , nisi Deus daret ; nec haberemus dilectionem sanctam , nisi caritas Dei diffunderetur in cordibus nostris per Spiritum sanctum , qui datus est nobis ; ² cum postremo nemo haberet sapientiam & intellectum , consilium & fortitudinem , scientiam & pietatem ac timorem Domini , nisi has virtutes Spiritus sanctus daret ; ³ quomodo fides in Adam perdita , in quoquam filiorum ejus inveniretur , nisi eam idem Spiritus , qui omnia in omnibus operatur ⁴ , infunderet ? Unde si quod Adam perdidit , posteritas non amisit ; ipsum solum laesit peccatum ejus , & non genus humanum . Sed *omnes in uno peccaverunt* ⁵ , & praevaricationis merito tota ejus propago damnata est . Omnes igitur , quod Adam perdidit , perdiderunt . Perdidit autem primitus fidem , quam omnes , quia primam potuimus amittere , primam ⁶ ege-

M 2 mus

¹ Sap. 8. 28. ² Rom. 5. 5. ³ Isa. 11. 2.

⁴ 1. Cor. 12. 6. ⁵ Rom. 5. 12. ⁶ Al. habemus .

mus accipere. Placeat ergo nobis haec gratiae praedicatio, qua fides donum Dei esse defenditur, & in nullo nobis¹ poterit Pelagianus error illudere: qui, ut gratiam persuadeat debitam, fidem non vult esse donatam. Quia ergo nec iusta,² nec rationabilis intelligitur eorum fuisse persuasio, qui hujus viri scientiam tot incrementorum profectibus aedificatam, tot annorum studiis expolitam, ad adolescentiae rudimenta revocabant; ut magis suffragaretur haereticis, quod inter initia conversionis suae imperite senserat, quam prodesset catholicis, quod pontificali diligentiae veritas revelarat: merito illos hoc praejudicio utentes, & in his, quae dudum abdicata fuerant, immorantes, pii doctoris gravitas notat, quod qui curaverunt omnes sensus ipsius indagare, noluerint cum ejus eruditione proficere. Sed jam consideremus quale sit, quod de subsequentibus adnotastis.

EX-

¹ Al. potuerit. ² Al. om. nec iusta.

EXCERPTUM . IV.

Ex S. Augustini lib. de Praed. sancti, c. 5.

Non quia credere, vel non credere, non est in arbitrio voluntatis humanae, sed in electis praeparatur voluntas a Domino.

RESPONSIO.

Jungamus quod sequitur¹, ut quod propositum est de connexo sermone sit clarius. Ideo ad ipsam quoque fidem, quae in² voluntate est, pertinet, Quis enim te discernit? quid autem habes, quod non accepisti? ³ Multi audiunt verbum veritatis, sed alii credunt, alii contradicunt. Volunt ergo⁴ isti credere, nolunt autem illi. Quis hoc ignoret? quis hoc neget? Sed cum aliis praeparatur, aliis non praeparatur voluntas a Domino; ⁵ discutiendum est utique, quid veniat de misericordia, qui de iudicio. Quod quaerebat Israel, hoc non est

CON-

¹ S. August. de Praedest. Ss. cap. 5. & 6. ² Al. om. quae in voluntate est. ³ 1. Cor. 4. 7. ⁴ Al. autem. ⁵ Al. discernendum.

consecutus ¹ : electio autem consecuta est , ceteri vero excæcati sunt , sicut scriptum est ² : Dedit illis spiritum compunctionis , oculos ut non videant , & aures ut non audiant usque in hodiernum diem . Et David dicit ³ : Fiat mensa eorum in laqueum , & in venationem , & in scandalum , & in retributionem illis : Obscurentur oculi eorum , ne videant , & dorsum eorum semper incurva . Ecce ⁴ misericordia & iudicium : misericordia in ⁵ electionem , quæ consecuta est iustitiam Dei ; iudicium vero in ceteros , qui excæcati sunt : & tamen illi quia voluerunt crediderunt ; illi , quia noluerunt , non crediderunt . Misericordia igitur & iudicium , in ipsis voluntatibus facta sunt . Electio quippe ⁶ ista gratiæ est non utique meritorum . Superius enim dixerat , ⁷ Sic enim & ⁸ in hoc tempore reliquiae per electionem gratiæ salvæ factæ sunt . Si autem gratia , jam non ex operibus : alioquin gratia jam non est gratia . Gratis ⁹ ergo consecuta est , quod consecuta est electio . Non præcessit eorum aliquid quod

¹ Rom. 11. 7. ² Isaiæ 6. 9. ³ Psalm. 68. 23. ⁴ Al. misericordiam . ⁵ Al. in electione .
⁶ Al. quippe istis . ⁷ Rom. 11. 5. & 6. ⁸ Al. om. & . ⁹ Al. Gratia .

quod priores darent, & retribueretur illis. ¹ Pro nihilo ² enim salvos fecit eos. Ceteris autem qui excaecati sunt (sicut ibi non tacitum est) in retributione factum est. ³ Universae viae Domini misericordia & veritas. ⁴ Investigabiles autem sunt viae ipsius. Investigabilis ⁵ igitur misericordia, qua gratis liberat, & veritas, qua iuste judicat.

Haec omnia apud pium catholicumque lectorem, quid offensionis pariunt? quid contradictionis incurrunt? Numquid falsum est, quod ⁶ praeparatur ⁷ voluntas a Domino? Numquid non ⁸ quotquot spiritu Dei aguntur, hi Filii sunt Dei? Numquid hominem ab homine natura discernit, ac non potius gratia ab infideli fidelem? Numquid potest ullus dicere habere se, quod non accepit? aut quasi de non accepto, sed proprio gloriari; quod si non accepisset, utique non haberet? Numquid dubium est, cum verbum veritatis praedicatur, alios voluntate credere, alios

¹ Psalm. 55. 3. ² Al. omittitur: enim.

³ Psalm. 24. 10. ⁴ Rom. 11. 35. ⁵ Al. Investigabiles igitur sunt &c. ⁶ Prov. 8. secundum LXX. ⁷ Al. quod praeparatum est ita a Domino. ⁸ Rom. 8. 14.

alios voluntate non credere? Sed cum illorum cor Deus aperuerit, illorum autem non aperuerit, discernendum est quid veniat de misericordia, quid de iudicio. Post commemorationem autem apostolicae sententiae¹, quam prophetici testimoniis adstruit, quod iustitiam Dei, quam Israel quaerens consecutus non est, electio sit consecuta per gratiam, ceteris ex retributione caecatis, numquid non verissime dictum est²: *Ecce misericordia & iudicium: misericordia in³ electionem, quae consecuta est iustitiam Dei: iudicium vero in ceteris, qui excaecati sunt?* Et paulo post: *Gratis ergo consecuta est, quod consecuta est electio. Non praecessit aliquid eorum, quod priores darent, & retribueretur illis: pro nihilo salvos fecit eos. Ceteris autem, qui excaecati sunt, sicut ibi non tacitum est, in retributione factum est.* Quis hic locus est⁴ querimoniae, nisi apud inimicos gratiae: qui nisi ad retributionem referatur quod gratis datur, ad iniquitatem volunt pertinere quod redditur? Deinde quod de
 Pro

¹ Rom. 11. 7. ² S. August. ib. cap. 6. ³ Al. electione. ⁴ Al. omittitur: est.

Propheticis intulit verbis. ¹ *Universae viae Domini misericordia & veritas* : quis negavit ? Aut quod de apostolico adnexuit ² censu : ³ *Investigabiles sunt autem viae ipsius ? Investigabiles igitur sunt , & misericordia qua gratis liberat , & veritas qua iuste judicat* . Non est ergo sanarum mentium ista reprehendere ; & investigabiles vias Domini , hoc est , dona misericordiae & judicia veritatis Pelagianorum elationi penetrabilia deputare . Quia secundum ipsos non latet consilium Dei , nec in occulto est divinae voluntatis , si erga omnem hominem tam gratia Dei , quàm & ira de ⁴ merito est .

Post haec posuistis quod infra dictum est.

EXCERPTUM V.

Ex S. Aug. ib. cap. 8.

Fides igitur & inchoata , & perfecta , donum Dei est ; & hoc donum quibusdam dari , quibusdam non dari non dubitet , qui non vult manifestissimis sacris litteris repugnare .

Tom. III.

N

RE-

¹ *Psal. 24. 10.* ² *Al. sensu .* ³ *Rom. 11. 33.*

⁴ *Al. om. de.*

R E S P O N S I O .

H Oc qui non recipit, cujus videtur esse sententiae, nisi dicentis: fides per quam justificor, ex me est; & hoc bonum, ex quo justus vivit¹, non accepi per gratiam, sed habeo per naturam? Si ergo fides donum Dei non est, frustra Ecclesia pro non credentibus orat ut credant, & sufficit impiis magisterium legis adhiberi, de qua dictum est: ² *Si ex lege est justitia, ergo Christus gratis mortuus est*: quod similiter dici potest etiam de natura. Frustra etiam Apostolus³ gratias agit Deo pro his, qui Evangelium receperunt: cum hoc secundum Pelagianos non Dei sit praestitum munere, sed ex sola habeatur hominum voluntate: & frustra quibusdam precatur idem Apostolus⁴, ut sit eis pax & caritas cum fide a Deo Patre & Domino Jesu Christo: ut jam non solum de fide, sed etiam pace & caritate, superbia haereticorum vincatur dicere, de proprio se has habere virtutes. Quod⁵ si haec ex

2 *Habnc.* 2. 4. 2 *Gal.* 2. 21. 3 2 *Theff.* 3. 12.
6. 23. 5 *Al. Quae.*

homine sunt, quid obest ut non ex semetipso habeat & cetera bona, quae inferiora sunt, cum audeat sibi deputare, quae summa sunt, & sine quibus alia, quamvis multa & clara, non profunt? Non potest itaque merito refutari quod dictum est: *Fides igitur & inchoata & perfecta, donum Dei est*: quia eadem & Apostoli vox est, dicentis,¹ *Gratia salvi facti estis per fidem, & hoc non ex vobis, Dei enim donum est, non ex operibus, ne forte quis extollatur. Et*:² *Vobis donatum est pro Christo; non solum ut in eum credatis, sed etiam ut patiamini pro eo. Et iterum*:³ *Per patientiam curramus ad propositum nobis certamen, aspicientes in auctorem fidei, & consummatorem Jesum. Quibus, & plurimis aliis testimoniis divinarum Scripturarum, indubitanter agnoscitur; quoniam, sicut ab hoc viro definitum est, Fides & inchoata & perfecta, donum est Dei: & hoc donum, inquit, quibusdam dari, quibusdam non dari, omnino non*⁴ *dubitat, qui non vult manifestissimis sacris litteris repugnare. Non pte-*

mus

N 2

¹ Eph. 2. 8. ² Philip. 1. 29. ³ Heb. 12. 1.
 al. non dubitet.

mus hoc veraciter dictum, si omnes homines fideles sunt: sed cum alii credant, alii vero non credant, dicatque Apostolus, ¹ *Non enim omnium est fides*: quis non videat fidem, quam acceperunt qui habent, non accepisse qui non habent? Deinde ait.

EXCERPTUM VI.

Ex S. Aug. ib. cap. 8.

Cur autem non omnibus detur, fidelem movere non debet, qui credit ex uno omnes esse in condemnationem sine dubitatione justissimam: ita ut nulla esset Dei justa reprehensio, etiam si nullus inde liberaretur. Unde constat, magnam esse gratiam quod plurimi liberantur, & quid sibi deberetur, in eis, qui non liberantur, agnoscunt: ut ² qui gloriatur, non in suis meritis, quae paria videt esse damnatis, sed in Domino gloriatur. Cur autem istum potius quam ³ illum liberet: inscrutabilia sunt judicia ejus, ⁴ & investigabiles viae ipsius. Melius enim & hic ⁵ audimus & di-

¹ 1. *Thess.* 3. 2. ² Al. *gloriantur... vident... gloriantur.* ³ Al. *istum potius quam istum.*

⁴ Rom. 11. 33. ⁵ Al. *audiemus omnia voce dicimus.* Al. *aut dicimus.*

Et dicimus :¹ O homo , tu quis es qui respondeas Deo ? quam dicere audeamus , quasi noverimus quod occultum esse voluit , qui tamen aliquid iniustum velle non potuit .

R E S P O N S I O .

HAEC omnia si non recte dicta sunt , scrutabilia sunt judicia Dei , & vestigabiles viae ejus ; nec occultum est , quare ille potius quam iste salvatur , & in se , non in Domino gloriabitur , qui , aliis vitio suo pereuntibus , electione dignus inventus est . Ac sic justitia quidem erit , quod plurimi damnantur : sed non erit gratia quod plurimi liberantur . Absint² haec a catholicis cordibus , absit talis impietas , ut quemquam putemus meritis suis erui de potestate tenebrarum , & in regnum Filii Dei debita , non gratuita adoptione transferri . Magno peccato perit Adam , & in illo omnes perierunt . Quia³ omni homini damnata nativitate genito , hoc in Adam debetur ut pereat .

N 3

Et

¹ Rom. 9. 20. ² Al. Absit . ³ Al. Quia omni homini damnata nativitate in genitore , hoc est , in Adam , debetur .

150 S. PROSPERI RESPONSIONES

Et sicut non possumus conqueri de eo quod in praeteritis saeculis dimisit omnes gentes ingredi vias suas: ita iustam non haberemus querelam, si cum eis, cum quibus nobis fuit causa communis, cessante adhuc gratia periremus. Quae tamen sicut tunc de omni mundo eruit paucos; ita nunc de universo genere hominum salvat innumeros: non secundum opera nostra, sed secundum suum propositum, & gratiam¹ quae data est nobis in Christo Jesu ante tempora aeterna.

Subnexuistis etiam, quod post multa differens ait.

E X C E R P T U M VII.

Ex S. Aug. ib. cap. 16.

E St ergo in malorum potestate peccare: ut autem peccando hoc vel hoc illa malitia faciant, non est in eorum potestate, sed Dei dividens tenebras, & ordinantis eas: ut² hinc etiam quod faciunt contra voluntatem Dei, non impleatur nisi voluntas Dei.

RE-

¹ 2. Tim. 2. 9. ² Al. hic,

R E S P O N S I O .

QUod cum sit apertissimae veritatis ,
 miror inter obscura decerptum :
 quasi non ex cohaerentibus potue-
 rit omnis haesitatio lectoris absolvi . In-
 spicite ergo quod sequitur : *Legimus ,*
*inquit , in Actibus Apostolorum*¹, *quod cum*
dimissi a Judaeis Apostoli venissent ad suos ,
*Et indicassent*² *quanta eis sacerdotes Et se-*
niores fecerunt , levaverunt illi vocem una-
*nimes omnes ad Dominum , Et dixerunt :*³
Domine tu es qui fecisti coelum , Et terram ,
*mare*⁴, *Et omnia quae in eis sunt , qui per*
os Patris nostri David sancti pueri tui di-
xisti : Quare fremuerunt gentes , Et popu-
li meditati sunt inania , adstiterunt reges
terrae , Et principes convenerunt in unum ,
adversus Dominum , Et adversus Christum
*ejus ? Convenerunt enim in*⁵ *veritate , in*
*civitate*⁶ *ista adversus sanctum puerum tuum*
*Jesum quem unxisti , Herodes*⁷ *Et Pilatus*
Et populus Israel , facere quanta manus tua
 N 4 Et con-

¹ Act. 4. 13. ² Al. indicassent eos quanta illis

³ Psalm. 2. 2 ⁴ Al. om. mare. ⁵ Al. om.
 in veritate. ⁶ Al. in civitatem istam. ⁷ Al.
 Et Pontius Pilatus.

Et consilium praedestinavit fieri. Si ergo quae per os patris nostri David Spiritus sanctus prophetavit, aliter intelligi ullo modo, quam ab Apostolis sunt intellecta, non possunt, & Herodes ac Pilatus & populus Israel fecerunt quanta manus Dei & consilium praedestinavit fieri; quid inconveniens ait admirabilis disputator Est, inquit, in malorum potestate peccare: ut autem peccando hoc vel hoc illa malitia faciant, non est in eorum potestate, sed Dei dividendis tenebras, Et ordinantis eas: ut hinc etiam quod faciunt contra voluntatem Dei, non impleatur nisi voluntas Dei? Male¹ enim velle facillimum est malis: & eorum damnabilem voluntatem non dubium est a Dei potestate concludi, ut effectum cupiditatis suae, nisi ille permiserit, habere non² possint. Uti autem sapientiam & justitiam Dei etiam malorum operibus, quae ex ipsorum prodeunt appetitu, ad implenda consilia & judicia sua, nullus, vel tenuiter secundum pietatem doctus, ignorat; qui videt Dei Patris optimam voluntatem, non parentis Filio suo, sed pro nobis omnibus tra-

¹ Al. Mala. ² Al. possit, nempe, voluntas maiorum.

tradentis eum, pessima ¹ traditoris Judae, & Judaeorum voluntate completam: & qui in Evangelicis paginis legit, dicente Pilato ad Jesum: ² *Mibi non loqueris? nescis quia potestatem habeo crucifigere te, & potestatem habeo dimittendi te?* respondisse Dominum: *non haberes in me potestatem ullam, nisi esset tibi ³ data desuper.* Dividit itaque Deus inter lucem & tenebras: nec ideo inculpabiles sunt tenebrae, quia eis bene utitur Deus, qui etiam de opere ⁴ ipsarum, quod filiis lucis in bonum procederet, ordinavit: tantum progredi sinens malitiam nocere cupientium, quantum eam sanctis suis vel castigandis novit utilem, vel probandis: ut hinc etiam quod faciunt contra voluntatem Dei, non impleatur nisi voluntas Dei.

Sequitur deinceps quod in libro invenitur secundo.

EXCERPTUM VIII.

Ex S. Aug. ib. cap. 14.

AN quisquam dicere audebit, Deum non praescisse quibus esset daturus ut crederent, aut quos daturus esset Filio suo, ut ex
eis

¹ Al. traditorum. ² Joan. 19. 10. ³ Al. datum desuper. ⁴ Al. ipsorum, nempe, malorum.

154 S. PROSPERI RESPONSIONES

eis non perderet quemquam? Quae utique si praescivit, profecto beneficia sua, quibus nos dignatur¹ liberare, praescivit. Haec est praedestinatio sanctorum, nihil aliud²: praescientia scilicet & praeparatio beneficiorum Dei, quibus certissime liberantur quicumque liberantur. Ceteri autem, ubi, nisi in massa perditionis justo divino iudicio relinquuntur? Ubi Tyrii relictī sunt & Sidonii,³ qui etiam credere potuerunt, si mira illa Christi signa vidissent. Sed⁴ quoniam ut crederent, non eis erat datum, etiam unde crederent est negatum.

R E S P O N S I O .

QUI istis resistunt, hoc sentire apertissime probantur, quod fides non sit donum Dei, & quod gratia non praeveniat liberum arbitrium, sed sequatur, & quod gratia Dei secundum merita nostra detur. Nam si aliquid conferri homini per gratiam confitentur, & id non accipit nisi fides, quae accepta non

¹ Al. dignaretur. ² Al. Haec praedestinatio sanctorum nihil aliud est, quam &c. ³ Matth. 11. 21. ⁴ Al. quomodo.

non est, in ipsa est meritum, cui non donum datur, sed debitum redditur. In hac sententia positi, consequenter sapiunt, eos esse praedestinos in vitam aeternam, quos per liberae voluntatis arbitrium fideles futuros praescierit Deus, ut ipsa electorum praedestinatio non sit nisi¹ retributio. Atque ita, in his qui praedestinati sunt secundum propositum ejus qui universa operatur, non operetur Deus fidem: nec ulla sint hominis merita, si Deus operatur universa.² Vere qui ista sentiunt, fidem non acceperunt, aut quam³ acceperant, perdidērunt, sequendo vanissimam Pelagianorum superbiam, & in se non in Domino gloriando, qui operatur omnia in omnibus⁴, bona profecto, non mala: & si omnia bona, utique & fidem, sine qua nemo potest placere, & quae est virtutum omnium fundamentum. Quale est autem, ut cum Dei sit aedificatio,⁵ *Et nisi Dominus aedificaverit domum, in vanum laborent qui aedificant eam*; aut nolint isti
fun-

1 Al. om. nisi retributio. 2 om. Vere. 3 Al. acceperunt. 4 1. Cor. 12. 6. 5 Psalm. 126. 1.

fundamentum ad aedificium pertinere, aut se velint inchoare, quod Dominus possit extruere? Non erit ergo illis principium Filius Dei, non fundabuntur in ipso angulari lapide Christo Jesu: nec de eis dictum est, ¹ *Firmum autem fundamentum Dei stat*; quia ² totam electionem ³ suam solubili arenae & fucciduo cineri superponunt.

Agnoscamus itaque sapienter, pieque fateamur, praescisse incommutabiliter Deum quibus esset daturus ut crederent, aut quos daturus esset Filio suo, ut ex eis non perderet quemquam: & si haec praescivit, beneficia sua illum, quibus nos dignatur liberare, praescisse: & hanc esse praedestinationem sanctorum; praescientiam scilicet ⁴ & praeparationem gratiae Dei, qua certissime liberantur. ⁵ Ceteros autem quicumque non liberantur, quos a generali perditione humani generis gratia non exemit, justo non verimus iudicio non exemptos: & quid nobis remissum sit, in eis discamus, de quo-

1 2. Tim. 2. 19. 2 Al. qui. 3 Al. electionem.

4 Al. praedestinationem scilicet. 5 Al. additur: quicumque liberantur.

quorum queri damnatione non possumus. Non est enim iniquitas apud Deum¹, neque quisquam sub iudicio ejus innocens perit. Sicut enim hic ipse insignis gratiae praedicator alibi ait: ² *Reddit³ omnino Deus & mala pro malis, quoniam justus est: & bona pro malis, quoniam⁴ bonus est: & bona pro bonis, quoniam justus & bonus est: tantummodo mala pro bonis non reddit, quoniam iniustus non est. Reddit ergo mala pro malis, poenam pro injustitia: & reddit bona pro malis, gratiam pro injustitia: & reddit bona pro bonis, gratiam pro gratia.* Cum aliqui pereunt, non dubitemus ipsorum meritis deputari quod pereunt: quos utique posset Deus misericorditer liberare, si vellet. Et cum⁵ aliqui liberantur, non audeamus definire, quod digni fuerint liberari; quos utique posset Deus juste damnare, si vellet. Quare autem non omnes, aut quare illos potius quam⁶ illos liberet, nec necessarium est quaerere, nec possibile reperire: cum omnis discere-

¹ 2. Par. 19. 7. ² S. Aug. lib. de gratia & lib. arb. cap. 23. ³ Al. reddet. ⁴ Al. quomodo.
⁵ Al. alii. ⁶ Al. isto.

158 S. PROSPERI RESPONSIONES

secretionis istius causis scire sufficiat, quod nec misericordia iustitiam, nec iustitia auferat misericordiam apud eum, a quo nemo nisi iuste damnatur, nemo nisi misericorditer liberatur.

De Tyriis vero & Sidoniis quid aliud possumus dicere, quam non esse eis datum ut crederent, quos etiam credituros fuisse ipsa Veritas dicit, si talia, qualia apud non credentes facta sunt, virtutum signa vidissent? Quare autem hoc eis negatum fuerit, dicant, si possunt, qui calumniantur: & ostendant, cur apud eos Dominus mirabilia, quibus profutura non erant, fecerit, & apud eos, quibus erant profutura, non fecerit. Nos etiam si rationem facti, & profunditatem iudicii ejus penetrare non possumus, manifestissime tamen scimus, & verum esse quod dixit, & iustum esse quod fecit. Et non solum Tyrios & Sidonios, sed etiam Corozain & Bethsaida ¹ potuisse converti, & fideles ex infidelibus fieri, si hoc in eis Dominus voluisset operari. Neque enim ulli falsum videri potest quod Veritas ait: ² *Nemo potest venire ad me, nisi fue-*

¹ *Matth. 11. 21. Lucæ 10. 13.* ² *Joan. 6. 66.*

fuerit ei datum a Patre meo : Et ,¹ Vobis datum est nosse mysterium regni² coelorum , illis autem non est datum . Et ,³ Nemo novit Filium nisi Pater , neque Patrem quis novit nisi Filius , & cui voluerit Filius revelare . Et :⁴ Sicut Pater vivificat mortuos , ita & Filius quos vult vivificat . Et :⁵ Nemo potest dicere Dominum Jesum ,⁶ nisi in Spiritu sancto . His divinarum vocum auctoritatibus eruditi gratias agamus Deo , qui dedit nobis spiritum fidei & virtutis , continentiae & caritatis , sapientiae & intellectus , consilii & fortitudinis , scientiae & pietatis ac timoris sui . Quae bona si non dedisset nobis , qui omnia operatur in omnibus , prorsus non haberemus in nobis ; & cum his , qui non cognoverunt Dominum , aut cum cognovissent , non sicut Deum glorificaverunt , aut gratias egerunt⁷ , sed hoc ipsum suae sapientiae deputantes , stulti facti &⁸ obscurato corde evanuerunt in cogitationibus suis , cum his , inquam , federemus
in

¹ Matth. 13. 11. ² Al. Dei . Al. regnum Dei .

³ Matth. 11. 27. ⁴ Iohn. 5. 21. ⁵ Al. Dominus Jesus . ⁶ 1. Cor. 12. 3. ⁷ Rom. 1. 21.

⁸ Al. & obscurati corde .

in tenebris & in umbra mortis, nec querelam habentes de poena, nec excusationem de ignorantia, nec praesidium de natura.

Nunc¹ jam quod sequitur, quale sit videamus.

EXCERPTUM IX.

Ex S. Aug. *ib.* cap. 16.

Sed ajunt, ut scribitis, neminem posse correptionis stimulis excitari, si dicatur in conventu Ecclesiae audientibus multis: Ita se habet de praedestinatione definita² sententia voluntatis Dei, ut alii ex vobis de³ infidelitate, accepta obediendi voluntate, veneritis ad fidem, vel accepta perseverantia permaneat in fide. Ceteri vero qui in peccatorum delectatione remoramini, ideo nondum surrexistis, quia necdum vos adiutorium gratiae miserantis crexit. Veruntamen si qui estis nondum vocati, quos gratia sua praedestinaverit eligendos, accipietis eandem gratiam, qua velitis, & sitis electi. Et si qui obeditis, si praedestinati estis rejiciendi, subtrahentur⁴ obediendi vires, ut obedire cessetis.

RE-

¹ Al. etiam. ² Al. scientia. ³ Al. omittitur: de infidelitate. ⁴ Al. obedientiae.

R E S P O N S I O .

STu peo sanctitatem vestram , obiectio-
nem calumniantium a persona de-
fensoris gratiae non potuisse discernere ,
& verba obtrectantium ei ipsi , qui ob-
trectatoribus suis respondet , aptasse .
Haec enim de doctrina catholici viri qui-
dam nequiter & nugatorie jactitabant ,
quod qui talem Dei gratiam praedicaret ,
ut fides , & obedientia , ceteraeque vir-
tutes , & in eis usque in finem perseve-
rantia , non nisi ex dono Dei haberi posse
credantur ; consequens esse , ut talibus
verbis uteretur ad populum , & hujus-
modi denunciationibus omnem liberi ar-
bitrii evitaret industriam . Quod quia
piissimus Doctor ex litteris eorum , ad quos
scribit , agnoverat , ideo ait ¹ : *Sed ajunt ,
ut scribitis : & postea : Ista cum dicunt .*
Ex hoc ² ergo potuistis advertere non ip-
sum haec dicere , sed eos , de quibus di-
xit ; *Sed ajunt , ut scribitis ; & , Ista cum
dicunt .* Quod similiter & Apostolus ait ³ :
Sicut aiunt nos quidam dicere , Faciamus

Tom. III.

O

ma-

¹ Al. dicit . ² Al. om. ergo . ³ Rom. 3. 8.

mala, ut veniant bona. Inferius autem ubi plenius ad ista respondet, multo manifestius patet, quam ¹ haec ab ipso nunquam taliter dicta sint, & quantum ei hujusmodi praedicationis forma displiceat; quam corrigens & ² mundans atque emendans, tolerabiliorem audientibus facit: quae vera sunt temperans, quae falsa sunt ressecans, & post multa adjiciens³: Jam vero quod illis verbis connectitur⁴, miror si ullo modo potest in populo Christiano quisquam infirmus patienter audire, cum dicitur eis: Et si qui ⁵ obeditis, si ⁶ praedestinati estis reiiciendi, ⁷ subtrahentur obedientiae vires, ut obedire cessetis. Hoc enim dicere, quid videtur aliud esse, quam male dicere, aut mala quodam modo prophetare? Et post haec cum diceret, qualiter de his loquendum esset in populo, proprii sensus verba connectit dicens: Illum etiam modum, quo utendum esse⁸ in praedestinationis praedicatione nos diximus, ⁹ loquenti ad populum

non

¹ Al. quod. ² Al. mandans. ³ In lib. de dono Perseverantiae cap. 22. ⁴ Al. adnectitur.

⁵ Al. obedistis. ⁶ Al. praesciti. ⁷ Al. subtrahuntur. ⁸ Al. utendum esse ad populum. Al. apud populum. ⁹ Al. loquendo.

non existimo debere sufficere , nisi hoc , vel aliquid hujusmodi addat , ut dicat : Vos itaque etiam ipsam obediendi perseverantiam a Patre luminum ¹ , a quo descendit omne datum optimum , & omne donum perfectum , sperare debetis , & quotidianis orationibus poscere : atque hoc faciendo confidere , non vos esse a praedestinatione populi ejus alienos : ² quia etiam hoc , ut faciatis , ipse largitur . Absit autem a vobis ideo desperare de vobis : quoniam spem vestram in ipso habere jubemini , non in vobis : ³ Maledictus enim omnis qui spem habet in homine : & , ⁴ Bonum est confidere in Domino , quam confidere in homine : ⁵ quia beati omnes qui confidunt in ⁶ eum . ⁷ Hanc spem tenentes : ⁸ Servite Domino in timore , & exultate ei cum tremore , quoniam de vita aeterna , quam filiis promissionis promisit non mendax Deus ante tempora aeterna , nemo potest esse securus , nisi consummata fuerit ista vita , quae tentatio est super terram , sed faciet nos ⁹ perseverare in se usque ad hujus vitae finem , cui quotidie dicimus : ¹⁰ Ne nos inferas in tentationem .

1 Jacob. 2. 17. 2 Al. qui. 3 Hier. 17. 7.
 4 Psalm. 117. 8. 5 Al. quoniam . Al. quam .
 6 Al. in eo . 7 Al. Et hanc . 8 Psalm. 2. 11.
 9 Al. omittitur : nos . 10 Matth. 6. 13.

Videtisne obsecro , quantum distet hic sermo ab eo , quem composuit malignitas obloquentium : qui studuerunt etiam ea , quae recte dicit , exquisita verborum fraude corrumpere ? De quo idem ¹ Doctor rectissime ait : *Dolosi autem vel imperiti medici est , etiam utile medicamentum sic alligare , ut aut non prosit , aut obfit .* Et iterum de simili ineptia : *Nempe , inquit , hoc verissimum est : ita sane , sed improbissimum , importunissimum , incongruentissimum : non ² falso eloquio , sed non salubriter valetudini humanae infirmitatis ³ appposito .* Non igitur necesse est de his rationem reddere , quae & ab aliis dicta , & ab ipso ostendimus improbata : ita tamen , ut nihil sibi per falforum admixtionem praeripi pateretur ex veris . Quamvis enim numquam tam insipienter locutus sit ad populum Christianum , & id quod mendax obtractatio ineptissime finxit , ⁴ horruerit : pia tamen , constanterque doctrina abundanter probavit , praedicandam esse Ecclesiae & praedestinationem , in qua est gratiae praeparatio ; & gra-

¹ Al. auctor . ² Al. falsum . ³ Al. appositum .


⁴ Al. inhorruerit .

gratiam, in qua est praedestinationis effectus: & praescientiam Dei, qua ante saecula aeterna quibus esset collaturus sua dona, praescivit. Cujus praedicationis quisquis est impugnator, apertissimus est Pelagianae elationis adiutor.

Hoc autem quod in fine posuistis¹, superiori capitulo, ubi Tyrionum & Sidoniorum mentio facta est, debuit copulari: quia etiam in libri corpore, eidem causae, sine cujusquam diversae disputationis interjectione, connexum est. Unde & responsio, quam praecedentibus subdidi, potest etiam ad ista sufficere: in quibus nulla est obscuritas, si de fide praedestinationis & gratiae Dei, ex qua est omnium bonorum origo, perseverantiaque meritorum, hoc teneatur, quod habet veritas.

S. PRO-

¹ Lovanienses hoc loco adnotant videri fuisse hic aliquid positum, quod non ponitur, fortassis sententiam illam cap. 14. libri *de dono perseverantiae*, quae sic incipit: *Ex quo apparet habere quosdam in ipso ingenio &c.*



S. P R O S P E R I
DE GRATIA DEI
ET LIBERO ARBITRIO HOMINIS
L I B E R
CONTRA COLLATOREM.

Galli refragatores calumniatoresque catholicae de Gratia Dei, & libero arbitrio hominis a S. AUGUSTINO expositae, strenueque propugnatae doctrinae, *tales erant*, describente eos S. PROSPERO (in lib. cont. collatorem c. 1.) *ut nec ordo eorum in Ecclesia, nec ingenia despicienda viderentur; siquidem habentes speciem pietatis in studio, cujus virtutem diffitebantur in sensu, trahebant ad se multos ineruditos, & non habentia spirituum discretionem corda conturbabant*. Itaque ad eorum pervicaces conatus reprimendos, bene ac sapienter censuit S. PROSPER optimum fore si quem ceteri omnes, tum scientiae, tum sanctitatis laude inter eos praestare existimabant, adgrederetur, & qui scripta a se publicata diffiteri non paterat. Is erat JO. CASSIANUS Presbyter, & Abbas Monasterii, quod ipsemet Massiliae aedificaverat, acris ingenii homo, neque solum in saeris, sed in humanioribus etiam litteris eruditus, & in disputando exercitatus: quem tamen S. PROSPER indigitare maluit ex titulo editi operis, quam ex proprio nomine, ideoque libro suo titulum fecit: *Contra Collatorem*, idest *contra Auctorem Collationum*, sic enim opus illud vocabatur, in quo CASSIANUS pia referens, quae cum orientalibus monachis colloquia habuerat, sententias sparsim inserit, quae cum doctrina S. AUGUSTINI non bene conveniunt. Quin etiam fere tota collatione XIII., in qua Chaeremonem Abbatem, quem jam pluribus laudaverat, loquentem inducit, & quam specioso hoc titulo praenotavit, *De protectione Dei*, eidem Catholicae doctrinae multis, & aperte contradicit. Itaque hanc ipsam potissimum collationem S. PROSPER oppugnandam, refutandamque suscepit cum viginti & eo amplius anni jam effluxissent, ut ipsemet adnotat *cap. 1*, ex quo catholica acies contra inimicos Gratiae Dei pugnat & vincebat S. AUGUSTINI ductu, quem constat hanc pugnam instituisse an. circiter ccccxi.

S. PRO-

S. PROSPERI
DE GRATIA DEI
ET LIBERO ARBITRIO HOMINIS
LIBER
CONTRA COLLATOREM.



C A P. I. *Calumniantium S. AUGUSTINI doctrinam
hypocrisis, & audacia. Cur refellendi.*

Gratiam Dei, qua Christiani sumus, quidam dicere audent a sanctae memoriae AUGUSTINO episcopo non recte esse defensam, librosque ejus contra errorem Pelagianum conditos, immoderatis calumniis impetere non quiescunt. Quorum intus¹ perstrepens domestica malignitas non minus spernenda esset, quam foris latrans haeretica

Tom. III:

P

retica

¹ Al. *interstrepens*.

retica loquacitas: nisi ejectis extra ovile dominicum lupis ¹, qui sub nomine ovium ² sunt suffragarentur, essentque ejusmodi ut nec ordo ³ eorum in Ecclesia, nec ingenia despicienda videantur. Siquidem habentes speciem pietatis in studio ⁴, cujus virtutem diffitentur in sensu, trahunt ⁵ ad se multos ineruditos, & non habentia ⁶ spirituum discretionem corda conturbant ⁷: atque in eum ⁸ statum deducere causam Ecclesiae ⁹ moliuntur, ut dum nostros affirmant non veraciter pro gratia fuisse locutos, inimicos gratiae persuadeant iniuste esse damnatos. Non ergo negligendum est hoc malum, quod ab occultis, ¹⁰ parvisque seminibus augeatur quotidie, & ab ortu suo latius longiusque distenditur: sed studendum est, in quantum Dominus adjuvat, ut fallacium calumniatorum hypocrisis detegatur, qui ex ipsa iniuriæ magnitudine, quam

¹ Al. lupis sub nomine ovium suffragarentur.

² Matth. 7. 15. ³ Al. nec ordo eorum, nec ingenia in Ecclesia. Al. nec corda eorum. ⁴ 2. ad Timoth. 3. 5. ⁵ Al. trahant. ⁶ Al. spiritum discretionis. Al. spirituum discretiones. ⁷ Al. conturbent. ⁸ Al. in eo statu. ⁹ Al. moliantur, ¹⁰ Al. parvisque.

quam in uno ¹ cunctis, ac praecipue Apostolicae sedis ² Pontificibus intulerunt, ab indoctis & parum cautis, excellentioris scientiae judicantur, & misero per-
versoque successu ³ facilem mendacio consensum eliciunt, quia reverentiam sibi praesumptione pepererunt. Nec enim, cum sint bonae opinionis viri, creduntur ullo modo tarditate intelligentiae, aut temeritate iudicii, in ⁴ superfluae querelae ⁵ conclamationem potuisse prorumpere: ac non potius magno ingenio ac vehementi ⁶ studio laborasse, ut subtilissimi tractatoris disputationibus comprehensis, censura ⁷ nunc districtior & inspectio sagacior inveniret, quod antea securus favor & benignitas incuriosa non viderat.

Unde ergo haec ⁸ diligentia tam severi emerfit examinis? Unde in hanc austeritatem supercilium ⁹ tetricae frontis

P 2

ar-

¹ Al. in uno, idest, Augustino quem summi Pontifices laudaverunt. ² Al. Pontificatus. ³ Al. facile. Al. facili. ⁴ Al. insuper suae querelae.

⁵ Al. conclusionem, sine praepositione in. ⁶ Al. omittitur: studio. ⁷ Al. tunc. ⁸ Al. haec sententia. ⁹ Al. supercilio. Al. superciliosae. Al. supercilium tam tetricae frontis se armavit. Al. tam tetricae frontis armavit?

armavit, ut mensuras sensuum, pondera locutionum, numeros syllabarum infidiosus scrutator eventilet, magnumque se aliquid ¹ conficere praesumat, si catholico praedicatori notam erroris affigat? Quasi incognitum aliquod opus, & ² quod hactenus latuerit impetatur: ac non illa his morsibus doctrina lanietur, quae novorum haereticorum commenta disjecit, & diabolicum tumorem Pelagianae elationis elisit. Viginti ³ & eo amplius anni sunt quod contra inimicos gratiae Dei Catholica acies, hujus viri ductu, pugnat, & vincit. ⁴ Et vincit, dico, quia non patitur respirare ⁵ quos vicit, & in quorum excidium unam ⁶ cunctorum sacerdotum manu sententiam scripsit. Pulsi pontificio, & communione privati, querantur ⁷ de felicitate nostrae victoriae, & arment in nos linguas suas, qui exulare a veri-

¹ Al. *facere*. ² Al. *quo*. ³ Al. *omittitur: & eo*. Al. *Viginti amplius annis contra &c.* Hinc autem constat S. PROSPERUM haec scripsisse circa an. 432. cum S. AUGUSTINUS Pelagianam haeresim oppugnare coeperit an. 412. scriptis ad Marcellinum libris *de peccatorum meritis*, & *de baptismo parvulorum*. ⁴ Al. *om. &c.* ⁵ Al. *quod vincit*. ⁶ Al. *excidium unum*. Al. *una*. ⁷ Al. *querantur quasi de felicitate &c.* Al. *queruntur . . . armant*.

veritate, quam cives esse Ecclesiae, maluerunt: nostri autem concorporales, & comparticipes¹ gratiae Christi, cur de his armis, quibus communis fides est² defensa, causantur? Cur bellum confectum retractant, & munitiones securae dudum pacis infirmant? An³ victores displicent, & victi placent: tantaque insolentia damnati foveantur errores, ut pravitatis invidia, & auctores nostri pulsentur & iudices? An vero ita se novorum⁴ censorum norma exactior temperavit, ⁵ ut & nulla eorum quae excisa sunt, ⁶ asserat, & quaedam ex his quae defensa sunt, respuat? Ecce salva catholicae pace victoriae, salva indissolubilium reverentia⁷ decretorum, parati sumus patronos doctrinae emendationis audire, & circumcisas ab omni errore lineas⁸ subtilissimae discretionis agnoscere. Constituat⁹ in medium, quod de¹⁰ novis emerfit ingeniis.

P 3

CAP.

¹ Al. ac participes. ² Al. defensata. ³ Al. Auctores displicent: tanta insolentia &c. ⁴ Al. sensuum. ⁵ Al. quod & nulla. ⁶ Al. asserant... respuant. ⁷ Al. secretorum. ⁸ Al. subtilissimas. ⁹ Al. in medio. Al. Constituant in medium, & periodus explicite in verbis, intemperanter effudit. ¹⁰ Al. quod de novis semper emerfit.

CAP. II. Jo. Cassiani liber De protectione Dei cur-
potissimum ad confutandum selectus. Definitio-
nem Catholicam in eo primum statui, sed huic de-
finitionem secundo loco positam primum suboscure,
deinde vero apertissime adversari.

ET ne ad obscurandam scientiam do-
ctiorum ¹ ea exagitare videamur,
quae vulgus ignobile, & procax inepto-
rum loquacitas intemperanter effundit,
unius potissimum definitiones, quem non
dubium est illis omnibus in sanctarum
Scripturarum studio praestare, refere-
mus. Quas ² etiam ob hoc solum interim
in disceptationem ³ oportet adsumere ⁴,
quia utrum ita se habeant, non potest du-
bitari, ⁵ Scriptae enim sunt, & ⁶ au-
ctoris sui editione ⁷ publicatae: nec jam,
an sint, quaerendum est: sed quid do-
ceant, demonstrandum. Igitur in libro
cujus praenotatio est, *De protectione Dei*,
⁸ vir quidam ⁹ sacerdotalis ordinis ¹⁰, qui
dispu-

¹ Al. dictionum. ² Al. Quarum secreta ob hoc
solum oportet in medium adduci. Al. Quarum de-
creta ob hoc solum interim oportet in medium ad-
duci. Al. Cujus decreta. Al. Quas etiam ob hoc
solas. ³ Al. in disceptatione. ⁴ Al. adsumi.
⁵ Al. Scripta, id est, decreta. ⁶ Al. auctoris.
⁷ Al. purgatae. Al. purgata. ⁸ Seu Collat.
xlii. ⁹ Scilicet, Jo: Cassianus. ¹⁰ Al. om. ordinis.

disputandi usu inter eos, ¹ quibus cum degit, excellit, Abbatem quemdam ² introducit de gratia Dei & libero arbitrio differentem, cujus se ostendit per omnia probasse, ac suscepisse sententiam: ut jam non cum illo nobis sit negotium, qui forte tales opiniones suas aut negando refutaret, aut corrigendo dilueret; sed cum isto, qui ad instrumentum inimicorum gratiae Dei, talem studuit proferre doctrinam.

Quae ³ tamen inter initia disputationis, a veritatis pietate non dissonat, & justo honorari praeconio mereretur, nisi praecipiti ⁴ laevoque progressu, ab inchoata rectitudine deviaret. Nam post comparisonem agricolae, cui ⁵ formam sub gratia ac fide viventis aptavit, & cujus infructuosum esse dixit laborem, nisi per omnia Dei auxilio juvaretur, intulit definitionem catholicissimam ⁶ dicens. ⁷ *Quibus manifeste colligitur, non solum actuum, verum etiam cogi-*

P 4

tatio.

¹ Al. cum quibus. Al. egit. ² Chacremone nomine. ³ Al. Qui. ⁴ Al. lenique. ⁵ Al. cuius. ⁶ Al. catholicam. ⁷ Cassiani verba Collatione xxi i. cap. 3.

tationum bonarum ex Deo esse ¹ principium ; qui nobis & initia sanctae voluntatis inspirat , & virtutem atque opportunitatem eorum , quae recte cupimus , tribuit peragendi . ² Omne enim datum bonum & omne donum perfectum desursum est , descendens a Patre luminum : qui & incipit quae bona sunt , & exequitur , & consummat in nobis , dicente Apostolo ³ ; Qui ⁴ dat semen seminanti , & panem ad manducandum ⁵ praestabit ; & crescere faciet fructus iustitiae vestrae . Hic , ne quis putaret nihil superesse , quod per liberum ageretur arbitrium , non irrationabiliter adjecit quo probaret , non auferri illud his donis , sed potius roborari , nisi ⁶ revolutum ad iniquitates suas , ab auxilio Dei se ⁷ malit avertere : *Nostrium vero est , inquit , ut quotidie adtrahentem nos gratiam Dei*

¹ Al. principia . ² Jacob. 1. 17. ³ 2. Cor. 9. 10. ⁴ Al. dicente etiam Apostolo Paulo , Quia qui &c. Al. & consummat in nobis , & panem ad manducandum praestat , & crescere facit fructus iustitiae nostrae . ⁵ Al. ad manducandum : praestabit , & crescere faciet . ⁶ Al. revolutus , id est , homo . ⁷ Al. mallet . Al. mallet avertere dicens .

*Dei humiliter subsequamur*¹ : *vel certe dura cervice & incircumcisis, ut scriptum est*², *auribus eidem resistentes, per Jeremiam mercamur audire*³ : *Mumquid qui cadit, non resurget ? aut qui aversus est, non revertetur ? Quare ergo aversus est populus iste in Jerusalem aversione contentiosa ? Induraverunt cervices suas, & noluerunt reverti ? Et infra, cum omnia virtutum studia Dei gratia indigere docuisset, probabiliter addidit*⁵ *dicens* : *Quae omnia sicut desiderari a nobis jugiter absque divina inspiratione non possunt : ita nec perfici quidem sine ejus auxilio ullatenus queunt.*

In septimo autem capitulo⁸, generalem volens ostendere gratiam Christi, quae nullum usquequaque⁹ hominum, praetermittat, & rebelles quoque¹⁰ aversosque non deserat : *Adest igitur, inquit, inseparabiliter nobis semper*¹¹ *divina protectio ;*

¹ Al. *subsequamur* : *ne dura &c.* ² Act. 7. 51. Al. *omittitur, ut scriptum est.* ³ Jer. 8. 4.

⁴ Al. *Item.* ⁵ Collat. xlii. c. 6. ⁶ Al. *om. dicens.* ⁷ Al. *ne.* ⁸ Nunc est cap. 8. ⁹ Al. *hominem.* ¹⁰ Al. *adversosque, al. perversosque.*

¹¹ Al. *om. semper.*

Etio ; tantaque est erga creaturam suam pietas Creatoris , ut non solum comitetur eam , sed etiam praecedat ¹ jugiter providentia . In quo potest videri ob hoc comitem dixisse providentiam , quia ² etiam deferentes se plerumque non deferat : vel quia omnes quos praevenit, eosdem etiam subsequatur . Sequitur ³ autem dicens : Qui cum in nobis ortum quemdam bonae voluntatis inspexerit , illuminat eam ⁴ confestim , atque confortat , & ⁵ incitat ad salutem ; incrementum tribuens ei , quam vel ipse plantavit , vel nostro conatu viderit emeruisse ⁶ . Et hic potest adhuc dicere , illius se ortum bonae voluntatis significasse , cujus a Deo ⁷ sint plantata vel inspirata principia : quia ab illuminatis jam cordibus ⁸ possint salubres prodire conatus , qui ideo ipsius hominis proprii esse dicantur , quia jam bonorum conatum acceperit facultatem , & eorum semina ad suum referantur auctorem .

Sed

¹ Al. omittitur : *jugiter* . ² Al. om. *etiam* .
³ Al. *enim* . ⁴ Al. omittitur : *confestim* . ⁵ Al. *atque dirigit* . ⁶ Al. *vel quae nostro conatu videtur emeruisse* . ⁷ Al. *sunt* . ⁸ Al. *possunt*
dicuntur .

Sed ¹ capitulo nono subdit & dicit .
Unde non facile humana ratione discerni-
tur , quemadmodum Dominus petentibus
tribuat , a quaerentibus inveniatur , ape-
riatque pulsantibus : Et rursus inveniatur
a non quaerentibus se ; ² *palam appareat in-*
ter illos , qui illum non ³ *interrogabant ;* ⁴
tota die expandat manus ⁵ *suas ad populum*
non credentem sibi ⁶ *Et contradicentem ; re-*
sistentes ac ⁷ *longe positos vocet ; invitos ad-*
trahat ad salutem ; peccare cupientibus ,
explendae copiam subtrahat ⁸ *voluntatis :*
ad nequitiam properantibus benignus ob-
sistat . Jam hic quasi per inscrutabilem
 diversitatem introducit definitio , qua
⁹ docetur multos ad gratiam venire si-
 ne gratia , & hunc affectum petendi , quae-
 rendi , ¹⁰ pulsandi habere quosdam de
 vigilantia liberae voluntatis . Quae ta-
 men in aliis tanta aversione obcaecata
 perhibetur , ut nullis cohortationibus sit
 revocabilis , nisi per vim trahentis invi-
 ta

¹ Al. Sed & in capitulo nono subdidit , & dixit .

² Al. ut palam . ³ Al. non rogabant . ⁴ If.
⁵ I. ⁵ Al. om. suas . ⁶ Al. non credentem ,
 sed contradicentem . ⁷ Al. a longe . ⁸ Al. volu-
 ptatis . ⁹ Al. doceatur . ¹⁰ Al. atque pulsandi .

ta ducatur. Quasi non toto multiformis gratiae opere hoc in omnium agatur animis, ut ex nolentibus fiant volentes; aut quisquam ex his, qui jam iudicio rationis utuntur, possit fidem nili voluntate suscipere. ¹ Unde tam ineptum est dicere, quod quisquam ad participationem gratiae tendat invitus, quam asserere quod nullus ad eam non spiritu Dei veniat incitatus.

Cito ergo hic disputator praemissae definitionis oblitus est, cito a sententia sua instabili levitate dissensit. Dixerat enim, regulariter: *Non solum actuum, verum etiam cogitationum bonarum ex Deo esse principium*. Et ne hoc de doctrina extrinsecus adhibita deberet intelligi, vigilanter addiderat: *Qui nobis & initia ³ sanctae voluntatis inspirat, & virtutem atque opportunitatem eorum, quae recte cupimus, tribuit peragendi*. Omne enim datum ⁴ bonum, & omne ⁵ donum perfectum desursum est descendens a Patre luminum, qui & incipit quae bona sunt, & exequitur
& con-

¹ Al. Sed quid tam ineptum est, quam dicere, quod.... invitus? Cito ergo &c. ² Al. instabilitate & levitate discessit. ³ Al. initium. ⁴ Al. Omne datum optimum. ⁵ Al. om. omne.

Et consummat in nobis. Doctor catholice, cur professionem tuam deseris? Cur ad fumosam falsitatis caliginem relicta serenissimae veritatis luce devolveris? Quod in petentibus, quaerentibus, pulsantibusque miraris, cur non eidem gratiae, quae desideratur, adscribis? Vides bonos conatus, pia studia, & dubitas esse Dei¹ dona? ² Latuerit opus gratiae donec fides insita cogitationis³ claudebatur arcano: at ubi supplex oratio, ubi diligens inquisitio, ubi⁴ apparet crebra pulsatio, quare non ex⁵ qualitate operis subministrationem intelligis incitantis?

C A P. III. *Cassianum neque cum Catholicis, neque cum Pelagianis convenire. Docendo alios per gratiam, alios per legem & naturam justificari, in illud damnatum incidere: Gratiam Dei secundum merita nostra dari. Definitio ejus tertia: Appetitum virtutum habere hominem a se ipso, refellitur.*

ET⁶ satis te contra Pelagianorum calumnias praecavere existimas, si quod in universitate vocatorum sentiendum est,

¹ Al. bona. ² Al. Latuerat. ³ Al. claudatur. ⁴ Al. omittitur: apparet. ⁵ Al. ex aequalitate. ⁶ Al. Et satis te armas contra Pelagianorum calumnias, si &c.

est, id nobis in ¹ portione concedas. Sed nec cum haereticis tibi, nec cum catholicis plena ² concordia est. Illi in omnibus justis hominum operibus, liberae voluntatis tuentur exordia; nos bonarum cogitationum ex Deo semper credimus prodire principia: tu informe nescio quid tertium, & utrique parti inconveniens reperisti, quo nec inimicorum consensum adquirereres, nec in nostrorum intelligentia permaneres. Quomodo autem non advertis, te in illud damnatum ³ incidere, quod, velis nolis, convinceris dicere, *Gratiam Dei secundum merita nostra dari*; cum aliquid praecedere boni operis ex ipsis hominibus, propter quod gratia ⁴ consequatur, affirmas? Non enim nullius meriti haberi potest petentis fides, quaerentis pietas, pulsantis instantia; precipue cum omnes ejusmodi, & accipere, & ⁵ invenire, & intrare dicantur. In quo superfluum, immo impium est, sic velle meritis ante gratiam existentibus locum facere, ut non ex toto
verum

¹ Al. importune. ² Al. discordia. ³ Al. damnatum te in illud incidere, quo. ⁴ Al. gratiam consequantur. ⁵ Al. & venire.

verum sit, quod ait Dominus: ¹ *Nemo venit ad me, nisi Pater, qui misit me, adtraxerit eum.* Quod nullatenus diceretur, si cujusquam hominis ² sine Dei illuminatione esset credenda conversio: aut ullo modo se voluntas hominis ad Deum sine Deo posset extendere, qui eum vocatum ad Filium trahit; non ³ resistentem invitumque compellit, sed ⁴ ex invito volentem facit, & quibuslibet modis infidelitatem resistentis inclinat: ut cor audientis, obediendi in se delectatione ⁵ generata, ibi surgat, ubi premebatur; ibi discat, ubi ⁶ ignorabat; inde fidat ⁷, unde diffidebat; inde velit, unde nolebat. Etenim ⁸, *Dominus dabit* ⁹ *suavitatem, & terra nostra dabit fructum suum.* Sed videamus qualia subsequantur: ¹⁰ *Cui* ¹¹ *autem facile pateat, quomodo salutis summa nostro tribuatur arbitrio? De quo dicitur:* ¹² *Si volueritis, & audieritis me, quae bona sunt*

¹ Joan. 6. 44. ² Al. om. hominis. ³ Al. trahit resistentem, invitumque compellit. Al. trahit non resistentem, invitumque non compellit. ⁴ Al. &. Al. si. ⁵ Al. genita. ⁶ Al. ignorat. ⁷ Al. om. inde fidat unde diffidebat; inde velit unde nolebat. ⁸ Psalm. 84. 12. ⁹ Al. benignitatem. ¹⁰ Collat. xi 11. cap. 7. ¹¹ Al. Cum. Al. Cui autem non facile. ¹² Is. 1. 19.

*na sunt terrae manducabitis . Et quomodo¹ non volentis , neque currentis , sed misere-
rentis est Dei ? Quid etiam sit illud , quod²
Deus reddet³ unicuique secundum opera
ejus ; Et ,⁴ Deus est , qui operatur in vo-
bis⁵ & velle , & perficere , pro bona vo-
luntate⁶ : & hoc non ex vobis , sed Dei donum
est : non ex operibus ut ne quis gloriatur ?
Et⁷ cetera , quae collecta de Scripturis ,
quasi alterno sibi sensu adversa collegit ,
ut donis gratiae studium humanae com-
mittat industriae ; & hominum omnium
divisione facta , alii sint quos gratia Dei
salvet , alii quos lex & natura iustificet .
Sed lex potest , ne quid mali fiat , jube-
re , a malo autem non potest liberare . No-
tum facit mandatum , sed obediendi non
praestat affectum : nisi⁸ quod est occi-
dens per imperium litterae , fiat vivificans
per spiritum gratiae .*

*Post haec concludit , dicens : Nisi quod
in his omnibus & gratia Dei , & libertas
nostri declaratur arbitrii : &⁹ quia etiam
suis*

¹ Rom. 9. 16. ² Matth. 16. 17. ³ Al. red-
dit . ⁴ Philip. 2. 13. ⁵ Al. nobis . . . pro bona
voluntate nostra . . . ex nobis &c. ⁶ Al. volun-
tate vestra . ⁷ Al. Ecce tamquam collecta . . . col-
lidit . ⁸ Al. qui . ⁹ Al. om. &c.

suis interdum motibus homo ad virtutum appetitus¹ possit extendi, semper vero a Domino indigeat adjuvari. Et ubi est, quod regulari definitione praemissum est: Non solum actuum, verum etiam cogitationum bonarum ex Deo esse principium, qui & incipit quae bona sunt, & exequitur, & consummat in nobis? Ecce hic etiam si bonis coeptis necessarium Dei fateris auxilium, ipsos tamen laudabiles motus appetitusque virtutum, remota gratia Dei, nudae libertati adscribis arbitrii, ut boni salubresque conatus nequeant quidem proficere, nisi Deus adjuvet; ² possint tamen, etiam si non a Deo inspirentur³, incipere.

C A P. I V. *Definitio quarta Cassiani: Per naturae bonum aliquando bonarum voluntatum prodire principia, refellitur. Apostoli locus: Velle enim adjacet mihi, quomodo sit intelligendus.*

DEinde ut evidentius definias, quid homo ex libero arbitrio habeat, quid sumat ex⁴ gratia, addis, & dicis⁵:
 Tom. III. Q Nec

¹ Al. *potest* *indiget*. ² Al. *possunt*.

³ Al. *possint tamen esse; etiam si non a Deo incipiente inspirentur*. ⁴ Al. *ex gratia Dei*. ⁵ Collat. xi i i. cap. 9.

Nec enim cum voluerit quis, sanitate perfruitur : aut de aegritudinis morbo pro arbitrii sui desiderio liberatur . Doces ergo, non posse quidem hominem per semetipsum apprehendere sanitatem, sed habere eum a semetipso desiderium sanitatis ; & sua tantum sponte venire ad medicum, non etiam hoc ipsum medici esse, quod veniat . Quasi vero anima ipsa non langueat, & corpori suo remedium sana prospiciat . Atqui totus homo ex ipsa & cum ipsa in profundum miseriae suae ¹ decidit, ubi ² eam priusquam a medico notitiam suae calamitatis accipiat, jacere delectat, amantem ³ semper errores suos, & amplectentem falsa pro veris . Cujus salus prima est, ut sibi incipiat displicere, & vetustatem suae debilitatis odisse ; sequens vero est, ut & sanari desideret, & a quo ⁴ sananda sit, noverit . Quae curationem ⁵ ipsius sic praecedunt, ut ei ab illo, qui ⁶ aegram sanaturus est, inferantur ; ne, cum ei nullo ⁷ modo haec frustra ⁸ inesse possit.

¹ Al. om. suae . ² Al. eum . ³ Al. om. semper . ⁴ Al. sanandus . ⁵ Al. illius . Al. ejus .
⁶ Al. quia . Al. qui cum gratia . ⁷ Al. nullo .
⁸ Al. om. frustra .

possint, merito videatur salvata¹, non gratia.

Deinde adiicis: *Ut autem evidentius clareat, etiam per naturae bonum (quod beneficio Creatoris indultum est) nonnumquam bonarum voluntatum prodire principia: quae tamen, nisi a Deo dirigantur, ad consummationem² virtutum pervenire³ non possunt⁴, Apostolus testis⁵ est dicens: ⁶ Velle enim adjacet mihi, perficere autem bonum non invenio. Falso ergo secundum hanc definitionem ante dixisti: Non solum actuum, verum etiam cogitationum bonarum ex Deo esse principium; qui, & incipit quae bona sunt, & exequitur, & consummat in nobis. Sed hoc nullo modo ex aliqua parte potest esse falsum, cui nequaquam inferri contraria debuerunt: ut quod recte professus es ex gratia incipere, id postea firmares⁷ per naturae bonum, & per liberum arbitrium nos habere. Dixit⁸ quidem beatus Apostolus: ⁹ Velle enim adjacet mihi, perficere autem bonum non invenio. Sed¹⁰ idem¹¹ dixit: ¹² Non*

Q 2

quia

¹ Al. salvatus. ² Al. om. virtutum. ³ Al. provenire. ⁴ Al. non possint. ⁵ Al. testatur.

⁶ Rom. 7. 18. ⁷ Al. confirmares. ⁸ Al. Dixit quidem Apostolus. ⁹ Rom. 7. 18. ¹⁰ Al. item. ¹¹ Al. dicit. ¹² 2. Cor. 3. 5.

quia¹ idonei simus cogitare aliquid a nobis² quasi ex nobis ipsis, sed sufficientia nostra ex Deo est. Et³ idem dixit: ⁴Deus est enim, qui operatur in⁵ vobis, & velle, & ⁶perficere, pro bona voluntate. Non ergo Apostolus sibi contrarius est. Sed ⁷cum donatum nobis fuerit bonum velle, non statim invenimus & facere, nisi quærentibus, petentibus, atque pulsantibus, ut⁸ qui dedit desiderium, præstet effectum. Vox ⁹namque ista dicentis ¹⁰: Velle enim adjacet mihi, perficere autem bonum non invenio, vocati est, & ¹¹jam sub gratia constituti: qui condelectatur quidem legi Dei secundum interiorem hominem, sed videt aliam legem in membris suis, repugnantem legi mentis suae, & captivantem se in lege peccati. Et quamvis acceperit scientiam recte volendi, virtutem tamen in se non invenit ea, ¹²quae optat, operandi: donec pro bona voluntate, quam sumpsit, mereatur

¹ Al. non quod. Al. quia non. ² Al. ex nobis quasi ex nobis. Al. quasi a nobis. Al. aliquid ex nobis ipsis, sed. ³ Al. Et iterum. ⁴ Phil. 2. 13.

⁵ Al. nobis. ⁶ Al. & operari. ⁷ Al. Sed quia cum donatum. ⁸ Al. om. ut. ⁹ Al. om. namque. ¹⁰ Rom. 7. 18. ¹¹ Al. om. & jam.

¹² Al. eorum.

tur virtutum¹ facultatem invenire quam quaerit.

C A P. V. *Definitio quinta Cassiani*: Errare qui bonam voluntatem ex gratia nasci, & qui ex bona voluntate gratiam pendere dicunt; sapere vero qui utrumque sequuntur, *demonstratur Catholicis iniuriosa, & refellitur ex definitionibus summorum Pontificum, & Conciliorum.*

Post haec ponis plurima testimonia, quibus nunc validum, nunc infirmum liberum arbitrium demonstretur. Quasi quidam sint, qui propriis viribus impleant, quod alii facere nisi Deo² adjuvante non possunt; aut ob aliud homo accipiat praeceptum, nisi ut divinum quaerat auxilium. Concludis ergo, & dicis.³ *Et ita sunt haec quodammodo⁴ indiscrete permista, atque confusa, ut quid ex quo pendeat; inter multos magna quaestione volvatur, idest: Utrum, quia initium bonae voluntatis praebuerimus, misereatur nostri Deus: an quia Deus misereatur, consequamur bonae voluntatis initium. Multi enim singula haec credentes, ac iusto*
ani-

¹ Al. mereatur invenire qui quaerit. Al. qui faciat. ² Al. Deo non adjuvante. ³ Collar. xlii. cap. 11. ⁴ Al. indiscreta, permista &c.

amplius afferentes, variis, sibi que contrariis sunt erroribus involuti. Ecce, ut tibi videtur, quae ¹ permixta erant, discreta sunt: & quae explicari non poterant, absoluta. Duos enim ² esse sibi contrarios definitos errores, quibus ³ qui inter liberum arbitrium & gratiam quid tenendum sit nesciunt, implicentur. Et in uno ⁴ constituis eos qui dicunt, ideo nostri misereri Deum, quia ex nobis praebita sunt bonae initia voluntatis, significans sine ⁵ dubio Pelagiani dogmatis sectatores, qui ⁶ dicunt, gratiam Dei dari secundum merita nostra: in alio autem illos ponis, qui dicunt, ex misericordia Dei ⁷ bonarum voluntatum prodire principia; eos intelligi volens, qui inimicos gratiae debellarunt. Si ergo error est, initia bonae voluntatis non adjuto divinitus homini adscribere, & error est, confiteri quoniam praeparatur voluntas a Domino, quo dirigendi ⁸ sumus, ut utrumque vitemus? Si

1 Al. confusa. 2 Al. om. esse. 3 Al. quibus inter liberum arbitrium & gratiam contentiose disputantes, quia tenendum sit, implicentur. 4 Al. constitui. 5 Al. procul dubio. 6 Al. qui dicunt gratiam dari secundum merita nostra. 7 Al. a Deo. 8 Al. quo dirigendi sumus? Utrumque vitemus.

Si utrumque, inquis, sequamur, nos nulli errori ¹ *adquiescimus. Tu nos subdis duobus, & geminas, sicut intelligis, pravitates: dividendo damnas, miscendo justificas. Hac lege, hac* ² *regula poteris praedicare, quod tam errent qui* ³ *dicunt, semper esse fallendum* ⁴ *: quam qui definiunt, numquam esse fallendum; sed ut in neutro peccetur, utrumque sectandum: quia nec semper declinanda falsitas* ⁵ *, nec semper negligenda sit veritas. Fallit te prorsus opinio tua. De duobus malis unum fieri bonum non potest: unam virtutem duo vitia non gignunt: unum verum duo falsa non faciunt. Quae enim paria sunt merito* ⁶ *, non minuuntur coeundo, sed crescunt. Non itaque oportuit eos, qui bonarum voluntatum initia ex Dei asserunt inspiratione generari, ea sententia reprehendi, qua arguuntur qui ad haec liberum arbitrium putant sibi sine ope gratiae posse suffi-*

¹ Al. *adquiescemus.* ² Al. *ac.* ³ Al. *qui dicunt numquam esse fallendum, quam qui definiunt semper esse fallendum.* ⁴ Notatur xviii. collat. Cassiani, in qua docet quandoque esse licitum mentiri.

⁵ Al. *quia nec semper declinanda sit severitas.*

⁶ Al. *merito non minuuntur.*

fulficere . Harum enim definitionum una ab Ecclesia expugnata est , alia ¹ defensa : nec eis ullo modo hujus novi foederis congruit pactum , quo catholica sit corruptior , quam ² Pelagiana correctior .

Multi , inquis , singula haec credentes ac justo amplius asserentes , variis ³ sibi contrariis sunt erroribus involuti . Placet igitur tibi , cum haereticis catholicos , cum victis damnare victores : & eos erroris nota adurere , qui errorem ab Ecclesia depulerunt ? Secundum quippe tuam censuram , qua sanctarum & fidelium voluntatum ⁴ non in omnibus hominibus ex Deo vis esse principium (quasi multum gratiae tribuas , si hoc eam in quorundam operari mentibus adquiescas) erravit Papa INNOCENTIUS , & ⁵ Petri sede dignissimus , qui cum de istis loqueretur , qui in libero arbitrio gloriantur : ⁶ *Nam quid , inquit ⁷ , nos de eorum post hac rectum mentibus aestimemus ⁸ , qui sibi se pu-*

¹ Al. altera . ² Al. om. quam . ³ Al. variis sibi contrariis . ⁴ Al. asseris non in omnibus hominibus ex Deo esse principium . ⁵ Al. beatissimi PETRI , ⁶ Al. Numquid . ⁷ In epistola ad episcopos Concilii Carthaginensis §. 3. ⁸ Al. existimamus , qui sibi reputant deberi .

se putant debere, quod boni sunt? Et iterum cum de primi hominis scriberet lapsu: Liberum enim, inquit, arbitrium olim ille perpeffus, dum suis inconsultius utitur bonis, cadens in praevaricationis profunda demersus¹ est, & nihil quemadmodum exinde surgere² posset, invenit; suaeque in aeternum libertate deceptus, hujus³ ruinae jacuisset oppressus, nisi eum post Christi pro sua gratia⁴ relevasset adventus. Erraverunt ORIENTALES EPISCOPI⁵, in quorum iudicio Pelagius, eos qui dicunt gratiam Dei secundum merita nostra dari, ut catholicus posset videri, anathematizare compulsus est. Erraverunt AFRICANA⁶ Episcoporum CONCILIA⁷, quae decretis suis constituere,⁸ utrumque Dei donum esse, & scire quid facere debeamus, & diligere ut faciamus: ut aedificante caritate scientia non possit inflare: quia sicut de Deo⁹ scriptum est: ¹⁰ qui ¹¹ docet hominem scientiam:

Tom.III.

R

tiam:

* §.6. 1 Al. demersus, nihil. 2 Al. posset. 3 Al. hujus ruina jacuisset oppressus. Al. hujus iniuriæ. Al. latuisset. 4 Al. revelasset. Al. nisi eum post sua gratia relevasset divinus adventus. 5 Vide S. AUGUSTINUM in lib. de gestis Pelagii cap. 14. 33. 35.

6 Al. Africanarum. 7 Nempe Milevitanum & Carthagenensia. 8 Verba Can. v. Concilii Carthagine habiti an. 418. 9 Al. de ea. 10 Ps. 93. 10.

11 Al. ille est qui.

tiam: ita scriptum est, ¹ Caritas ex Deo est. Erraverunt DUCENTI QUATUORDECIM SACERDOTE², qui in epistola quam suis constitutionibus ³ praetulerunt, ita ad ⁴ Apostolicæ Sedis antistitem beatum ZOSIMUM sunt ⁵ adlocuti: *Constituimus, in Pelagium atque Caelestium per venerabilem Episcopum Innocentium de beatissimi Apostoli Petri Sede prolatam manere sententiam, donec apertissima confessione fateantur, gratia Dei per Jesum Christum Dominum nostrum, non solum ad cognoscendam, verum etiam ad faciendam justitiam, nos per actus singulos adjuvari; ita ut sine illa nihil verae* ⁶ *sanctæque pietatis habere, cogitare, dicere; agere valeamus.* Erravit sacrosancta beati Petri Sedes, quæ ad universum orbem Papæ ZOSIMI ore sic loquitur: *Nos tamen instinctu Dei (omnia bona enim ad auctorem suum referenda sunt, unde nascuntur) ad fratrum & ⁷ coepiscoporum nostrorum conscientiam universa retulimus.* Erraverunt ⁸ AFRI EPISCOPI ad eundem Papam ZOSIMUM rescri-

1 Joan. 4. 7. 2 Scilicet Patres ejusdem Concilii Carthaginensis habiti an. 418. 3 Al. protulerunt.

4 Al. om. ad. 5 Al. sunt locuti. 6 Al. justæque. Al. verae, justæ, sanctæque. 7 Al. & episcoporum. 8 Al. Africani. Al. Africae.

scribentes¹, eumque in sententiae² suae
salubritate laudantes cum³ ajunt : *Ille
vero, quod in litteris tuis, quas ad uni-
versas⁴ provincias curasti esse⁵ mittendas,
posuisti, dicens : Nos tamen instinctu Dei
(omnia enim bona ad auctorem suum refe-
renda sunt, unde nascuntur) ad fratrum
E⁶ coepiscoporum nostrorum conscientiam
universa retulimus : sic accepimus dictum,
ut illos qui contra Dei adiutorium extollunt
humani arbitrii libertatem, districto gladio
veritatis, velut cursim transiens amputa-
res. Quid enim tam libero fecisti arbitrio,
quam quod universa in nostrae humilitatis
conscientiam retulisti ? Et tamen instinctu
Dei factum esse, fideliter sapienterque vi-
disti, veraciter fidenterque dixisti. Ideo
utique, quoniam praeparatur voluntas a
Domino⁷, E⁸ ut boni aliquid agant, pater-
nis inspirationibus suorum ipse tangit cor-
da⁸ filiorum. ⁹ Quot quot enim spiritu Dei
aguntur, hi filii sunt Dei ; ut nec nostrum
sentiamus deesse arbitrium, E⁹ in bonis qui-
bus-*

R 2

bus-

¹ Accepta nimirum celeberrima Tosimi Praetoria.

² Al. in sententiae hujus. Al. suae hujus.

³ Al. laudantes dicunt. ⁴ Al. ad universos cu-
rasti &c. ⁵ Al. praemittendas. ⁶ Al. E⁶ episco-
porum. ⁷ Prov. 8. secundum LXX. ⁸ Al. fide-
lium. ⁹ Rom. 8. 24.

busque¹ voluntatis humanae singulis motibus, magis illius valere non dubitemus auxilium. Videsne regulas tuas invictarum constitutionum soliditate confractas, & in fidei² structura pravas³ rimosasque juncturas, velut⁴ Jerichuntinos muros ad sacerdotalium tubarum ruisse concentum?

CAP. VI. *Quaestionem de origine sanctarum voluntatum contra Pelagianos peremptorie definitam fuisse. Nullum esse periculum liberi arbitrii ex gratia Dei.*

CUM enim de sanctarum origine voluntatum, & fidei caritatisque principiis, inter nostros & Pelagianos quaestio versaretur, non ancipiti victoria, nec dubio⁵ diremtum est sine certamen, ut adhuc nobis de iniquissima hujus⁶ foederis tui pace tractandum sit. Prostrata est inimica acies; bellum confectum⁷ est; victores sumus per illum, qui⁸ fecit potentiam in brachio suo, qui dissipavit superbos mente cordis ipsorum: deposuit potentes

¹ Al. ac voluntatis. ² Al. in fide instructore.
³ Al. rimosasque. ⁴ Josue 6. 20. ⁵ Al. direptum. ⁶ Al. febris tuae. ⁷ Al. confectum.
⁸ LUCAE 1. 52. & 53. & 72. & 6.

tentes de sede, & exaltavit humiles: esurientes implevit bonis, & divites dimisit inanes: per illum, qui faciens misericordiam cum patribus nostris, memor fuit testamenti sui sancti, & ¹ jurisjurandi quod juravit ad Abraham patrem nostrum, daturum se nobis, ut sine timore de manu inimicorum nostrorum liberati, serviamus ipse in sanctitate & justitia in conspectu ejus omnibus diebus nostris: per illum, qui ² dedit nobis victoriam per JESUM CHRISTUM Dominum nostrum: per illum, a quo ³ non spiritum hujus Mundi accepimus, sed spiritum qui ex Deo est, ut sciamus, quae à Deo donata sunt nobis. Quid de elisarum argumentationum ratiunculis fracta studes arma colligere? Quid cineres extincti dogmatis refovendo, deficientis fumi nidorem in redivivam flammam conaris accendere? Non est periculum liberi ⁴ arbitrii ⁵ ex gratia Dei, nec voluntas aufertur cum in ipsa bene velle generatur. Nam si ideo non putanda est nostra, quia formatur, regitur, ordina-

R 3 tur,

1 Al. & jurisjurandum. 2 1. Cor. 15. 57.

3 1. Cor. 2. 12. 4 Nonnullae ediciones apponunt in margine: ex libero arbitrio. 5 Al. om. ex.

tur, imbutur: spoliantur ¹ libertate. filii Dei ² qui aguntur spiritu Dei; ³ perdunt vigorem rationalis animi, & omni voluntariae devotionis laude privantur, quibus datur spiritus sapientiae ⁴, & intellectus, consilii & fortitudinis, scientiae & pietatis, ac timoris Domini ⁵. Prorsus qui his reformationibus se non putant indigere, de veteris morbi consuetudine in phrenesim ⁶ transierunt: ⁷ respuunt remedium, clamant, insaniunt, reluctantur; sed si ⁸ promissionis sunt filii, quiescent ⁹ & sanabuntur.

CAP. VII. Rationes, quibus Cassianus suadere contendit posse quosdam per liberum arbitrium sine gratia, quod alii nisi per gratiam non possent, refutantur. Ut Matthaei & Pauli, sic Zacchaei, & Latronis conversionem fuisse pariter ex gratia. Quod nemo venit ad Christum nisi adtrahatur.

Sed jam videamus quid inferat sobrietas disputantis: qui ut vitium vitio pelleret, & errorem errore curaret ¹⁰ contrarias sibi definitiones nova arte confudit:

¹ Al. spoliantur ergo. ² Al. quia qui. ³ Rom. 8. 14. ⁴ Is. 11. 2. ⁵ 1. Cor. 12. 8. ⁶ Al. transeunt. ⁷ Al. respuentes. ⁸ Al. repromissionis. ⁹ Al. quiescunt & sanantur. ¹⁰ Al. exeret.

fudit: utque hoc compositionis suae poculum securis auditoribus propinaret, exemplis voluit colorare quod miscuit. Ait enim: ¹ *Si enim dixerimus, nostrum esse bonae voluntatis principium: quid fuit in persecutore Paulo? quid in publicano Matthaeo? Quorum unus cruori ac suppliciiis innocentum, alius* ² *violentis ac rapinis publicis incubans, adtrahitur ad salutem? Sin vero gratia Dei semper inspirari bonae voluntatis principia dixerimus: quid de Zachaei fide? quid de illius in cruce latronis pietate* ³ *dicimus? qui desiderio suum quamdam regnis caelestibus inferentes, specialia vocationis monita praevenierunt?* Per istam ergo ⁴ bonorum principiorum dissimilitudinem probare nititur, hoc posse quosdam per liberum arbitrium sine adjutorio Dei, quod quidam, nisi Deo cooperante, non possint. Et hoc vult de quorundam tardiore obedientia, & quorundam sequaciori consensu intelligi. Quasi ⁵ ubi dura infidelitas Deo subditur, & Evangelio, quod diu impugnabit,

R 4

vit,

¹ Collat. xi. cap. 11. ² Al. alter. ³ Al. dicemus. ⁴ Al. horum. Al. quorundam. ⁵ Al. Quod . . . operatur.

vit, repente succumbit, ibi mutationem hominis dextera operetur Excelsi¹: ubi autem tranquillam cohortationem², solumve rumorem, sine ulla haesitatione diffidentiae, docilis auditor amplectitur, bonum talis conversionis humanae sit tantummodo voluntatis. Quasi vero potentia Dei³ eos tantum ad Filium adtrahat, quos aut voce increpaverit, aut poena obtriverit, aut terrore⁴ tremefecerit; illorum autem mentibus nihil suae virtutis admoveat, qui ad promissiones Redemptoris sui, spe alacri, & avido desiderio cucurrerunt. Sed Veritas dicit: ⁵ *Nemo venit ad me, nisi Pater, qui misit me, traxerit eum*. Si ergo nemo venit, nisi adtractus: omnes⁶ qui quocumque modo veniunt, adtrahuntur. Trahit igitur⁷ ad Deum contemplatio elementorum, omniumque quae in eis sunt ordinatissima pulchritudo: *Invisibilia enim ejus, a creatura mundi, per ea, quae*

¹ Psalm. 76. 11. ² Al. post tranquillam cohortationem solum, utros mores, sine &c. ³ Al. gratiae Dei. Al. Dei Patris. ⁴ Al. tremere fecerit. ⁵ Joan. 6. 44. ⁶ Al. omnes quocumque modo venient. ⁷ Al. itaque ad Dominum. Al. namque.

quae facta sunt ¹, intellecta conspiciuntur. Trahunt rerum gestarum ² relatores; animum audientis ³ inflammant, narrantes laudes Domini ⁴ & virtutes ejus, & mirabilia ejus, quae fecit. Trahit timor: ⁵ Principium enim sapientiae timor Domini. Trahit laetitia, quoniam: ⁶ Laetatus sum in his, quae dicta sunt mihi, in domum Domini ibimus. Trahit desiderium, quoniam: ⁷ Concupiscit & deficit anima mea ⁸ in atriis Domini. Trahunt divinae ⁹ lectiones: ¹⁰ Quam dulcia enim faucibus meis eloquia tua, super mel & favum ori meo. Et quis perspicere aut enarrare possit, per quos ¹¹ affectus visitatio Dei animum ducat humanum, ut quae fugiebat, sequatur; quae oderat, diligat; quae fastidiebat, esuriant; ac subito commutatione mirabili, quae clausa ei fuerat.

¹ Rom. 1. 20. ² Al. relationes. Al. Trahunt rerum gestarum cognitio, & divinarum operum relatores. Al. Trahit rerum gestarum cognitio. ³ Al. animum audientis. Inflammant &c. ⁴ Psalm. 77. 4. ⁵ Prov. 1. 7. ⁶ Psalm. 110. 10. ⁷ Psalm. 121. 1. ⁸ Al. om. mea. ⁹ Al. Trahunt delectationes. Al. Trahit delectatio lectionis. ¹⁰ Psalm. 118. 103. ¹¹ Al. quos. Al. quo affectu visitatio Dei ducat hominem.

fuerant, fiant ¹ aperta; quae onerosa, sint levia; quae amara, sint dulcia; quae obscura, sint lucida? ² *Hæc autem omnia operatur unus atque idem Spiritus, dividens singulis prout vult.* Quoniam ³ Deus, qui dixit de tenebris ⁴ lumen splendescere, ipse illuxit in cordibus nostris ad illuminationem scientiae claritatis Dei in ⁵ facie Christi Jesu: idest, in manifestatione Filii sui, qui est in sinu ⁶ Patris.

Qui ergo illuxit in corde Matthaei publicani, & Pauli tunc Ecclesiam persequentis, ipse & in corde Zacchaei, & in corde crucifixi latronis cum Domino, illuxit: nisi Domini vox forte otiosa ⁷ fuit, cum Zacchaeum, qui quaerebat videre ⁸ Jesum quis esset, compellare dignatus est, dicens; ⁹ *Zacchaeae festina* ¹⁰, *descende, quoniam hodie in domo tua oportet me manere:* & non praeparavit ¹¹ sibi ejus animum, cujus elegit hospitium. Denique cum murmurent omnes, cur ¹² ad virum peccatorem introiisset ¹³ hospitari, & ¹⁴ Zacchaeus

¹ Al. sint. ² 1. Cor. 12. 14. ³ 1. Cor. 4. 6.
⁴ Al. lucem. ⁵ Al. in faciem. ⁶ Al. in gloria.
⁷ Al. fuerit. ⁸ Al. eum. ⁹ Lucae 19. 5.
¹⁰ Al. festinans. ¹¹ Al. praeparaverit.
¹² Al. quod. ¹³ Al. om. hospitari. Al. additur, Dominus. ¹⁴ Al. om. &.

chaenus jam poenitentiam agens, dimidio bonorum suorum in pauperes erogato, redditurum se in quadruplum fraudata¹ promitteret, Dominus ait: *Hodie salus huic domui facta est, quia*² *& hic filius est Abrahae*. Et ne lateret caussa hujus salutis, adjecit: *Venit autem*³ *Filius hominis quaerere, & saluum facere quod perierat*: ut quem agnoscebamus saluum factum, sciremus a quaerente praevenit. In latronis quoque justificatione, etiam si nulla operantis gratiae intelligerentur⁴ indicia, nonne cum omnibus credentibus etiam ipsum acciperemus adtractum? dicente Domino: *Omnia mihi tradita sunt a Patre meo; &:*⁵ *Cum exaltatus fuero a terra, omnia traham ad me*? Inter omnia⁶ autem hunc vel traditum esse, vel tractum, etiam ipsius confessio⁷ docet, qui cum aliquamdiu blasphemasset in JESUM CHRISTUM, ⁸ repente est mutatus, & ⁹ dixit: ¹⁰ *Domine memor esto mei, cum*¹¹ *vene-*

¹ Al. cum... promitteret. ² Al. quia hic est. Al. quia ecce hic filius Abrahae. ³ Al. enim.

⁴ Al. intelliguntur. ⁵ Lucae 10. 22. ⁶ Jo. 12. 32. ⁷ Al. omnes. ⁸ Al. doceat. ⁹ Al. posita. ¹⁰ Al. dicit. ¹¹ Lucae 23. 42. ¹² Al. dum.

veneris in regnum tuum. Sed unde in uno homine tanta compugnantium vocum sit orta diversitas, instruat nos beatus¹ Apostolus, & dicat: ² *Nemo in spiritu Dei loquens, dicit anathema Jesu; & nemo potest dicere Dominum Jesum, nisi in Spiritu sancto*: ut non dubitemus in ejusdem hominis voluntate, & de proprio³ fuisse quod blasphemavit, & de Spiritu sancto fuisse, quod credidit. Frustra igitur disputator iste, ad inscrutabilem unius gratiae⁴ varietatem, argumentum⁵ definitionis suae voluit aptare; ut portio justificatorum solius voluntatis suae motibus ad Christum venire credatur, portio autem reluctans trahi, & invita compelli⁶: cum Deus sit⁷ qui operatur omnia in omnibus, sive alios sic, alios autem sic adtrahere velit, ad quem nemo, nisi aliquo modo trahatur, venit.

CAP.

¹ Al. om. *beatus*, Al. add. *Paulus*. ² 1. Cor. 12. 3. ³ Al. om. *fuisse*. ⁴ Al. *veritatem*.

⁵ Al. & *augmentum*. Al. *inscrutabilem unius gratiae varietatem ad argumentum* &c. ⁶ Al. *trahatur*, & *invita compellatur*. ⁷ 1. Cor. 12. 6.

CAP. VIII. *Definitio sexta Cassiani* : Liberum arbitrium , & gratiam pari modo conferre ad salutem hominum, *confutatur* . *Quomodo voluntas non auferatur a Gratia* . *Cassianus & libero arbitrio insensus , & Gratiae ingratus convincitur* .

Post haec subjicit testimonia sacrae historiae , quibus ostendit , observantiam mandatorum Dei , consummationemque virtutum divinae gratiae deputandam : quod & nos promptissime confitemur . Et commemoratis exemplis de Balaam ¹ , quem volentem Israeli ² maledicere , Deus in benedictionis verba transtulerit : & de Abimelech, qui peccare non permisus sit in Rebeccam ³ : & de Joseph a fratribus vendito, ⁴ quorum malam voluntatem in bonum Deus ⁵ verterit : recurrit ad confirmationem definitionis suae , ut liberum arbitrium , quod gratiae se dicit jungere , a parte quadam humani generis, quantum in ipso est auferat , & in quadam parte constituat , dicens : *Haec enim duo ,*

¹ Numer. 13. ² Al. *Israelitis*. ³ Al. *in Saram* ; quae lectio respicit cap. 20. Genesios , lectio autem quae in textu est cap. 37. ⁴ Gen. 37. 26.
⁵ Al. *vertit* .

duo, id est, vel gratia ¹ vel liberum arbitrium, sibi quidem invicem videntur adversa; sed utraque concordant, & utraque ² nos pariter debere suscipere ³ pietatis ratione colligimus: ne unum horum homini subtrahentes, ecclesiasticae fidei regulam excessisse videamur.

Ecclesiasticae fidei ⁴ regula est, praedicante Apostolo: ⁵ Nemo potest dicere Dominum Jesum, nisi in Spiritu Sancto. Ecclesiastica regula est: ⁶ Quid autem habes quod non accepisti? Si autem accepisti quid gloriaris, quasi non acceperis? Ecclesiastica regula est: ⁷ gratia Dei sum id, quod sum: & gratia ejus in me vacua non fuit, sed plus omnibus illis laboravi; non autem ego, sed gratia Dei mecum. Et: ⁸ Misericordiam consequutus sum, ut fidelis essem. Ecclesiastica regula est: ⁹ Habemus autem thesaurum istum in vas fictilibus, ut sublimitas sit virtutis Dei, & non ex nobis. Ecclesiastica regula est: Gra-

¹ Al. Haec enim duo gratia & &c. Al. gratia Dei. ² Al. utraque concordant, & utrumque. Al. utraque concordant, & utrumque. ³ Al. suscipere... collegimus. ⁴ Al. Ecclesiastica regula est. ⁵ 1. Cor. 12. 3. ⁶ 1. Cor. 4. 7. ⁷ 1. Cor. 15. 10. ⁸ 1. Cor. 7. 25. ⁹ 2. Cor. 4. 7.

¹ Gratia salvati ² estis per fidem : & hoc non ex vobis ; Dei enim donum est . Non ex operibus , ne forte quis extollatur . Ecclesiastica regula est : ³ In nullo terreamini ab adversariis : quae est illis causa perditionis , vobis autem salutis , & hoc a Deo ; quia vobis datum est per Christum ⁴ , non solum ut in eum credatis , sed etiam ut patiamini pro eo . Ecclesiastica regula est : ⁵ Cum tremore & timore ⁶ vestram ipsorum salutem operamini . Deus enim est qui operatur in nobis & velle , & operari pro bona voluntate . Ecclesiastica regula est : ⁷ Non quia idonei sumus cogitare aliquid a nobis quasi ⁸ ex nobis ipsis ; sed sufficientia nostra ex Deo est . Hanc regulam firmat ⁹ Deus , dicens : ¹⁰ Nemo potest venire ad me , nisi datum fuerit ¹¹ ei a Patre meo . Et : Omne quod dat mihi Pater , venit ¹² ad me . Et : ¹³ Sine me nihil potestis facere . Et : ¹⁴ Non vos me elegistis , sed ego elegi vos . Et : ¹⁵ Nemo novit Filium , nisi Pater , neque Patrem quis novit , nisi Filius .

¹ Ephes. 2. 8. ² Al. salvi facti estis . ³ Philip. 1. 28. ⁴ Al. donatum est pro Christo . ⁵ Philip. 2. 12. ⁶ Al. cum metu & tremore . ⁷ 2. Cor. 3. 5. ⁸ Al. ex nobis metipsis . ⁹ Al. confirmat Dominus . ¹⁰ Joan. 6. 66. ¹¹ Al. omittitur : ei .
¹² Al. veniet . ¹³ Jo. 15. 5. ¹⁴ Ib. 8. 16.
¹⁵ Luc. 10. 22.

lius, & cui voluerit Filius revelare. Et:
¹ *Sicut Pater vivificat mortuos, ita & Fi-*
lius quos vult vivificat. Et: ² *Beatus es*
Simon Barjona, quoniam caro & sanguis
non revelavit tibi, sed Pater meus qui in
caelis est.

Hac regula nulli hominum aufertur voluntas: quia virtus gratiae, non hoc in voluntatibus operatur, ut non sint, sed ut ex malis bonae, & ex infidelibus sint fideles: & ³ quae ex semet-ipsis erant tenebrae, lux efficiantur in Domino: quod mortuum erat, vivificatur ⁴: quod jacebat, erigitur: quod perierat, invenitur. ⁵ Hoc in omnibus prorsus hominibus, qui eruuntur de potestate tenebrarum, & transferuntur in regnum filii dilectionis Dei, sine cujusquam exceptione personae agere credimus gratiam Salvatoris. Quia, sicut hic idem probabiliter, sed non stabiliter definivit, dicimus atque defendimus: *Non solum actuum, verum etiam cogitationum bona-*

¹ Jo. 5. 21. ² Matth. 16. 17. ³ Al. & qui.

⁴ Al. vivificatur... erigatur... invenitur.

⁵ Hoc in omnibus invenitur &c.... Hoc sine cujusquam &c.

*bonarum ex Deo esse principium : qui nobis
& initia sanctae voluntatis inspirat , &
virtutem atque ¹ opportunitatem eorum, quae
recte cupimus , tribuit peragendi . ² Omne
enim datum bonum ³ , & omne donum per-
fectum desursum est , descendens a Patre
luminum ; qui & incipit quae bona sunt , &
exequitur & consummat in nobis . In qua
sententia si auctor ipsius permaneret , ec-
clesiasticam regulam non excederet : ne-
que simul & libero arbitrio insensus ⁴ , &
gratiae Dei esset ingratus : quorum duo-
rum ⁵ dum unum in Paulo & Matthaeo ,
aliud in Zachaeo & latrone indicat ⁶ ope-
ratum , non intelligit , in illis ⁷ se li-
berum arbitrium , in istis gratiam sustu-
lisse .*

Tom. III.

S

CAP.

¹ Al. operationem . ² Jac. I. 17. ³ Al. opti-
mum . ⁴ Al. offensus . ⁵ Al. om. duorum .

⁶ Al. dicit . Al. judicat . ⁷ Al. in illo
in isto &c.

CAP. IX. *Initium bonae voluntatis semper ex gratia. Primum hominem creatum esse absque vitio; & libero arbitrio discessisse a bono: in quae mala inciderit. Alienum esse a Catholica Fide dicere, quod tam sanum sit in Adae posteris liberum arbitrium, quam in Adam fuit ante peccatum. Definitio septima Cassiani: Concepisse Adam post praevagationem scientiam mali, sed non amisisse scientiam boni, refellitur.*

DEinde adjecit: *Nam cum videris nos Deus ad bonum velle deflectere¹, occurrit, dirigit, atque confortat.² Ad vocem enim clamoris tui statim ut audierit, respondebit tibi: &³ Invoca me, inquit, in die tribulationis tuae, & eripiam te, & glorificabis⁴ me. Quis non videat, quod haec doctrina meritum libero assignat arbitrio, quo⁵ praeveniatur gratia, quae⁶ ei famuletur reddens debitum, non conferens donum? Quae definitio in Episcoporum Palestinae synodo, etiam Pelagio anathematizante⁷ damnata est. In eo enim qui bonum incipit velle⁸, & cupit*

¹ Al. *flectere*. ² *Isa 30. 19.* ³ *Psal. 49. 15.*

⁴ Al. *magnificabis*. Al. *honorificabis*. ⁵ Al. *quod*. Al. *quod praeveniat gratiam*. ⁶ Al. *cuique*. Al. *eique*. Al. *unicuique*. ⁷ Al. *a Pelagio anathemate damnata est*. ⁸ Al. *Eo enim quod bonum quis incipit velle*.

cupit ab iniquitate atque ab errore discedere, gratiam Dei hoc ipsum profitemur operari; Quoniam¹ a Domino gressus hominis diriguntur, & viam ejus volet. Et, ² omnis vir videtur sibi justus³, dirigit autem corda Dominus. Et, ⁴ a Domino diriguntur gressus viri; mortalis autem quomodo intelligit vias suas? Et⁵ quod ait Apostolus; ⁶ Non enim accepistis spiritum servitutis iterum in timorem⁷; sed accepistis spiritum adoptionis filiorum⁸, in quo clamamus, Abba, Pater.

Post haec sequitur⁹, & dicit¹⁰ Nec enim Deus talem hominem fecisse credendus est, qui nec velit unquam, nec possit bonum. Alioquin nec liberum ei permittit arbitrium, si ei tantummodo malum¹¹, ut velit & possit, bonum vero nec velle nec posse concessit. Et quomodo stabit illa Domini post praevagationem primi hominis lata sententia: ¹² Ecce Adam factus est sicut unus ex nobis, sciens bonum & malum?

S 2

Non

¹ Psalm. 36. 23. ² Prov. 21. 2. ³ Al. omnis via viri recta sibi videtur. ⁴ Prov. 20. 24. ⁵ Al. Et quomodo. ⁶ Rom. 8. 15. ⁷ Sic Gr. ἵνα φοβῶν. Al. in timore. ⁸ Al. om. filiorum. ⁹ Al. persequitur. ¹⁰ Collat. xi 11. c. 12. ¹¹ Al. si ei tantummodo malum & velle & posse. ¹² Gen. 3. 22.

Non enim talis ante fuisse putandus est, qui boni esset prorsus ignarus. Alioquin velut quoddam irrationabile atque insensatum ¹ animal eum fatendum est fuisse formatum: quod satis absurdum, & a catholica fide omnimode ² alienum est. Quinimmo secundum sententiam sapientissimi Solomonis ³, fecit Deus hominem rectum: idest, ut tantum boni scientia jugiter frueretur. Sed ipsi quaesierunt cogitationes multas. Facti enim sunt, ut dictum est, scientes bonum & malum. Concepit ergo Adam post praevaricationem, quam non habuerat, scientiam mali, boni vero, quam acceperat, scientiam non amisit.

Rectum atque omni vitio carentem creatum esse hominem primum, in quo omnium hominum concreata natura est, dubitare fas non est, eumque tale accepisse liberum arbitrium, ut si auxiliantem ⁴ sibi Dominum ⁵ non desereret,

¹ Al. om. atque insensatum. Al. velut irrationale quoddam animal eum fecisse credendus est. Al. putandus est. ² Al. omnibus modis. Al. omnimodis. ³ Eccl. 7. 30. ⁴ Nempe auxilio sine quo. Vide AUGUSTINUM de Corrept. & Gr. cap. 10. et. 12. ⁵ Al. Deum.

ret¹, posset² in bonis, quae naturaliter acceperat perseverare quia vellet: & merito voluntariae perseverantiae in eam³ beatitudinem pervenire⁴, ut nec vellet decidere in deteriora, nec posset. Sed ipso libero arbitrio, quo quamdiu voluit bonus mansit, a proposita⁵ sibi lege discessit, nec denuntiatae sibi mortis supplicium formidavit, deferens Deum, & sequens diabolum: rebellis Domino servatori⁶, & inimico obediens peremptori. *Fuit ergo Adam, & in illo fuimus omnes; periit Adam, & in illo perierunt omnes; quod ita non falso dixit beatus⁷ AMBROSIVS: sicut non falso ipsa Veritas ait: ⁸ Venit ⁹ filius hominis quaerere & salvare quod perierat. Naturae enim humanae, in illa universalis praevaricationis ruina, nec substantia erepta¹⁰ est, nec voluntas; sed lumen decusque virtutum, quibus fraude invidentis exuta est. Perditis autem per quae ad aeternam atque inamissibilem corporis ani-*

ani-

¹ Al. non deservisset. ² Al. posset in nobis.
³ Al. eandem. ⁴ Al. perveniret. ⁵ Al. ab
 apposita. ⁶ Al. salvatori. ⁷ S. AMBROSIVS
 lib. 7. in Lucae cap. 15. ⁸ Luc. 19. 10. ⁹ Al.
 venit enim, ¹⁰ Al. praerepta.

animaeque¹ incorruptionem poterat pervenire, quid ei remansit, nisi quod ad temporalem pertinet vitam, quae tota est damnationis & poenae²? Propter quod, natos in Adam renasci oportet in Christo, ne in illa quis inveniat³ generatione, quae perit. Nam si posteri Adae in illis virtutibus naturaliter agerent, in quibus Adam fuit ante peccatum; non essent³ natura filii irae, non essent⁴ tenebrae, nec⁵ sub potestate⁶ tenebrarum, Salvatoris denique gratia non egerent: quia non frustra boni essent, nec justitiae praemio fraudarentur: habentes ea bona, quorum amissione primi patres de paradiso exulare meruerunt: Nunc autem, cum sine sacramento regenerationis aeternam mortem nemo possit evadere: nonne ex ipsius remedii singularitate apertissime patet, in quam profundum malum totius humani generis natura demersa sit, illius praevaricatione, in quo⁷ omnes peccaverunt, &
quic-

¹ Al. animique. ² Al. & poena? ³ Ephes.
2. 3. ⁴ Ephes. 5. 8. ⁵ Al. nec. ⁶ Coloss. 1. 13.
⁷ Rom. 5. 12.

quicquid ille perdidit , perdiderunt ?
 Perdidit autem primitus fidem , perdidit continentiam , perdidit caritatem , spoliatus est sapientia & intellectu , caruit consilio & fortitudine : & impie altiora sectando a veritatis scientia , & obedientiae pietate dejectus est : nec ipso saltem timore sibi reliquo ¹ , ut ab interdictis vel metu caveret poenae , qui non abstinere ² amore iustitiae . Liberum ergo arbitrium , idest , rei sibi placitae spontaneus appetitus , ubi usum bonorum , quae acceperat , fastidivit , & vilescantibus sibi felicitatis suae praesidiis , insanam cupiditatem ad experientiam praevericationis intendit , bibit omnium vitiorum venenum , & totam naturam hominis intemperantiae suae ebrietate ³ madefecit . Inde , priusquam edendo carnem Filii hominis , & bibendo sanguinem ejus lethalem digerat cruditatem , labat ⁴ memoria , errat iudicio , nutat incessu : neque ullo modo idoneus est ad illud bonum

¹ Al. sibi relicto . ² Al. qui abstinebat amore iustitiae . ³ Al. intemperantia sua madefecit .
⁴ Al. labitur .

num eligendum & concupiscendum, quo se sponte privavit. Quia non sicut potuit Deo non impellente corruiere, ita potest Deo non erigente consurgere.

Non igitur recte dictum est; *Nec enim talem Deus hominem fecisse credendus est, qui nec velit umquam, nec possit bonum.* Quasi nos istam hominis debilitatem a Creatore dicamus conditam, & non peccati merito ab homine contractam. Qui ergo putat consequens esse, ut si liberum arbitrium obcaecatum esse dicatur¹, obcaecatio ipsa ad naturae referatur auctorem, vult persuadere, quod tam sanum² sit in Adae posteris liberum arbitrium, quam³ in Adam fuit ante peccatum: quod satis⁴ alienum a catholica fide ducimus⁵. Quid enim peccato laesum est, si id laesum non est, unde peccatum est? Nisi forte dicatur in Adae posteros poenam transisse, non culpam⁶, quod omni
ni

¹ Al. ut liberum arbitrium sic caecatum esse dicatur, ut caecatio. Al. obcaecatio. ² Al. tam secutum sanum sit. ³ Al. quod. ⁴ Al. omnimodo satis. ⁵ Al. dicimus. Al. quod a catholica fide dicimus alienum. ⁶ Al. non culpam transisse sed poenam.

ni modo ¹ falso ² dicitur, & ob hoc forte non dicitur. Nimis enim impium est, hoc de Dei sentire iustitia, quod a praevaricatione liberos cum reis voluerit esse damnatos ³. Patet ergo culpa, ubi non latet poena, & societas peccati convincitur de communione supplicii: ut quod est humanae miseriae, non de institutione Creatoris, sed de retributione sit iudicis.

Illud etiam ⁴ inepte positum est, & contra sensum omnium tractatorum ⁵, quod ad probandam ⁶ liberi arbitrii incolumitatem connexuit dicens: *Et quomodo stabit illa Domini post praevaricationem primi hominis illata sententia: 7* Ecce Adam factus est sicut unus ex nobis, sciens bonum & malum? Quasi diabolus Adae vera promiserit, & Adam transgrediendo mandatum Dei profecerit in similitudinem Dei, & hoc ei fuisse collatum ⁸ pronunciaverit Deus: cum in his verbis

Tom. III.

T

signi-

¹ Al. omnino. Al. omnimodo. ² Al. falsum. Al. falsum est. ³ Al. damnandos. ⁴ Al. enim.

⁵ Al. & contra omnium sensum tractatur.

⁶ Al. probandum. ⁷ Genes. 3. 22. ⁸ Al. hoc ei fuisset collatum quod pronunciavit. (Al. pronunciaverit). Deus.

significatum ¹ sit potius , quid non fuerit
 affecutus ² , qui superbiae ingressus viam,
 quod habebat amisit , dum quod non ac-
 ceperat concupivit . Non minus autem in
 ipsa hujus sensus conclusione peccatum
 est , dum dicitur : *Concepit ergo Adam*
post praevaricationem , quam non habuerat
scientiam mali : boni vero , quam accepe-
rat ³ , *scientiam non amisit* . Scientiam bo-
 ni Adam tunc habebat , quando bonum
 sanctumque mandatum Dei fideli corde
 servabat , & erat justus manens in ima-
 gine Creatoris sui , legisque ejus non obli-
 viscens . Postquam autem se , hoc est ,
 imaginem & templum Dei deceptoris suo
 vendidit ⁴ , perdidit boni scientiam ,
 quia perdidit bonam ⁵ conscientiam . Ju-
 stitiam enim iniquitas depulit , humili-
 tatem superbia destruxit , continentiam
 concupiscentia elisit , infidelitas rapuit
 fidem , captivitas abstulit libertatem :
 nec potuit illic ulla portio residere vir-
 tutum , quo tanta irruperat turba ⁶ vi-
 tiorum : ⁷ *Nemo enim potest duobus Domi-*
 nis

¹ Al. *significaverit* , scilicet , Deus . ² Al. *con-*
secutus . ³ Al. *habuerat* . ⁴ Al. *subdidit* . ⁵ Al.
boni . ⁶ Al. *turba* . ⁷ Luc. i6. 13.

nis servire . Et : ¹ Qui facit peccatum , servus est peccati . Et : ² A quo quis superatus est , ei & servus ³ addictus est . Nemo autem servit nisi cum aliqua libertate : & nemo liber est ⁴ , nisi cum aliqua servitute , dicente Apostolo : ⁵ Cum enim servi essetis peccati , liberi fuistis ⁶ iustitiae . Quem ergo fructum habuistis tunc in illis ⁷ , in quibus nunc erubescitis ? Nam finis illorum mors est . Nunc vero ⁸ liberati a peccato , servi autem facti Deo , habetis fructum vestrum ⁹ in sanctificatione ¹⁰ ; finem vero vitam aeternam . Qui itaque servit diabolo , liber est a Deo : qui autem liberatus ¹¹ servit Deo , liber est diabolo : ut appareat malam libertatem potuisse haberi ex humanae voluntatis defectu : bonam autem ¹² libertatem non potuisse recipi , sine liberatoris auxilio .

T 2

CAP.

¹ Joan. 8. 34. ² 2. Pet. 2. 19. ³ Al. om. & .
 Al. ejus & servus est . ⁴ Al. & nemo libertate liber est . ⁵ Rom. 6. 20. 21. & 22. ⁶ Al. eratis .
⁷ Al. om. in illis . ⁸ Al. Nunc autem liberi .
⁹ Al. om. vestrum . ¹⁰ Al. in sanctificationem . ¹¹ Al. libertus . Al. liberatur . ¹² Al. voluntatem .

CAP. X. *Locus Apostoli de gentibus sine lege facientibus quae legis sunt, exponitur. Cassianum ex ea perversè arguere non amisisse humanum genus post praevaricationem Adae scientiam boni. Humano generi sapientiam quamdam ex naturae a Deo conditae reliquijs superesse ad temporalis vitae utilitatem, sed quae justificari ex se non potest. Nullum bonae voluntatis motum esse qui non sit ex Spiritu sancto.*

Sed ne haec primi hominis calamitas in progeniem ejus transisse videatur : quam integro sit ¹ omnium hominum natura judicio, exemplo gentium probaturus hic doctor ² addit, & dicit : ³ Denique non amisisse genus humanum post praevaricationem Adae scientiam boni, etiam Apostoli ⁴ sententia evidentissime declaratur, qui dicit : Cum enim gentes ⁵, quae legem non habent, naturaliter, quae legis sunt, faciunt : hi legem non habentes, ipsi sibi sunt lex, qui ostendunt opus legis scriptum in cordibus suis, testimonium red-dente eis conscientia ⁶ ipsorum, & inter se invicem cogitationibus accusantibus, aut etiam

¹ Al. quam suo inter se sensit omnium &c.

² Al. addidit & dixit. ³ Collat. xiii. cap. 12.

⁴ Rom. 2. 14. ⁵ Al. Quoniam gentes . . . &c. quae legis sunt. ⁶ Al. om. ipsorum.

*etiam defendentibus, in die qua judicabit Deus occulta hominum*¹.

Si de his Apostolus loquitur, qui ex praeputio sunt vocati, & cum essent longe, facti sunt prope, credentes in eum², qui quorum aliquando non misertus est, nunc autem miseretur, & justificans circumcisionem ex fide, & praeputium per fidem, duos condidit in semetipso, destructoque pariete inimicitiae Judaeorum & gentium, in uno novo homine fecit pacem; concludens omnia in incredulitate, ut promissio ex fide Jesu Christi daretur credentibus: si, inquam, de his Apostolus loquitur, in quorum cordibus digito suo Deus, id est, Spiritus sancto scribit novum Testamentum, ut legis plenitudinem & opera caritatis naturaliter exequantur, reformata scilicet renovataque natura; quid hinc³ superbissimi sensus novitas adjuvatur, cum reconciliatio inimicorum non possit nisi gratiae Mediatoris adscribi? ⁴ *Omnes enim*

T 3 pec-

¹ Al. additur, secundum evangelium meum per Jesum Christum Dominum. ² Al. in eum. Quorum aliquando non misertus, & justificans . . . in semetipso. Et utrumque parietem . . . in uno homine solvens; fecit pacem. ³ Al. hujus. ⁴ Rom. 3. 29. & 24.

peccaverunt, & egent gloria Dei, iustificati gratis per gratiam ipsius. Ergo gratia gloria Dei est, non meritum liberati. Quis enim¹ prior dedit ei, ut retribueretur² illi? Nihil boni operis ex mortuis, nihil iustitiae procedit ex impiis: omnis ipsorum salus³ gratuita est. Et ideo gloria Dei est, ut qui gloriatur, in illo, cuius gloria eguit, gloriatur.

*Sin autem (quod magis vult hic disputator intelligi) de illis ista dicuntur, qui alieni a gratia Christiana, quaedam ad similitudinem legalium mandatorum proprio iudicio⁴ sanciebant, intelligentes, mores civitatum concordiamque populorum non posse aliter contineri, nisi &⁵ recte factis praemia, & peccatis⁶ poenae decernerentur: sicut dictum est⁷ ab ipsa sapientia Dei⁸, *Ego ex ore altissimi prodivi; & in omni gente⁹ primatum tenui: requiem quaesivi in Jacob, & inveni.* Ergo quis ambigat, hanc sapientiam humano generi ad temporalis vitae utilitatem,*

¹ Rom. 11. 35. ² Al. & retribuetur. ³ Al. tota ipsorum salus gratia est. ⁴ Al. sentiebant.
⁵ Al. ut. ⁶ Al. decernerentur; quis ambigat &c. omittis ceteris. ⁷ Eccl. 24. 5. 10. & 11.
⁸ Al. Deo. ⁹ Al. in omnem gentem.

tem, ex naturae a Deo conditae ¹ superesse reliquiis? Si enim nec ad ista terrena ordinanda rationalis animi vigeret ingenium, non vitiata esset, sed extincta natura. Quae tamen etiamsi excellentissimis artibus, & cunctis mortalium ² eruditionum polleat disciplinis, justificari ex se non potest, quia bonis suis male utitur, in quibus sine cultu veri Dei impietatis immunditiaeque ³ convincitur, & unde se defendi existimat ⁴, accusatur. Cum ergo Paulus ⁵ definiat, quod non ex operibus legis justificatur ⁶ omnis caro: & quoniam in ⁷ Christo neque circumcisio, neque praeputium valeat aliquid, sed nova creatura: quid iste ⁸ impiam infidelium libertatem naturalibus instruit bonis, & propriis vult justificare principiis? Quid ad renovationem lacessitae ⁹ vetustatis, idoneam definit praevaricatricis scientiae nuditatem ¹⁰? Quasi ista scientia vel ex naturae opibus

T 4

resi-

¹ Al. ex natura a Deo condita superesse reliquum.
² Al. moralibus. ³ Al. immutata aeque convincitur. ⁴ Al. aestimat. ⁵ Rom. 3. 20. ⁶ Al. justificabitur. ⁷ Galat. 5. 6. ⁸ Al. quid est quod impiam . . . naturalibus instructam bonis, propriis vult &c. ⁹ Al. miserae. ¹⁰ Al. libertatem.

residua consecuta ¹, vel ex legalis doctrinae eruditione quaesita, possit sui perceptione praestare, ut quod faciendum noverimus, etiam facere diligamus: aut ullus sit bonae voluntatis motus, nisi quem creaverit diffusae per Spiritum sanctum caritatis ² afflatus: ³ *Sine fide enim impossibile est* ⁴ *placere*. Et: ⁵ *Omne quod non est ex fide, peccatum est*. Et: ⁶ *In Christo Jesu neque circumcisio aliquid valet, neque praeputium: sed fides quae per dilectionem operatur*.

CAP. XI. *Liberum arbitrium nec voluntatem boni, nec possibilitatem habere nisi per gratiam. Cur homini imperentur ea, quorum facultatem non invenit in sua natura. Definitio octava Cassiani: Non id solum adscribendum humanae naturae, quod malum est, Pelagiana convincitur. Merita hominum nulla nisi ex gratia.*

Post haec in conclusione testimoniorum, quibus probare voluit, quod hi qui per increpationem prophetica furdi appellantur & caeci, possint ex facultate naturae & aures suas aperire ad audiend-

¹ Al. om. *consecuta*. ² Al. *affectus*. ³ Heb. 11. 6. ⁴ Al. additur, Deo. ⁵ Rom. 14. 23. ⁶ Galat. 5. 6.

diendum, & oculos suos ¹ ad videndum.
 (quasi non de iisdem dicat Dominus:
² *Et dabo eis cor aliud, & spiritum novum
 dabo eis, & evellam cor lapideum de carne
 eorum: Et dabo eis cor carneum, ut in
 praeceptis meis ambulent, & justificationes
 meas observent, & faciant eas*) addit ³,
 & dicit ⁴. Denique ut possibilitatem boni
 eis inesse significaret ⁵, increpans eos ⁶, Quid
⁷ autem ex vobismetipsis ⁸ (inquit) etiam
 non judicatis quod justum ⁹ est? Quod uti-
 que non eis dixisset, nisi eos iudicio natura-
 li, quod aequum est scisset posse discerne-
 re. Jam non solum voluntatem boni, sed
 etiam possibilitatem libero adscribit ar-
 bitrio: tamquam ideo ab eis ¹⁰ exiga-
 tur intelligentia, ideo iustitia reposca-
 tur, quia possint haec sine Dei donis, de
 naturae proferre ¹¹ bonis. Imperantur
 autem ista homini, ut ex ipso praecepto
 Dei ¹² quo ei hoc, quod accepit, ¹³ indici-
 tur,

¹ Al. om. suos: ² Ezech. 11. 19. & 36. 26.

³ Al. addidit. ⁴ Coll. x111. cap. 12. ⁵ Al.
designaret. ⁶ Al. Phariseos. ⁷ Luc. 12. 57.

⁸ Al. ex vobis ipsis. ⁹ Al. bonum. ¹⁰ Al.
ab eo. ¹¹ Al. proferri. ¹² Al. omittitur: Dei.

¹³ Al. hoc quod accepit iudicetur.

tur, agnoscat ¹ id se ² suo vitio perdidisse; & non ideo iniquam esse exactionem, quia ad reddendum quod debet idoneus non est; sed a litera ³ occidente confugiat ad spiritum vivificantem, & facultatem quam ⁴ non invenit in natura, quaerat ex gratia. Quod si facit, magna est misericordia Dei ⁵: si non facit, iusta est poena peccati.

Deinde ⁶ ad plenitudinem praemissae disputationis, regulari sententia ⁷ pronuntiat, dicens: *Unde cavendum nobis est, ne ita ad Deum ⁸ omnia sanctorum merita referamus, ut nihil nisi id quod malum atque perversum est, humanae adscribamus naturae. Quid evidentius, quid expressius secundum Pelagii Caelestiique commentum ab ullo discipulo eorum ⁹ potuit definiri? Illi dicunt, Gratiam Dei secundum merita nostra dari; & iidem ¹⁰ dicunt, Gratiam Dei non ad singulos actus dari: hic intra unam sententiam blasphemiam utramque conclusit, dicens:*
Caven-

¹ Al. Ignorat. ² Al. seipsum id. ³ Al. nisi. Al. si. ⁴ Al. add. ante. ⁵ Al. Domini. ⁶ Al. denique. ⁷ Al. regulam. ⁸ Al. Dominum.

⁹ Al. om. eorum. ¹⁰ Al. & ideo.

Cavendum nobis esse, ne ita ad Deum omnia sanctorum merita referamus, ut nihil nisi quod malum atque perversum est, humanae adscribamus naturae. Vult ergo esse multa propria hominum merita, quae non sint gratiae largitate collata, quibus ad augendas naturales divitias quaedam de sursum munera debeantur. Vult nos gratiam Dei non ad singulos actus accipere: ac proinde ¹ non pro omni bono opere semper orare. Atque ita consequens ² erit, ut in Dei muneribus nullum meritum esse credendum sit; quandoquidem sine merito sit, quem Deus in omnibus ³ semper adjuverit: aut si etiam in his quae Deus tribuit, aliqua merita collocantur ⁴, constet etiam ipsa adquiri propria facultate ⁵ potuisse; & ideo in aliquibus oporteat nos adjuvari ⁶, ut possibilis fiat per gratiam, quod non erat impossibile per naturam. Ecce jam in ista paucorum brevitate verborum, non duarum tantum, sed multarum impietatum numerosa connexio est: quae si scrupulosis

¹ Al. *perinde*. ² Al. *Atque ita sensit*. ³ Al. *om. in omnibus*. ⁴ Al. *aliqua merita esse loquantur*. ⁵ Al. *potestate*. ⁶ Al. *juvari*.

fioris diligentiae discretionem tractetur, in nullo a damnati erroris catena absoluta monstrabitur.

CAP. XII. *Rationes refelluntur, quibus Cassianus stabilire contendit, religiosas cogitationes, & sancta consilia, nulla Dei inspiratione concepta, de naturali posse prodire sapientia. Bonam voluntatem ita esse hominis propriam, ut nonnisi inspirante Deo concipiatur. Naturalia bona mortalem vitam honestare posse, non vero aeternam conferre. Conversionem hominis non sine ipso, sed ab ipso non incipere.*

S Sed ne suspicionibus agere videamur, & latebras sensuum ultra verba rimari, quid adcreseat cognitis, doceant quae sequuntur. Qui ergo inter principia disputationis suae dixerat, *Non solum actuum, verum etiam cogitationum bonarum ex Deo esse principium; qui nobis & initia sanctae voluntatis inspirat, & virtutem atque opportunitatem eorum, quae recte cupimus, tribuit peragendi: nunc volens probare, quod religiosae cogitationes & sancta consilia, nulla Dei inspiratione concepta, de naturali possint¹ prodire sapientia, ponit verba Solomonis, dicentis:² Voluitque³ David pater meus aedificare*

¹ Al. possunt. ² 3. Reg. 8. 17. ³ Al. voluit.

ficare domum nomini Domini Dei Israel :
 Et ait Dominus ad David Patrem meum :
 Quod cogitasti in corde tuo aedificare domum
 nomini meo , bene fecisti , hoc ipsum mente
 pertractans : verumtamen non tu aedifica-
 bis domum nomini meo . Deinde ut osten-
 dat , quomodo hoc intelligendum sit , in-
 fert ipse.¹ tractator :² Haec ergo cogitatio ,
 atque iste tractatus regis David , utrumne
 bonus Et ex Deo , an malus Et ab homine fuis-
 se dicendus est ? Si enim bona Et ex Deo
 fuit illa cogitatio , cur ab eo , a quo inspi-
 rata est , eidem negatur effectus ? Si autem
 mala , Et ex homine fuit , cur laudatur a
 Domino ? Restat ergo ut Et bona , Et ex
 homine fuisse credatur : in quem modum
 etiam nostras quotidie cogitationes possumus
 judicare . Neque enim aut soli David bo-
 num ex semetipso cogitare concessum est ,
 aut nobis , ne quid boni³ umquam sapere ,
 aut cogitare possumus , naturaliter , denegatur .

Nullò modo hoc testimonio atque ar-
 gumento probari⁴ potest , quod piae co-
 gitationes ex solo libero arbitrio , & non
 ex Dei inspiratione nascantur . Non
 enim

1. Al. om. ipse tractator . 2. Collat. xiii. c. 12.

3 Al. ne bonum umquam . 4 Al. probare .

enim ideo voluntas David, quae utique bona erat, non ex Deo fuisse credenda est, quia templum sibi Dominus non ab eo aedificari, sed a filio ipsius voluit. Quaerendum ergo est, de quo spiritu processerit affectus istius ¹ voluntatis; nempe de illo Dei ², in quo dicebat: ³ *Si introiero in tabernaculum domus meae, si ascendero in lectum ⁴ stratus mei: si dederō somnum oculis meis, aut palpebris meis dormitationem, aut requiem temporibus meis, donec inveniam locum Domino, tabernaculum Deo Jacob.* Quod cum Propheta concupisceret, non ignorabat verum illud, perfectumque templum ab illo esse condendum, qui cum esset Filius Dei, factus est etiam filius David ⁵, qui cum videret templum a Solomone constructum dicebat: ⁶ *Solvite templum hoc, & in triduo suscitabo illud.* Dicebat autem de templo corporis sui. Ut ergo hoc templum praefiguraretur, quod in Christo & in Ecclesia disponebatur, merito ad instructionem ⁷ ejus non David eligitur,

¹ Al. *ipius*. ² Al. *om. Dei*. ³ *Psalms. 131. 3.*
⁴ Al. *strati*. ⁵ Al. *filius David*; unde ait Evangelista: *Dicebat &c.* omittis quae interjacent.
⁶ *Joan. 2. 19. 21.* ⁷ Al. *extruccionem*. Al. *construccionem*.

gitur, sed filius David: ut per filium hominis significaretur Filius Dei & hominis, & per templum dissolubile indicaretur tabernaculum incorruptibile, ad cujus condendam imaginem & voluntas David probata est, & opus in eum translatum est, cujus persona magis eadem imagini congruebat. Atque ita & ex Deo erat hoc velle David, & ex Deo erat, hoc facere Salomonem¹.

Quod ut exemplis magis luceſcat, requiramus ubi fieri Deus noluerit², quod homines facere Deo volente voluerunt. Dominus Apostolis ſuis praecepit, dicens: ³ *Euntes ite, & docete* ⁴ *omnes gentes, baptizantes eos* ⁵ *in nomine Patris, & Filii, & Spiritus ſancti, & docentes eos ſervare omnia quaecumque mandavi vobis.* Quod cum Apostoli⁶ audirent, ſine dubio non verba nuda per corporales ſonos exterioribus tantum auribus acceperunt⁷, ſed virtute viventis⁸ verbi accenſa eſt in cordibus eorum inextinguibilis flamma caritatis, qua ardentiffime vellent Evangelium

¹ Al. hoc fieri a Salomone. ² Al. voluerit.

³ Matth. 28. 19. ⁴ Al. euntes docete. ⁵ Al. eas. ⁶ Al. audiſſent. ⁷ Al. perceperunt. ⁸ Al. jubentis.

gelium Christi omnibus gentibus praedicare¹. Sed cum vetiti² sunt loqui verbum in Asia³, &, cum tentarent ire in Bithyniam, prohibiti sunt a spiritu Jesu: numquid non ex Deo hanc voluntatem habebant, quod etiam istorum optabant ad fidem corda convertere, quos occulto judicio Deus Evangelium tunc nolebat audire? Aut quod Ecclesia quotidie pro inimicis suis orat, id est, pro his qui necdum⁴ crediderunt, numquid non ex spiritu Dei facit? Quis hoc dixerit, nisi qui hoc non facit, aut qui putat fidem non esse donum Dei? Et tamen quod pro omnibus⁵ petitur, non pro omnibus obtinetur. Nec est iniquitas apud Deum, qui saepe postulata non tribuit, quae postulare⁶ donavit.

Bonam igitur voluntatem, eam scilicet, qua adhaeretur⁷ Deo, nec negandum

¹ Act. 16. 6. 7. ² Al. sed cum voluissent loqui.
³ Al. sed cum vetiti sunt verbum in Asia loqui, & ire in Bithyniam prohibiti sunt. Al. sed cum voluissent loqui verbum in Asia, & in Bithyniam prohibiti sunt &c. Al. sed cur vetiti sunt loqui verbum in Asia, & ire in Bithyniam? Prohibiti sunt a Spiritu sancto. ⁴ Al. add. Deo. Al. nondum.
⁵ Al. & tunc cum pro omnibus petitur, ⁶ Al. postulari, ⁷ Al. adhaeret.

dum est hominis esse propriam, & confitendum est Deo inspirante conceptam. Nam cum nemo sit bonus,¹ nisi solus Deus; quale erit bonum, quod auctorem non habet bonum? Naturae quippe humanae, cujus creator est Deus, etiam post praevaricationem manet substantia, manet forma, manet vita, & sensus, & ratio, ceteraque corporis atque animi bona, quae etiam malis vitiosisque non desunt: sed non in his habet veri boni² perceptionem, quae mortalem vitam honestare possunt³, aeternam autem conferre non possunt. Neque enim ignotum est, quantum⁴ Graecae Scholae, Romana eloquentia, & totius mundi inquisitio, circa inveniendum summum bonum, acerrimis studiis, & excellentissimis ingeniis laborando, nihil egerint; nisi ut evanescerent in cogitationibus suis, &⁵ obscuraretur cor insipiens eorum, qui ad cognoscendam⁶ veritatem semetipsis ducibus utebantur. Si ergo

Tom. III.

V

quis

¹ Luc. 18. 19. ² Al. veri perfectionem. Al. sed non in aliis. Al. sed non in illis veri boni perceptio est. ³ Al. possint. ⁴ Al. quod. Al. quantum Graeciae scholae, quantum Romana &c. Al. Romanae &c. ⁵ Rom. 1. 21. ⁶ Al. ad noscendam. Al. ob cognoscendam.

quis de aerumnosis vanitatibus & infaniis fallacibus erubescens, tenebras esse & mortem quicquid pro lumine ac vita amplectebatur, intelligit, & ab his se conatur abstrahere; non est ab ipso, quamvis non sine ipso sit, ista conversio; nec propria virtute ad principia salutis enititur: sed agit hoc ¹ occulta & potens gratia Dei, quae remotis ² terrenarum opinionum & operum mortuorum favillis, torrem ³ obruti cordis exagitat, & desiderio veritatis inflammat: non ut invictum hominem subigat, sed ut subjectionis cupidum faciat; nec ut ignorantem trahat, sed ut intelligentem sequentemque praecedat. Manens enim liberum arbitrium, quod ⁴ utique cum ipso homine Deus condidit, a vanitatibus & cupiditatibus suis, in quas neglecta Dei lege defluxit ⁵, non a se ipso, sed a Creatore mutatur, ut quicquid in eo in melius ⁶ reficitur, nec sine illo sit qui sanatur, nec nisi ab illo sit qui medetur, ejus sumus nova creatura, novumque figmen-

¹ Al. haec. ² Al. dimotis. ³ Al. terrorem. Al. scintillam. Al. torrem mortui cordis. ⁴ Al. unicuique. ⁵ Al. fluxerat: ⁶ Al. om. in melius.

figmentum, creati in Christo Jesu in operibus bonis ¹, quae praeparavit Deus, ut in illis ambulemus.

C A P. XIII. *Definitio nona Cassiani: Inesse omni animae naturaliter virtutum semina beneficio Creatoris inserta, ex dogmate de peccato originali confutatur. Remansisse post peccatum adae rationalem animum; sed virtutis habitaculum illud esse non virtutem. In impiis nullas esse virtutes veras, & omnia eorum opera bona esse polluta. Non solum perfectionem, sed ipsa principia verarum virtutum ex gratia. Auctoritas ex libro Pastoris a Cassiano adhibita rejicitur. Deum Dei esse caritatem.*

Nunc jam videamus quod disputantis progrediatur intentio. ² Dubitari ergo (inquit) non potest, inesse quidem omni animae naturaliter virtutum semina, beneficio Creatoris inserta. Sed nisi haec opitulatione Dei ³ fuerint excitata, ad incrementum perfectionis non poterunt pervenire ⁴; quia secundum beatum Apostolum, neque qui plantat est aliquid, neque qui rigat, sed qui incrementum dat Deus. Adiacere autem homini in quamlibet partem ar-

V 2

bitrii

¹ Ephes. 2. 10. ² Collat. XIII. c. 12. ³ Al. om. Dei. ⁴ Al. pervenire. Adiacere autem &c. omissis, quae interjacent,

bitrii libertatem, etiam liber ille qui dicitur Pastoris, apertissime docet, in quo duo angeli unicuique nostrum adhaerere dicuntur, id est, bonus & malus; in hominis vero optione consistere; ut eligat quem sequatur. Et idcirco manet in homine liberum semper arbitrium, quod¹ gratiam Dei possit vel negligere, vel amare.

Si dubitari non potest, inesse omni animae naturaliter virtutum semina beneficio Creatoris inserta: solus Adam praevericatus est, & in peccato ejus nemo peccavit; in nullis iniquitatibus concepti sumus², & in nullis nos matres nostrae peperere delictis; non fuimus³ natura filii irae, nec fuimus⁴ sub potestate tenebrarum: qui manentibus in nobis naturaliter virtutibus, filii potius nati sumus pacis & lucis. ABSIT AB ANIMIS PIORUM FALLACIS DOCTRINAE INSIDIOSA DECEPTIO. Virtutes cum vitiis habitare non possunt: quae enim participatio, inquit Apostolus⁵, justitiae cum iniquitate? aut quae societas lucis ad tenebras? Virtus namque principaliter Deus est: cui non

¹ Al. quo. ² Psalm. 50. 7. ³ Ephes. 2. 3. ⁴ Coloss. 1. 13. ⁵ 2. Cor. 6. 14.

non aliud est habere virtutem, quam esse virtutem. Hujus cum participes sumus, habitat Christus¹ in nobis, qui est Dei virtus & ² Dei sapientia: habitat fides, spes, caritas, continentia, intellectus, consilium, fortitudo, ceteraeque virtutes. Cum vero ab hoc bono³ recedimus⁴, omnia nobis e contrario oriuntur ex nobis: discedente enim pulcritudine, quid succedat nisi deformitas? abeunte sapientia, quid resideat nisi insipientia? non regnante iustitia, quid dominetur nisi iniquitas?

Virtutum itaque semina, quae beneficio Creatoris inserta sunt, praevaricatione primi parentis everfa sunt: nec haberi queunt, nisi eo restituyente qui dederat. Reformabilis enim est natura humana formatori⁵ suo, & eorum bonorum, quae habuit capax est: ut per mediatorem Dei & hominum hominem Jesum Christum, in eo ipso quod ei remansit, possit recuperare quod perdidit. Remansit autem ei rationalis animus, qui non virtus, sed virtutis habitaculum est. Ex⁶ participatione,

1 Al. om. Christus. 2 1. Cor. 1. 24. 3 Al. honore. 4 Al. cedimus. 5 Al. a formatore suo. 6 Al. om. Ex.

tione enim sapientiae, & iustitiae, & misericordiae, non sapientia, neque iustitia, neque misericordia; sed sapientes & iusti & misericordes sumus. Quae bona, quamvis rationale nostrum vitiis occupatum sit, & praevaricantibus nobis Dei templum spiritus immundus invaserit; possunt tamen rursus in ipsum rationale confluere per eum,¹ qui mundi principem foras mittit, & ² ligans fortem vasa ejus rapit, fugatoque mundi hujus spiritu dat ³ spiritum qui ex Deo est, ut sciamus quae a Deo donata sunt nobis.⁴ *Qui autem spiritum Christi non habet, hic non est ejus.*

Puto autem istum veri similitudine decipi, & in specie falsarum errare virtutum, dum ea bona, quae non possunt nisi ex Dei munere haberi, etiam in impiorum animis⁵ existimat reperiri; ideo scilicet, quia multi eorum sint iustitiae, temperantiae, continentiae, & benevolentiae sectatores: quae omnia non frustra quidem, neque inutiliter habent, mul-

¹ Jo. 12. 31. ² Mar. 3. 27. ³ 1. Cor. 2. 12.

⁴ Rom. 8. 9. ⁵ Al. largitur nobis Spiritum.

⁶ Al. aestimat;

multumque ex eis in hac vita honoris & gloriae consequuntur : sed quia in iis studiis non Deo , sed diabolo serviunt , licet habeant temporalem de vana laude mercedem , ad illam tamen ¹ beatarum virtutum non pertinent veritatem . Et ita ² manifestissime patet , in impiorum animis nullam habitare virtutem , sed omnia opera eorum immunda esse , atque polluta , habentium sapientiam non spiritalem sed animalem , non coelestem sed terrenam , non Christianam sed diabolicam , non a Patre luminum sed a principe tenebrarum ; dum & ipsa quae non haberent ³ nisi dante Deo , subdunt ei qui primus recessit a Deo .

Qui ergo dicit , sine ullo opere gratiae *naturaliter omni animae semina inesse virtutum* ; quid laborat ostendere , nisi de istis feminibus quaedam germina ⁴ praecedentium Dei gratiam pullulare meritorum ? Denique ut videretur aliquid gratiae tribuisse : *Ad perfectionis* , ait , *incrementum semina haec pervenire non poterunt , nisi opitulatione Dei fuerint excitata :*
ut

¹ Al. om. tamen . ² Al. etiam . ³ Al. dum per ea ipsa quae . . . subduntur ei . ⁴ Al. semina .

ut scilicet opitulatio Dei sit cohortatio
 atque doctrina, mens autem, quae vir-
 tutum est opulenta feminibus, utatur fa-
 cultate quam possidet; ad hoc tantum
 iuvanda, ut earum virtutum adprehen-
 dat culmina, quarum sibi scit inesse
 principia. Igitur secundum ¹ istum hu-
 mana anima sic aedificabitur in Dei tem-
 plum, ut non accipiat fundamentum ²,
 praeter quod aliud nemo potest ponere,
 quod est Christus Jesus. Quando autem
 hoc fundamentum incipitur ³, nisi quan-
 do fides in audientis corde generatur?
 Quae si naturaliter inerat, non coeptum ⁴
 ibi est aliquid, sed superstructum ⁵.
 Superflue ergo infidelis videbatur, qui
 fidem habebat antequam crederet. Hoc
 autem & de aliarum virtutum principiis
 potest dici, quas gratia augere debeat
 quia sunt, non donare quia ⁶ defunt.
 Sed aliud nos omnia sanctarum scriptu-
 rarum eloquia docent. ⁷ Legimus princi-
 pium esse sapientiae timorem Domini,
 & legimus donum Dei hanc esse virtu-
 tem.

¹ Al. *istud*. ² 1. Cor. 3. 11. ³ Al. *accipitur*.

⁴ Al. *non conceptum*. ⁵ Al. *superinstructum*.

⁶ Al. *quae*. ⁷ Prov. 1. 7.

tem: ¹ *Timor Domini* ², inquit, *super omnia se superposuit*. *Beatus homo* ³, *cui donatum est habere timorem Domini* ⁴. Cum ergo timor Dei principium sit sapientiae; quae virtus haberi potest sine sapientia, cui ⁵ ex timore principium est? *Beatus Petrus Apostolus*, ⁶ *Gratia vobis*, inquit, *& pax adimpleatur in recognitione* ⁷ *Domini nostri Jesu Christi*, *qui nunc omnia nobis* ⁸ *divina virtute sua, quae ad vitam & pietatem pertinent, donavit*. Numquid ait, *Qui virtutum femina, quae naturaliter habebamus inserta, opitulatione sua excitavit in nobis* ⁹? Sed ait: *Qui nunc omnia nobis, quae ad vitam & pietatem pertinent, donavit*. Quod dicendo, cujus virtutis initium in natura posuit, quod non ab eo collatum ¹⁰ sit, qui cuncta donavit? Propter quod & beatus Paulus: ¹¹ *Quid enim habes, inquit, quod non accepisti? Si*

Tom.III.

X

au-

¹ Eccl. 25. 14. & 15. ² Al. *Timorem*, inquit: *Dei super haec omnia posuit*. Al. *super haec omnia Dei: Beatus &c.* Al. *super haec omnia superposuit*. Al. *super omnia posui*. ³ Al. *om. homo*. Al. *vir*.

⁴ Al. *Dei*. ⁵ Al. *cujus*. ⁶ 2. Pet. 1. 2.

⁷ Al. *in cognitione*. ⁸ Al. *in nobis*. ⁹ Al. *excitavit in nobis; an quae ad vitam & pietatem pertinent, donavit*, omittis quae interjacent.

¹⁰ Al. *collocatum*. ¹¹ 1. Cor. 4. 7.

autem accepisti, quid gloriaris, quasi non acceperis?

Ergo omnia quae ad vitam & pietatem pertinent, non per naturam, quae vitiata est, habemus; sed per gratiam, qua natura reparatur¹, accepimus. Nec ideo existimare debemus, in naturalibus thesauris principia esse virtutum, quia multa laudabilia² reperiuntur etiam in ingeniis impiorum, quae ex natura quidem prodeunt: sed quoniam ab eo, qui naturam condidit, recesserunt, virtutes esse non possunt. Quod enim vero illuminatum est lumine, lumen est; & quod eodem lumine caret, nox est: *Quia³ sapientia hujus mundi⁴ stultitia est apud Deum.* Ac sic, vitium est quod putatur esse virtus⁵; quandoquidem stultitia est, quod putatur esse sapientia. Quando⁶ autem fieri potest, ut qui in naturalium virtutum seminibus, quae iste⁷ magnificat, glo-

¹ Al. *sed per naturam, quae gratia reparatur.*

² Al. *laudanda.* ³ 1. Cor. 3. 19. ⁴ Al. *Quid sapientia hujus mundi? Stulti ia est.* ⁵ Al. *sapientia, quandoquidem . . . putatur esse virtus.*

⁶ Al. *Quomodo autem fieri potest, ut is qui in naturalium virtutum seminibus exuberare se putat, quas ipse magnificas esse gloriatur subiiciat.*

⁷ Al. *ille.*

gloriantur, ipsas virtutes suas ei doctrinae subjiciant provehendas, quae dicit:

¹ Si quis videtur inter vos sapiens esse, stultus fiat, ut sit sapiens? & ² Quia in sapientia Dei non cognovit hic mundus per sapientiam Deum, placuit Deo per stultitiam praedicationis salvos facere credentes? Quid illa inscientius ³ sapientia, quid illa praesumptione magis ineptum, magisque ridendum, nisi spiritus Dei aspernationem subegerit superborum, rationesque illas, quae ignotae ⁴ veritati ⁵, canina facundia repugnabant, gratiae suae virtute destruxerit: ut semen verbi praefulcata ⁶ cordis terra concipiat, & dignos aeternis horreis fructus Dei agricultura producat?

Post illud autem nullius auctoritatis ⁷ testimonium, quod disputationi suae de libello Pastoris inseruit, ex quo ⁸ ostend-

X 2 dere

¹ 1. Cor. 5. 18. ² 1. Cor. 1. 21 ³ Al. inscientium. Al. Quid illa scientia, scientiaeque praesumptio magis ineptum cernat. Al. Quid illa scientiae sapientiaeque praesumptio magis ineptum esse censcat, magisque ridendum. Al. Quid ulla inscientiae &c.
⁴ Al. ignitae. ⁵ Al. virtuti. ⁶ Al. praefulcati. ⁷ Al. Illud autem nullius est auctoritatis est &c... Postea vero addidit &c. ⁸ Al. & quo.

dere voluit, inter boni & mali angeli¹ contrarias suasiones, ita omnem hominem naturali iudicio & propriae discretioni esse commissum, ut ei non plus a Deo praesidii, quam a diabolo sit periculi,² addidit definitionis³ suae regulam, dicens: *Et idcirco manet in homine liberum semper arbitrium, quod⁴ gratiam Dei possit vel negligere, vel amare*. In qua sententia etiam hoc quod ait, remanere⁵ in homine liberum semper arbitrium, ex aliqua parte non constat; siquidem multa millia infantium in regnum Dei adsumptorum, aut a regno Dei extraneorum, sine ullius suae voluntatis arbitrio gratiam Dei aut accipiant, aut amittant; multique excordes ad omnia prorsus & fatui, per sacramentum regenerationis ab aeternae mortis vinculis eruantur. Accipiamus tamen ita hoc dictum, ut ad eos proprie pertineat haec definitio, qui uti possunt libera voluntate. Itane libera est ista libertas, ut quantum⁶ ex se habeat fastidii ut negligat gratiam Dei, tan-

¹ Al. om. angeli. ² Al. add. postea vero.

³ Al. definitioni. ⁴ Al. quo. ⁵ Al. manere.

⁶ Al. tantum.

tantum ex se habeat delectationis ¹ ut diligat? Itane illum vetustae ² infidelitatis glaciale rigorem nullus meridiani caloris spiritus relaxavit, & torpor mentis obstrictae de suo algore concaluit; & ³ dicente Domino, ⁴ *Ignem veni mittere in terram*, nulla ad cor frigidum scintilla pervenit, & cinis mortuus a semetipso in flammam caritatis exarsit? Nihil tale in istis ⁵ gratiae amatoribus ⁶ factum est, quale illi experti sunt, qui dicebant, ⁷ *Nonne cor nostrum erat ardens* ⁸, cum essemus cum illo in via, & aperiret nobis *Scripturas*? Sed nec illud in eisdem actum est, quod in ⁹ Lydia, civitatis Thyati-
 rum ¹⁰ purpuraria, quae inter mulieres, quibus illic Apostolus praedicabat ¹¹, sola tunc ostenditur credidisse, *Cujus*, inquit, *cor aperuit Dominus* ¹², ut intenderet his quae a Paulo dicebantur? Et tanta est secundum istum liberii arbitri inco-

X 3 lumi-

¹ Al. dilectionis. ² Al. om. vetustae. Al. Itane vetustae nullum &c. ³ Al. ut, deinde vero, pervenerit... exarserit. ⁴ Luc. 12. 49. ⁵ Al. in istius.

⁶ Al. damnatoribus. Sententia, prout legitur in textu, figurata est. ⁷ Luc. 24. 32. ⁸ Al. ardens in nobis. ⁹ Al. de. ¹⁰ Al. Thiatirenorum.

¹¹ Act. 1. 14. ¹² Al. Deus.

luminitas¹, & facultas, ut caritatem, quae in omnium arce virtutum est, non ex Dei munere, sed ex sola habeant voluntate². Quid ergo in anima a suo aedificatore reparatur³? aut qua largitate gratiae fiet ornatior, si illa sunt ei propria, sine quibus non possunt prodesse donata? Sed Apostolus⁴, qui profiteretur sine caritate non operationes miraculorum, non scientiam, non fidem, non prophetiam, non erogationes divitiarum, non ipsam saevissimorum suppliciorum prodesse tolerantiam; unde habeatur ipsa caritas non tacet: ⁵ *Quoniam caritas, inquit, Dei diffusa est in cordibus nostris per Spiritum sanctum qui datus est nobis.* Et, ⁶ *Pax, inquit, fratribus cum caritate* ⁷ *& fide, a Deo Patre & Domino Jesu Christo.* Sanctus etiam Joannes Apostolus instruat nos, unde hujus boni coeperimus esse participes. ⁸ *Carissimi, inquit, diligamus nos invicem, quia dilectio ex Deo est.* Et ne possemus⁹ opinari, ideo dile-

¹ Al. vel incolumitas vel facultas, ut... habeat.

² Al. libertate. ³ Al. parabitur. ⁴ 1. Cor. 13. 2. & 3. ⁵ Rom. 5. 5. ⁶ Ephes. 6. 23. ⁷ Al. & caritas cum fide. ⁸ 1. Joan. 4. 7. ⁹ Al. possumus.

dilectionem dictam ex Deo, quia in natura hominis hic fatus ¹ esset affectus, paulo post ait: ² *Non quod nos dilexerimus Deum, sed quoniam ipse dilexit nos.* Et iterum: *Nos diligamus Deum, quia prior dilexit nos.* Agnoscat ergo humana egestas, hoc quod de quibuscumque bonis recte dicitur, multo rectius sibi dici de eo, sine quo bona cuncta non profunt: ³ *Quid enim habes quod non accepisti? si autem accepisti, quid gloriaris, quasi non acceperis.*

CAP. XIV. *Definitio decima Cassiani:* Job suis, non Dei viribus viciisse diabolum, dedisse tamen Deum tantam tentatori potestatem, quantam noverat habere Jobum resistendi virtutem, *redarguitur. Cassianum ad praecepta Pelagiana gradatim decurrisse,*

Post haec autem ⁴, cum tantum homini tribuisset ante gratiam, quantum ei ⁵ fructuosissimum est habere per gratiam, addidit quaedam perplexa, atque confusa ad vigorem liberi arbitri demonstrandum; & de his quae jam donatis si-

X 4

bi

¹ Al. *salvus*. Al. *solus*. Al. *salutis*. Al. *hic esset affectus*. ² Jo. Ib. v. 10. & 19. ³ 1. Cor. 4. 7. Sed al. omittitur haec Apostolica sententia. ⁴ Al. *om. autem*. ⁵ Al. *fuerat fructuosissimum*, addidit quaedam perplexe atque confuse. Al. *addit*.

bi viribus¹ facit, vult illa munire,² quae ei naturaliter inesse definit, ut quod est per adiutorium Dei perfecisse, hoc sit ex liberi arbitrii libertate³ coepisse. Verum haec ut tolerabilia transeamus: quia & nos liberum arbitrium ideo dicimus, bonae voluntatis affectum fideique principium operante gratia concepisse, ut per haec quae illi nullo merito praeunte donata sunt, ea quae operaturo⁴ sunt promissa mereatur; ab illo semper petens posse aliquid boni facere, qui ait: ⁵ *Sine me nihil potestis facere*. His itaque praetermissis⁶, id quod de sancti Job passionibus posuit, retractemus, ait enim ⁷: *Quod etiam in Job probatissimo athleta suo cum eum diabolus expetisset ad singulare certamen, divinam legimus providisse iustitiam. Si enim contra inimicum non sua virtute, sed Dei solius fuisset gratia protegente congressus, & absque ulla virtute patientiae⁸ suae divina tantum opitulatione suffultus, multiplices illas, ac tota inimi-*
ci

¹ Al. virtutibus. ² Al. unire. Al. venire.

³ Al. om. ex. Al. om. liberi. Al. per arbitrii libertatem. ⁴ Al. operaturis. ⁵ Joan. 15. 5.

⁶ Al. praemissis. ⁷ Collat. xiii. cap. 14.

⁸ Al. sapientiae.

ci crudelitate quæfita tentationum moles
 & exitia¹ pertulisset: quomodo non illam
 calumniosam diabolus, quam prius emise-
 rat vocem, adversus eum justius iterasset:²
 Numquid Job gratis colit³ Deum? Non-
 ne tu vallaſti eum, ac domum⁴ ejus, &
 universam substantiam ejus per circuitum?
 Sed aufer manum tuam, hoc est, sine eum
 suis mecum viribus decertare, nisi in fa-
 ciem tuam benedixerit⁵ tibi. Sed cum nul-
 lam hujuscemodi querimoniam calumniosus
 hostis post conflictum audeat iterare; non
 Dei, sed illius se victum viribus confite-
 tur. Licet etiam gratia Dei non in totum il-
 li defuisse credenda sit, quæ tantam tenta-
 tori tribuit potestatem, quantam & illum
 resistendi noverat habere virtutem: non eum
 ab illius impugnatione sic protegens, ut nul-
 lum virtuti humanæ relinqueret locum,
 sed hoc tantum procurans, ne violentissimus
 inimicus animam ejus amentem faciens, &
 impotem sensu⁶, impari eum atque inique
 certaminis pondere prægravaret?

Quis hæc prædicari a catholicis⁷ in-
 ter

1 Al. exitium. 2 Job. 1. 9. 3 Al. colet.

4 Al. om. ac domum ejus. 5 Al. om. tuam.
 Al. maledixerit. 6 Al. sensus. 7 Al. prædicari
 catholicis.

ter catholicos crederet, nisi quae in col-
 locutionibus ¹ domesticis saepe defensa
 sunt, etiam scripta legerentur? Itane
 in omnibus hominibus intelligentiae ca-
 ligat obtutus, & a cunctis Ecclesiae filiis
 spiritus scientiae & pietatis abscessit, ut
 non erubescant ingerere se judiciis legen-
 tium tam inhonesta ² mendacia? Vir gra-
 vis, doctor sapiens, verax magister,
 redde nobis catholicam definitionem,
 qua inter initia disputationis tuae aures
 nostras mentesque cepisti. Pronuntiave-
 ras fidem Christiana voce ³ ecclesiasticam:
Non solum actuum, verum etiam cogita-
tionum bonarum ex Deo esse principium:
qui nobis & initia sanctae voluntatis inspi-
rat, & virtutem atque opportunitatem eo-
rum, quae recte cupimus, tribuit pera-
gendi. Omne enim datum optimum ⁴, & om-
ne donum perfectum desursum est, descen-
dens a Patre luminum, qui & inspirat quae
bona

¹ Al. colluctationibus. ² Al. tam inanes fabu-
 lae, tam inhonesta &c. Al. ut non erubescat ingere-
 re judiciis legentium tam inhonesto mendacio. Al. non
 erubescat ingerere iudicio legentium tam inanes fa-
 bulas, tam inhonesta mendacia vir gravis &c.

³ Al. fidem Christianam voce ecclesiastica. Al. fi-
 de Christiana, voce ecclesiastica. ⁴ Jacob. 1. 17.

bona sunt, & exequitur & consummat in nobis; & hujus¹ sententiae soliditate omnia hostilium reliquiarum machinamenta confregeras. Cur professione mutata, quod destruxisti aedificas: quod tuebaris impugnas? Cur invictissimae veritatis arce deserta², gradatim ad praecipitia Pelagiana decurris? Qui enim definieras, neque sanctarum cogitationum, neque piarum voluntatum, neque bonorum actuum ex nobis esse principia; sed inspiratione Dei gratiaeque ejus auxilio bona in nobis cuncta generari, & ad profectum, perfectionemque perducere; paulo post coepisti donis gratiae liberi arbitrii aequare conatus; ut principia, quae Deo adsignaveras, posset hominem a semetipso habere monstrares, dicendo, Quia etiam suis interdum motibus homo ad virtutum appetitus possit³ extendi, semper vero a Domino indigeat adjuvari: & iterum dicendo, Etiam per naturae bonum, quod beneficio Creatoris indultum est, nonnumquam bonarum voluntatum prodire principia; quae tamen nisi a
Do-

¹ Al. hujus enim. ² Al. destructa. ³ Al. posset.... indiget.

*Domino dirigantur , ad consummationem virtutum ¹ pervenire non possint . Et post haec , ut quosdam praeveniri a gratia ² ostenderes , in quorundam autem prae-
 untibus meritis causam percipiendae gratiae collocares , dixisti , Quid ex quo pendeat dubitari ; id est , utrum , quia initium bonae voluntatis prae-
 buerimus , misereatur nostri Deus : an quia Deus misereatur , consequamur bonae voluntatis initium . Quas duas regulas ne in ambiguo relinqueres , utramque ³ exemplis ut tibi visum est idoneis munire curasti ; unam de Pauli & Matthaei ⁴ coactitia conversione confirmans , aliam ⁵ de Zacchaei & Latronis voluntaria fide roborans , quorum desiderium tam violentum ⁶ dicis fuisse , ut ad invadendum regnum coelorum specialia vocationis monita ⁷ praevenirent .
 Deinde progressu disputationis , ut incolumitatem interioris hominis patefacias , ipsum Adam concepisse quidem , quam non habebat scientiam ⁸ mali ; sed quam accepe-*

¹ Al. omittitur : virtutum . ² Al. ad gratiam .
³ Al. utrumque . ⁴ Al. coactiva . ⁵ Al. alteram . ⁶ Al. tam volens . ⁷ Al. merita .
⁸ Al. conscientiam mali , sed quod acceperat , etiam scientiam boni non amisisse .

ceperat boni scientiam non amisisse confirmás . Cumque hoc etiam ex comparatione impiorum probare voluisses , in id usque prolapsus es , ut proclamares : *Ca-
vendum nobis esse , ne ita ad Deum omnia
sanctorum merita referamus , ut nihil nisi
quod malum est , humanae adscribamus na-
turae . Et ne hanc naturam ullas in prae-
varicatione Adae crederemus amisisse ,
virtutes , definisti tam incolumes esse
omnium hominum ¹ animas naturaliter ,
quam fuit primi hominis ante peccatum ,
dicendo : Dubitari ergo non potest , inesse
omni animae naturaliter virtutum semina
beneficio Creatoris inserta . Consideratis
ergo his definitionibus tuis , non est oc-
cultum , quantum ab illius sententiae fa-
nitate desciveris , in qua , quod tribuen-
dum erat gratiae , fallaciter praedicando ,
catholicarum tibi aurium iudicia ,
conciliare voluisti ; quibus de praemissae
professionis ² fronte securis , facile se-
quentia irreperent , si prima placuissent .*

CAP.

¹ Al. animos . ² Al. praemissae promissionis .

CAP. XV. *Cassiani argumentum, quo probare contendat Job vicisse diabolum suis non Dei viribus, exploditur; & sanctum virum auxilio Dei vicisse demonstratur.*

S Ed haecenus ne in totum videreris a praefixa regula discrepare, ita virtutum meritorumque principia a libero arbitrio ad ¹ gratiam transtulisti, ut ipsos bonorum desideriorum ² voluntarios motus sine auxilio Dei nec provehi fatereris ³ posse, nec perfici. Nunc vero remoto longius Deo, & a sustentatione hominis separato, tantam libero arbitrio potentiam tribuis ⁴, ut non solum amissionem multiplicium facultatum, & totius simul familiae ac necessitudinum acerbissimum finem constanter aequanimiterque suscipiat; sed ipsius quoque corporis proprii ineffabiles cruciatus proposito nudae voluntatis evincat. Et ut dubitari hinc disputante te nequeat, sancti Job constituis exemplum, qui adversus illam insignem diabolicæ saevitiae crudelitatem sine Dei praesidio decertavit: & argu-
mento

¹ Al. ad liberum arbitrium a gratia. ² Al. om. desideriorum. ³ Al. patereris. ⁴ Al. tribuisti.

mento probare niteris, quod ipse cruentissimus inimicus confessus sit, non Domini, sed Job se virtute superatum, in eo, quod sibi in graviore conflictu gratiam Dei obtitisse non dixit: quasi vir ille in damnis atque orbitatibus debuerit superna protectione circumtegi, in carnis autem suae, animaeque tormentis non eguerit adjuvari. Si ergo hac magnitudine animi, quam ¹ illata per singulos omnesque artus tot mortium poena ² non superat, nihil ³ inter sanctorum palmas memorabilius, nihil invenitur illustrius; eamque ⁴ adseris, ex humana tantum virtute subsistere: quid erit laudis ac meriti, quod inter studia ⁵ quietis ac pacis nequeat arbitrii obtinere libertas, quam in tanti fine certaminis de suis viribus coronasti?

Quaero igitur abs te, videaturne tibi vir iste, cum illis quae legimus supplicii probaretur, habuisse in ⁶ se Spiritum sanctum? Si habuisse dicis: certum est quia

1 Al. *qua illata*. 2 Al. *qua illatam* ... mortuum poenam. 3 Al. *nihil plus inter*. Al. *intra*.
4 Al. *eaque*. Al. *cumque*. 5 Al. *studio*.
6 Al. *om. in se*.

quia Deus, quem non deseruit, adjuvit: si autem recessisse ab eo Spiritum sanctum dixeris, propheticus te ejusdem sermo convincit, ¹ dicentis: ² *Scio enim* ³ *quod Redemptor meus vivat* ⁴, & in novissimo die ⁵ de terra surrecturus sum ⁶, & rursum circumdabor pelle mea, & in carne mea videbo Deum ⁷: quem visurus sum ego ipse, & oculi mei conspiciuntur sunt, & non alius: reposita est haec ⁸ spes mea in sinu meo. Quod si de incarnatione Domini nostri Jesu Christi, ac resurrectione ejus, qui est primitiae dormientium, & de spe redemptionis, quae in ipso reposita est omnibus sanctis, recte intelligitur prophetatum; manifeste apparet, non discessisse a templo suo gratiam Dei; & fecisse jam tunc Dominum in hoc ⁹ sancto suo, quod postea in Apostolis & Martyribus suis spondebat esse faciendum, dicens: ¹⁰ *Cum autem tradent vobis, nolite cogitare, quomodo, aut quid loquamini, dabitur*

¹ Al. *dicens*. ² *Job. 19. 25.* ³ Al. *om. enim*.
⁴ Al. *vivit*. ⁵ Al. *om. die*. Al. *novissima*.
⁶ Al. *sum*. ⁷ Al. *Deum Salvatorem meum*.
⁸ Al. *om. haec*. ⁹ Al. *om. hoc*. ¹⁰ *Mat. 10. 17.*

tur enim vobis in illa hora quid loquimini : non enim vos estis qui loquimini , sed Spiritus Patris vestri , qui loquitur in vobis . Quid cum idem sanctus ineptis consolatoribus responderet , nonne ¹ in Dei fidebat auxilio , dicens , ² Qui deridetur ab amico suo , sicut ego , invocabit Dominum ³ , & exaudiet eum ⁴ ? Aut nesciebat ex ⁵ illo se habere quod habebat , de quo ait , ⁶ Apud ipsum sapientia & fortitudo , ipse habet consilium & intelligentiam : & de ⁷ quo dicit , ⁸ In cuius manu anima omnis viventis , & spiritus universae carnis hominis : & iterum , ⁹ Expecto , inquit , donec veniat immutatio mea : vocabis , & ego respondebo tibi : operi manuum tuarum porriges dexteram : tu quidem gressus meos dinumerasti , sed parcis ¹⁰ peccatis meis : signasti quasi in sacculo delicta mea , sed curasti iniquitatem meam . Non ergo deseruerat Dominus ¹¹ quem curabat : neque opem suam abstulerat ab eo , cui purificatoria remedia , quibus clarius nitesceret , admovebat .

Tom. III.

Y

Ad

¹ Al. non in Dei . ² Job. 12. 4. ³ Al. Deum
⁴ Al. & ipse exaudiet . ⁵ Al. ab illo . ⁶ Ibidem v. 13. ⁷ Al. & quod . ⁸ Ib. v. 10. ⁹ Ib. c. 14. v. 14. &c. ¹⁰ Al. parces . Al. parcens .
¹¹ Al. Deus .

Ad hanc passionum¹ tolerantiam, in qua hic sanctus² emicuit, etiam ille erat praeparatus a Domino, qui dicebat,³ *Nam etsi ambulem in medio umbrae mortis, non timebo mala, quoniam tu mecum es*: & illud:⁴ *Salus autem*⁵ *justorum a Domino, & protector eorum est in tempore tribulationis*. Ad hanc tolerantiam etiam ille erat praeparatus⁶ a Domino, qui & credere in Christum, & pro Christo pati referebat ad Christum, dicens,⁷ *Iustificati igitur ex fide, pacem habeamus ad Deum per Dominum nostrum Iesum Christum, per quem & accessum habemus per fidem*⁸ *in gratiam istam*⁹, in qua stamus, & gloriamur in spe gloriae filiorum Dei: non solum autem, sed & gloriamur in tribulationibus, scientes, quod tribulatio patientiam operatur, patientia autem probationem, probatio vero spem, spes autem non confundit: quia caritas Dei diffusa est in cordibus nostris per Spiritum sanctum, qui datus est nobis. Et iterum:¹⁰ *Quis*
nos

¹ om. passionum. ² Al. spiritus emicuit.

³ Psalm. 22. 4. ⁴ Psalm. 36. 39. ⁵ Al. om. autem. ⁶ Al. paratus. ⁷ Rom. 5. 1. & seq.

⁸ Al. om. per fidem. ⁹ Al. in gratia ista. Al. in gloria. ¹⁰ Rom. 8. 35. & seq.

nos separabit a caritate Christi? tribulatio?
 an angustia? an persecutio? an fames? an
 nuditas? an periculum? an gladius? Sicut
 scriptum est: ¹ Quia propter te mortificamur
 tota die, aestimati ² sumus ut oves occisio-
 nis; sed ³ in his omnibus ⁴ superamus per
 eum qui dilexit nos. Hujus tolerantiae
 fortitudo unde descenderit ⁵, beatus Pe-
 trus, & in illo omnis Ecclesia, Veritatis
 ipsius voce discebat, dicentis, ⁶ Ecce Sa-
 tanas postulavit ut cerneret ⁷ vos velut tri-
 ticum; ego autem rogavi pro te, Petre, ne
 deficiat fides tua. Quisquis igitur in tri-
 bulationibus ⁸ non deficit, ab illo se non
 dubitet adjuvari, ad quem quotidie cor-
 da universorum fidelium clamant, ⁹ Ne
 inferas ¹⁰ nos in tentationem, sed libera nos
 a malo: quoniam ¹¹ Custodit Dominus ¹²
 animas sanctorum suorum, de manu peccato-
 rum liberabit eos.

Quod autem dicis, Gratiam Dei ab Job
 ex eo intelligendum ¹³ non penitus recessisse;

Y 2

quod

¹ Psalm. 43. 22. ² Al. existimati. ³ Al. &
⁴ Al. om. his. ⁵ Al. descenderet. ⁶ Luc.
 22. 31. ⁷ Al. cribraret. ⁸ Al. in tribulatione.
⁹ Matth. 6. 13. ¹⁰ Al. Ne inducas. ¹¹ Ps.
 96. 10. ¹² Al. Deus. ¹³ Al. intelligendam.

*quod tentatori ejus tantam*¹ *Deus tentandi dederit potestatem, quantam* &² *illum resistendi noverat habere virtutem* : nonne rectius veraciusque loquereris, si ubi dixisti, *Quantam* & *illum resistendi noverat habere virtutem* ; diceres³ potius, *Quantam* & *illi resistendi noverat se dedisse virtutem* ? In ejus enim verbi correctione⁴ totam istam gloriam, quam humanis viribus adsignare voluisti, sobrietate aliqua temperasses, ut illa mirabilis in tanta afflictione patientia, &⁵ Dei adjutorio & libero hominis adscriberetur arbitrio. Sed veritus es naturae humanae minuere laudem, si ei profitereris a Deo datam esse virtutem. Ideo⁶ conflictus illius atque victoriae non vis credi cooperatorem Deum fuisse, sed tantummodo spectatorem : ut cui persuadere poteris⁷, per naturalem liberi⁸ arbitrii facultatem tam arduum certamen⁹ evictum, dubitare non audeat in levioribus causis

¹ Al. *tantam Deus tribuit potestatem*. ² om. &. ³ Al. *potius affirmares*. ⁴ Al. *Unius enim verbi correctio temperasset*. ⁵ Al. om. &.

⁶ Al. *Itaque idem . . . non vis credere*. ⁷ Al. *poterit*. ⁸ Al. om. *liberi*. ⁹ Al. *victum*. Al. *tam arduo certamine victum*.

caussis multo liberiores esse bonae voluntatis effectus; atque ita in illius ¹ damnatae sententiae foveam cadat, qua dicitur, ideo nobis gratiam justificationis dari, ut quod facere per liberum jubemur arbitrium, facilius possimus ² implere per gratiam; tamquam etsi gratia non daretur, non quidem facile, sed tamen possemus etiam sine illa implere divina mandata. Quod quia catholici Pontifices dignum anathemate censuerunt; utendum nobis est eo, quo usi sunt testimonio, dicentes, ³ *De fructibus enim mandatorum Dominus loquebatur, ubi non ait, Sine me difficilius potestis facere; sed ait 4: Sine me nihil potestis facere.*

C A P. X V I. *Definitio Cassiani undecima.* Nullius laudis, & meriti dignum fuisse Centurionem si id in eo Christus quod ipse donaverat praetulisset. *Contra S. PROSPER ostendit, quod laus, & meritum per gratiam non auferitur; &, sine praejudicio gratiae, tum fidei, tum bonis operibus laudem ac meritum tribui.*

H Is autem definitionibus tuis, quas credidisti idonea auctoritate munitas, tamquam de consensu legentium securus

¹ Al. *damnatae sententiae cadat*. Al. *in jus damnatae sententiae cadat*. ² Al. *possemus*. ³ Verba Concilii Carthaginensis, an. 418. Can. vi.

⁴ Joan. 16. 5.

curus, adjungis, solere¹ interdum Deum ad fidem nostram probandam plus offerre quam sufficit, ut quam firma² sit credentium fides, possit agnosci: & hoc exemplo illius Centurionis ostendis, qui cum pueri sui posceret³ curationem, Dominusque se ad domum ejus iturum esse promitteret, ⁴ respondit, ⁵ *Non sum dignus, ut intres sub tectum meum, sed dic tantum verbo, & sanabitur puer meus:* in quo eum Dominus tali admiratione laudaverit, ut pronuntiaret, non se invenisse tantam fidem in Israel. Et ⁶ exigua conclusione pene totum⁷ Pelagianum dogma confirmas dicendo: ⁸ *Nullius enim laudis esset ac meriti, si id in eo Christus* ⁹, *quod ipse donaverat, praetulisset.* Falso ergo scriptum est: ¹⁰ *Quia nemo potest esse continens, nisi Deus det.* Falso praedicavit Apostolus, cum de eadem virtute loqueretur, dicens ¹¹: *Volo autem omnes homines esse sicut meipsum: sed unusquisque proprium habet donum a Deo, alius sic, alius*

¹ Al. solere autem. ² Al. infirma. ³ Al. quaereret. ⁴ Al. responderit. ⁵ Matth. 8. 8.

⁶ Al. At. ⁷ Al. totum tu. ⁸ Collat. xiii. c. 14. ⁹ Al. Dominus. ¹⁰ Sap. 8. 21. ¹¹ 1. Cor. 7. 7.

alius autem ¹ *sic*. Falso docuit & ille qui dixit: ² *Si quis indiget sapientia* ³, *postulet a Deo, & dabitur ei*. Nec secundum veritatem dictum est: ⁴ *Omne datum optimum, & omne donum perfectum desursum est, descendens a Patre luminum: &* ⁵ *Nemo potest accipere quidquam, nisi datum fuerit ei de coelo*. An dicendum est, omnes quidem virtutes inter Dei dona numerandas; sed in illis hominem, quas de proprio habuerit, esse laudabilem? & ibi esse merita, ubi Dei dona non fuerint? Igitur secundum regulam tuam, quibus donatum est, ut non solum crederent in Christum, sed etiam ut paterentur pro ipso, & laudem & meritum perdiderunt: nec habent veram gloriam, qui non in se, sed in Domino gloriantur. Sed rectius ⁶ audimus Prophetam dicentem, ⁷ *Maledictus homo qui spem habet in homine, & firmat carnem brachii* ⁸ *sui, & a Domino discedit cor ejus: & illum, qui ait, ⁹ Diligam te Domine virtus mea: &* ¹⁰ *In Domino laudabitur anima mea: &* ¹¹ *Fortitudo mea, & laudatio mea Dominus;*

¹ Al. vero. ² Jac. 1. 5. ³ Al. sapientiam postulet. ⁴ Jac. 1. 17. ⁵ Ioan. 3. 27. ⁶ Al. audivimus. ⁷ Hier. 17. 5. ⁸ Al. brachium suum. ⁹ Ps. 17. 1. ¹⁰ Ps. 33. 3. ¹¹ Ps. 117. 14.

minus. Ut manifestissime ¹ noverimus, nec laudem eos ullam habere nec meritum, in quibus non ² inveniuntur, quae nisi Dominus dederit, non habentur.

Sic autem putasti de testimonio laudatae fidei praejudicium donis gratiae posse generari; quasi fides, ubi ostenderetur laudata, non doceretur esse donata. Laudat Apostolus Romanorum fidem, & pro hoc bono eorum ³ agit gratias Deo ⁴, dicens: ⁵ *Primum quidem gratias ago Deo meo per Jesum Christum pro omnibus vobis, quia fides vestra adnuntiatur in universo mundo*. Ad Corinthios quoque simili scribit affectu dicens: ⁶ *Gratias ago Deo meo semper pro vobis in gratia Dei, quae data est vobis in Christo Jesu, quia in omnibus divites facti estis in illo, in omni verbo, & in omni scientia*. Numquid agendo gratias Deo, credentibus sustulit ⁷ laudem? aut laudando credentes, meriti negavit auctorem? De Ephesiorum etiam fide quid sentiat, audiamus: ⁸ *Propterea*, inquit,

¹ Al. *manifesté*. ² Al. *in quibus ea inveniuntur*. ³ Al. *om. eorum*. ⁴ Al. *om. Deo*. ⁵ Rom. 1. 8. ⁶ 1. Cor. 1. 4. ⁷ Al. *abstulit*. ⁸ Ephes. 1. 15.

quit, & ego audiens fidem vestram, quae est in Domino ¹ Jesu, & dilectionem in omnes sanctos, non cesso gratias agens pro vobis, memoriam vestri faciens ² in orationibus meis, ut Deus Domini nostri Jesu Christi Pater gloriae, det vobis spiritum sapientiae & revelationis, in ³ agnitione ejus illuminatos oculus cordis vestri. Habebant ergo isti fidem, habebant & opera caritatis, quae nec laude poterant carere, nec merito: sed pro his virtutibus Apostolus gratias Deo agere non cessat, sciens a Patre luminum haec dona venisse; a quo se etiam petere protestatur, ut quibus dedit fidem, quae per dilectionem operatur, det Spiritum sapientiae & intellectus; & ⁴ inde se Ephesii noverint accepisse quod habeant, a quo discunt sperare quod non habent. Pro Philip- pensibus quoque similes Deo gratias agit, & meritum eorum laudemque non superimit ⁵, dicens: ⁶ Gratias ago Deo meo in omni memoria vestri, semper in cunctis orationibus meis pro omnibus vobis, cum

Tom. III.

Z

gau-

¹ Al. in Christo Jesu. ² Al. add. semper.

³ Al. in agnitionem. ⁴ Al. ut inde . . . quod habebant a quo discunt & sperare. ⁵ Al. omittit.

⁶ Philip. 1. 3.

gaudio deprecationem faciens super communicatione.¹ vestra in Evangelio, a prima die usque nunc, confidens hoc ipsum, quia qui coepit in vobis.² opus bonum, perficiet usque in diem Christi Jesu.³ Cujus hic humanae laudis ac meriti.⁴ nunc in Deo caussa suspensa est? Quid virtutis aut.⁵ pietatis exceptum est, quod non ex gratiae fonte profluxerit, ubi ab initio usque ad.⁶ finem, & inchoatio & perfectio boni operis Domino deputatur? Cui canitur de sanctis suis: *7 Domine in lumine vultus tui ambulabunt, & in nomine tuo exultabunt tota die, & in justitia tua exaltabuntur: quoniam gloria virtutis eorum tu es.*⁸

CAP. XVII. *Cassianus ut Catholicus videatur Pelagianos se damnare verbo tenus profitetur. Convincitur reus Pelagiani illius dogmatis, Gratiam Dei secundum merita nostra dari.*

Considerandum sane est in hac sententia tua, quantum adjuves eos qui dicunt, *Gratiam Dei secundum merita*

220.-

1 Al. communicationem. 2 Al. in nobis.

3 Al. Domini nostri Jesu Christi. 4 Al. Cujus humanae... non hic caussa. 5 Al. ac. 6 Al. in.

7 Psalm. 88. 16. & 17. 8 Al. tu es, & in beneplacito suo exaltabitur cornu nostrum.

*nostra dari: quos tamen, ut catholicae fidei defendaris umbraculo, profanae opinionis esse profiteris, dicens: Nemo autem aestimet*¹ *haec a nobis ob hoc fuisse prolata, ut nitamur adstruere, summam salutis in nostrae fidei ditione consistere, secundum quorundam profanam opinionem, qui totum libero arbitrio deputantes, gratiam Dei dispensari secundum meritum uniuscujusque definiunt. Sed miror valde quomodo non vides, aut ab aliis aestimas non videri, quod te ipsum tuo ore condemnas. Dicendo enim quod Centurio, cujus fides Domini voce laudata est, nullius laudis esset ac meriti, si id in eo Deus*²*, quod ipse donaverat, praetulisset: definisti Centurionem illum*³ *non donatam fidem habuisse, sed propriam; ac perinde nihil ejus principis collatum fuisse per gratiam; in eadem autem fide causam fuisse & laudis & meriti, quorum neutrum haberet, si id, cui & laus debetur, & meritum, Dominus contulisset. Frustra ergo ut invidiam damnati erroris evadas, sum-*

Z. 2.

mam

¹ Al. *existimet*. ² Al. *Dominus*. Al. *in eo*
³ Al. *ipsum*.

mam salutis negas in fidei nostrae ditione consistere : cum omnino salus ¹ nisi ex fide esse non possit : ² *Iustus enim ex fide vivit* . Quoniam Veritas dicit : ³ *Amen amen dico vobis , quoniam qui audit verbum meum , & credit in eum qui me misit , habet vitam* ⁴ *aeternam , & in iudicium non veniet , sed* ⁵ *transibit de morte ad* ⁶ *vitam : & iterum :* ⁷ *Haec est voluntas Patris mei , ut omnis qui videt Filium & credit in eum habeat vitam aeternam : & ego* ⁸ *resuscitabo eum in novissimo die : & iterum :* ⁹ *Haec est* ¹⁰ *autem vita aeterna , ut cognoscant te solum verum Deum , & quem misisti Jesum Christum* . Cum itaque huic fidei , quam ideo meritis & laudibus honorasti , quia mavis eam inter liberi arbitrii bona , quam inter Dei dona numerari , aeternam beatamque vitam confitet esse praeparatam ¹¹ ; quomodo hoc vulnus declinabis , quo te ipsum configis ¹² , pronuntiando eos profanos , qui gratiam dispensari secundum merita humana definiant ;

¹ Al. cum omni modo . Al. non nisi ex fide esse possit .

² Rom. 1. 17. Habac. 2. 4. ³ Joan. 6. 24.

⁴ Al. om. aeternam . ⁵ Al. venit . . . transiet .
Al. transeat . ⁶ Al. in . ⁷ Joan. 6. 40. ⁸ Al. resuscitem .
⁹ Joan. 17. 3. ¹⁰ Al. enim . ¹¹ Al. paratam .
¹² Al. quod ipse cogis .

niant; & asserendo, quod nec laudem constet habere, nec meritum eos, qui ex dono gratiae sint fideles? Quoquover-
sum ergo te conferas, a temetipso &¹
vinciris, & vinceris. Si enim gratiam
merita non praecedunt, & fides non po-
test esse sine meritis, fides gratiam non
praecedit², & omni modo ex gratia³ ha-
betur, quicquid illud est ex quo meri-
tum⁴ nascitur⁵, quod ante gratiam non
habetur⁶.

C A P. XVIII. *Cassiani definitio duodecima*: Quo-
rundam Christianorum salvatorem esse Deum, quo-
rundam vero susceptorem. *Contra S. PROSPER*
evincit omnium usquequaque fidelium & salva-
torem, & susceptorem esse Christum. Principia,
profectus, & perseverantiam in bonis dona Dei
esse. Opitulationes divinae gratiae stabilimenta
esse voluntatis humanae.

U T igitur definitionum tuarum ab-
surditas non sibi repugnare videat-
ur, inconvenientia⁷ miscere conaris,
& unitatem membrorum corporis Christi

Z 3 in

¹ Al. om. &. ² Al. praecedet. ³ Al. per
gratiam. Al. pro gratia. ⁴ Al. ex quorum meri-
to. ⁵ Al. nascitur. ⁶ Al. non habet. ⁷ Al.
inconvenientiam.

in duobus generibus fidelium nova praesumptione constituis : in uno scilicet , ad quod pertineat illud , quod in ¹ principio dixisti , *Non solum actuum , sed ² etiam cogitationum bonarum ex Deo esse principium , qui & incipit quae bona sunt , & exequitur , & consummat in nobis* : in alio autem cui congruat regula ista , qua dicis , *Centurionem nec laudem ullam habiturum fuisse ³ , nec meritum , si id in eo Dominus , quod ipse donaverat , praetulisset* . Et licet totum disputationis tuae textum ad has duas formulas , quae nullo modo conformes possunt esse , produxeris ⁴ ; nunc tamen distinctius , atque expressius quid volueris firmare , pronuncias , dicens : ⁵ *Per haec igitur exempla , quae de Evangelicis protulimus monumentis , evidentissime poterimus advertere , diversis atque innumeris modis , & inscrutabilibus viis Deum salutem humani generis procurare : & quorundam quidem volentium ac fidentium cursum ad maiorem incitare ⁶ flagrantiam ; quosdam vero etiam nolentes invitosque compellere ; & nunc quidem , ut*
im-

¹ Al. inter principia . ² Al. verum . ³ Al. esse . ⁴ Al. perduxeris . ⁵ Collat. xlii. cap. 17. ⁶ Al. excitare .

impleantur¹ ea, quae utiliter a nobis desiderata conspexerit adjuvare; nunc vero etiam ipsius sancti desiderii inspirare principia; & vel initium boni operis, vel perseverantiam² condonare. Inde est quod orantes, non solum protectorem ac salvatorem, sed etiam adiutorem ac susceptorem³ Dominum proclamamus. In eo enim, quod prior advocat, & ignorantes nos, atque invitos adtrahit ad salutem; protector atque salvator⁴ noster est: in eo autem, quod adniten- tibus nobis opem ferre, refugientesque⁵ suscipere ac munire consuevit, susceptor ac refugium nominatur.

Hac ergo discretionem⁶ praescripta, erit, ut definis, in una Ecclesia ista diversitas, ut Dominus noster Jesus Christus, de quo dictum est, ⁷ *Et vocabis nomen ejus Jesum: ipse enim salvum faciet populum suum a peccatis eorum*; & de quo dictum est, ⁸ *Nec enim est aliud nomen sub coelo datum hominibus, in quo oporteat nos salvos fieri*; non omnium Christianorum,

Z 4

sed

¹ Al. om. ut impleantur. ² Al. donare.

³ Al. protectorem, sed etiam susceptorem, omittis quae interjacent. ⁴ Al. om. noster. ⁵ Al. fugientesque. ⁶ Al. praescriptione. ⁷ Matt. 1. 21. Luc. 1. 31. ⁸ Act. 4. 12.

fed quorundam falvator , quorundam vero fufceptor fit : ut hi tantum falvati , quos ad fufcipiendam ¹ gratiam Deus averfos , reluctantesque compulerit ; hi autem fufcepti fint , qui vocationem , fpontanei curfus fervore praevenierint ² : & illis quidem conferatur gratuitum ³ donum , iſtis vero debitum praemium rependatur : illi nullius fint laudis ac meriti , qui nihil boni habeant niſi quod acceperint ; iſti autem & gloria abundant , & remuneratione ditescant , qui propria facultate ditati ⁴ , quod non acceperant obtulerunt : atque ita Jeſus Chriſtus alios liberatos ⁵ invenerit , alios liberarit ; & non ad omnes pertineat quod ⁶ ait , ⁷ *Non vos me elegiſtis , ſed ego elegi vos* ; ſi ſunt , a quibus cum eos non elegiſſet , electus eſt : non ad omnes pertineat , ⁸ *Nemo poteſt venire* ⁹ *ad me niſi datum fuerit ei a Patre meo* , ſi ſunt , qui non dante Patre ad Filium venire potuerunt : non ad omnes pertineat , quod ait Evangeliſta , ¹⁰ *Erat lu-*

¹ Al. percipiendam . ² Al. praevenierunt .

³ Al. gratiarum . ⁴ Al. devoti . ⁵ Al. liberos . ⁶ Al. qui . ⁷ Joan. 15. 16. ⁸ Joan. 6. 66.

⁹ Al. nemo venit ad me . ¹⁰ Joan. 1. 9.

*lumen verum, quod illuminat omnem hominem venientem in hunc mundum; si sunt, qui aut ita in hunc mundum venerunt, ut non essent tenebrae; aut ita lux esse coeperunt, ut illuminatione veri luminis non egerent*¹: nec de omnibus adoptatis accipiendum sit, quod ait Apostolus,² *Qui eruit nos de potestate tenebrarum, & transtulit in regnum Filii dilectionis suae*; si quidem ipsi rumpant³ vincula sua, & iugo veteris captivitatis excusso, a dominatione diaboli, in regnum Dei libera alacritate transcurrant. Haec si possunt intra unam Ecclesiam praedicari, ut neutra opinio alteri cedat, sed invicem sibi utraque succumbat; potest fieri, ut recipiamus quod Pelagiani tenent, & Pelagiani recipiant quod tenemus. Sed hoc modo non tam illi Catholici, quam nos erimus (quod absit) Pelagiani. Contrariorum enim permixtio meliorum defectio est: quia cum virtus vitium recipit, non a vitio, sed a virtute disceditur.

Nullo

¹ Al. egeant. ² Coloss. 1. 13. ³ Al. rumpunt... transcurrunt. Al. ruperant.... transcurrerant.

Nullo igitur modo Christiana corda
 suscipiunt, quod persuadere conatus es,
 Eos qui gratia Dei sunt quod sunt, nec
 laudem ullam habere, nec meritum; &
 Ab eo, qui venit salvare quod perierat,
 partem Christianorum salvatam, partem
 vero esse susceptam: quoniam discipuli
 Evangelicae Apostolicaeque doctrinae,
 non alta sapientes, sed humilibus con-
 sentientes, insaniam istam ¹ superbae
 elationis horrescunt. In toto quippe Ec-
 clesiae corpore, atque in singulis mem-
 bris, quod mortuum erat, vivificatum
 est: quod captivum erat, redemptum
 est: quod caecatum erat, illuminatum
 est: quod perierat, quaesitum est: quod
 errabat ², inventum est. Nec secun-
 dum novam istam ³ partitionem aliorum
 salvator, aliorum susceptor; sed om-
 nium usquequaque fidelium & salvator,
 & susceptor est Christus. Nec merito ac
 laude ⁴ privantur, qui unde aeterna bona
 mereantur accipiunt: tantoque beatio-
 res fiunt, quanto pauciora habuerint,
 quae ipsorum sunt, & quanto plura, quae
 Dei

¹ Al. om. istam. ² Al. erraverat. ³ Al. om.
 istam. ⁴ Al. nec laude.

Dei sunt. Non enim conturbat nos superbientium inepta querimonia, qua¹ liberum arbitrium caussantur auferri, si & principia, & profectus, & perseverantia in bonis usque in finem, Dei dona esse dicantur. Quoniam OPITULATIONES DIVINAE GRATIAE, STABILIMENTA SUNT VOLUNTATIS HUMANAЕ. Volentes oramus: & ² tamen ³ *misit Deus spiritum* ⁴ *in corda nostra clamantem, Abba, Pater*. Volentes loquimur: & tamen si pium est quod loquimur, non sumus nos loquentes, sed ⁵ *Spiritus Patris nostri, qui loquitur in nobis*. Volentes operamur salutem nostram: & tamen id ipsum ⁶ *vel. le atque operari*, ⁷ *Deus est*, ⁸ *qui operatur in nobis*. Volentes diligimus Deum, & proximum: & tamen ⁹ *caritas ex Deo* ¹⁰ *est, diffusa in cordibus nostris per Spiritum sanctum, qui datus est nobis*. Hoc de fide, hoc de tolerantia passionum, hoc de pudicitia coniugali, hoc de continentia virginali, omnibusque virtutibus sine exceptione.

¹ Al. quia. Al. quae... caussatur. ² Al. sed.
³ Gal. 4. 6. ⁴ Al. spiritum suum. ⁵ Matth.
 10. 20. Mar. 13. 11. ⁶ Al. ipsum. ⁷ Al. Dei
 est. ⁸ Philip. 2. 17. ⁹ Rom. 5. 5. ¹⁰ Al. sed
 tamen caritas a Deo est diffusa.

ceptione profiteamur; quod ¹ nisi donatae essent nobis, non invenirentur in nobis: & ² quod liberum arbitrium naturaliter homini inditum, maneat in natura, sed qualitate & conditione mutata per Mediatorem Dei & hominum, hominem Christum Jesum, qui ipsam voluntatem ab eo quod perverse volebat, avertit, & in id quod ei bonum esset vellet, convertit; ut delectatione affecta, fide mundata, spe ³ erecta, caritate accensa, liberalem susciperet servitutem, & servilem abiiceret ⁴ libertatem.

C A P. X I X. *Conjunctim repetit S. PROSPER duodecim definitiones Cassiani brevi censura singulis opposita.*

EX his ⁵ igitur definitionibus, quas haecenus, quaedam praetermittendo ⁶ discussimus, non obscurum atque ⁷ ambiguum ⁸ est, quid ⁹ de gratia Dei sentiant,

¹ Al. quae nisi donata. ² Al. Eo quod. Al. Non quod.... non maneat. ³ Al. recta. ⁴ Al. amitteret. ⁵ Al. Restat igitur ex his ambiguum esse. Al. Referatis igitur definitionibus. ⁶ Al. om. quaedam. Al. permittendo. Al. praemittendo.

⁷ Al. neque. ⁸ Al. ambigue. ⁹ Al. quod de Gratia dissentiant.

tiant, qui sincerissimis ejus defensoribus obloquuntur; & pacem victricis Ecclesiae, resumptis de damnatorum schola quaestiunculis, inquietant; quas si, ut audivimus, retexamus, fiet sermonis nostri immoderata prolixitas: cum ex his ¹ quae de ipsorum stilo ² innotuerunt, facile pius lector intelligat, ad quae praecipitia perveniatur his ³ callibus, & in istam ⁴ lutulentorum rivorum coenosam uliginem, cujus voraginis humor exsudet ⁵. Necessarium sane existimo ante conclusionem voluminis, ea quae ostendimus non congruere ⁶ CATHOLICAE VERITATI, breviter conjunctimque digerere: ut quae interjectis responsionibus nostris, possent ⁷ recordationem legentium ⁸ effugere, facilius ⁹ simul decursa recolantur.

Prima ergo definitione dictum est:

Non solum actuum, verum etiam cogitationum bonarum ex Deo esse principium ¹⁰,
qui

¹ Al. de his. ² Al. quae ipsorum scholae.

³ Al. hisce. ⁴ Al. in ista . . . molagine. Al. molligine. Al. luculentorum rivorum canora muligine. ⁵ Al. exsudat. ⁶ Al. om. catholicae.

⁷ Al. possunt & Al. possint. ⁸ Al. legentis ⁹ Al. fidelius. Al. fidelibus simul recursa. ¹⁰ Al. principia

qui nobis & initia sanctae voluntatis inspirat, & virtutem, atque opportunitatem eorum, quae recte cupimus, tribuit peragendi. Omne enim datum ¹ optimum & omne donum perfectum desursum est, descendens a Patre luminum, qui & incipit quae bona sunt, & exequitur, & consummat in nobis.

Quod & nos valde ² amplectimur, catholicumque esse confitemur ³.

Secunda definitione dictum est:

Adest igitur inseparabiliter nobis divina protectio: tantaque est erga creaturam suam pietas Creatoris, ut non solum comitetur eam, sed etiam praecedat jugiter providentia, quam expertus Propheta confitetur, dicens: ⁴ Deus meus, misericordia ejus praeveniet me. Qui cum in nobis ortum quemdam bonae voluntatis inspexerit, illuminat eam, atque confortat, & incitat ad salutem, incrementum tribuens ei, quam ⁵ vel ipse plantavit, vel nostro conatu viderit emeruisse.

Jam

1. Al. donum optimum. 2 Al. om. valde.

3. Al. om. esse. Al. profiteamur. 4 Ps. 58. 11.

5. Al. qualem.

Jam hic a praenissa definitione disceditur ¹ & quod totum gratiae datum fuerat, ex parte nunc libero arbitrio deputatur.

Tertia definitione dictum est :

Nisi quod in his omnibus, & gratia Dei, & libertas nostri declaratur arbitrii ², quae etiam ³ suis interdum motibus homo ad virtutum appetitus possit extendi, semper vero a Domino indigeat adjuvari. Nec enim cum voluerit quis, sanitate perfruitur, aut de aegritudinis morbo pro ⁴ arbitrii sui desiderio liberatur.

Quasi medicus noster ⁵ non etiam hoc donet morbidis, ut & ⁶ veram desiderent sanitatem.

Quarta definitione dictum est :

Ut autem evidentius clareat, etiam per naturae bonum, quod beneficio Creatoris indultum est, nonnumquam bonarum voluntatum prodire principia, quae tamen nisi a Domi-

¹ Al. descenditur. ² Al. om. nostri. Al. arbitrii nostri. ³ Al. quis etiam. . . indiget. ⁴ Al. om. pro. ⁵ Al. non jam. ⁶ Al. om. &.

Domino dirigantur , ad consummationem¹ virtutum pervenire non possunt ; Apostolus testis est², dicens : Velle enim³ adjacet mihi , perficere autem bonum non invenio⁴.

Quasi Apostolus ex naturali affectu , & non ex gratiae dono bonam habeat voluntatem ,⁵ qui profitetur ex Deo sibi esse sufficientiam etiam cogitandi .

Quinta definitione dictum est :

Et ita sunt haec quodammodo indiscrete permixta atque confusa , ut quid ex quo pendeat , inter multos magna quaestione volvatur : id est , utrum quia initium bonae voluntatis praebuerimus , misereatur nostri Deus ; an⁶ quia Deus miseretur , consequamur bonae voluntatis initium . Multi enim singula haec credentes , ac justo amplius adferentes , variis sibi que contrariis sunt erroribus involuti . Si enim dixerimus , nostrum esse bonae principium voluntatis , quid fuit in persecutore Paulo ? quid in publicano Matthaeo ? quorum unus cruori ac
sup-

¹ Al. perfectionem . ² Rom, 7. 18. ³ Al. omni enim . ⁴ Al. non possum . ⁵ 2. Cor. 3. 5. ⁶ Al. Dominus , aut quia .

*suppliciis innocentum, alius violentiis ac rapinis publicis inhians¹ adtrahitur² ad salutem. Sin vero gratia³ semper inspirari bonae voluntatis principia dixerimus, quid de Zacchaei fide? quid de illius in cruce latronis pietate dicemus? qui desiderio suo vim quamdam regnis coelestibus inferentes, specialia vocationis monita praeven-
nerunt.*

In errore esse dicitur & is, qui ex gratia nasci bonam asserit voluntatem, & is, qui dicit, gratiam ex bona voluntate pendere; & tamen utraque sententia suscipienda decernitur⁴, dum unius in Paulo & Matthaeo, alterius in Zacchaeo & latrone forma praefigitur.

Sexta definitione dictum est :

Haec ergo duo, id est, gratia⁵ vel liberum arbitrium, sibi quidem invicem videntur adversa, sed utraque concordant, & utraque⁶ nos pariter debere suscipere pietatis ratione colligimus : ne unum horum

Tom.III.

A 2

ho.

¹ Al. incubans. ² Al. trahitur. ³ Al. per gratiam. ⁴ Al. dicitur. ⁵ Al. vel gratia.

⁶ Al. utrumque.

homini subtrahentes, ecclesiasticae fidei regulam excessisse videamur.

Quasi ita utrumque recipiendum sit, ut in aliis hominibus¹ voluntas gratiam, in aliis gratia praeveniat voluntatem; & non ita ut in omnibus voluntas gratiam subsequatur. Quoniam secundum ipsos, si aufertur liberum arbitrium cum a gratia praevenitur, aufertur gratia cum a libero arbitrio praevenitur.

Septima definitione dictum est:

Concepit ergo Adam post praevaricationem, quam non habuerat, scientiam mali: boni vero, quam acceperat, scientiam non amisit.

Cum utrumque sit falsum, quia & a quanto malo Adam² cavere deberet, Deo monente praedidicit; & in quanto bono esset constitutus, dum diabolo credidit, oblitus est. Sicut autem pessima scientia mali est³, malum esse: ita pessima ignorantia boni est, bonum non esse.

Octa-

¹ Al. om. *hominibus.* ² Al. om. *Adam.*

³ Al. *malum atque perversum est.*

Octava definitione dictum est :

Unde cavendum nobis est , ne ita ad Deum omnia sanctorum merita referamus , ut nihil nisi id quod malum est , humanae adscribamus naturae .

Quasi natura ante gratiam non sit in damnatione , non sit in caecitate , non sit in vulnere : aut non gratis justificati sint , quorum inde sunt¹ merita , unde iustitia .

Nona definitione dictum est :

Dubitari ergo non potest , inesse omni animae naturaliter virtutum semina , beneficio Creatoris inserta ; sed nisi haec opitulatione Dei fuerint excitata , ad incrementum perfectionis non poterunt pervenire .

Quasi de spiritalibus bonis nihil Adam praevaricando perdiderit : & virtus non ut habeatur danda , sed ut facilius² perfectionem apprehendat , hortanda sit .

Decima definitione dictum est :

Quod etiam in Job probatissimo athleta suo , cum eum diabolus expetiisset ad singu-

A a 2

lare

¹ Al. sint . ² Al. om. facilius : Al. perfectius .

lare certamen, divinam legimus providisse
justitiam: si enim contra inimicum non sua
 virtute, sed Dei solius fuisset gratia pro-
 tegente congressus, & absque ulla virtute
 patientiae suae, divina tantum opitulatio-
 ne suffultus, multiplices illas, ac tota ini-
 mici crudelitate quaesitas tentationum mo-
 les & exitia pertulisset; quomodo non il-
 lam calumniosam diabolus, quam prius emi-
 serat, vocem adversus eum justius iterasset:
Numquid Job gratis colit ¹ *Deum*? Nonne
 tu vallaſti eum, ac domum ejus ², & uni-
 versam substantiam ejus per circuitum? Sed
 aufer ab eo ³ manum tuam, id est, sine eum
 suis mecum viribus decertare, nisi in faciem
 tuam ⁴ benedixerit tibi. Sed cum nullam
 hujusmodi querimoniam calumniosus hostis
 post conflictum audeat ⁵ iterare; non Dei,
 sed illius se victum viribus confitetur. Li-
 cet etiam gratia Dei non in totum illi de-
 fuisse credenda sit, quae tantam tentatori
 tribuit tentandi ⁶ potestatem, quantam &
 illum resistendi noverat habere virtutem.

Si Deus ⁷ scivit tantummodo ⁸ quid Job
 pos-

¹ Al. colet. ² Al. om. ac domum ejus. ³ Al.
 om. ab eo. ⁴ Al. om. tuam. ⁵ Al. aufst.

⁶ Al. om. tentandi. ⁷ Al. si ipse Deus.
 quod Job. ⁸ Al. tantum.

posset , non etiam donavit ut posset ; testis patientiae ejus , non auxiliator fuit . Et in quo erit necessarium gratiae adjutorium , si humanis solis ¹ viribus tanta illa est parta ² victoria ?

Undecima definitione dictum est
de Centurionis fide :

Miratur eum Dominus , atque collaudat , cunctisque illis , qui ex Israelis populo crediderant , praefert dicens , Amen dico vobis , non inveni tantam fidem in Israel . Nullius enim laudis esset ac meriti , si id in eo Dominus , quod ipse donaverat , praetulisset .

Impius sensus , qui putat beatiorum esse hominem , cui Deus nihil dederit , quam cui universa contulerit .

Duodecima definitione dictum est .

Inde est , quod orantes non solum protectorem , sed etiam susceptorem Dominum proclamamus . In eo enim quod prior advocat , & ignorantes nos atque invitos ad-
trahit

¹ Al. solum . ² Al. facta .

trahit ad salutem, protector atque salvator est: in eo autem, quod adnitentibus nobis opem ferre, refugientesque suscipere, ac munire consuevit, susceptor, ac refugium nominatur.

Huic sententiae is potest praebere consensum, qui se a Christo non vult esse salvatum.

CAP. XX. *Errores in definitionibus Cassiani contenti summam colliguntur.*

HIs itaque definitionibus hoc docetur, hoc scribitur, hoc editis disputationibus praedicatur: Quod Adam peccante, anima ejus laesa non fuerit, sanumque in eo manserit, unde peccavit: si quidem scientiam boni, quam acceperat, non amiserit; nec potuerint ¹ posterius ejus id perdere, cujus damnum nec ille pertulerit. Inesse autem omni animae naturaliter virtutum semina beneficio Creatoris inserta, ut possit qui voluerit, judicio naturali Dei gratiam praevenire, & adjutorium ejus, quo facilius ad perfectionem perveniat, promereri: Quia nullius sit laudis ac meriti, qui donatis

¹ *al. potuerunt.*

natis bonis , non propriis adornatur . Cavendum quoque esse , ne ita ad Deum omnia sanctorum merita referantur ; quasi per se nihil boni possit agere ipsa humana natura : cum tanta sit virium ejus integritas , ut contra ipsum diabolum , faevitiamque ejus usque ad extrema supplicia , sine auxilio Dei valeat dimicare . Hanc autem possibilitatem in omnibus esse ¹ hominibus naturalem , sed non omnes ingeneratis ² sibi uti velle virtutibus . Tantam autem circa universos homines bonitatem esse Creatoris , ut alii ab eo , quia sponte veniant , suscipiantur laudati : alii quia resistunt ³ , adtrahantur inviti : atque ideo ⁴ volentium susceptor , nolentium vero salvator sit . Et cum pars Ecclesiae ex gratia , pars autem ex libero iustificetur arbitrio ; gloriosiores sint , quos natura provexerit , quam quos gratia liberarit : quia ad omne opus bonum tam libera sit voluntas in Adae posteris , quam in Adam fuerit ⁵ ante peccatum .

CAP.

¹ Al. omnibus inesse . ² Al. ingenitis . ³ Al. resistent . ⁴ Al. atque adeo , . . . ut cum pars Ecclesiae . ⁵ Al. fuit .

CAP. XXI. *Exprobrat S. PROSPER Massiliensibus quod S. AUGUSTINI doctrinam iisdem querelis, & conviciis impeterent, quibus eam jam oppugnaverant Pelagiani, & praecipue Julianus; & ostendit horum machinas fuisse jam fractas auctoritate Ecclesiae latas memorans contra Pelagianos sententias ab Innocentio I. Palaestina synodo, & Africanis conciliis, necnon a Zosimo, Bonifacio, & Caelestino. Cavillantes S. Caelestini testimonium de auctoritate novissimorum librorum S. Augustini ad alios S. Doctoris libros provocat, ubi eadem doctrina propugnatur. Sixtum Papam repressurum fore novos gratiae inimicos confidit.*

EN cujus dogmatis sunt magistri, qui ut catholicarum mentium castitatem, gratiae defensoribus ¹ calumniando corrumpant, praecipuum nostro tempore in doctrina ecclesiastica virum rabido ore discerpunt ², creduntque se omnia auctoritatum munimina posse convellere, si hanc pastoralis speculae validissimam turrim crebra Pelagiani arietis illusione pulsaverint. ³ *Firmum quidem fundamentum Dei stat: sed congruenter isti non desunt partibus suis. Dignum quippe est, ut quorum sequuntur sententiam, imitentur insaniam. Nec enim alia possunt*

¹ Al. *defensores*. ² Al. *concerpunt*. Al. *decerpunt*. ³ 2. Tim. 2. 19.

sunt dicere , quam quae damnatorum querelis , & procacissimi ¹ Juliani sunt vulgata convitiis . Paria sunt unius feminis germina ² , & quod latebat in radicibus , manifestatur in fructibus . Non ergo cum istis nova acie dimicandum est ; nec quasi contra ignotos hostes specialia sunt ineunda certamina . Tunc istorum machinae fractae sunt , tunc in superbiae suae fociis ac principibus corruerunt , quando beatae memoriae Innocentius nefandi erroris ³ capita apostolico mucrone percussit ⁴ : quando Pelagium ad proferendam in se suosque sententiam , Palaestinorum Episcoporum Synodus ⁵ coartavit ⁶ : quando Africanorum conciliorum decretis beatae recordationis Papa Zosimus sententiae suae robur adnexuit , & ad impiorum detruncationem gladio Petri dexteris omnium armavit antisti-

Tom.III.

B b

tum :

¹ Al. *procacissimis* . V. infra p. 296. n.6. ² Al. *gramina* . ³ Al. *dogmatis* . ⁴ Cum suis nimirum ad Concilium Milevitanum , & Carthaginense *Rescriptis* datis die xxviii. Jan. An. Ch. ccccxvii.

⁵ Al. *cohortatus est* . ⁶ Primum licet *Rescripta* memoret INNOCENTII Papae , quorum auctoritate *caussa finita est* , ut loquitur S. AUGUSTINUS *serm.* 131. n. 10. haec tamen synodus , Diospoli a Palaestinis Episcopis habita est multo ante , nempe An. ccccxv.

tum ¹ : quando sanctae memoriae Papa Bonifacius piissimorum Imperatorum catholica devotione gaudebat , & contra inimicos gratiae Dei non solum apostolicis , sed etiam regiis utebatur edictis ² : & quando idem , cum esset doctissimus , adversus libros tamen Pelagianorum beati Augustini Episcopi responsa poscebat .

Unde & venerabilis memoriae Pontifex Caelestinus , cui ad catholicae Ecclesiae praesidium multa Dominus gratiae suae dona largitus est , sciens damnatis non examen iudicii , sed solum paenitentiae ³ remedium esse praestandum ; Caelestium , quasi non discusso negotio ⁴ audientiam postulantem , totius Italiae finibus iussit extrudi : adeo ⁵ & praecessorum suorum statuta , & decreta synodalia inviolabiliter servanda censebat , ut quod semel meruerat abscindi , nequaquam

¹ Missa scilicet ad omnes Episcopos an. Ch. ccccxviii. epistola sua , quae Tractoria dicitur , & quae per totum orbem subscriptionibus sanctorum patrum est roborata , teste MARIO MERCATORE .

² Vide Baronium An. 419. n. LVII. & Criticen Pagii n. XXI. & XXII. ³ sententiae . Al. non examen iudicii solum , sed &c. ⁴ Al. non discussi negotii . Al. ingenii . ⁵ Al. ab eo & praecessorum .

quam admitteret retractari. Nec vero se-
gniore cura ab hoc eodem morbo Britan-
nias liberavit, quando quosdam inimi-
cos gratiae solum suae originis ¹ occupan-
tes, etiam ab illo secreto exclusit Ocea-
ni, & ordinato Scotis Episcopo ², dum
Romanam insulam studet servare catholi-
cam, fecit etiam barbaram Christia-
nam. Per hunc virum etiam Orientales
Ecclesiae gemina peste purgatae sunt,
quando Cyrillo Alexandrinae urbis anti-
stiti, gloriosissimo ³ fidei catholicae defen-
sori, ad ⁴ excrucandam Nestorianam impie-
tatem apostolico auxiliatus est gladio,
quo etiam Pelagiani, dum cognatis con-
foederantur erroribus, iterum prosterne-
rentur. Per hunc virum intra Gallias
istis ipsis, qui sanctae memoriae Augustini
scripta reprehendunt, maleloquentiae ⁵

B b 2

est

¹ Erat enim Britannus eorum princeps Pelagius.

² Scilicet *Palladio*, de quo idem S. Prosper in
Chronico Basso, ET ANTIOCHO COS. haec adnotat:
Ad Scotos in Christum credentes ordinatur a Papa
Caelestino Palladius, & primus Episcopus mittitur.

³ Al. gloriosissimae. ⁴ Al. excrucandam. Al.
excrucandam. Al. extirpandam, Al. excidendum.

⁵ Al. malas eloquentiae.

est adempta libertas , quando consulentium ¹ actione suscepta , & librorum , qui errantibus displicebant , pietate laudata ² , quid oporteret de eorum auctoritate sentiri , sancto manifestavit eloquio , evidenter pronuntians , quantum sibi praesumptionis istius novitas displiceret , qua auderent quidam adversum antiquos magistros insolenter insurgere , & indisciplinata calumnia praedicationi veritatis obstrepere ³ : AUGUSTINUM ⁴ , inquit , sanctae recordationis virum , pro vita sua , atque pro meritis , in nostra semper communionem ⁵ habuimus ; nec umquam hunc sinistrae suspicionis saltem rumor adpersit ; quem tantae scientiae olim fuisse meminimus , ut inter magistros optimos etiam a meis semper decessoribus ⁶ haberetur . Bene ergo de eo omnes in commune senserunt ⁷ , utpote qui ubique cunctis & amoris fuerit , & honori .

Con-

¹ Al. *consultantium* . Consulentes fuerunt idem S. PROSPER & Hilarius . ² Loquitur de libris *De praedestinatione sanctorum* , & *De dono perseverantiae* . ³ Verba Caelestini Papae I. in ep. ad Galliarum episcopos cap. 2. ⁴ Al. ait enim , *Augustinum* . ⁵ Al. *commendatione* . ⁶ Al. *praedecefforibus* . ⁷ Al. *senserant* .

Contra istam clarissimae laudationis tubam, contra istam sacratissimi testimonii dignitatem audet quisquam malignae interpretationis murmur emittere? & perspicuae, sincerissimeque sententiae nubem obliquae ambiguitatis obtendere? ut scilicet quia in epistola Papae hujus¹ librorum, pro quibus actum est, non expressus est titulus, hinc eos appareat non probatos, & istam in sanctum² Augustinum laudationem pro³ anteriorum, Scriptorum meritis fuisse collatam⁴. Maneat plane, maneat ista conditio, ut horum librorum novitas repudiata videatur, si in eadem causa ejusdem viri dissentit⁵ antiquitas: & aut⁶ inutile aut incongruum judicetur, quod ab his, quae contra Pelagianos condidit, dissonans invenitur. Ut itaque omittamus ea volumina, in quibus ab exordio episcopatus sui, multo priusquam impugnatores gratiae exurgerent, pro gratia disputa-

B b 3

vit:

¹ Al. om. *hujus*. ² Al. *sancto Augustino*.

³ Al. *pro autoramentis*. ⁴ Hinc conicitur Caelestinum obiisse paulo post quam dederat epistolam suam, neque enim Massilienses ita eludere illam tentassent si Caelestinus adhuc superstes consuli potuisset.

⁵ Al. *dissentiat*. ⁶ Al. & ut.

vit : legantur tres ad Marcellinum ipsius libri ¹. Ad sanctum Paulinum Nolanum Episcopum ² epistola retractetur . Ad beatissimum ³ quoque apostolicae sedis tunc presbyterum Xistum , nunc vero Pontificem , emissae paginae recurran- tur . Ad sanctum Pinianum ⁴ , ad ⁵ Va- lerium comitem ⁶ , ad servos Christi Ti- masium & Jacobum ⁷ , distinctim edita vo- lumina revolvantur . Sex libri priores contra Julianum , unus ad sanctum Au- relium Carthaginensem ⁸ Episcopum de gestis Palaestinis ⁹ : alius ad Paulum & Eutropium sacerdotes , contra Pelagii & Caelestii quaestiones ¹⁰ : & ad beatae me- moriae Papam Bonifacium quatuor volu- mina recenseantur ¹¹ . Et si ¹² in his omnibus operibus , multisque aliis quae enu-

¹ Quorum titulus *De peccatorum meritis*. ¹ Al. om. *Episcopum*. ³ Al. *beatum*. ⁴ Lib. *De gra- tia Christi & de peccato originis*. ⁵ Al. *& Vale- rium*. ⁶ Lib. *De nuptiis & concupiscentia*.

⁷ Lib. *De natura & gratia*. ⁸ Al. *Carthagi- nis*. ⁹ seu *De gestis Pelagii*. ¹⁰ Lib. *De per- fectione justitiae*. ¹¹ Al. *libri quatuor explicen- tur*. Horum titulus : *Libri quatuor contra duas epistolas Pelagianorum*. ¹² Al. *Ac sic . . . prae- cessit . Agnoscant &c.*

enumerare longum est, idem doctrinae spiritus, eadem praedicationis forma, praecessit; agnoscant calumniatores, superfluo se obiiicere, quod his libris non speciale, neque discretum testimonium sit perhibitum, quorum in cunctis voluminibus norma laudatur. Apostolica enim sedes ¹, quod a praecognitis ² sibi non discrepat, cum praecognitis probat: & quod iudicio jungit, laude non dividit. Qui ergo hos proxime editos libros refutant, anterioribus acquiescant; & iis quae pro gratia christiana prius sunt scripta, consentiant. Sed non faciunt ³: sciunt enim omnia Pelagianis ⁴ esse contraria, & nihil sibi posse competere ad consequentium resolutionem, si confiteantur in praecedentibus consistere veritatem.

Igitur huiusmodi hominum pravitati non tam disputationum studio, quam auctoritatum privilegio resistendum est: ut de prostrati dudum dogmatis ⁵ corpore nul-

¹ Al. fides. ² Al. cognitis. ³ Al. facient.

⁴ Al. Pelagiana sibi esse &c. ⁵ Al. ut prostrati dudum corporis dogmata, in corpore nullum membrum sinant assurgere.

nullum membrum finatur assurgere. Quia notum est, ita falsitatis istius haberi versutias¹, ut si senserit praetenta correctionis imagine, aliquos² sibi faventium radicis suae germen excipere, totam se velit ex sui parte minima reparare³. Ubi enim non aliud habet summa quam portio, non est devotionis dedisse prope totum, sed fraudis retinuisse⁴ vel minimum. Quod ne hypocritarum obtineatur insidiis, confidimus Domini protectione praestandum, ut quod operatus est in Innocentio, Zozimo, Bonifacio, Caelestino, operetur & in⁵ Xisto⁶: & in custodia

¹ Al. ita se falsitatis istius habere versutias, ut si eis liceat praetentae &c. ² Al. aliquod. ³ Al. possit in exigua sui parte &c. ⁴ Al. restituisse. ⁵ Al. om. &c. ⁶ Sixtus Caelestinum excepit an. Ch. 431. Neque vero fuit inanis S. PROSPERI spes de Sixto Papa 111. concepta; idem enim S. PROSPER in Chronico ad an. ccccxxxix. haec memoriae commendavit: *Hac tempestate JUL. ANUS Eclanensis (al. Athelannenensis) jaētantissimus Pelagiani erroris adsertor, quem dudum amissi Episcopatus intemperans cupido agitabat, multimoda arte fallendi correctionis spem praeferens, molitus est in communionem Ecclesiae irrepere: Sed his insidiis SIXTUS Diaconi LEONIS hortatu vigilanter occurrens nullum aditum pestiferis conatibus patere permisit: & ita omnes Catholi-*

stodia dominici gregis haec sit pars gloriae huic reservata¹ pastori, ut sicut illi lupos abegere² manifestos, ita hic depellat³ occultos: illo auribus suis doctissimi senis⁴ insonante sermone, quo collaborantem secum hortatus est, dicens⁵: *Sunt enim quidam, qui justissime damnatas impietates⁶ adhuc liberiorius defendendas putant, & sunt qui occultius penetrant domos: & quod in aperto clamare jam metuunt, in secreto seminare non quiescunt. Sunt autem qui omnino siluerunt, magno timore compressi, sed adhuc corde retinentes, quod ore jam proferre non audent: qui tamen esse fratribus possunt ex prioris ipsius dogmatis defensione⁷ notissimi. Proinde alii severius⁸ coercendi; alii vigilantius vestigandi⁹; alii tractandi quidem lenius, sed non segnius sunt docendi, ut si non timeantur¹⁰, ne perdant, non tamen negligantur ne pereant.* CAP.

tholicos de rejectione fallacis bestiae gaudere fecit, quasi tunc primum superbissimam haeresim Apostolicus gladius detruncasset. 1 Al. servata. 2 Al. ejecere. Al. abjecere. 3 Al. expellat. 4 Al. add. Augustini. 5 Verba S. Augustini in epistola ad Sixtum cap. 1. 6 Al. sunt enim quidam justissime damnati, qui impietates &c. 7 Al. impietate 8 Al. sunt coercendi. 9 Al. investigandi. 10 Al. non timeant. Al. non timeant.

C A P. X X I I. *Conclusio Operis . Qua ratione cum reprehensoribus S. AUGUSTINI agere oporteat usquedum per Ecclesiae Principes , & legitimos judiciorum ministros a fraterna societate divisi non sint .*


Sufficienter , ut arbitror , demonstratum est , reprehensores sancti Augustini & vana obiicere , & recta impugnare , & prava defendere : peremptorumque armis intestinum bellum moventes , dictis ¹ divinis , atque humanis constitutionibus rebellare . Quorum tamen dum adhuc non sunt a fraterna societate divisi , toleranda magis est intentio , quam desperanda correctio : ut donec Dominus per Ecclesiae principes , & legitimos judiciorum suorum ministros , haec quae per paucorum superbiam , & quorundam imperitiam sunt turbata , componat ; nobis Deo adjuvante sit studium ² quieta modestaque patientia odiis dilectionem reddere ; & ineptorum vitare conflictus ; veritatem non deferere , nec cum falsitate certare ; semperque a Deo pete-

¹ Al. om. *dictis* . ² Al. om. *quieta modestaque patientia* .

petere, ut in omnibus cogitationibus, in omnibus voluntatibus, in omnibus sermonibus, atque actionibus nostris, ipse teneat primatum, qui ¹ dixit se esse principium. ² *Quoniam ex ipso, & per ipsum, & in ipso sunt omnia: ipsi gloria in* ³ *saecula. Amen.*

S. PRO.

¹ Jo. 8. 23. ² Rom. 11. 36. ³ Al. in saecula saeculorum.



S. PROSPERI
CARMEN
DE INGRATIS.

Tom. III.

C c



S ANCTI PROSPERI Aquitani opus prae caeteris celebre & clarum est *Carmen de Ingratis*, in quo expositis Pelagianorum erroribus jam damnatis Massilienses monachos ejusdem criminis convincit reos; nobile sane opus, & eximium, in quo mira facilitate, elegancia, & dignitate sanctissima Fidei nostrae dogmata, & quas in aliis suis prosa exaratis operibus, praesertim vero in epistola ad Rufinum exponit, gravissimas sententias versibus mille comprehendit: unde elogium illud si quis alius jure optimo vindicare sibi potest: *Omne tulit punctum qui miscuit utile dulci*. Et quidem ex eo factum esse videtur quod apud se constituerit tali descriptionis genere, aliorum Patrum tum Graecorum, tum Latinorum exempla imitatus, adoriri, oppugnare, ac refellere errantes monachos Massilienses incautis indoctisque Semipelagianismum propinantes; ut nimirum medicinam adhiberet, quae poeseos dulcedine condita placeret pluribus, & potentior esset atque efficacior. Praestitit autem hoc s. PROSPER adhuc superstiti, ut videtur, s. AUGUSTINO, ita enim de eo canit v. 105. & seq.

. *nam cibus illi*
Et vita, & requies Deus est, omnisque voluptas
Unus amor Christi est, unus Christi est honor illi;
Et dum nulla sibi tribuit bona, fit Deus illi
Omnia, & in sancto regnat sapientia templo.

S. PROSPERI

I N C A R M E N

ΠΕΡΙ ΑΧΑΡΙΣΤΩΝ

I D E S T

D E I N G R A T I S *

P R A E F A T I O .

UNde voluntatis sanctae subsistat origo,
 Unde animis pietas insit, & unde fides:
 Adversū ingratos, falsa & virtute superbos,
 Centenis decies versibus excolui .

C c 2

Quod

* Cum nemo magis laboret ingrati animi vicio ,
 quam qui suis viribus adtribuit quae debet misericor-
 diae & omnipotentiae Dei ; enimvero *Ingratorum* no-
 men tum Pelagianis, tum Semipelagianis optime conve-
 nit . Sed hic eo nomine illi praecipue notantur , quos
 posteritas modo Massilienses , modo vero Semipelagia-
 nos vocavit ; hos enim urgere , ac refutare intendit
 s. PROSPER : de Pelagianis vero ob id solum loquitur ,
 ut ex eorum damnatione , a Massiliensibus perinde ac
 ab Orthodoxis concessa , concludat , quid sentiendum
 foret de nova quae inter utrosque agebatur quaestio-
 ne

Quod si tranquilla studeas cognoscere cura ,
 Tutus ab adverso turbine , Lector , eris .
 Nec libertate arbitrii rapiere rebellis ,
 Ulla nec audebis dona negare Dei :
 Sed bona , quae tibi sunt, operante fatebere
 Christo ,
 Non esse ex merito sumpta, sed ad meritū .

ne De initio bonae voluntatis & fidei , ut ipsemet luculenter fatetur v. 234.

Haec tantum in medium , quae jam sunt gesta vocemus ,

Ut facile ex illis quale hoc sit discutiatur ,

Quod disceptantes dudum in diversa movemur .

S. P R O S P E R I

ΠΕΡΙ ΑΧΑΡΙΣΤΩΝ

H O C E S T

D E I N G R A T I S

C A R M E N.

*Pars I. Occasio Operis, & quanti momenti illud sit :
 Auxilii divini invocatio . Dogmatum Pelagii re-
 censio . Quid Ecclesia late per orbem universum
 egerit contra Pelagianos . Africanorum Episcopo-
 rum ope fuisse illos potissimum debellatos . S. AU-
 GUSTINI laus . Pelagianam haeresim jam extin-
 ctam in Semipelagianis reviviscere coepisse . Indis-
 cuntur Pelagiani hos interpellantes , ut secum
 velint societatem inire . Semipelagianos nullo mo-
 do posse hoc recusare . Pelagianorum oratio , qua
 postulant aut recipi iterum in Ecclesia , aut secum
 Semipelagianos quoque expelli cum in eadem do-
 ctrina conspirent .*

Congenitae in Christo ¹ gēti mihi castus ab alto ¹
 Infinuatus amor ; proprias excedere vires
 Me jubet, atque pias accendere carmine mentes :
 Ne post confectum celebris victoria ² bellum ,
 Securos animos incauta pace resolvat ;

C c 3

Ceu

¹ per baptismum . ² de Pelagianis relata .

306 S. PROSPERI CARMEN

- Ceu merus eliso jam nullus ab hoste superfit ;
 Nec caput attriti virosum palpitet anguis .
 Unde igitur commenta mali sopita resurgant ,
 Quemve ipso de fine ¹ dolum nova promat origo ,
 10 Da fari , Pater omnipotens , artemque malignam
 Pandere , prostratus qua rursus nititur error .
 Dogma , quod antiqui satiatum ² felle draconis ,
 Pestifero vomuit coluber sermone Britannus ³ ,
 Hac primos homines cretos ditione ⁴ ferebat ,
 15 Ut seu praescriptum mandatum transgrederentur ,
 Sive inculpati , servata lege , manerent ,
 Mortem istam prorsus , qua carnem vita relinquit ⁵ ,
 Oppeterent , quae non peccato parta , sed ipso
 Instituyente Deo , comes esset fixa creatis .
 20 Progenitos igitur nullum traxisse reatum
 De patribus ⁶ : neque dissimiles nunc nascier illo
 Ortu primorum , qui libertate male usi
 Peccarunt , forma nocui non semine proli ⁷ .
 Posse autem insontes omnes virtutis in arce ⁸
 25 Vitam agere , & menti ingenitum servare decorem ,
 Arbitrio quoniam subsistat recta volentis

Na-

¹ *causae Pelagianae* . ² *imbutum , saturum* .
³ *Pelagius natus est inter divisos toto orbe Britannos . Dicitur autem coluber , utpote mirus dissimulandi artifex* . ⁴ *conditione* . ⁵ *Periphrasis mortis corporalis* . ⁶ *Adam & Eva* . ⁷ *Non quod ex illo (Adamo) traxerint aliquod vitium , qui ex illo propagati sunt , sed quod eum primum peccantem imitati sunt omnes qui postea peccaverunt , ut Pelagiani se explicant apud s. Aug. in Lib. de N. & Gr. cap. 8.* ⁸ *in summa perfectione* .

Naturalis ¹ honos , lexque insita cordibus intus
 Hoc moneat , quod scripta foris : cui gratia Christi
 Addita , perfugium lapsis generaliter in se
 Condiderit , sacro si vellent fonte ² novari : 30
 Ut sponte adtractum venia solvente reatum ,
 Sponte sua in vires proprias natura rediret ;
 Quoque per errores esset spoliata vigore ,
 Hunc servare semel posset purgata receptum .
 Tam dives vero hoc donum baptismatis esse ³ , 35
 Et tam multa homini conferri foedere in isto ,
 Ut parvis etiam , vitioque carentibus omni
 Congruat , ut qui sunt geniti bene , sint meliores ,
 Naturaeque bonum adjecto illustretur honore .
 Nullum autem ex cunctis exortem muneris hujus , 40
 Judicio genitum esse Dei ; sed quemque mereri
 Libertate sua , ut capiat promissa vocantis ,
 Quae sint aversis indebita , debita rectis ⁴ .

Talia cum demens late diffunderet error ,

Com-

¹ *ingenitus*. ² *baptismo*. ³ Al. esset, sed incongrue. ⁴ S. PROSPER in *Chronico* ad an. 413. LUCIANO, al. LUCIO CONSULE haec Pelagio tribuit falsa dogmata : Unumquemque ad justitiam voluntate propria regi , tantumque accipere gratiae , quantum meruit : quia Adae peccatum ipsum solum laeferit , nec posteros ejus obstrinxerit ; unde & volentibus possibile sit carere omni peccato : omnesque parvulos tam infantes nasci , quam primus homo ante praevericationem fuit ; nec ideo baptizandos , ut peccato exuantur , sed ut sacramento adoptionis honorentur ; hic vero addit alia etiam duo : Moriturum nempe hominem etiamsi non peccasset ; & gratiam sumendi baptismatis ex merito & libertate hominis omnino pendere .

308 S. PROSPERI CARMEN

- 45 Commentisque rudes traheret lethalibus aures ;
 Adfuit , exhortante Deo , provisa per orbem
 Sanctorum pia cura Patrum , non dispare motu
 Conficiens diros jaculis coelestibus hostes .
 Iisdem namque simul decretis spiritus unus
 50 Intonuit . Pestem subeuntem prima ¹ recidit
 Sedes ROMA Petri , quae pastoralis honoris
 Facta caput mundo , quicquid non possidet armis
 Religione tenet . Non segnior inde ² Orientis
 Rectorum cura emicuit ³ , captumque nefandi

Dog-

¹ Quid sibi velit haec vox Prima certant eruditi .
 Apud alios prioritatem dignitatis significat , apud alios
 prioritatem temporis . Baronius respicere eam putat
 Papam Siricium , qui Jovinianum damnavit Pela-
 gianorum aliqua ex parte antesignanum ; Jo. Sali-
 nas Anastasium Innocentii decessorem , quasi Rufi-
 num quemdam natione Syrum , a quo Pelagius erro-
 res suos didicit , libellum illum Fidei edere compule-
 rit , in cuius anathematismo II. damnatur asserere ,
 Quemvis s. virum . . . sine Dei auxilio posse esse
 perfectum . Sunt etiam , qui sic intelligunt quasi de-
 creta Conciliorum Africanorum , & Epistolas Inno-
 centii pro unica Pelagii damnatione habenda sint : &
 qui voces prima , & inde usurpatas autumant non ut
 historiae inserviant , sed vitandae confusionis gratia
 dum plura uno veluti tempore simul gesta narrantur .
 Ast ego probabilius duco s. Prosperum ita esse locu-
 tum quia docente s. Augustino serm. 131. tunc caussa
 finita est , cum Innocentius I. Africanis Conciliis
 rescripsit . Itaque etiam in lib. contra Collatorem
 cap. 21. eodem ordine enumerat latas contra Pela-
 gianos sententias . ² ex eo tempore , quo pestis Pe-
 lagiana subibat . Marca coniicit s. Prosperum in Oc-
 cidente scribentem uti hoc verbo habita ratione clima-
 tum . ³ Synodum intelligit a XIV. episcopis praeside
 Joanne Ierosolimitano Diospoli habitam an. Ch. 415.

Dogmatis auctorem constrinxit lege benigna 55
 Commentum damnare suum ¹, nisi corpore Christi
 Abjungi, & sancto mallet grege dissociari.
 Lene quidem hoc, nimiumq; malos tolerasse videtur
 Judicium; sed sancta fides examine in illo
 Vicit aborturam diro de semine prolem: 60
 Prospectum namque est, divino & munere cautum,
 Ut licet instantem declinans bestia poenam,
 Perfidiae secum sensus tenuisset eosdem;
 Ipsa tamen proprium germen damnando necaret;
 Ore malam extinguens sobolem, quam protulit ore. 65
 Tunc etiam Bethlei praeclari nominis hospes,
 Hebraco simul, & Graio, Latioque venustus
 Eloquio, morum exemplum, mundiue magister
 HIERONYMUS libris ² valde excellentibus hostem
 Dis-

¹ Pelagius intentata in eum accusatione a duobus
 episcopis Gallis Herote & Lazaro, qui sedibus suis
 pulsus in Palaestina degebant, compulsus est a Dio-
 spolitana synodo damnare subtilissimum illud hae-
 resis suae germen: Gratiam Dei secundum me-
 rita hominum dari; quod cum praestitisset dimissus
 est. Sed quod negavit ore, corde servavit, ut in-
 quit S. Augustinus lib. 1. contra Julianum cap. 5. &
 idcirco s. Hieronymus eam synodum quasi miseram
 & infelicem deplorat. Nihilominus tamen s. Augusti-
 nus honorifice de ea semper loquitur, & quidem pluri-
 mum contulerunt ad reprimendam subeuntem haeresim
 tum Judicium illud Palaestinarum Patrum, tum pro-
 fessio Pelagii, qualiscumque fuerit, ut optime in his
 ipsis versibus innuit s. PROSPER. ² Dialogorum
 praecipue, & ep. ad Ctesiphontem, quae edita sunt
 circa tempora synodi Diospolitanae, ut colligitur ex
 Orosio in Apologia.

310 S. PROSPERI CARMEN

70 Dissecuit ¹; noscique dedit, quo turbine veram
Vellent exortae lucem obscurare tenebrae.

Quid loquar, & curam magna ² quā gessit in urbe
Constantinopoli, docto bonus ore sacerdos

ATTICUS, antiqua Legatos haereticorum

75 Confutando fide? de qua ³ tunc impia corda,

Quamvis se obducta tegerent ⁴ velamine forma

Judicii, & tacitae ⁵ tulerunt ⁶ tormenta repulsae. 7

Praetereo quanto fuerit bene mota tumultu

Clara EPHEOS ⁸, non passa suis consistere testis

Vasa

1. Non solum quia acri stilo eum perstrinxit, sed etiam quia praecipuum locum tenebat eos inter qui, ut loquitur synodus Milevitana in ep. ad Innocentium Papam §. 3. ejus sensus diligentius indagare potuerunt. 2. Forte magnam. M. Mercator in Com^o monitorio de Caelestio narrat, quod, sub sanctae memoriae Attico episcopo urbem Constantinopolitana petiit, ubi in similibus detectus, MAGNO STUDIO sancti illius viri ex praedicta alma urbe detrusus est. 3. urbe. 4. jus appellationis quamvis praetenderent. 5. etiam tacitae &c. 6. Virgilium imitatur Ecl. 4. v. 61. al. tulerant. al. tulerint. 7. Scilicet Atticus ita eos persecutus est pro Rege (Christo) communi, ut iis NE STANDI QUIDEM illic copia praestaretur, ut loquitur Caelestinus P. in ep. ad Nestorium. Incongruae mihi videntur aliorum explicationes, nec aliunde probari potest conjectatio illa Norisii, qui censet Hist. Pelag. lib. 2. cap. 6. gratiae Dei inimicos Constantinopoli ejectos fuisse ab Attico primum (tunc) in seipsis, deinde in legatis. 8. In Ephesina synodo damnatos esse Pelagianos animadvertit Photius Cod. 54. & constat ex ipsius synodi epistola ad Caelestinum Papam §. 6. sed hi versus aliò tendunt s. AUGUSTINO, ut videtur, superscite editi sunt. Fortassis cum ubique gentium post Zosimi Papae Translationem

Vasa irac, & morbi flatus, & semina mortis. 80

Quaque fide tellus etiam TRINACRIA¹ fervens,

Agmen vipereum propriis exegerit oris.

Tu causam fidei flagrantius, AFRICA, nostrae²

Exequeris: tecumque suum jungente vigorem

Juris Apostolici folio, fera viscera belli 85

Conficis, & lato prosternis limite victos.

Convenere tui de cunctis urbibus almi

Pontifices, geminoque³ senum celeberrima coetu;

Decernis quod Roma⁴ probet, quod regna⁵ sequatur.

Nec

Historiam damnari se viderent, Ephesum confugere memores quod Caelestius Carthagine privatus communionem ecclesiasticam ibi ausus est per obreptionem, ut tradit M. Mercator, locum praesbyterii petere; sed populari tumultu repulsi sunt: nisi forte contra ipsum potius Caelestium mota sit seditio cum compertum est quod Ephesinae Ecclesiae illusisset. 1 Inimici gratiae Dei ab an. 414. in Siciliam jam irrepsissent, ut constat ex epistola Hilarii Syracusani ad s. Augustinum. Anno 419. cum ibidem aliqui Episcopi damnationi Pelagianorum subscribere recusarent, sedibus suis pulsi sunt. 2 Al. nostra, quasi nostrarum partium, uti mox nostri dicuntur Episcopi Afri. 3 Geminum hunc coetum nonnulli accepere pro Conciliis Carthagenensi & Milevitano habitis sub Innocentio I.; sed rectius intelliges de duobus Carthagenensibus celebratis sub Zosimo. 4 per Zosimum una cum Clero Romano, unde non solum Zosimo, ut apud s. Aug. lib. 6. contra Julianum, sed etiam Clericis Romanis ut legere est apud eundem s. Augustinum lib. 2. ad Bonifacium cap. 3. praevericationis notam Pelagiani inurebant. Ille autem de clero, qui eis anathema in populo frequentissimo prior pronuntiavit, Sixtus fuit, qui postea in Petri cathedra Caelestinum excepit. V. ep. s. Augustini ad eundem Sixtum. 5 per episcopos toto orbe diffusos; Tractoria enim Zosimi per totum orbem,

90 Nec sola est illic synodorum exerta potestas,
 Ceu quos non possent ratione evincere nostri,
 Vi premerent: discussae artes, virisque reiectum est
 Haeretici sensus¹, nullumque omnino relictum,
 Docta fides quod non dissolveret argumentum.

95 Condita sunt, & scripta² manent, quae de cataractis
 AEter-

orbem, ut tradit M. Mercator, subscriptionibus Patrum est roborata; unde inanis illa, & mendacissima Pelagianorum querela ad Rufum Thessalonicensem a s. Augustino relata lib. 4. contra duas ep. Pelagian. cap. 12: Simplicibus episcopis, sine congregatione synodi, in locis suis sedentibus, ex torta subscriptio est. Sed hic s. Prosperi locus intelligi etiam potest de imperialibus legibus, quibus repulsos fuisse Julianum, aliosque episcopos epistolae Tractoriae subscribere detrectantes, narrat M. Mercator, nam etiam in lib. contra Collatorem cap. 21, cum sententiam Zosimi Papae adversus Pelagianos latam memoraverit, subicit: Sanctae memoriae Papa Bonifacius . . . contra inimicos gratiae Dei non solum Apostolicis, sed etiam Regiis utebatur edictis.

¹ Africani Patres hoc praestiterunt cum primum Pelagiana causa ad eos delata est. Leges epistolae Conciliorum Carthagenensis & Milevitani ad Innocentium, & Innocentii rescriptum ad Concilium Carthagenense. Quod vero ad Concilia Carthagenensia sub Zosimo; eorum primum adeo copiose de Caelestio & ejus causa ad Zosimum scripsit, ut hic acceptas litteras voluminis nomine appellaverit: alterum vero octo canones condidit, & luculentam eis epistolam ad Zosimum praefixit, cujus meminit M. Mercator, nec non s. Aug. lib. 2. ad Bonif. c. 3. & lib. de pecc. orig. c. 8. fragmentum autem refert idem s. PROSPER cont. Collat. cap. 5. & lib. Resp. ad Capitula Galorum cap. 8. ² Octo laudatos canones intelligere videtur, qui Concilio Milevitano nullo jure adscripti olim fuere. Idem s. PROSPER in Chronico ad an. 418.

Con-

Aeterni fontis fluxere undante meatu ,
 Et ter centenis ¹ procerum sunt edita linguis :
 Sic moderante suam legem bonitate severa ² ,
 Ut qui damnato vellent de errore reverti ,
 Acciperent pacem ³ , pulsus qui prava tenerent . 100

An ⁴ alium in finem posset procedere sanctum
 Concilium , cui dux Aurelius ⁵ , ingeniumque
 AUGUSTINUS erat ? quem Christi gratia cornu ⁶
 Uberiore rigans , nostro lumen dedit aevo
 Accensum vero de lumine : nam cibus illi , 015
 Et vita , & requies , Deus est ; omnisque voluptas
 Unus amor Christi est , unus Christi est honor illi :
 Et dum nulla ⁷ sibi tribuit bona , fit Deus illi
 Omnia , & in sancto regnat ⁸ sapientia templo .

Istius ergo inter cunctos , qui de grege sancto 110
 Insanas pepulere feras ⁹ , industria major ,
 Tom.III. D d Ma-

Concilii apud Carthaginem habiti ccxiv. Episcoporum ad Papam Zosimum decreta perlata sunt ; quibus probatis , per totum mundum haecresis Pelagiana damnata est .

¹ Poetice, ut infra v. 198. mille senum . ² Etiam in Zosimi Papae Tractoria Pelagius & Caelestius toto christiano orbe damnati sunt nisi correcti etiam egerint poenitentiam , ut narrat s. Augustinus ep. 190. num. 22. & in libro de pecc. orig. cap. 22. de iisdem loquitur ut prius aut in locum poenitentiae redactis , aut , si id recusaverint , omnino damnatis . ³ veniam , atque adeo communionem ecclesiasticam . ⁴ Forte , Anne alium . ⁵ Episcopus Carthaginensis , ac Primas totius Africae .

⁶ Alludit ad cornu seu vas olei , quo ungebantur Reges & Sacerdotes Hebraeorum . ⁷ contra id quod faciunt Ingrati . ⁸ Ex hisce versiculis conjicitur s. PROSPERUM cecinisse hoc carmen s. Augustino adhuc superstiti . ⁹ Pelagianos .

314 S. PROSPERI CARMEN

- Majus opus , totum praestantius imbuit orbem .
 Nam quocumque gradum convertit callidus hostis ,
 Quâque per ambages anceps iter egit opertas ,
 115 Hujus ab occurſu eſt praeventus , mille viarum
 Infidiis aditum non repperientibus ullum .
 Cumque foris rabies avidorum excluſa luporum
 Frenderet , inque omnes mendacia verteret artes ;
 Ne mentes ullarum ovium corrumpere poſſet ,
 120 Neû dubia obliquis turbaret corda querelis ,
 Iſtius ore viri fecit Deus : iſtius ore
 Flumina librorum mundum effluxere per omnem ,
 Quae mites ¹ humilesque bibunt , campisq; animorû
 Certant vitalis doctrinae immittere rivos .
 125 Jamque procelloſae diſjecto turbine noctis ,
 Heu ! nova bella , novi partus oriuntur in ipſo
 Securæ matris ² gremio : quae crefcere natis
 Viſa ſibi , diſcors horret conſurgere germen ,
 Degeneres pavitans inimico ex ſemine foetus ,
 130 In quibus ante diu , ſpecie ³ fallente , benignus
 Errarat genitricis amor , cum obduſta decoris
 Moribus , externae ſtirpis tegetetur origo .
 Sic veris ſubeunt falſa , & diſcrimine caeco
 Fronte placent , quae ſine latent : ſic laudis amore ,
 Vir-

¹ Nota quibus virtutibus inſtructus ſit oporteat qui Eccleſiae doctrinam de gratia Dei & diſcere & docere vult . ² Eccleſiae , quae ſecura videbatur Pelagianis damnatis . Sic ſupra v. 5. ſecuros animos .

³ Habebant enim primi illi Semipelagiani ſpeciem pietatis in ſtudio , & apud ſimpliciores magnam de probitatis contemplatione reverentiam obtinebant , ut ejusdem ſ. Proſperi verbis utar in lib. contra Col- latorem cap. 1. & in ep. ad ſ. Auguſtinum .

Virtutum studium corrumpitur ; atque ab honesto 135

Principio in vitium exitur plerumque tumoris :

Quo quidam inflantur nūc turpiter, atque perempti 1

Dogmatis extinctas tentant animare favillas ;

Dum libertatem arbitrii , affectumque volendi

In naturalis 2 motus virtute locantes , 140

Tam bona quemque docent sectari posse suopte

Ingenio 3, quam posse subest cuique in mala ferri 4.

Quod qui confirmas , quinam distabis 5 ab illis, 6

Qui dicunt nullo peccati vulnere laesum.

Naturale bonum , cumque illo lumine nasci 145

Nunc omnes homines, quod primis ingeneratum est?

An vero excerpis quaedam , quae parte recisa 7

Suscipias , cordisque sinu purgata recondas ?

Dic igitur quidnam inde probes , quid vero refutes,

Et de damnatis quid sit , quod crimine solvas . 150

An dextram pacis palam 8 dare te pudet hosti ?

Nec tutum est ulla pulsos ex parte tueri 9

Simpliciter ? Quos non dubitas excludere templo, 10

D d 2

Pel-

1 In libro contra Collat. cap. 6. extincti . 2 Al. ex conjectura , naturali . 3 facultate volendi .

4 Placet commentarii loco describere ejusdem sancti Prosperi verba in ep. ad s. Augustinum eundem Semipelagianorum errorem ita referentis : Quantum quisque ad malum tantum habeat facultatis ad bonum ; parique momento animum se vel ad vitia , vel ad virtutes convertere . 5 Al. qui non . al. tu non . 6 Pelagianis . 7 unde Semipelagianismi nomen a dimidiato nimirum Pelagianismo . 8 Si cui syllabae quantitas immutata non placeat , legat : pacemque palam . 9 ex parte tueri , non vero ex parte pulsos . 10 tanquam haereticos .

316 S. PROSPERI CARMEN

- Pelle animo . Nova te discordia dividit abs te :
- 155 Corde foves, quod in ore premis. Cōiungere ¹ amicis
Mentibus , & tecum cupidis componere foedus
Lege ² tua : jam parce minis , & congrue pactis.
Ecce pererratis terrarum finibus adfunt,
Implentesque tuas lacrymosis questibus aures
- 160 Incipiunt : Pulsi mundo , nullaue recepti
Sede vagi , tandem fama exhortante redimus ,
Quaeque placent vobis amplectimur : edita nobis
Doctrinae vestrae est pietas ; nihil inficiando
Discutimus : liceat vobiscum jungere sensum .
- 165 Immortalem hominem factum si creditis , & nos
Credimus ; inciderit mortem peccando , suamque
Progeniem culpa & letho devinxerit omnem :
Nullus non egeat sacro baptismo Christi ,
Infantesque etiam ³ purgentur fonte lavacri :
- 170 Dum ⁴ nostri decus arbitrii , lumenque creatum
Principio , quod sponte potest Insistere rectis ,
Manferit illaefum , nec viribus absit ab illis ,
Quas condente Deo generaliter omnis in Adam
Suscepit natura hominis , nec suppetat ulli

De

¹ ironice . ² conditionibus a te praescriptis .
³ Nota vim verbi purgentur . Quod parvuli baptizarentur numquam Pelagiani rejecerant ; immo vero Caelestius in Carthaginensi concilio aperte dixit : Infantes in remissionem peccatorum baptizandos esse ideo confitemur propter regulam fidei , ut legitur in auctore Praedestinati haer. 88. ⁴ Nota errorem , quem maxime cordi erat Pelagio stabilire , & quomodo cum-admitterent etiam Semipelagiani .

De non accepta arbitrii virtute querela : 175

Cum sine delectu seu lex , seu gratia Christi

Omnem hominem salvare velit : donumq; vocantis

Sic fit propositum , ut nullus non possit ad illud

Libertate sua , proprioque vigore venire ;

Sitque salus dignis salvari ex fonte volendi . 180

Haec si vestra fides , vestra est doctrina , remotis

Quae vestro exemplo rejecimus , addite sanctis

Nos gregibus , tandemque boni ¹ defendite vestros.

Talia submissus si desceat hostis apud te,

Quid referes ? quo te affectu comperta movebunt ? 185

Consultas , trepidas , nutas , cunctaris , & haeres ?

Quove anceps se praecipitet sententia , volvis ?

Injustum est animis cognatis non dare pacem :

Et quos una fides , eadem sapientia nectit ,

His communem aditum Sanctorum ad Sacra ² negare. 190

Jungere sed foedus cum talibus ³ , & violare

Sanctorum decreta patrum ⁴ , regumque piorum ⁵ ,

Scriptas lege Dei leges contemnere , multum

Hostile est , nimiumque audax , & perniciosum .

Ergo Petri folium Romam , & Carthaginis altae 195

⁶ Concilium repetant humiles : eademque perorent,

Quae frustra hic trepido ⁷ sunt deplorata favori .

D d ;

Sed

¹ Al. bonis . al. bonos . ² ad templa , & sacramenta . ³ Fingit quid formidarent Semipelagiani .

⁴ Pontificum Romanorum & synodorum contra Pelagianos . ⁵ Theodosii & Valentiniani , Honorii , Constantii &c. qui leges contra Pelagianos tulerant .

⁶ Carthaginense an. 418. cujus sententiam Zosimus confirmavit . ⁷ trepidanter ob Leges Ecclesiasticas & Imperiales Pelagianis favebant Massilienses .

318 S. PROSPERI CARMEN

Sed cum mille senum ¹ prudentia pervigil olim
 (Perspectum notumque tenens, quod tota nefandae
 200 Haereseos summa exigua sub parte tegatur ²,
 De qua plena mali labes renoveretur, & omne
 Commenti corpus per singula membra resurgat ;)
 Antiquas adhibentem artes rejecerit hostem,
 Limitibusque suis steterit ³ censura salubris :
 205 Numquid non justus poterit dolor abdita cordis
 Rumpere, & in tales miseros excire querelas,
 Ut dicant : Quacnam ista, Patres, in cordibus almis
 Justitia est ? quo ⁴ sine graves, quo sine severi,
 Claudere terrarum nobis persistitis orbem ?
 210 Nosne sumus toto mundo ⁵, quorum undique vobis
 Sit suspecta fides, quos non tolerare quearis ?
 Si nostra a vestro vel syllaba ⁶ dissonet ore,
 Non verbis jam nos, argumentisve tuemur,
 Judicium exemplo ⁷ petimus. Quod pace ⁸ manente
 215 Libera multorum ⁹ vox adstruit, hoc sine bello
 Cedatur nobis. Non nostra inventa fovemus,
 Nec primis studiis insistimus : ecce recisum est
 Unde olim certamen erat : vestrisque ¹⁰ reversi ¹¹

Ce-

¹ Poetice pro magno numero. ² Idipsum notat
 s. PROSPER in lib. contra Collat. cap. ult. & s. LEO
 P. in ep. ad Nicetam Aquilejensem. ³ rata &
 firma remanserit damnatio Pelagii, & Caelestii,
 eorumque sectatorum. ⁴ quousque. ⁵ soli ex cun-
 ctis hominibus. ⁶ quasi solum vocibus dissiderent
 ab Orthodoxis. ⁷ ab exemplo Semipelagianorum.
 al. extemplo, sed incongrue. ⁸ salva communio-
 ne ecclesiastica. ⁹ Semipelagianismus ab ortu suo
 multos infecit. ¹⁰ Semipelagianis. ¹¹ v. supra
 v. 160.

Cedimus , & quaecumque illis placuere probamus .
 Quid superest culpae ? quo ¹ nos decet usque repelli ? 220
 Si vero haec etiam , quae nos pia ducimus ² , absunt
 A veris , & vestra illis bene cura repugnat :
 Cur extra invidiam , poenamque erroris habentur
 Qui damnata docent , & per clara oppida ³ tuti
 His magnos implent populos , quae nos perhibentes 225
 Plectimur , & nulla sinimur consistere terra ?

Haec in pontificum sancto deprompta senatu ,
 Quam curam exigent , & quae decreta moverent ,
 Perspicias . An quoniam culpa securus operta
 Non premeris synodo , nec te poenae metus urget , 230
 Spernis propositi speciem terroris , & isthaec ,
 Plena velut vanis simulacris somnia rides ?
 Ergo gerendorum eventu , & fine remoto ,
 Haec tantū in mediū quae jam sunt gesta vocemus :
 Ut facile ex illis , quale hoc sit discutiatur , 4 235
 Quod ⁵ disceptantes dudum in diversa movemur .

S. PRO-

¹ quousque . ² una cum Semipelagianis .
³ nempe Massiliae , aliisque locis in Gallia , ut
 ait Hilarius Prosperi amicus in ep. ad S. Augusti-
 num . ⁴ Al. ex conjectura , vocamur . ⁵ Forte ,
 Quo .



S. PROSPERI

CARMEN

DE INGRATIS.

Pars 11. Tria capita haereseos Pelagianae proponuntur, quae ipsi Semipelagiani fatebantur damnata. Semipelagianorum doctrina exponitur. Quod de gratia Dei omnibus ex aequo oblata asserabant, exemplo refellitur eorum infidelium, quibus Evangelium numquam praedicatum fuit. Quomodo omnipotentiae Dei detraberent, dum misericordiam ejus extollere videbantur in eo, quod velit omnes homines salvos fieri. Gratiae natura & vis describitur, ut pateat eorum doctrinae perversitas qui dicebant, quod solum a libero arbitrio pendet, ut quis gratiam amplectatur, aut respuat, & unus perseveret, aliter non perseveret. Eidem donum esse gratuitum, & neminem posse illam mereri. Quales sint virtutes infidelium. Pelagii dogmata ex Semipelagianorum doctrina resurgere.

INter multa suis quae tradidit haeresiarches ¹,
 (Quod cognoscis) ait; naturā, quae bona facta est,
 Nullis cum vitiis in quoquam omnino creari,
 Nec cuiquam primi culpam nocuisse parentis; 240
 Et quoniam tales nascantur nunc quoque, qualis
 Ille fuit nostri generis pater ante reatum;
 Posse hominem sine peccato decurrere vitam,
 Si velit, ut potuit nullo delinquere primus

Li-

¹ Pelagius . .

322 S. PROSPERI CARMEN

- 245 Libertate sua . Nempe haec damnata fateris
 Conciliis ¹ , mundique ² manu . Connectit & illud
 Idem auctor , quod lex ita sanctos miserit olim
 Coelorum in regnum , sicut nunc gratia mittit .
 Hoc quoque iudicio sancto ³ scis esse peremtum .
- 250 Objectum est ⁴ aliud , ipsum dixisse magistrum S
 Quod meritis hominum tribuatur gratia Christi ,
 Quantum quisque Dei donis se fecerit aptum .
 Sed nimis adversum hoc fidei , nimiumq; repugnans
 Esse videns , dixit se non ita credere ⁶ , & illos
- 255 Damnari dignos quorum mens ista teneret .
 Quo cernis , cum iudicibus damnantibus ista
 Consensisse reum : nec quemquam haec posse tueri ;
 Quae tamen ipse suis rursus excoluisse libellis
 Detegitur , reprobum in sensum fallendo reversus .
- 260 Nunc igitur , quoniam quid nostris displicuisset
 Ostensum est : quam sana fides sit vestra patefcatur . ⁷
 Gratia qua Christi populus sumus ⁸ , hoc cohibetur
 Limite vobiscum , & formam hanc adscribitis illi .
 Ut

¹ Africanis &c. ² imperialibus legibus Theodosii & Valentiniani , Honorii , Constantii &c. ³ Synodi Diospolitanae . ⁴ in eadem synodo . ⁵ Pelagium . ⁶ cum Palaestini Patres hunc errorem Pelagio objecissent , respondit : Haec utrum Caelestii sint , ipsi viderint , qui dicunt ea Caelestii esse ; ego numquam sic tenui , sed anathematizo qui sic tenent. *V. s. Aug. in lib. de gestis Pelagii cap. 14.* ⁷ Incipit exponere Semipelagianorum doctrinam . ⁸ Notia de qua Gratia actum sit , & agatur .

Ut cunctos vocet illa quidē, inviteturque ¹; nec ullū ²
 Praeteriens studeat communem adferre salutem 165
 Omnibus, & totum peccato absolvere mundum.
 Sed proprio quemque arbitrio parere vocanti,
 Judicioque suo, mota se extendere mente
 Ad lucem oblatam, quae se non subtrahat ulli,
 Sed cupidos recti juvet, illustretque volentes. 170
 Hinc adjutoris Domini bonitate magistra
 Crescere virtutum studia, ut quod quisque petendū
 Mandatis didicit, jugi sectetur amore.
 Esse autem edoctis istam communiter aequam
 Libertatem animis, ut cursum explere beatum 175
 Persistendo queant: finem, effectumque petitum
 Dante Deo, ingeniis qui numquam desit honestis.
 Sed quia non idem est cunctis vigor, & variarum
 Illecebris rerum trahitur dispersa voluntas;
 Sponte aliquos vitiis succumbere, qui potuissent 180
 A lapsu revocare pedem, stabilesque manere.
 Jam quia summatim, ut potuit, sententia vestra
 Decursa est: Dic ³ unde probes, quod gratia Christi
 Nullū omnino hominem de cunctis qui generantur
 Praetereat, cui non regnum vitamque beatam 185
 Im-

¹ *Hi versus Semipelagianorum doctrinam exprimentes cum imprudenter accepti & imprudenter citati fuerint pro doctrina Ecclesiae a s. Prospero propugnata, celebri opusculo argumentum praebuerunt, cui titulus: La Renard pris, Vulpes capta. Lovanii 1649.* ² *al. nec illum.* ³ *Incipit confutare expositos Semipelagianorum errores.*

324 S. PROSPERI CARMEN

Impertire velit ? Nec enim vel tempore nostro
Omnibus in terris jam certum est insinuaturn
Christi Evangelium : ne dicam , exordia doni ¹
Non potuisse simul toto decurrere mundo .

²⁹⁰ Illa quidem ad cunctos ferri sunt iussa ² ; sed uno
Tempore non agitur , quod tempore dicitur uno .
Dumque suis aditus Domino pandente ministris
Crescunt primitiae , fuerint omnino necesse est
Quaedam terrarum partes , ubi gratia nondum
²⁹⁵ Corda hominum tenebris absolverat ³ impietatis ,
Et dira innumeri demersi nocte peribant ,
Cum multae accepto fulgerent lumine mentes .

An bonitas divina quidem non destitit omnes
Velle vocare homines , sed non simul apta fuerunt
³⁰⁰ Corda ⁴ , quibus possent conferri dona salutis ;
Dum morum obsistit feritas truculenta magistris ,
Difficilesque aditu transcurrit ⁵ gratia gentes :
Ut quoniam lucem offerri voluisset , & ipsis
Demonstrare ⁶ Deus : sua quemque adversa voluntas
Ar-

¹ evangelii . ² Matth. 28. 19. ³ al. absorpserat , sed incongruè . ⁴ Semipelagianorum effugium praevenit , quod ita etiam refert in ep. ad Rufinum cap. 15. An dicendum est , voluntati Dei humanas obsistere voluntates , & tam feros tamque intractabiles horum hominum esse mores , ut Evangelium ideo non audiant , quia praedicationi impia corda non pateant ? ⁵ praeterit . ⁶ Forte , se monstrare . His autem versibus haec alia respondent ejusdem s. Prosperi verba in ep. ad s. Augustinum §. 5. Quandoquidem , ajunt , inexcusabiles sint , qui & ad unius veri

Arguat, & culpa obstringat, quia lumine primo ¹ 305
Per vitia oppresso, sit facta indigna secundo? ²

Quod si firmatur, ³ nequicquam plectimus illos,
Qui nullum innatum ⁴ vitium nascentibus ajunt,
Incolumique omnes cum libertate creari;
Gratia quos Christi meritorum examine justo 310
Eligat, & dignos vitâ vocet, accipiatque.
Namque utrumque simul ⁵ sapitis, qui dicitis, omnes
Omnibus oblatum potuisse apprehendere munus;
Naturae quoniam non sit detracta facultas:
Nec sine justitia pereant, qui mentis honorem 315
Sordibus obruerint vitiorum, ut lumen ab alto
Emissum, indigna nollet requiescere sede.
Sic, quod nascendo est unum ⁶, distare volendo;
Ut meritum ad paucos ⁷, natura spectet ad omnes.

Sed tamen haec aliqua si vis ratione tueri, 320
Et credi tam stulta cupis: jam pande quid hoc sit,
Quod bonus onipotensque Deus, non omnia subdit
Corda sibi, pariterque omnes jubet esse fideles?

Tom. III.

E c

Nam

veri Dei cultum potuerint instrui intelligentia naturali: & Evangelium ideo non audierint, quia nec fuerint recepturi.

¹ intelligentia naturali. ² praedicatione Evangelii. ³ Nota effugium Semipelagianorum, & quomodo in duos Pelagii errores inciderent 1. Naturam humanam esse adhuc integram, ut in Adamo. 2. Gratiâ secundum merita dari. ⁴ al. illatum. ⁵ cum Pelagianis. ⁶ nempe, omnes nativa arbitrii libertate esse aequales, sed effici inaequales dispari ejusdem usu. ⁷ ita ut pauci mereantur, quod merendi omnes habent naturalem facultatem.

326 S. PROSPERI CARMEN

- Nā si nemo usquā est , quē non velit esse redemptū,
 325 Haud dubie impletur quicquid vult sūma potestas .
 Non omnes autem salvantur , magnaue pars est
 Quae sedet in tenebris mortis , nec vivificatur .
 An varii ¹ motus animorum talia gignunt ?
 Libertasque facit causam non omnibus unam ?
 330 Ergo ² hominis valida arbitrio divina voluntas ,
 Aut etiam invalida est , operis cui finis in illo est . 3
 Quem frustra juvisse velit , nisi praeferat ⁴ ille
 Affectum , cuius comitetur gratia cursum .
 At si dimota certandi nube , serenis
 335 Quae sunt vera oculis mecum intueare modestè :
 Et vetera exemplis manifestis plena videbis
 Saecula ; & in nostro cognosces tempore multa ,
 Quae doceant , virtute Dei conversa malorum ⁵
 Corda , quibus recti nihil umquā infederat , & quae
 340 Nullum iustitiae signum sensumve gerebant .
 Namque ut nunc saevas ⁶ gentes , & barbara regna , 7
 Ignoti prius aut sprete nova gratia Christi
 Adtrahit , & terra templum sibi condit in omni :

Sic

¹ Alterum Semipelagianorum effugium praeveni-
 tur . ² Refutantur Semipelagiani ab absurdo .
³ homine . ⁴ prius concipiat . ⁵ Semipelagiani
 refutantur ab exemplis . ⁶ Scotos intellige , qui
 tunc temporis ad fidem Ch. conversi sunt s. Caelestini
 Papae industria . ⁷ Sic quoque in lib. cont. Collat.
 c. 21. de Caelestino Papa loquens : ordinato , in-
 quit , Scotis episcopo , dum Romanam insulam
 studet servare catholicam , fecit etiam barbaram
 christianam .

Sic prius, immites populos, urbefque rebelles,
 Vincente obstantes animos pietate, subegit. 345
 Non hoc confilio tantum hortatuque benigno
 Suadens atque docens, quasi normam legis haberet
 Gratia: sed mutans ¹ intus mentē, atque reformans,
 Vasque novum ex fracto fingens, virtute creandi ².
 Non istud monitus legis, non verba prophetæ, 350
 Non præstata ³ sibi præstat natura, sed unus
 Quod fecit reficit. Percurrat Apostolus orbem;
 Prædicet, hortetur, plantet, riget, increpet, instet,
 Quâque viam verbo reſeratam invenerit, intret:
 Ut tamen his studiis auditor promoveatur, 355
 Non doct̃or, neque discipulus, sed gratia sola
 Efficit, inque graves adolet ⁴ plantaria fructus.
 Haec ⁵ semen fidei radicem adfigere menti,
 E c 2 Eque

¹ Nota quanta & qualis sit Gratiae virtus, & efficacia. ² Sic ps. 50. v. 12. Cor mundum crea in me Deus: & Eph. 2. 10. Creati in Christo Jesu in operibus bonis. Eadem omnipotentia, quae nos creavit ex nihilo, reformat & convertit nos non ex merito. ³ sibi dimissa. Al. prostrata ut infra v. 898. & haec lectio confirmatur etiam ex eo, quod in eadem sententiam inferius v. 408. naturalis sapientia... semel acta in praeceptis dicitur. ⁴ Servius in illud Virgilii Ecl. 8. v. 65. Verbenasque adole pingues: Adole, inquit, idest incende, sed κατ' ὀφειδὴν dicitur, nam adole, est, auge. Itaque s. Prosper Virgilium imitatur, & eleganter sententiam illam Apostoli expressit 1. Cor. 3. 7. Neque qui plantat est aliquid, neque qui rigat, sed qui incrementum dat Deus. ⁵ sequentibus septem versiculis, qui toti pe-
 ne

328 S. PROSPERI CARMEN

Eque sinu cordis validum jubet edere germen.

160 Haec maturandam segetem servatque fovetque,
Ne lolium & tribuli, & vanae dominantur avenae;
Ne ventus frangat, torrens trahat, aestus adurat:
Neu cum se nimium laeta, & praefortis in altum
Extulerit, turpi procumbat strata ruinâ.

165 Et nos ista, inquis ¹, sentimus ² de bonitate
Ac virtute Dei, quae ni foveatque regatque
Quos vocat, & tutos peccato praestet ab omni,
Non sua servabit quemquam prudentia, nec se
Perficiet solis naturae viribus ullus.

170 Sed quia jam in nobis & velle & nolle creatum est,
Arbitriique sui quo vult intendere motus
Libertas accita ³ potest, patuitque per aurem ⁴
Judicio cordis ⁵, quo mundum proposuisset ⁶

Con-

ne sunt ex Virgilianis versibus expressi, s. Prosper poetice docet Gratiae donum esse principium Fidei, incrementa, perseverantiam.

¹ al. inquit. ² Nota quid tunc Semipelagiani concederent videri volentes non dissentire ab Ecclesiae Fide. Sic autem Cassianus definiēbat quod, suis interdum motibus homo ad virtutem appetitus possit extendi, semper vero a Domino indigeat adjuvari, & quod, bonarum voluntatum principia nisi a Deo dirigantur, ad consummationem virtutum pervenire non possint; unde acriter a Prospero in libro contra eum scripto, seu contra Collatorem, reprehenditur cap. 3. & 4. ³ accersita ad deliberandum, seligendumque, si quid animo observatur. ⁴ revelatum, & praedicatum est redemptionis mysterium. ⁵ intelligendi volendique facultatibus. ⁶ proposuerit.

Consilio servare Deus : mens excita longum
 Excutiat somnum ; seque illi subdat & aptet , 375
 Qui cupidam & fidam ¹ promissa in gaudia ² ducat.
 Hoc est nobiscum quod te sentire ferebas ?
 Haec sincera fides ? haec Christi gratia tecum est ?
 Cujus opus , fixo distinctum limite ³ , totum
 Extra hominē statuis ⁴ clausa penitus fore ⁵ mentis : 380
 Vixque Deum sensus ⁶ carnis permittis adire ,
 Per quos sumpta foris animus dijudicet intus ,
 Seque ferat , quoquo librata examina pondus
 Presserit arbitrii : veluti cum voce loquentis ,
 Aut rerum actarum specie ⁷ quas vidimus , aut quas 385
 Legimus , exoritur secreta cordis in aula
 Nunc amor, aut odiū, nunc spes, metus, ira, dolorq; ,
 Nec tamen hos motus scriptor, narrator, & auctor ⁸
 Insevere animo (quamvis forte hoc quoque vellent)
 Sed de perceptis ⁹ mens iudex sponte movetur , 390
 E c ; Et

¹ quia secundum Semipelagianorum hic loquentium placita praeire requirebantur desiderium pietatis, & fides : ni magis intelligere de desiderio continuato, cui gratiam, & perseverantiam acceptam referebant.

² aeternam vitam, secundum Evangelicam sententiam. Matth. 25. 23. al. praemia. 3 V. v. 260.

⁴ al. clausae. 5 janua. Ovid. Fast. lib. 2. v. 738. custos in fore nullus erat. 6 aures, oculosve. 7 Al. species. 8 Al. actor, ex conjectura ; sed vox auctor pro actore alibi quoque usurpata reperitur. 9 Al. praeceptis, secundum Virgilianum illud Aen. 6. v. 105. Omnia praecepi, atque animo mecum ante peregi.

330 S. PROSPERI CARMEN

Et pro more ¹ suo , quantum se exercuit istis ,
Transit in affectum quem confirmaverit ex se ,
Illa volendo sequens , istis nolendo resistens .

At vero ònipotens ² hominem cum gratia salvat ,
395 Ipsa suum consummat opus : cui tempus agendi
Semper adest , quae gesta velit : non moribus illi
Fit mora ³ , non caussis anceps suspenditur ullis .
Nec quod sola potest , cura officioque ministri
Exsequitur , famulisve vicem committit agendi :
400 Qui quamvis multa admoveant ⁴ mandata vocantis ,
Pulsant , non intrant animas . Deus ergo sepultos
Suscitat , & solvit peccati compede vinctos .
Ille obscuratis dat cordibus intellectum :
Ille ex injustis justos facit , indit amorem
405 Quo redametur amās : & amor quē cōserit ipse est .
Hunc itaque affectum , quo sumunt mortua vitam ,
Quo tenebrae fiunt lumen , quo immunda nitescunt ,
Quo stulti sapere incipiunt , aegrique valescunt ,
Nemo alii dat , nemo sibi , non littera legis ,

Nec

¹ pro quibus est moribus , ac ingenio . ² Epitheton adeo Gratiae proprium , ut interdum Omnipotentia , & Gratia pro synonymis usurpata reperiuntur ; quin etiam Gratia ex hoc uno quod omnipotens est , efficax per se ipsam est sine laesione libertatis hominis , cujus voluntatem ita in aliud mutat , ut ipse homo illud , in quod mutatur , voluntarie velit , ut verbis utar s. Th. 2. sent. dist. 25. q. 1. art. 1. ad 1. ³ Contra illud Semipelagianorum v. 299. Dum MORUM obstitit feritas . ⁴ ut pulsent , al. admoncant . ⁵ Ex ep. 1. Jo. cap. 4.

Nec naturalis sapientia, quae semel acta
In praeceps, labi novit, confurgere nescit. 410

Et licet eximias studeat pollere per ¹ artes,
Ingeniumque bonum generosis moribus ornet;
Caeca tamen finem ad mortis per devia currit,
Nec vitae aeternae veros adquirere fructus 415
De falsa virtute potest: vanamque ² decoris
Occidui ³ speciem, mortali perdit in aevo.
Omne etenim probitatis opus, nisi semine verae
Exoritur fidei, peccatum ⁴ est, inque reatum
Vertitur ⁵, & sterilis cumulat sibi gloria poenam ⁶. 420

Usque adeo donū est quod credimus, & data gratis
Gratia, non meritā ditat mercede vocatos:
Nec justorum operum discernit facta, sed omnes
Sola ex immundis mundos facit, utque legentem
Lectus

¹ Sic quoque in lib. contra Collat. c. 10. Etiam si excellentissimis artibus, & cunctis mortalium polleat disciplinis, justificari a se non potest; quia bonis suis male utitur, in quibus sine cultu veri Dei, impietatis immunditiaeque convincitur, & unde se defendi existimat accusatur. ² al. unamque, quasi opera infidelium bona sint specie tantum, nempe apud nos, nam apud Deum, qui veritatem diligit, nihil valent. ³ qui cito transit.

⁴ Sententia Apostoli in ep. ad Rom. 14. v. 23. Omne autem, quod non est ex fide, peccatum est.

⁵ Opus enim moraliter, aut magis dicere ex officio bonum, vertitur in reatum cum ad Deum non refertur, cui omnis gloria debetur. ⁶ Qui gloria- tur in semetipso non solum sterilem gloriam capiat, sed etiam damnificam cum honorem Deo debitum usurpet.

332 S. PROSPERI CARMEN

- 425 Lectus ¹ amet, non hoc studio, sed munere sumit. ²
 Nam si spectatrix meritorum est gratia, & illis
 Se tribuit, quorum est animus purgator, & quos
 Per libertatem arbitrii sibi repperit aptos;
 Infantes tantum, justosque adsumere solos ³
 430 Debuit, & veri cupidos, ac recta volentes;
 Perversos autem, & scelerum assuetudine turpes,
 Deturbare procul, lucemque negare tenebris.
 Atqui Salvator ⁴ mundi non praemia justis
 Solvere, nec sanis venit conferre medelam:
 435 Sed quod dispersum exciderat, fractū atque ⁵ jacebar,
 Quaerere, & inventum reparare, ac reddere curae.
 Denique ne quisquam ex morū splendore putetur
 Censeri, aut fidei merito ad bona summa vocari,
 Ceu non divino sit munere mentibus ipsa
 440 Inspirata fides: recale innumerabile vulgus
 Retro senum & juvenum, qui caeca turpiter usi
 Libertate animi, per cultus daemoniorum,
 Per magicas artes, per amorem rapta tenendi,
 Per stupra, per caedes vitam duxere nefandam:
 445 Et tamen incumbente obitu, jam limite in ipso ⁶
 Extremi flatus, miserantem nocte remota
 Cognovere Deum ⁷: purgatorisque lavacri

Mu-

¹ eligentem Deum homo electus. ² non ex labore, & ex merito accipit, sed dono gratuito.

³ al. solum. ⁴ Ex Matth. 9. v. 13. ⁵ nota intensivam vim vocis. Sic Horat. epist. lib. 1. ep. 16. v. 49. renuat, negat atque Sabellus. ⁶ Al. limine in ipso. ⁷ cognovere quia ipse miserando fecit ut cognoscerent,

Munere , nulla mali linquentis signa prioris ,
Exempti mundo mutarunt tartara coelo .

Quae merita hic numerās ? si praecedentia cernas,¹ 450
Impia : si quaeris post addita , nulla fuerunt .

Si vero merito adscribis , voluisse renasci :
Nempe utero fidei parta est tam recta voluntas :
Porro fidem quis dat , nisi gratia ? sic , bene velle
Gratia dat tribuendo fidem , quae credita poscat , 455
Quaeque voluntatis meritum creet , ipsaque solo
Nascatur spirante Deo , mentemque reformans ,
De cinere argenti sopitum suscitet ignem .
Ergo voluntatis genitrix² , operumque creatrix 3
Non est ex merito : quoniam quod non fit ab illa , 460
Non bene fit : Quem non recto via limite ducit ,
Quanto plus graditur , tanto longinquius errat .
Sive igitur meritum , credens existere posse
Ante fidem , donas virtutibus impietatis : 4
Sive illam vis esse tuam , non munere dantis 465
Sumptam , sed genitam de libertate volendi :
Nullam habet in vobis salvatrix gratia sedem ;
Inflato exclusa arbitrio , quod fronte superba
Ergitis , spatio ut gravius majore ruatis .

Divinorum operum quod ponitis in redimendis 470
Principium ? Mandata Dei facere ante lavacrum ,

Nosse

1 Al. cernis. 2 nam ut paulo ante dictum est :
bene velle gratia dat . 3 Fides , de qua mox : quae-
que voluntatis meritum creet . 4 comparatis ante
fidem .

334 S. PROSPERI CARMEN

Nosse, & amare Deum, promissis credere ¹ Christi,
Quaerere, pulsare, & petere, propriū omnibus esse
Asseritis ², qui se studeant aptare vocanti.

- 47^s Anne ab aquis ³ divina manus renovare receptos
Incipit ? & vitae causa est sua cuique voluntas :
Ut merces operum sit gratia, iudiciumque
De pretio, quo, quod donum perhibetur ⁴, ematur?
An vero auxilium verbo Deus inchoat, & se
48^o Voce ministrorum mundo declarat in omni :
Ut pulsante aures sermone illecta voluntas
Judicio praecurrat opem ; nec gratia jam sit
Gratia ⁵, quae legis fungens vice, jure monentis
Solum agat : atque agro cum plantatore ministret,
48^s Terraque seminibus det, non Deus, incrementum;
Ubere ceu glebae ⁶ subsistat, & arte colentis
Exoritura seges : neque quicquam cordis in arvo
Praefulcet divina manus, quo temperet, acquir ⁷
Edo-

¹ *Fidem, spem, & caritatem habere.* ² *volebant Massilienses, ut tradit ipse s. Prosper in ep. ad Augustinum,* ad conditionem uniuscujusque hominis pertinere, ut per discretionem boni, & mali ad cognitionem Dei, & ad obedientiam mandatorum ejus, possit suam dirigere voluntatem, atque ad hanc gratiam, qua in Christo renascimur, pervenire, per naturalem scilicet facultatem, petendo, quaerendo, pulsando. ³ *baptismatis : quasi tunc Gratia inciperet, ut mox descripta verba ex ep. ad s. Augustinum clarius explicant.* ⁴ *in Scripturis sanctis.* ⁵ *Scilicet quia ut sequitur, jure monentis agat ; quod legis est, non gratiae.* ⁶ *ex Virg. Aen. 1. v. 535. & 111. v. 164. Al. gleba. al. seu.* ⁷ *planities campi nondum aratro subacti.*

Edomitum , faciatque satis gaudere novalis ? 1

Talibus adsumptis inimico ex dogmate , nonne 490

Perpicuum est quantum damnatos confoveatis ,

Dum cuique ad verae capienda exordia vitae

Naturam affectum fidei conferre docetis :

Dumque aliud non est vobiscum gratia , quam lex,

Quamque propheta monēs, & quā doctrina ministri ? 495

Scilicet ut tale arbitrium generaliter insit

Semine damnato genitis in corpore mortis , 2

Quale habuit nondum peccati lege subactus

Primus homo : & nullū in prolem de vulnere vulnus

Transierit , nisi corpoream per conditionem : 500

Quae sic exterius respondeat , ut nihil intus

Imminuat , teneatque suum substantia mentis

Splendorem , & nulla poenali nocte prematur .

Addite quod superest tumidi , ruituraque vani

Congerite , & caussis 3 causas aptate sequentes . 505

Et quia nil primae periit virtutis apud vos ;

Dicite ab illaesis animis procedere veram

Iustitiam , regno dignam coeloque locandam :

Ut frustra 4 Christus sit mortuus . Edite multos

Arte

1 *Novalis dicitur non solum campus , qui alternis annis feritur , sed etiam novus & numquam antea , sed tunc primum ad sementem proscissus . Servius in illud Virg. Ecl. 1. v. 71. Impius haec tam culta novalia miles habebit ? Subdit : Novalia etiam dicuntur , unde sylva tollitur ; Plinius lib. 17. c. 5. Talis fere est in novalibus caesa vetere sylva .*

2 *Phrasis Apostoli in ep. ad Rom. 7. v. 24.*

3 *al. ac ansis ansas . 4 Al. ut frustra .*

336 S. PROSPERI CARMEN

510 Arte & sponte sua sanctos ab origine mundi ,
 Absque Deo placuisse Deo : decretaque legis
 Tunc data , cum peior mos , & corruptior aetas
 Terrore instanti & formidine mortis egeret .
 Dicite plectentes apices , mortisque ministros 1

515 Hoc expleſſe operis , quod gratia vivificatrix .

Nunc agite , & quoniam fuerit sine lege voluntas
 Libera , quam scripti munibat pagina cordis :
 Sic 2 vitam aeternam adquiri potuisse , vacante
 Hac ope 3 quae legem supereminet , ut sine lege
 520 Ex naturali potuit virtute capeſſi :

Nunc autem , studiis vergentibus in mala multa ,
 Crevisse auxilium : non quo cessante , salutem
 Non caperet per difficiles natura labores ,
 Sed quo conatus operum affectusque juvante ,
 525 Propositam citius ferret mens libera palmam .

Dicite , cum infantes renovantur , non renovari
 Infantes animas , & sola carne renasci
 Exterius lotos , non existentibus illis 4
 Interius maculis : quoniam licet edere rectae

530 Signa voluntatis nequeant , tamen hoc magis omni
 Sorde vacent , super auctoris 5 quod conditionem
 De proprio nihil addiderint , quod fons aboleret .

Haec si non vestris spirant de cordibus , & vos
Non

1 Litteram legis , quae occidit , & est ministratio
 mortis , ut legitur . 2. Cor. 3. 6. & 7. 2 idest , dicite
 cum Pelagianis . Videſis s. Augustinum lib. 6. cont.
 Jul. c. 24. 3 sine auxilio gratiae . 4 al. ullis .
 5 Adami ; alii intelligunt Dei creationem .

Non cum damnatis eadem ratis extulit alto
 Mergendos pelago ¹ , submitтите vela tumoris , 335
 Nobiscumque humiles placido consistite portu .
 Edite constanter ² naturae vulnera victae ,
 Exutam virtute animam , caecataque cordis
 Lumina , & in poenam propriam ³ jaculis superatis 4
 Armatum arbitrium , numquam confurgere posse ; 340
 Inque novos lapsus semper nitendo revolvi :
 Cui sua sit laqueus sapientia , morsque subactum
 Detineat , nisi vera salus ex munere Christi
 Adsit , & oppressam dignetur gratia mentem .

An vestrum sublimem animum pudet ista fateri , 345
 Ne sub tam multis morbis sit vilior aeger ?
 Cum nihil ex omni majorum dote super sit ,
 Quo medici mereatur opem , & mercede ⁵ valeat .
 Ergo in castra gradum revocate hostilia , & illis
 Addite vos , quorum ingenio & fallacibus armis 350
 Luditis , ejusdem vibrantes spicula linguae .
 Exultate bonis naturae , & mentis honorem
 Omnibus a saeculis illaesum ⁶ stare docete ,

Tom. III.

F f

Non

¹ Alludit ad Pelagii nomen dum elegantissimae metaphorae insistit . ² in fatendis naturae vulneribus constate vobis ipsis . Fatebantur nimirum peccatum originale , & inficiabantur , quae illud necessario consequuntur , difficultatem & ignorantiam .

³ armis rationis & libertatis . Hisce armis cum arbitrium male sit usum in Adamo , modo in posteris uti non potest bene nisi moveatur & roboretur a gratia : unde sequitur : Cui sua sit laqueus sapientia .

⁴ al. superantis , idest Diaboli . ⁵ non gratis sed soluta mercede curetur . ⁶ al. illapsum , quasi non lapsum .

338 S. PROSPERI CARMEN

- Neu vos in totum retegatis dogmate nudo ,
 555 Corporeo tantum decurrere tramite poenam ¹
 Peccati perhibete , animi nihil imminuentem :
 Vulnere transfixos absolvite crimine , & ipsam
 Iustitiam accusate Dei , transire sinentis
 Supplicium , quò non vultis transire reatum .
 560 Sed non injustus Deus est ; manifestaue Pauli
 Vox docet ² , uno omnes homines cecidisse ruente :
 In quo tota simul series prostrata nepotum
 Deperiit , nec habet quisquam quo surgere possit
 Ad vitam , sacro nisi rursus nascitur ortu .
 565 Quotquot enim summo iustos numeratis ³ ab aevo ,
 Hac ope non dubium est salvatos , quam modo toto
 Latius omnipotens exercet gratia mundo .
 Haec , sicut dictum est , non iudex est meritorum ,
 Quae nisi plena malis non invenit : & nisi donet
 570 Quae bona sunt , nihil efficiet bene caeca voluntas .
 Haec ut cuiusquam studio affectuque petatur ,
 Ipsa agit , & cunctis dux est venientibus ad se ;
 Perque ipsam nisi curratur , non itur ad ipsam .
 Ergo ad iter per iter ⁴ ferimur . Sine lumine lumen
 575 Nemo videt , vitam sine vita inquirere mors est .

S. PRO-

¹ Nempe morbos , & mortem ipsam . Huic loco lucem adfert s. Prosper contr. Collat. cap. 9.

² Ad Rom. 5. 12. ³ Erat hoc praecipuum Semipelagianorum studium veteres iustos enumerare , quasi sine gratia iuste vixissent , quod innuit etiam v. 509. Al. numeravit , idest Paulus , & tunc alluditur ad cap. 11. ep. ad Heb. ⁴ per gratiam ad gratiam , qua itur ad gloriam , Al. pariter , sed inepte .

S. PROSPERI

CARMEN

DE INGRATIS.

Pars III. Semipelagiani obiiicientes, quod necessitas gratiae ad bonum velle & agere libertatem arbitrii destruit, meritum tollit, & poenas nemini deberi evincit, refelluntur proposita & explicata Ecclesiae doctrina de peccato originali. Qui sint hujus peccati effectus in humana natura. Sola Gratia Christi sanari posse liberi arbitrii vulnera a peccato Adae illi inflicta. Exemplo parvulorum statim post Baptismum decedentium probatur, Gratiam non ex merito dari, sed secundum Dei beneplacitum. Misericordiae Dei esse quod aliquibus detur Gratia, & nullo pacto injustum quod aliis non detur, cum possit omni jure neminem liberare. Non esse perscrutandum cur ex hominibus, eadem licet causa omnes implicet, alii eligantur, alii relinquantur. Id ignorare obesse nihil. Non posse Dei judicia non esse aequa licet occulta. Quantum ab inimicis gratiae cavendum sit. Quicumque sibi met uni, aut etiam gratiae, sed quam meruit, virtutes suas adscribit, eum non proficere, sed eo ipso deficere, & perire.

Hic vanam infano profertis corde querelam,
 Omne opus arbitrii sublatum vociferantes,
 Currere currentum si non, & velle volentum est: r
 F f 2. Nec

¹ Semipelagianorum sententiam invidiose exprimit Apostoli verbis in ep. ad Rom. 9. 16.

340 S. PROSPERI CARMEN

Nec vitiis poenam deberi, aut praemia laudi, ¹
 380 Si vel naturam obstrictam mala velle necesse est,
 Vel nostro ² adscribi nequeunt bene gesta labori.

Numquid non eadem sapiunt, eademque perorant
 Vestri illi, quorum ructatis verba, magistri?
 Sed quia consimili cognata superbia questu
 385 Profilit; & vobis nunc responderetur, & illis.

Inviolata Dei quondam & sublimis imago
 In primo cuncti fuimus patre, dum nemore ³ almo
 Degit, & edicto parens cavet arbore ab una.
 At postquam rupta mandati lege superbum
 390 Consilium mixtum invidiae de fonte recepit,
 Corruit, & cuncti simul in genitore cadente
 Corruimus; transcurrit enim virosa ⁴ per omnes
 Peccati ebrietas ⁵, corrupti & cordis in alvo

Per-

¹ *Virtuti. Sic Virg. Aen. 1. v. 465. Sunt hic etiam sua praemia laudi.* ² *quasi tunc solum noster sit labor cum gratiam praevenit.* ³ *Apposite nemus vocat Paradisum voluptatis, quia, ut ait Festus, nemora significant silvas amoenas.* ⁴ *Imitatur Virg. Georg. 1. v. 58. Est autem virosus idem ac foetidus, aut venenatus. Sic supra v. 7. virosus vocat caput anguis, idest haereseos Pelagianae.*

⁵ *Liberum arbitrium ex peccato Adam, ut idem s. Prosper cont. Collat. c. 9. loquitur, bibit omnium vitiorum venenum, & totam naturam hominis intemperantiae suae ebrietate madefecit. Inde prius quam edendo carnem Filii hominis, & bibendo sanguinem ejus, lethalem digerat cruditatem; labat memoria, errat iudicio, nutat incessu.*

Persistit, cruda fervet carbunculus ¹ esca.
 Hinc animi vigor obtusus, caligine tetra 595
 Induitur, nec fert divinae fulgura lucis
 Lumen iners: hinc arbitrium per devia lapsum
 Claudicat, & caecis conatibus, inque ligatis ²
 Motus inest, non error abest: manet ergo voluntas
 Semper amans aliquid quo se ferat, & labyrintho 600
 Fallitur, ambages dubiarum ingressa viarum:
 Vana cupit, vanis tumet & timet: omnimodaque ³
 Mobilitate ruens ⁴, in vulnera vulnere surgit.

Hoc itaque arbitrium cum sanat gratia, tolli
 Dicitis, & perimi vita aspirante putatis. 605
 Quid mirum rabido si corde phreneticus aeger
 Morbum amat, & pellit medicum? Cognoscite tandem
 Antiqui commenta doli ⁵: & desuescite captas
 Aures vipereo rursus praebere susurro.
 Parcite de fractis praecerpere ⁶ noxia poma 610
 Arbitrii ramis: non haec vos esca reformat,

F f 3 Nec

¹ Tumoris, seu ulceris genus ita dictum a carbonis igniti similitudine, vehementer enim exulceratam partem inflamat; ideo fervet. ² & in ligatis, aut illigatis. *Tmesis ex Virg. Aen. 10. v. 794.*

³ al. quocumque fertur. ⁴ al. vigens. ⁵ Nota, arbitrium laesum arbori vetitae, gratiam arbori vitae, & opera gratiae & arbitrii illorum arborum fructibus comparari. Reformatio vero interior, quam libero arbitrio Pelagius promittebat, comparatur promisso serpentis: *Gen. 3. v. 5.* Eritis sicut Dii scientes bonum, & malum. ⁶ praecerpere, non decerpere, ut intelligas fructus praevenientes gratiam.

342 S. PROSPERI CARMEN

- Nec speciem angelici nutrit cibus ille ¹ decoris .
 Sed vitiorum avidos , & tetra bile tumentes ,
 De fastiditae ² procul abripit arbore vitae .
 615 Hujus ³ ope & fructu vascendum est , ut revalescens
 Languida mens , etiam propriis bene viribus uti
 Possit , & in Christo inveniat , quod perdidit in se .
 Non igitur , quisquis terreni veste parentis
 Exueris , priscum naturae perdis honorem ,
 620 Sed recipis : sic acquirens quibus ante carebas ,
 Ut tua sint , si collatis utare modeste ,
 Et quod habes , hoc te acceptum fatearis habere .
 Fons igitur meriti est lucis Pater ⁴ : inde quod in nos
 Fluxerit , hoc nobis majorum est causa bonorum ,
 625 Dum largitori sua reddimus , eque relatis
 Augemur , nostrumque bonum sit gloria dantis .
 Sed qui iudicium arbitrii meritumque tueris ,
 Quique hominum studiis adscribis dona vocantis ;
 Infantum discerne animos ⁵ , & differe quales
 630 Affectus , qualesque habeant haec pectora motus .
 Da teneris mores , & libertate volendi
 Instrue , vix aurae tenuis lactisque capaces ,
 Nulla tibi arbitrii respondent signa , nec ullis
 Dissociare pares meritis potes : omnibus una est
 635 Natura , & pariter nequeunt bona vel mala velle .
 Et

1 al. iste . 2 Al. fastidita , ex conjectura .
 3 gratiae . 4 Jac. 1. 17. 5 Nota argumentum
 ineluctabile , unde evidenter constat gratiam non se-
 cundum humanae voluntatis studia dari , sed se-
 cundum Dei beneplacium .

Et tamen ex istis miseratrix gratia quosdam
 Eligit, & rursus genitos baptismo transfert
 In regnum aeternum, multis in morte relictis,
 Quorum causa fuit similis de vulnere eodem.

Nec meritis istud poteris aptare parentum: 640
 Cui pia profuerit redimendis cura bonorum,
 Abstuleritque aliis aliena ignavia vitam:
 Cum videas multos sanctis genitoribus ortos,
 Nullo salvari studio potuisse suorum,
 Expositisque aliis ob turpia crimina matrum, 1 645
 Missam externorum curam, quae stercore raptos
 Per fontem vitae, coelesti traderet aulae.

Quid si diversum hunc finem, quo gratia Christi
 Unum alio pereunte legit², donatque salute,
 In geminis etiam videas: quod dividis uno 650
 Tempore conceptos atque uno tempore natos,
 Non ullos potes arbitrii praetendere motus.
 Cessat opus, cessat meritum, nihil editur impar.
 Sed Deus & tales discernit, quo magis Christi
 Excellat bonitas, quae sola est causa vocatis 655
 Et fidei & meriti: quoniam sapientia dives
 Hoc etiam tribuit multis, ut sancta operatis,
 In finem vitae, fieret de munere merces.

Non autem recte³, nec vere dicitur, illos, Qui

¹ *Legesit s. August. in ep. ad Vitalem: & in lib. de Dono persever. cap. 12. nec non lib. 6. contra Julianum cap. 14.* ² *eligit.* ³ *Nota Semipelagianorum objectionem, & quomodo eam refutet s. Prosper ex doctrina peccati originalis.*

344 S. PROSPERI CARMEN

- 660 Qui sunt exortes divini muneris , & quos
 Gratia neglexit degentes mortis in umbra ,
 Peccati non esse reos , quia recta gerendi
 Non data sit virtus . Naturae compede victos
 Procubuisse negant ¹, nec ab uno germine credunt
 665 Omnigenam prolem cum poena & crimine nasci .
 Quod qui non renuit , videt hujus pondera culpae
 Tam valida pariter miseris incumbere mole ,
 Ut si nulla etiam cumulent mala , sit tamen unū hoc
 Sufficiens scelus , ad mortem nascendo ² luendam .
 670 Hanc igitur legem , quam per se nemo resolvit ,
 Si merito & iuste positam impositamque ³ fatemur ,
 Cur querimur quod non omnes salvantur ⁴ ab illa ?
 Cum si progeniem super omnem irrupta maneret ,
 De cunctis iuste damnatis non quereremur .
 675 An quod de toto ferretur , non toleratur
 De parte ? & melius foret omnia debita cogi ,
 Quam summa ex solida clementer multa remitti ?
 Quis vero exemptus squalienti carcere pulset
 Invidia miserantis opem , quia non simul omnes
 680 In lucem veram tenebris eduxerit ⁵ iisdem ?
 Cum poenam qua merfus erat , non experiatur ,
 Quam misere ferat addictus , nisi liber ab illa .

Deni-

¹ qui nempe ita ratiocinantur . ² ad merendam mortem satis est natum esse . ³ iuste positam , & merito impositam , nempe cum comminatione poenae .

⁴ Al. solvantur , ex conjectura , ut nimirum respondeat superiori versiculo : quam nemo resolvit : & sequenti voci irrupta . ⁵ Al. eduxit .

Denique tuac illum socialem mente benigna
 Concipit affectum , quo submissa ¹ prece Christum
 Conciliet miseris , sucta qui nocte gravati 68
 Nulla gerunt vota effugii . Tantum nocet error ²
 Ut juvet errare , & veteris contagia morbi
 Tam blande obrepunt , ut quo languetur ametur .
 Unde ergo haec oritur querimonia? non movet illos
 Talis cura ; quibus necdum est sua poena dolori ; 69
 Et qui se nulla credunt a luce relictos ,
 Qui vero tenebris exempti in lumine vivunt ,
 Gaudent , & quantum sibi sit bonitate vocantis
 Dimissum , ex illis discunt qui debita solvunt .
 Vos igitur soli queruli , solique superbi : 70
 Vos soli INGRATI , ³ quos urit gratia : cujus
 Omne opus arbitrio vultis subsistere ⁴ vestro ,
 Et quod non cuncti mortales atria vitae
 Ingrediuntur , ita ex ipsis pendere putatis ,
 Ut

¹ Al. cum summa . ² In Resp. ad 6. cap. Gal-
 lorum idipsum s. Prosper ita describit : Amat ergo
 (id est liberum arbitrium) languores suos , & pro
 sanitate habet , quod aegrotare se nescit , donec
 prima haec medela conferatur aegrotis , ut incipiat
 nosse quod langueat , & possit opem medici desi-
 derare , qua surgat . ³ S. Aug. de Dono persever.
 cap. 8. Et gratis a Deo datur gratia , & iusto ejus
 in aliis iudicio demonstratur , quid iis , quibus da-
 tur , conferat gratia . Non itaque simus INGRATI ,
 quod secundum beneplacitum voluntatis suae , in
 laudem gloriae gratiae suae tam multos liberat mi-
 sericors Deus de tam debita perditione , ut si inde
 neminem liberaret , non esset injustus . ⁴ Al. con-
 sistere .

346 S. PROSPERI CARMEN

700 Ut tam ex iudicio ¹ constet cuiusque quod intrat ;
 Quam quod non intrat : ceu par in utrūque facultas
 Suppetat, & tam sit proprium bona quā mala velle ²
 I procul infana impietas , artesque malignas
 Aufer, & auctorem comitare exclusa ³ Britannum. 4
 705 Nos humiles tenuesque sumus, grex parvus, ⁵ & altis
 Inniti metuens , quia sufficientia nostra ⁶
 Ex Christo est : si quid recti ⁷ sapimus volumusque,
 Illi debemus , qui vincula nostra resolvit ,
 Proque malis bona restituit , non inveniēdo
 710 Quod merito legeret ⁸, sed donans quo legeretur ⁹,
 Ut de perceptis prodiret causa merendi :
 Deque datis in danda , gradus industria crescens
 Scanderet , atque bonum fieret Deus omnibus unū.
 Cur vero humani generis de germine toto
 715 Pars quaedā in Christo rursus generanda legatur, ¹⁰
 Pars pereat , cum causa eadē simul implicet omnes :
 Nec discernantur merito ¹¹, qui munere ¹² distant:
 Non satis audemus scrutari , nec per opertas
 Ire vias , callesque gradu pulsare remotos ,

Mul-

¹ electione . ² Vide superius v. 141. & 142.
³ eiecta ab Ecclesia . ⁴ Pelagium . ⁵ Luc. 12.
⁶ 2. ad Cor. 3. 5. ⁷ Al. recte . ⁸ eligeret .
⁹ nempe , Deus a nobis ; seu potius donans me-
 ritum , quo nos in tempore eligat : etenim fateamur
 oportet , bona , quae in nobis sunt , Non esse ex me-
 rito sumpta , sed ad meritum , ut idem s. Prosper su-
 perius cecinit in praef. ¹⁰ eligatur . ¹¹ ante fidem
 & gratiam comparato . ¹² dono gratiae .

Multa etenim bene reſta latent, neſcituque profunt: 710
Dum manſueta fides quaedam dilata modeſte
Sufſinet, & nullo ignorat non edita ¹ damno.

Sic quando electum ex cunctis populum Deus unū
Lege, ſacris, templo, unguento, ſignisque fovebat,
Quod fuit occultū²,mundique in fine ³ reſectum eſt, 725
Non oſerat neſcire, omnes quandoque vocandas
In regnum aeternum gentes, totumque per orbem
Donandum,quod ſpes parvae tunc plebis ⁴ habebat.

Sic poſtrema dies, qua mundi clauditur aetas,
Notitiae noſtrae non eſt data; nec tamen hujus 730
Secreti impatiens ſanctorum turba laborat.

Ipfā quoque humani generis carnalis origo,
Quam multas vario circumtegit ordine cauſas?
Cumque omnes de fermento producat eodem
Una manus, nec diverſis elementa parentum 735
Principiis coeant: limo procedit ⁵ ab uno
Diſpar opus, mutat numeros per vaſcula fictor,
Materiamque unam diſcernit jure creantis.
Ergo eadem natura animae, naturaeque carnis
Diverſis mundum ſub conditionibus intrat. 740

His regnare datum ⁶ eſt: illos ſervire neceſſe eſt:
Hos decor, & vires validae, viridisque ſenectus
Suſcipit ⁷: hos ſpecies inhonora, & debile corpus:
His

¹ non manifeſtata. ² Eadem ſ. Proſper ani-
madvertit in ep. ad Ruſinum ca. 16. ³ tempore no-
vae legis, quae ultima mundi aetas eſt. ⁴ gentis
Judaicae: ⁵ Al. procedat. ⁶ Al. His regnare
datum: aſt illos &c. ⁷ Haec, quae de multiplici
hominum ſtatu ſuaviter ſ. Proſper canit, ex ſ. Au-
guſtino mutuatus eſt lib. 4. contra Jul. cap. 3.

348 S. PROSPERI CARMEN

- His viget ingenium praeclaris artibus aptum :
 745 Horum tarda premit gelidus praecordia sanguis .
 Quosdam nec licitus calor incitat ad generandum :
 Ast alii insanum nequeunt frangere furorem ¹ .
 Hunc mitē & placidum tranquilla modestia comit :
Asperitas ² *istum genii intrastabilis urget* .
 His & mille modis semen variantibus unum ,
 750 Impariles subeunt distincta exordia formas ,
 Nec tamen haec inter tam compugnantia quisquam
 Arguit auctorem , qui secum continet ³ hujus
 Legem operis , dum judicio placita explicat aequo ,
 Et rerum causas obscurat iusta potestas ⁴ .
 755 Si terrenum igitur figmentum , addictaque morti
 Progenies , ita dissimili producitur ortu ,
 Ut cum operis species pateat , tamen edita non sit
 Norma voluntaris de qua venit hic modus impar :
 Quid mirum si consilii super omnia magni
 760 Arcanum latet , & placito subducitur alto ?
 Quod dū vana fluunt mundi , dum in corpore mortis
 Vivitur , & ponti expletur certamen agonis ,
 Non cognoscendum textit Deus , utiliusque
 Duxit , ad examen ⁵ quaedam velare piorum .

Non

¹ libidinis . ² Cum hic deesset quintae antithesis complementum Doctor Lovaniensis hunc apposuit non inelegantem versiculum . ³ apud se occultam tenet .

⁴ Quid sibi sit placitum Deus opere ostendit , cognoscere autem causas pro supremæ suae potestatis iure retinet apud se . ⁵ Non ut pii examinent , sed potius ut ipsi per illa a Deo examinentur ,

Non ergo instamus clausis , nec operta pro c aci 76s
 Urgemus cura ; satis est opera omnipotentis
 Cernere , & auctorem cunctorum nosse bonorum ;
 Quo sine nil rectum ¹ mens inchoat . Audeat amens
 Impietas tumido arbitrio subnectere ² causas
 Divinorum operum : nos cum manifesta videmus 77o
 Dona Dei , quorum est fons unus , summa voluntas ,
 Cum Paulo tremuisse juvat ³ , stupidumque modeste
 Invictum ad solium Christi suspendere nutum :
 Cujus judicium sic inscrutabile & altum
 Dicimus , ut verax prorsus fateamur & aequum . 77s
 Nam meritum ad mortē subeundam sufficit unum ;
 Ad vitam , nisi quod donarit gratia , nullum .

Tu vero o nova ⁴ gens , veteris quæ stirpe olcastri ⁵
 Velleris ⁶ , & sacrae ramis inolefcis olivæ ,
 Quaerere formatae sentis te frondis honorem 78o
 Non studio coepisse tuo , sed jure potentis
 Agricolaë insertam foecundo vivere ligno ;
 Vince superbiorum ⁷ flatus , & vana furentum :

Tom. III.

G g

Tur-

¹ Al. nil recti . Sed melius rectum , imitatur enim Virgilianum illud Georg. lib. 3. v. 42. Te sine nil altum mens inchoat . ² In Resp. ad 8. cap. Gallorum . Causas vero operum & judiciorum Dei , qui ex toto ad humanas voluntates & actiones refert.... & dispensationes Dei ex liberi arbitrii vult mutabilitate variari , proficitur sibi inscrutabilia judicia Dei &c. ³ Ad Rom. 11. 33. ⁴ Christianos compellat novam gentem ad comparationem populi Judaici . ⁵ avelleris . ⁶ Judaeos olivæ , Gentiles olcastro comparat Apostolus in ep. ad Rom. 11. 17. ⁷ Massiliensium Semipelagianorum .

350 S. PROSPERI CARMEN

Turbinibus stabili fortis pietate resiste .

- 785 Nec tibi fallacis ¹ subrepat imago decoris ,
 Nullum ex ² his errare putes. Licet in cruce vitam
 Ducant , & jugi afficiant sua corpora morte ,
 Abstineant opibus , sint casti , sintque benigni ,
 Terrenisque ferant animum super astra relictis :
 790 Si tamen haec propria virtute capeßere quemquam
 Posse putant , sitve ut dignus labor iste juvari ,
 Ingenium meruisse ajunt bona vera petentis :
 Crescere quo cupiunt minuuntur ; ³ proficiendo ,
 Deficiunt ; surgendo , cadunt ; currendo recedunt .
 795 Unde etenim vanè ⁴ frustra splendescere quaerunt ,
 Inde obscurantur : quoniam sua , laudis amore ,
 Non quae sunt Christi , quaerunt : nec fit Deus illis
 Principium : & capiti non dant in corpore regnum .
 Non horum ⁵ tēplo est Christus petra fundamētum :
 800 Sed super instabilem arbitrii nutantis arenam ⁶

Adfur-

¹ v. supra v. 130. ² Subaudi , ut : aut lege .
 Nullum ex his errare putes? Doctus Mangeant Ope-
 rum s. Prosperi editor dubitat num integer versiculus
 desideretur , quem ita supplet : Ut quia conspicuis
 sunt moribus , atque probatis , Nullum &c. ³ Vir-
 tutes nullas habet solidas , qui in se confidit & glo-
 riatur , non autem in Domino . ⁴ Al. varii . ⁵ Va-
 ria exprimit sacrarum litterarum loca 1. Cor. 3. 11.
 Fundamentum enim aliud nemo potest ponere
 praeter id quod positum est quod est Christus Jesus
 Eph. 2. 21. In quo omnis aedificatio constructa cre-
 scit in templum sanctum in Domino 1. Cor. 10. 14.
 Petra autem erat Christus . ⁶ Alludit ad locum
 Math. 7. 26.

Adfurgunt, foeda lapsuri mole tumoris.

Isti, quem quidam reprobarunt aedificantes, ¹
 Nunc etiam reprobant lapidem: pariesque sine ipso
 Tertius esse volunt ², quem nullo foedere nectat
 Angulus, & quem nulla habeat compago ligatum: ⁸⁰⁵
 Hi thalamum ad sponsi non perducuntur ³, & intrât
 Libertate sua: quae Christi gratia confert,
 Non acceperunt ⁴, & habent. Non attrahit illos ⁵
 Vis Patris ad Verbum, sed sponte & praepete cursu
 Praeueniunt cessantis opem: nec ad omne gerendum ⁸¹⁰
 Ejus egent, sine quo sibi plurima posse videntur, ⁶

G g 2

S. PRO.

¹ Ps. 117. v. 22. Matth. 21. 42. Act. Apost. 4. 11.
² Is. 28. 16. Ep. ad Eph. 2. 20. Ep. 1. Pet. 2. 6.
³ Cant. Cantic. 1. 3. Ps. 18. 6. ⁴ Contra vero
 Apostolus 1. ad Cor. 4. 7. Quid habes quod non ac-
 cepisti? ⁵ Contra Jo. 6. 44. Nemo potest venire
 ad me, nisi Pater, qui misit me, traxerit eum?
⁶ Contra ipsemet J. Christus apud Jo: 15. 5. Sine
 me nihil potestis facere.



S. PROSPERI

CARMEN
DE INGRATIS.

Pars IV. Semipelagianismi cum haeresi Pelagiana comparatio . Peccatum Adae nihil sanum reliquisse in humana natura ; & ne ipsam quidem miseriam suam posse illam agnoscere . Adserta in homine lapso primigeniae libertatis praerogativa Christus gratis fuisset mortuus . Mysterium incarnationis , & passionis Christi argumento esse debere gravissimae infirmitatis hominum , quibus ita mederi opus fuit . Ex eadem superbia , quam diabolus Adamo inspiravit , proficisci opiniones , quae arbitrii vires plus aequo extollunt . Gratiae Dei , ut principio , mutationem hominis non adscribere , plurium errorum esse germen . Sanctis non auferri causam coronae iustitiae si merita in eis oriuntur ex gratia . Per hanc gratiae praedicationem virtutum studium non minui . Pia ad Deum bonorum omnium datorem oratio , in qua carmen explicit .

Quid prodest verbis commentum Pelagianum
 Respuere , & sola damnatos plectere voce ?
 Cum , paucis squalida sublati de cute nervi ,
 Intima viperei foveantur viscera ⁊ sensus ? - 815
 O bene quod diri erroris malus ille magister

G g 3

Nul-

1 errores praecipui haereseos Pelagianae .

354 S. PROSPERI CARMEN

Nullo praelevit lethalia pocula melle :
Sed non ambigua infectum feritate venenum
Protulit , & gustu virus detexit amaro !

- 820 Nam si argumenti 1 primordia non onerasset
His 2 , quae discipuli 3 dempserunt callidiores ,
Innumeras dubio cepisset plasmate 4 mentes :
Quae dum multa vident informia limine in ipso ,
Horrida terrificae declinant atria mortis .
825 Nec jam 5 illis possunt adtriti illudere fures 6 ,
Quorum quo tendant artes , atque unde oriantur ,
Non dubiis promptū est cuivis cognoscere signis . 7
Non igitur cum damnatis 8 sentire videntur , 9
Cum dicunt mortem in cunctos transisse per unum
830 Primum hominem , cuius crimen resperferit ōnes :
Nec quēquā in vitā aeternam , nisi fonte renatum
Venturum : infantesque reos hoc munere solvi ,
Quos prima ad mortem generaliter edat origo . 10
Sed cum damnatis sapiunt , damnataque promunt
835 Cum dicunt , nihil esse animis per vulnus avirum
Detractum decoris , splendoremque omnibus illum
Nunc talem innasci , qualis fuit ante ruinam .

Hinc

1 *systematis* , seu potius *indivisus* . Al. argumentis . 2 *erroribus magis manifestis* . 3 *Massilienses* . 4 *figura artificiose ficta* . 5 al. tam .
6 *Pelagiani adtriti dicuntur quia pluries & peremptorie damnati* . 7 *ex Virgilio Georg. 4. v. 253. al. agnoscere* . 8 *Pelagianis* . 9 *Semipelagiani* . 10 *quae trahitur ab Adam ; seu quae est secundum carnem , secunda enim origo est regenerari in Baptismate* .

Hinc libertatem arbitrii discernere sano
 Posse oculo cordis, quicquid sit rite gerendum,
 Nec solum ad vitae praesentis commoda solers 840
 Sufficere ingenium, quo se tueatur & ornet;
 Sed summis etiam mentem aptam percipiendis,
 Aeternisque bonis, sponte ad coelestia ferri:
 Perq; viam ad Christum, quam fecerit ipsa, venire.

Hinc hominem multa recti assuetudine firmum 845
 Posse repugnare adversis, nec cedere poenis ¹,
 Quas superâdae animae per carnē admoverit hostis,
 Auxilio abscedente Dei, qui deserat apte,
 Utiliterque suos, ut de certamine agonis
 Quaesitas referant palmas: ne nulla piorum ² 850
 Sint merita, & verae priverentur laudis honore.

Si quod ³ naturae sensum noluntque voluntque,
 Praeceptisque tenent legalibus insinuatam, ⁴
 Divini auxilii manus hoc operetur in illis:
 Ceu solis Christi famulis ⁵ virtute carere 855
 Sit

¹ Cassianum notat, qui Jobum cruciatus suo corpori a diabolo inflictos superasse sine Dei auxilio effutiit. Vide lib. cont. Collat. cap. 15. ² Notatur idem Cassianus, qui loquens de Centurione ob fidem suam singularem laudato subdit: Nullius enim laudis esset ac meriti si id in eo Dominus quod ipse donaverat praetulisset. Al. Ne nulla. ³ Al. Sicut. ⁴ lumine naturali, praesertim vero a lege edocto & monito. ⁵ qui nimirum spiritu Dei aguntur. Sic in lib. cont. Collat. cap. 6. Nam si ideo non putanda est nostra, (voluntas) quia formatur, regitur, ordinatur, imbuitur; spoliantur libertate

356 S. PROSPERI CARMEN

Sit dignū, & non posse probos apprehendere mores,
Quos plerumque habeant etiam simulacra colentes.

Talia lingua procax cum verbis fundit ineptis,
Effuge tu nova gens ¹, hostiles effuge sensus,

360 Et procul a laqueis sapiens abjungere mortis.

Christus enim tua iustitia est, quo te duce oportet
Currere, ne cursus, Christo sine, sit vagus error.
Nemo etenim, nemo est ², qui nō cū vulnere primi
Sit patris genitus: quo vulnere mens prius intus

365 Percussa est, quā mēbra foris: cum mēte receptū est

Quod regione poli disiecta ³ superbia suasit.

Sic animus cui lumen erat de lumine summo,

Arbitrium involvit tenebris: & luce relicta

Consilio legit tetrae nigrescere noctis.

370 Nec jam captivos oculos extollere in altum

Sponte potest: ⁴ quoniā hoc etiam spoliante tyranno
Perdidit, ut quanto jaceat sub vulnere norit.

Si quid enim de principiis felicibus illi,

Et vita exilii superest prudenter agenda ⁵,

375 Hoc sanum, & quo nil fuerit sublimius in se

Credit, amatque suum mundi sapientia sensum ⁶,

Innu-

bertate FILII DEI, QUI AGUNTUR SPIRITU DEI; perdunt vigorem rationalis animi, & omni voluntariae devotionis laude privantur, quibus datur spiritus sapientiae &c.

¹ sic supra v. 778. ² ep. ad Rom. 5. 12. & 1. ad Cor. 15. 22. ³ in diabolo, & angelis ejus. ⁴ ad implorandam medici opem. ⁵ al. vitā agendā. al. ad vitā agendam, ex conjectura. ⁶ suum scire.

Innumeras sese claram mirata per artes ¹ :
 Quod conjecturis sublimibus abdita quaerit ,
 Quod meminit recte , sapit acriter , aestimat apte ;
 Quod studium fandi excoluit , quod legibus urbes ⁸⁸⁰
 Instituit , moresque feros ratione recidit ,
 Ut poenae metus officio certarit amoris .
 Jam cum exercetur numeris ² , ad sidera coeli
 Per cursus noscenda suos : & scire videtur
 Defectus Solis varios , Lunaeque labores , ³ ⁸⁸⁵
 Quam speciosa sibi est ? & quam vanescit in ipsis ?
 Quae licet ex primo naturae habeantur honore ,
 Non tamen ad veram possunt perducere vitam .
 Denique ab his praeceps in multas relligiones
 Decidit ⁴ , & factis haesit factore relicto . ⁸⁹⁰
 Nam

¹ Sic quoque in lib. cont. Collat. cap. 10. enumeratis quae supersunt ex reliquiis naturae a Deo conditae , subdit : Ergo quis ambigat hanc sapientiam humano generi ad temporalis vitae utilitatem , ex naturae a Deo conditae superesse reliquiis ? Si enim nec ad ista terrena ordinanda rationalis animi vigeret ingenium , non vitiata esset , sed extincta natura. ² *Studia mathematica indicantur , in quibus summopere sibi placere solent qui illis operam navant.*
³ *Versus ex Vergilio descriptus Georg. 2. v. 478. ubi vocem varios Servius ita explicat .* Atqui uno modo tantum sol deficere nobis videtur , tunc scilicet cum luna plena e regione ejus obstiterit radiis , & eos nobis fecerit non videri ; Unde varios accipimus defectus , non quia varia ratione contingant (nam ratio una est ut diximus) sed quia vel variis temporibus fiunt , vel varie ; interdum enim duobus , interdum quatuor , interdum pluribus deficit digitis . ⁴ *Astrorum contemplatio astrorum cultum*

358 S. PROSPERI CARMEN

Nam si nunc etiam illaesis ¹ vigor ille maneret,
 In quo insons natura fuit; sua quemque voluntas
 Conciliare Deo, poenaeque absolvere posset:
 Nequicquam Christus mortem moriendo piaret, ²
 895 Peccatum & mundi sanguis non tolleretur agni,
 Nec genus humanum generari rursus egeret
 Conditione nova: quoniam sapientia sana,
 Sana fides, sanum arbitrium, mens libera morbo,
 Vitam agerent dignam summorum participatu.
 900 Sed prostrata semel, quanto natura profundo
 Immerfa, & quantae sit mole oppressa ³ ruinae;
 Verbum homo fit, rerumque sator sub conditione
 Servilis formae dignatur virgine nasci,
 Inque infirmorum cunctos descendere sensus.

Vexa-

eum invexit, modo vero, moerentes dicimus, atheorum, & Materialistarum numerus crescit in dies ex studio physices, quod potius Creatoris sapientiam, & nostram prae brutis animantibus nobilitatem comprobabat, atque demonstrat: sed vani sunt omnes homines, in quibus non subest scientia Dei, & de his quae videntur bona non potuerunt intelligere eum, qui est, neque operibus attendentes agnoverunt quis esset artifex. Leges cap. 13. libri Sapientiae.

1 Al. illaesus, ex conjectura ex v. 551. ubi legitur: Mentis honorem illaesum. 2 Sic Ovvid. Metam. lib. 8. v. 483. Mors morte pianda est.

3 Al. ruinae? Sed rectius per ellipsin exponitur. Sic in lib. cont. Collat. c. 9. Nonne, inquit s. Prosper, ex ipsius remedii singularitate apertissime patet in quam profundum malum totius humani generis natura demersa sit illius praevagatione, in quo omnes peccaverunt?

Vexatur virtus , Sapientia ludificatur : 905

Iustitia injustos tolerat , clementia saevos :

Gloria contemptum subit , & tormenta potestas :

Inque crucis poenam nulli violabilis ¹ usquam

Vita agitur : cuius perimatur morte peremptor ² :

Iusto ut pro injustis effuso sanguine , sit mors 910

Unius infantis multorum vita reorum .

Hoc igitur pretio captivi cum redimuntur ,

Agnoscant quali conclusi carcere , quove

Obsessi fuerint morbo : quibus eripiendis

Succurri haud aliter potuit , quam morte medentis . 915

Et quia de magnis opibus nonnulla supersunt ,

Quae decorent nudos , & quae solentur egenos :

Non ita pro summis oblectent ultima lapsos ,

Ut de supplicio ³ tumeant : atque ordine verso ,

Quo sunt effecti miseri , sint inde superbi . 920

Aut cum hebetes visus , longa ex caligine tandem ,

In ⁴ coelum adtollunt , & vera luce fruuntur ;

Naturae hoc potius libertatique volendi ,

Quam

¹ nisi ipsemet voluisset. Al. umquam . ² Diabolus , qui Jo. 8. 44. homicida ab initio appellatur .

³ de reliquiis nempe primae integritatis , quae pro supplicio sunt si quis animadvertat quantillum de multis superfit , & quod ipsum hoc quoque sine auxilio Dei ad mortem non vero ad veram perducere vitam potest . V. sup. v.888. ⁴ unum aut alterum versiculum hinc excidisse patet ; quem defectum ita Gallus interpres supplevit . Doctor Lovaniensis hunc alium versiculum substituendum proponit : Erepti , accipiunt vero de lumine lumen .

360 S. PROSPERI CARMEN

Quam Christo tribuant : ne scilicet evacuetur
Arbitrii virtus , si desit recta legendi ¹ .

925 Hoc patribus ² primis mortis sator insinuatus
Consilio est : hac arte omnes prostravit in uno ,
Dum suadet multo praestantius esse , quod ipsis
(Non tribuente licet Domino) sponderet habendum
Prudens libertas , vetitoque instructa cupido :

930 Quae nunc per veteris serpens vestigia fraudis , ³
Deceptos simili studet inflammare furore :
Ut quoniam pulchrum est veris impendere curam ,
Iustitiaeque avidos bona nosse & velle salubre est :
Suadeat ingenio cujusque hoc lucis inesse ,

935 Ut naturali mens vivida mobilitate , ⁴
Non spirante Deo , Christi exardescat amore ,
Utque ita salvatrix nil gratia conferat istis ,
Sed referat : pretioque ⁵ bonos , non munere ditet .

His de seminibus multo jam plura oriuntur ,
940 Et frumenta inter primo turgentia lacte ,
Spinis fulta subit seges horrida zizaniorum .

Sed nos qui Domini semen sumus , agricolaeque
Stamus ope , & supera perflati vivimus aura ,

Vipe-

¹ eligendi . ² Adam & Eva . V. supra v. 21.
s. Leo M. serm. 62. De passione Domini 13. num. 1.
Libertatem itaque innocentiae naturalis , quam pri-
morum patrum (al. parentum) praevagatione
perdidimus . ³ idest , per quae vestigia veteris
fraudis nunc iterum serpens ille sator moris diabolus
studet inflammare deceptos simili furore . ⁴ Vid.
sup. v. 603. al. nobilitate , ⁵ mercede debita .

Viperei calicis ¹ gustum procul excutiamus :
 Divinique operis constanter confiteamur 945
 Figmentum nos esse novum , quod prorsus ab illa
 Stirpe vetustatis discretum est , atque recisum ;
 Et jam ² sit penitus carnalis originis exfors ,
 Qui membrū est Christi , capitisque in corpore vivit :
 A quo subjectos vigor omnis manat in artus ; 950
 Et sic quaeque suo vegetantur in ordine partes ,
 Ut quod agunt , & dispositis quod motibus explent ,
 Ex illo possint , qui summa atque ultima pacans ,
 Ut nos infereret summis , se miscuit imis .

Conticeant igitur , qui dicunt esse cavendum , 955
 Ne desit sanctis sumendae causa coronae , ³
 Si non ipsorum ⁴ bona repperiantur in illis .
 Hoc etenim tumida nimis impietate docentes ,
 Quid nisi iustitia nos , & virtute , Deoque
 Dispoliare volunt : ne lux in nocte coruscet , 960
 Languida ne in vires redeant , ne mortua vivant ?
 Sed nobis summo verorum a fonte bonorum
 Haurire haec , supero & semper splendore nitere ,
 Gloria sit ; non spes in foeni flore caduco .
 Sicut enim palmes nullos valet edere fructus ⁵ 965
 Non in vite manens , quae de radice ministra
 Succum agat in frondes , & musto compleat uvas :

Tom. III.

H h

Sic

¹ quem nobis diabolus propinat . ² Al. ut jam
 sit , ex conjectura . ³ ratio meritorum ac mercedis .
⁴ opera bona sine auxilio gratiae sibi comparata .
⁵ Ex Evang. s. Jo. cap. 15. v. 4.

362 S. PROSPERI CARMEN

- Sic infecundi virtutum, & fruge carentes
 Perpetui cibus ignis erunt : qui vite relicta
 970 Audent effusa de libertate comarum
 Fidere, ne Christi sint ubertate feraces :
 Et inage se credunt propriis excellere posse,
 Quam si virtutum placitarum ¹ sit Deus auctor :
 Viles ergo putent se ², deformesque futuros,
 975 Cum transformatis fiet Deus unica Sanctis
 Gloria : corporei nec jam pressura laboris ³
 Conteret incertos ⁴, sed in omnibus omnia semper
 Christus erit. Quod si pulchrum, & super omnia ⁵
 magnum est ;
 Cur pudet hac etiam fletus in valle potentes
 980 Esse Deo ⁶, minimumque operis mortalis ⁷ habere,
 Quod.

¹ quae Deo placent ; atque adeo, quas volentes amplectimur : seu mavis, quae secundum Dei beneplacitum dantur, quasi idem sint cum operibus bonis, quae praeparavit Deus ut in illis ambulemus. Eph. 2. 10. ² refutantur Massilienses ab absurdo. ³ Corpus enim, quod corrumpitur, aggravat animam. Sap. 9. 15. ⁴ incertos victoriae, perseverantiae, praemii. S. Leo M. de Apostolis loquens cum divinus magister Christus dixit eis : Unus vestrum me traditurus est Matth. 26. 23. Contristati sunt, inquit, non de conscientiae reatu, sed de humanae mobilitatis incerto, timentes ne minus verum esset quod in se quisque noverat, quam quod ipsa Veritas praevidebat. ⁵ in coelis nimirum degere sine corporis pressura &c. ⁶ sine quo nihil possumus facere Jo. 15. 5. & in quo possumus omnia. Philip. 4. 13. ⁷ idest cupiditatis, seu concupiscentiae, quam corpus mortis vocat Apostolus ad Rom. 7. v. 24. al. Esse Deo, nimiumque operis mortalis habere ?

Quod non est nisi peccatum ¹, quo discrucietur ²
 Libertas : ad quam solam ³ male gesta recurrunt : ⁴
 Et tamē in sanctos animum cum intendimus actus ;
 Cum desideriis carnis mens casta repugnat ;
 Cum tentatori non cedimus , & per acerbis 985
 Vexati poenas , illaeso corde manemus ,
 Libertate agimus ; sed libertate redempta . 5
 Cui ⁶ Deus est rector ; summoque ex lumine lumen,
 Vita , salus , virtus , sapientia , gratia Christi est ,
 Qua currit , gaudet , tolerat , cavet , eligit , instat , 990
 Credit , sperat , amat , mundatur , justificatur .

Si quid enim recti gerimus , Domine , auxiliante

H h 2

Te

¹ concupiscentia peccatum est quia a peccato exorta,
 & ad peccatum impellit . ² Unusquisque enim ten-
 tatur a concupiscentia sua abtractus & illectus Jac.
 1. 14. ³ a libero enim arbitrio solum pendet ut quis
 peccet . ⁴ Hor. lib. 1. ep. 10. Naturam expellas
 furca , tamen usque recurret . ⁵ Seu , ut inferius
 dicitur v. 1006. libera . Etsi enim libertas , idest fa-
 cultas ad opposita , seu eligendi unum prae alio , cui
 opponitur determinatio ad unum , amissa non est per
 peccatum Adae , ejus tamen status quod pertinet ad
 bonum velle , & perficere , non est ab impedimentis
 absolutus , & expeditus , quia est status servitutis
 peccati , a qua servitute non liberatur homo nisi per
 Gratiam . Arbitrium voluntatis tunc est vere libe-
 rum cum vitiis peccatisque non servit . Tale da-
 tum est a Deo , quod amissum , nisi a quo potuit da-
 ri non potest reddi . Unde Veritas dicit : Si vos
 Filius liberaverit , tunc vere liberi eritis . Sic idem
 s. Prosper in lib. sententiarum Sent. 152. ex s. Aug.
 de civit. Dei lib. 14. cap. 11. ⁶ Homini , cui Deus
 est rector , qui nimirum peccati servus non est , sed
 Dei , gratia Christi est etiam lumen , vita &c.

364 S. PROSPERI CARMEN

Te gerimus : tu corda moves : tu vota petentis
 Quae dare vis, tribuis ¹, servans largita creansque
 995 De meritis merita, & cumulans tua dona coronis.
 Non autem hoc curam minui, studiumque resolvi
 Virtutum, aut opus ingenii torpere putandum est,
 Quod bona sanctorum tua sunt: & quicquid in illis
 Aut sanum, aut validū est ², de te viget: ut videatur
 1000 Nil actura hominis, te cuncta gerente, voluntas:
 Quae sine te quid agit ³: nisi quo procul exulet a te?
 Praecipites semper calles, & devia motu
 Ingressura suo: nisi fessam tu bone & aegram
 Suscipias, referas ⁴, foveas, tuearis, honestes. ⁵
 1005 Tunc fiet cursus velox, oculique videntes,
 Libera libertas, sapiens sapientia, justum
 Judicium, & fortis virtus, & sana facultas.
 Hujus opis semper Pater indigeamus: ab ipsa
 Prodeat arbitrium ⁶ nostrum, nihil hac sine sensus
 Cor-

¹ Sic orat Ecclesia Dom. 9. post Pent. Ut petentibus desiderata concedas, fac eos, quae tibi sunt placita postulare. ² Sic Ecclesia Dom. 3. post Pent. Protector in te sperantium Deus, sine quo nihil est validum, nihil sanctum. ³ Al. quid agit? al. quid agat? ⁴ Alludit ad Evangelicam parabolam ovis deperditae, quam Pastor bonus humeris suis refert. ⁵ Alludit ad parabolam Patris familias filium prodigum ad se reversum stola prima honestantis. ⁶ Arbitrium pro libertate ponit, ut supra v. 633.

Corporei possint ¹, opus ut servile ² quiescat.
 Et tua dum in nobis agitur, non nostra voluntas,
 Legitima in sanctis ducamus sabbata festis. 3 10012

6. PROSPERI CARMEN DE INGRATIS

EXPLICIT FELICITER.

H h ; S. PRO-

¹ Al. possunt. ² *peccatum*, nam qui facit peccatum servus est peccati, *Jo.* 8. 34. ³ Observatione sabbati, quæ vacatione unius diei figurabatur, ablata, perpetuum sabbatum observat, qui spe futurae quietis sanctis est operibus intentus, nec ipsis bonis actibus suis, quasi de propriis, & de his quæ non acceperit, gloriatur; illum in se operari cognoscens, qui simul operatur, & quietus est. *Quæ est ejusdem s. Prosperi sententia 279. al. 278. ex lib. 4. s. Aug. de Gen. ad litt. cap. 13.*



S. P R O S P E R I

EPIGRAMMATON TRIAS

ADVERSUS MASSILIENSES.



C Armini *de Ingratis* tria solent adjungi Epigrammata, quorum duo titulum praeferunt: IN OB-
TRECTATOREM S. AUGUSTINI; tertium vero: EPI-
TAPHIUM PELAGIANAE, AC NESTORIANAE HAERE-
SEON. Garnerius in dubium revocare videtur an illa
duo S. PROSPER emiseric, sed nullum adfert suspicio-
nis suae momentum: contra vero eorum alterum sub
nomine PROSPERI Rhetoris citatur a Beda, & utrum-
que S. PROSPERO eruditi omnes, omnesque veteres,
& novae ejus operum editiones constanter adjudic-
cant. Rectius ambigitur quis ille fuerit S. AUGUSTINI
obtrektor, & an unus, idemque homo in utroque epi-
grammate refutetur. Si quam certam placet ex conje-
cturis personam inquirere, sunt qui unum Vincentium
Lirinensem, & qui unum Cassianum designari autu-
mant: sed primae sententiae adsertor prae ceteris
diligentior Antelmus adeo strenue a Jo. Salinas op-
pugnatur, & utriusque epigrammatis sententiae tam
bene Cassiano conveniunt, ut multo probabilius esse
videatur, quod contra Cassianum scripta sint. Cum
autem plane constet S. Augustino adhuc superstite
scripta fuisse, sed jam sene, in an. 436. referri fa-
cile possunt; tunc enim temporis Cassianus collatio-
nem suam x111. molitus est.

EPIGRAPHIUM NESTORIANAE, ET PELAGIANAE
HAERESION post an. Chr. 431. editum fuisse facilius
assequi possumus; hoc enim anno utraque haeresis in
Ephesina synodo proscripta est; quod epigrammati
argumentum praebuit.

S. PRO-

S. PROSPERI

EPIGRAMMATON TRIAS

ADVERSUS MASSILIENSES

IN OBTRACTATOREM
S. AUGUSTINI.

Scriptorem opus molientem adversus s. AUGUSTINUM, proposita rei impietate maloque successu, ab incepto absterret.

Quidam ¹ doctiloqui libros senis ² AUGUSTINI
Carpere, & adversum condere fertur opus.
Usque adeone bonū ingenium, & facundia dives. ³
Ostentare artem non aliter potuit;
In nova prostratas acies ⁴ nisi bella cieret,
Impiaque extinctis hostibus ⁵ arma daret?

Haec

¹ Forte Cassianus, quem s. Prosper etiam in libro contra eundem scripto non ex proprio nomine, sed ex titulo operis indigitare maluit. ² De Augustino tamquam adhuc superstite loqui videtur, & senem vocare aetatis ergo non dignitatis. ³ Cassiano haec optime conveniunt. Idem s. Prosper in Chronico-Theodosio XIV. & Maximo Coss. Joannes monachus cognomento Cassianus Massiliae insignis & facundus Scriptor habetur. ⁴ Pelagianorum. ⁵ Leges similia in Carmine De Ingratis, & sic quoque de Massiliensibus s. Prosper loquitur in lib. contra Collatorem cap. 1. In eum statum deducere causam Ecclesiae moliantur, ut dum nostros affirmant non veraciter pro gratia esse locutos, inimicos gratiae persuadeant iniuste esse damnatos.

Haec pugna , incentor , mors est tua : te stilus ¹ iste
Conficit , & verbis perderis ipse tuis .

Dumq; doces quantū valeat mens libera , monstras
Velle tuum tibimet sufficere ut pereas .

Verte gradum , fuge perniciem : stratosque rebelles
Oris apostolici ² fulmine ubique vide .

Nec te mutato defendi nomine ³ credas :

Si pastorem ⁴ ovium laedere vis , lupus es . ⁵

IN

¹ *Ludit in aequivoco : vox enim stilus tum scribendi , tum ferendi instrumentum significat .* ² *Innocentii , & Zosimi sententiis .* ³ *Cassianus s. Augustini doctrinam oppugnandam suscepit collat. 13. non suo loquens nomine , sed Abbatem Chaeremonem introducens de Gratia Dei , & libero arbitrio hominis differentem .* ⁴ *nempe Augustinum : sic autem etiam in lib. cont. Collat. cap. 21. Praecipuum , inquit s. Prosper , nostro tempore in Doctrina Ecclesiastica virum rabido ore discerpunt , creduntque se omnia auctoritatum munimina posse convellere , si hanc Pastoralis speculae validissimam turrim crebra Pelagiani arietis illusione pulsaverint .*

⁵ *Mordet acriter Massilienses s. Prosper etiam in lib. contra Collat. cap. 21. Quod ne hypocritarum obtineatur insidiis , confidimus Domini protectione praestandum , ut quod operatus est in Innocentio , Zosimo , Bonifacio , Coelestino , operetur in Xisto ; & in custodia Dominici gregis haec sit pars gloriae huic reservata pastori , ut sicut illi lupos abegere manifestos , ita hic depellat occultos .*

IN EUMDEM AUT ALIUM QUEMPIAM
S. AUGUSTINI OBTRACTATOREM.

Cum scriptum quoddam serperet adversus s. AUGUSTINUM ejus auctorem suspicionibus s. PROSPER onerat, & eidem s. Doctoris refutationem minitatur.

Contra AUGUSTINUM narratur serpere quidam

Scriptor, quem dudum livor adussit edax:

Qui ¹ caput obscuris contextu utcumque ² cavernis,

Tollere humo miserum perpulit anguiculum. ³

Aut hunc fruge sua aequorei pavere Britanni, ⁴

Aut huic Campano gramine ⁵ corda tument.

Quae concepta fovet, promat: quae parturit, edat:

Seu vetere armatur dogmate ⁶, sive novo. ⁷

In

¹ Livor. ² Sic s. Hieronymus lib. 1. adversus Jovinianum: de tenebrosis, inquit, latebris ejus, quasi de foveis sententias protraham, neque sinam venenosum caput spiris maculosi corporis protegi. Orosius vero lib. 2. Apologetici de ipsis Pelagianae haereseos doctoribus loquens, serpentes vocat, quum tuendi solius capitis causa reliquum concisioni, atque iniuriae corpus exponunt, nihil damni arbitrantur, ea tantum sui parte a periculo libera, quae multimodas, venenatasque in se obinet linguas, si etiam membris omnibus amputentur. ³ Sancti Augustini obtractatorem anguiculum, deinde vero viperam vocat. ⁴ aut est Pelagii erroribus imbutus. Porro notandum quod oriundus erat Pelagius ex Britannia aequorea, id est insula, non autem ex ea, quae in continenti est, & minor dicitur. ⁵ Poetice, ut significet, aut est Juliani Eclanensis Episcopi in Campania sectator & cujus nempe ratiunculis praecipue decepti sunt Massilienses, ut constat ex eodem s. Prospero in ep. ad s. Augustinum cap. 3. nec non ex lib. cont. Collat. cap. 21. ⁶ Pelagiano.

In quoscumque sinus spirarum torqueat orbés ,¹

Et fallax multa contegat arte caput ;

Currentem adtritós super aspídas & basiliscos²

Declinare senem³ vípera non poterit .

EPI-

¹ Ironice Cassianum suggillare videtur , qui novum systema molitus est , ut constat ex definitionibus ab eo propositis Collat. XIII. et a s. Prospero confutatis in libro contra Collatorem .

² Alludit ad operis indolem , ut enim anguis proprium est per spirarum sinus ducere corpus nec tamen caput obducere , ita scriptor praecipuum Pelagianae haereseos germen servabat , plures licet alios ejus errores se reiicere profiteretur . Porro Cassani machinas vdvversus s. Augustini doctrinam innotuisse s. Prospero ante editionem Collationis XIII. constat ex epístola ipsius Prosperi ad Rufinum scribentis cap. 5. Molesté ferunt , quod his quae adversum excellentissimae auctoritatis virum asseruere inter multas COLLATIONES , resistimus . Et in lib. cont. Coll. cap. 14. Quis , inquit , haec praedicari a catholicis crederet , nisi quae in COLLOQUUTIONIBUS DOMESTICIS saepe defensa sunt , etiam scripta legerentur ? ³ super plurimas nimirum haereses , haereticosque , quos s. Augustinus oppugnavit & profligavit . Erat igitur adhuc superstes s. Augustinus , sed jam grandaevus aetate , qualem oppugnare eum coepit Julianus , de quo s. Fulgentius haec tradit in libro contra Faustum : nec illi sufficiebat paternae nobilitati , Aemiliorum fasces admovisse , quos haeresi degeneré turpiter maculavit . Seniore (al. Senem) Augustinum , ut clarior fieret , juvenili calore aggressus sed repressus , tantam sibi conciliavit per orbem terrarum invidiam , quantam sibi apud omnes statuerat facere claritatem , & quod in occasionem gloriolae arripuerat , subsannante Domino versum est in opprobrium .

EPITAPHIUM NESTORIANAE
ET PELAGIANAE HAERESEON. 1

*Inducitur haeresis Nestoriana suum & Pelagianismi
exterminium deplorans, & Semipelagianos tam-
quam sui & Pelagianismi fautores suggillat.*

Nestoriana lues successi 2 Pelagianae,
Quae tamen est utero praegenerata 3 meo.

Tom. III.

I i

Infe-

1 Duo erant Nestoriana haereseos summa capi-
ta: 1. in Christo duas esse personas aequae ac sunt
duae naturae: 11. non ab ipso conceptu Deum-homi-
nem extitisse, sed divinitatem fuisse illi conlatam pro
meritis. S. Prosper in Chronico - Felice, & Tauro
Coss. Nestorius Constantinopolitanus Episcopus
novum Ecclesiis molitur errorem inducere, praedi-
cans Christum hominem tantum, non etiam Deum
natum, eique divinitatem conlatam esse pro me-
rito. Itaque Nestoriana haeresis, & Pelagiana in hoc
consentiebant, quod illa affirmaret J. Ch. labore, ac
operibus suis divinitatem promeruisse, haec autem ho-
mines ex studio & ex meritis arbitrii mereri gratiam
& praedestinationem. Nec putes unum sine altero stare
facile posse; cum enim Praedestinatio Sanctorum in
Deo homine J. Ch. maxime praefulgeat, si destruat-
ur in capite destruitur etiam in membris, & qui in mem-
bris fateri illam nolunt, qualem fatetur Ecclesia, in
Nestorianos errores facile prolabuntur. Contigit hoc
olim Leporio, recens vero Isaaco Berruyerio; sed
ille a Gallis doctoribus admonitus, & per Augusti-
num emendatus libellum emendationis, seu satisfac-
tionis edidit, cui utinam parem & hic fecisset.

2 Leporius Monachus; teste Jo: Cassiano lib. 1.
de Incarn. cap. 4. & 5. ex Pelagii pravitate, vel in-
stitu-

Infelix miserae genitrix & filia natae ¹ ,

Prodivi ex ipso germine ² quod peperit .

Nam fundare arcem meritis prior orsa superbis ,

De capite ad corpus ³ ducere opus volui . ⁴

Sed mea dum proles ⁵ in summa armatur ab ⁶ imis .

Congrua bellandi tempora non habui :

Et

stitutione Nestorianam haeresim omnium primus menditatus est circa an. Ch. 426. cum scilicet Pelagiana haeresis ubique gentium damnata jam fuerit ab an. 418. & licet illam flebilibus confessionis , ac planctus litteris ad omnes Galliae civitates missis emendaverit , Nestorius tamen Constantinopolitanus Episcopus circa an. 429. tanta audacia restauravit , ut ab eodem Nestoriana dicta fuerit . En qua ratione Nestoriana lues successit Pelagianae . Nec officit Garnerii animadversio , quod scilicet deliria Samosateni a tertio saeculo Nestorianae haeresi praeluserint , aut eorum opinio , qui Leporii lapsum ante an. 418. consignant ; facile est enim reponere , quod tamen Nestoriana haeresis tunc solum erupisse visa est cum Nestorius eam pervicaciter docere , ac propugnare aggressus est . 3 Al. progenitata .

¹ genitrix , quia ex illo Nestorianae haereseos capite , quod homo Christus pro meritis suis divinitatem assecutus sit , Pelagiana haeresis consequenter stabilitur , quae homines gratiam , & praedestinationem sibi comparare defendit : nata , quia Nestorius suam illam haeresim propugnare coepit post Pelagianorum damnationem . ² ex errore Pelagiano .

³ a Christo ad Fideles . ⁴ volui primum adstruere Christi electionem ex praeviis arbitrii meritis , ac tum idem inferre de ceteris hominibus : quia nimirum electio Christi exemplar est electionis , qua Deus elegit nos in ipso ante constitutionem mundi Eph. 1. 4. unde hoc argumento non semel urget Pelagianos 3. Augustinus . 5 haeresis Pelagiana . 6 Stabilita enim electorum praedestinatione ex meritis arbitrii idem de Christo concludere ausus est Leporius .

Et confanguineae post tristia vulnera ¹ fraudis ,
 Aspera conferui praelia fine pari .
 Me tamen una dedit victam sententia ² letho ,
 Illa volens iterum surgere ³ , bis cecidit ⁴ .
 Mecū oritur ⁵ , mecū moritur ⁶ , mecūque sepulchrū
 Intrat , & inferni carceris ima subit .

I i 2

Quo

¹ ab Africanis Conciliis inflicta . nec non ab Innocentio , & Zosimo Romanis Pontificibus &c.

² in Concilio Ephesino . Congregata apud Ephesum plus ducentorum Synodo Sacerdotum , Nestorius cum haeresi nominis sui , & cum multis Pelagianis , qui cognatum errori suo juvabant dogma , damnatur . Sic idem s. Prosper in Chronico ; & in lib. cont. Collat. cap. 21. de s. Caelestino loquens : Per hunc virum , inquit , etiam Orientales Ecclesiae gemina peste purgatae sunt , quando Cyrillo Alexandrinae urbis Antistiti ad exsecandam Nestorianam impietatem , Apostolico auxiliatus est gladio , quo etiam Pelagiani , dum cognatis confederantur erroribus ; iterum prosternerentur .

³ Juliani potissimum opera , suppetias ferente Nestorio . Nam quod Pelagiani novas turbas tunc temporis ciere tentaverint , constat ex epistola Theodosii ad s. Augustinum vocantis illum ad Synodum Ephesinam , nec non ex epistola Capreoli Chartaginensis Episcopi ad eandem Synodum , & ex relatione quam eadem sancta Synodus ad Caelestinum Papam transmissit . ⁴ primum per Innocentium , & Zosimum cooperantibus Africanis Conciliis ; iterum vero in Ephesina Synodo . ⁵ etenim eodem fere tempore utraque haeresis in lucem prodiit cum una sine altera vi systematis stare nequeat . ⁶ In Synodo Ephesina ; licet enim haeresis Pelagiana damnata jam fuerit , aliquam tamen servabat vitam in nonnullis Episcopis , quorum audacior Julianus in libello Fidei ad Apo-

Quo nos praecipites insana superbia merfit ,

Exutas donis , & tumidas meritis ?

Nam Christum pietate operum & mercede , volētes

Esse Deum ¹ , in capitis foedere non steterimus :

Sperantesque animi de libertate coronam ² ,

Perdidimus quam dat gratia iustitiam .

Quique igitur geminae miseraris busta ruinae ,

Ne nostro exitio consociare , cave .

Nam si quae ³ Domini data munera serò fatemur ,

Haec homini credis debita , noster eris . ⁴

S. PRO-

Apostolicam Sedem plenarium Concilium postulaverat . Si aliquis voluerit contra eos scandalum concitare , certa sit Sanctitas Vestra nos ad audientiam plenariae Synodi provocare . Sed occlusum est illi os in Ephesina Synodo , in qua conclamatum est : (Act. 5.) Anathematizamus autem , & Apollinarium , & Arium , & Eunomium , & Macedonium , Sabellium , Photinum , Paulum , & Manichaeos , & quamcumque aliam haeresim , & praeter hos insuper novarum blasphemiarum inventorem Nestorium , & qui ei communicant , & consentiunt , & eos , qui Caelestii , vel Pelagii placita sequuntur , quorum dogmata numquam suscepimus , neque nunc per poenitentiam mutata voluntate nos recipimus ad recte sentiendum , sed , ut dixi , in rectis , & Apostolicis Ecclesiae dogmatibus enutriti sumus .

¹ quae est haeresis Nestoriana . ² quae est haeresis Pelagiana . ³ Semipelagianos suggillat , & praecipue Cassianum . ⁴ Ex Virg. Aen. 2. v. 149. ad quem ita Servius . Sunt , ut habemus in Livio , imperatoris verba transfugam recipientis in fidem : Quisquis es noster eris .

S. P R O S P E R I

EPIGRAMMATON

EX SENTENTIIS S. AUGUSTINI

S P I C I L E G I U M.



INter opera S. PROSPERI liber exstat sex supra centum continens Epigrammata, quorum singulis selecta praepositur sententia aut de verbo ad verbum descripta ex s. AUGUSTINO, aut sensuum ipsius sancti Doctoris vim exhibens, in cuius libris versandis exercitatus fuisse s. PROSPERUM manifestissime apparet. Hinc Spicilegium hoc venit, in quo epigrammata illa colligere aequum bonumque duximus, quae propius pertinent ad Gratiae, & Praedestinationis doctrinam. Quo tempore librum illum S. PROSPER ediderit, incertum; sed in epigrammatis LXV. & LXVI. Eutychianos impugnare videntur, unde non incongrue conjicitur referendum esse ad tempora Chalcedonensis Concilii, quod celebratum est an. Ch. 451. Illi in pluribus mss. Codd. praefixi leguntur sequentes veteris Scholiastae versus, quos alii ediderunt sed non emendatos.

*Haec Augustini ex sacris epigrammata dictis
Dulcisono rhetor componens carmine Prosper.
Versibus hexametris depinxit pentametrique,
Floribus ex variis ceu fulget nexa corona.
Unde ego te, Lector, relegis qui haec sedulus, oro
Intentas adhibere sonis caelestibus aures:
Istic nam invenies, animum si cura subintrat,
Maxime quid doceant sacrae moderamina legis
Observare homines; vel quid sibi maxime vitent,
Sidereum caeli cupiunt qui scandere regnum.*

S. PROSPERI
EPIGRAMMATON
EX SENTENTIIS S. AUGUSTINI
SPICILEGIUM.

I.

DE QUAERENDO DEO . Ep. 9.

*Deum quaerens , gaudium quaerit . Sic ergo quaerat ,
ut non in se , sed in Domino gaudeat . Accedendo
enim ad Deum ¹ illuminatur ignorantia , &
corroboratur infirmitas , data sibi & intelligentia
qua videat , & caritate qua serviat ² .*

Scire Deum cupiens , gaudere , & vivere quaerit ,

Si verum , & summum norit amare Deum ³ .

Cui tribuat quidquid recte sapit , optat , agitque ,

Et sine quo carnis gloria pulvis erit .

Non ergo in quoquam sua munera deserit auctor ;

Perque suum Dominus se manifestat opus .

Inque illis habitat dives penetralibus hospes

Quae gaudent hoc se comita ⁴ , quod ipse dedit .

I I.

DE JUSTITIA ET GRATIA . Ep. 16.

*Duae sunt retributiones justitiae , cum aut bona pro
bonis , aut mala redduntur pro malis . Tertia est
retributio gratiae , cum per regenerationem remit-
tuntur mala , & retribuantur bona : atque ita ma-
nifesta-*

¹ Al. ad Dominum .

² Al. qua ferveat .

³ Al. amare bonum .

⁴ ornata . Al. hoc se

cuncta .

nifestatur , quia universae viae Domini : misericordia & veritas . Illam autem impiorum retributionem , qua pro bonis mala restituunt ² , Deus nescit : qui nisi ³ retribueret bona pro malis , non essent , quibus retribueret bona pro bonis .

Justitiae merces gemina est , vel cum bona rectis ;
Vel pravis digne cum mala restituit .

Salvatrix autem cunctorum gratia Christi ,

Non pensans meritum , diluit omne malum :

Credientesque omnes renovans baptismo sacro ,

Dat bona , quae propter det meliora bonis .

I I I.

DE CARNIS CUPIDITATE VINCENDA . Ep. 18.

Nemo est , cujus ⁴ animam corruptibile corpus , & inhabitatio terrena non aggravet . Sed admitendum est , ut cupiditates carnis spiritus vigore superentur : & interior homo , qui sibi semper sentit resisti , semper se divino ⁵ expectet auxilio adjuvari .

Nulla anima est , quae non mortali carne gravetur ,

Nec ⁶ de corporea conditione gemat .

Sed confirmare invalidam , & frenare rebellem ;

Legitimum & proprium est metis opus dominae :

Quae jus ⁷ naturae , ut moderamine temperet aequo ,

Et subdat sceptris noxia quaeque suis ,

Auxi-

¹ al. sunt misericordia &c. ² al. restituuntur . al. qua bonis mala &c. ³ al. quia nisi . al. quia nisi Deus . ⁴ al. animum . ⁵ al. expectat .

⁶ al. Nec quae . ⁷ al. vis .

Auxilium a Domino , & vires perat , ut valeat se
 Vincere , nec 1 sensus incitet ipsa suos .
 Nam nullos 2 famulae poterit compescere motus ,
 Ni fuerit Christi semper amore potens .

IV.

DE ADJUTORIO DEI Ep. 12.

*Divini est muneris , cum & 3 recta cogitamus , & pe-
 des nostros a falsitate & injustitia continemus .
 Quoties enim bona agimus , Deus in nobis 4 , at-
 que nobiscum , ut operemur , operatur 5 .*

Non dubie nostri Deus est & rector , & auctor ,
 Cum toto affectu , quae bona sunt , gerimus .
 Ex operum specie clarebunt intima cordis :
 Quisve 6 hominis mentem spiritus intus alit . 7
 Sanctus enim sanctos facit : & de lumine lumen ,
 Exoritur : nullus fit bonus absque bono . 8

V.

DE PROFICIENDO Ep. 27.

*Nemo tam eruditus 9 , nemo tam doctus est , qui
 superna illustratione non egeat . Non enim ita ul-
 la 10 divinarum bonorum augmenta sufficiunt , ut*
 non

1 al. ne . 2 al. nullus . 3 Al. cum recte .
 4 Al. nobiscum est . al. in nobis est . 5 al. no-
 biscum operatur ut operemur cum illo . 6 al. Qui-
 ve . al. Quidve . 7 al. alar . al. agat . 8 al. abs-
 que Deo . 9 Al. Nemo est tam doctus , & nemo
 est qui &c. 10 Al. ulli .

*non semper supersit aliquid, quod mens rationalis
& intelligendum desideret, & gerendum* ¹.

Doctrinae Domini penetralia tempore in isto

Ad plenum nulli pervia sunt homini.

Semper enim Sanctis superest, quo crescere possunt,

Et perfectorum gloria principium est.

Virtutem virtus pariat, de lumine lumen

Prodeat, atque omnis ² palma gradum faciat.

Nā cur non cupide mens quaerat, quae Deus offert,

Cui, danda ut recte posceret, ipse dedit?

VI.

DE DUPLICI OPERE DEI. Ep. 28.

*Si omnes homines simul consideremus, quorum alii
misericordia salvi fiunt, alii veritate damnantur:
universae viae ³ Domini, id est, misericordia & ve-
ritas, suo fine distinctae sunt. Si autem solos san-
ctos intueamur, non discernuntur hae viae Domi-
ni. Individua enim ibi est & a misericordia veri-
tas, & a veritate misericordia: quia beatitudo
sanctorum & de munere gratiae est, & de retribu-
tione iustitiae.*

Omnibus in rebus geminum est opus omnipotentis;

Totum iustitia est quod gerit, aut pietas:

Quae simul in terris descendunt lucis ab arce,

Ne cuiquam parti desit utrumque bonum.

Et

¹ Al. & agendum. ² Al. hominis. ³ al. om.
Domini.

Et quoniam cuncti auxilio miserantis egemus,
 Praecedit semper gratia iustitiam
 Damnantem elatos, salvantem iustificatos,
 Quos Deus & donis auxerit, & meritis.

VII.

DE ADJUTORIO DEI. Ep. 31.

*Ad caelestis Hierusalem consortium non ascendunt,
 nisi qui toto corde ¹ profitentur, non proprii operis,
 sed divini esse muneris quod ascendunt.*

Caelestem ² ad patriam tēdens cognosce vocantem,
 Cujus proveheris, si bene curris, ope,
 Nam si te virtute tua ad caelestia credis;
 Scandere, de superis pulsus ad ima cades. ⁴

VIII.

DE PATIENTIA FIDELIUM. Ep. 33.

*Tota Fidelium salus, tota patientiae fortitudo ad
 eum, qui in Sanctis suis est mirabilis, referenda
 est: quia nisi in illis Deus ⁵ esset, furori impio-
 rum fragilitas humana succumberet.*

Cum constans anima adversis non frangitur ullis,
 Et fidei virtus intemerata manet;
 Norit inesse sibi Dominum patientia fortis,
 Inque ejus donum, quod steterit, referat. Nam

¹ al. confitentur. ² al. Aeternam. ³ al. credas. ⁴ al. cadis. al. ruis. ⁵ Al. Dominus.

Nam quod non cecidit , propriis si viribus aptat ;
Hoc ipso , quo 1 se stare putat , cecidit .

I X.

DE JUSSIONIBUS DEI . Ep. 39.

Nihil Deus jubet quod sibi proffit , sed illi , cui jubet ; ideo 2 verus est Dominus ; qui servo non indiget , & quo 3 servus indiget .

Non ideo quidquam mandat Deus , ut sibi proffit ,
Nec servi officio verus eget Dominus ,
Cujus praeceptis augetur , qui famulatur ,
Fitque minor quisquis negligit imperium .
Nā Deus omnipotēs , simul omnitenensque potestas ,
Nil perdit proprium 4 , nil capit occiduum .
Numquam non habuit quod habet , dans quidquid
haberi
Poderit 5 , & sumens non nisi quod dederit .

X.

DE LEGIS LITTERA . Ep. 43.

*Legis littera , quae 6 dicit non esse peccandum , si spiritus vivificans 7 desit , occidit : scire enim peccatum facit potius , quam 8 cavere . Et ideo magis 9 au-
geri ,*

1 Al quod . 2 Al. om. ideo . 3 Al. sed quo .
4 Al. Nil recipit varium . Al. Ipse sibi summum
perpetuumque bonum . 5 Al. Proffit , & acci-
piens &c. 6 al. docet . 7 al. vivificare . 8 al.
scire . . cavere . al. sciri . . cavere . 9 al. magis
facit .

*geri, quam minui: quia malae concupiscentiae
etiam praevaricatio legis accecit.*

Index peccati lex est plectenda vetando,
Quae, nisi cor mundet spiritus, interimit,
Nullus enim est insons sola formidine poenae,
Qui sanctum & iustum non amat imperium.
Hunc tamen affectum ¹ non lex, sed gratia confert,
Quodque jubet legis littera, velle facit.

XI.

DE LEGE ET GRATIA. Ep. 44.

*Lex data est, ut gratia ² quaereretur, & gratia data
est, ut lex impleretur. Neque ³ enim suo vitio non
implebatur, sed vitio ⁴ prudentiae carnis: quod vi-
tium per legem demonstrandum, per ⁵ gratiam sa-
nandum fuit.*

Non servit iussis legis prudentia carnis,
Peccati stimulos nec superare potest.
Sed quia mens anceps patitur mala corporis aegri,
Quaerere divinum cogimur auxilium.
Lex igitur facit, ut poscatur gratia Christi,
Ardua quâ legis iussa queant fieri.
Nec jam ⁶ non valeant carnales vincere sensus ⁷,
Quos justae legis conditor ipse juvat.
Tom. III. K k DE

¹ al. effectum. ² al. gratia Christi. ³ al. Ne-
que enim erat suo vitio quod non &c. ⁴ al. sed
ex vitio. ⁵ al. & per gratiam. ⁶ Al. Ne jam.
⁷ al. carnalem vincere sensum.

XII.

DE PROMISSIONE DEI. Ep. 45.

Hoc promittit Deus ¹, quod ipse facit. Non enim ipse promittit, & alius ² facit: quod jam non est ³ promittere, sed praedicere. Ideo ⁴ non ex operibus, sed ex vocante, ne ipsorum sit, non Dei: & merces non imputetur secundum gratiam ⁵, sed secundum debitum, atque ita gratia jam non sit gratia.

Quae ⁶ Deus omnipotens promittit, perficit ipse.
 Nec proprium externis viribus implet opus.
 Hinc secura fides sperat, quod credit, amatque
 Auctorem, qui quod spondet, & ⁷ efficiet.
 Nam, si quae Dominus promittit, non operatur;
 Sed solum humanum praevidet arbitrium:
 Non haec dona ejus, sed sunt praedicta vocanda;
 Ceu quisquam ex proprio sit bonus absque Deo.
 Quod quia non recipit pietas, veroque repugnat;
 Gratia nos reparet, gratia justificet:
 Quae sic in cunctis implet sua dona vocatis,
 Ut quorum dux est, fiat & ipsa comes.

DE

¹ Al. Hoc quod promittit Deus, ipse facit.

² Al. aliud. ³ Al. esset. ⁴ Al. Ideo homines non sunt boni ex suis operibus, sed ex Deo vocante. Al. ne ipsorum sit bonitas, sed Dei. Al. ut nec bonitas ipsorum sit, sed Dei. Al. Non ex operibus justificantur homines, sed ex... ne ipsorum sit justificatio, & non Dei. ⁵ Al. & merces non imputetur secundum debitum, sed secundum gratiam; & reliqua omittuntur. ⁶ Al. Quod.

⁷ Al. id.

XIII.

DE FIDELIUM CULPIS, ET INFIDELIUM
BONIS. Ep. 46.

*Sicut non impediunt ab aeterna vita justum quaedam
peccata venialia, sine quibus haec vita non duci-
tur: sic ad salutem aeternam nihil prosunt impio
aliqua bona opera, sine quibus difficillime vita cu-
juslibet pessimi hominis invenitur.*

Ut quaedam tenues maculae in splendore piorum,

Major virtutum quas vacuat numerus,

Aeternae donis nequeunt obfistere vitae;

Nec merita obscurat grandia culpa levis:

Sic aliquid plerumque boni pars impia gestat;

Magni mole mali quod facile obruitur.

Nec prodest quiddam recti sapuisse malignis;

Si verum & summum ¹ non coluere Deum.

Una fides igitur, spes una est, atque amor unus,

Quo fiat justus, sitque beatus homo.

Nam bona, quae pravis naturae ex dote supersunt,

Augent peccati pondera, non minuunt.

XIV.

DE MALAE VOLUNTATIS EFFECTU. Ep. 47.

*Cum voluntas mala potestatem accipit efficiendi quod
cupit, ex judicio ² Dei venit, apud quem non est*
K k ² ini-

¹ Al. & sanctum. ² Al. add. justo.

iniquitas . Punit enim etiam isto modo , nec ideo injustè ¹ quia occulte . Ceterum iniquus puniri se ignorat , nisi cum manifesto supplicio senserit nolens , quantum mali sit , quod perpetravit volens .

Cum datur injusto peccandi optata potestas ,
 Ut mala mens , prave quod cupit , efficiat :
 Ira Dei magna ² est , qua multos sic quoque punit ,
 Ut quibus exsultant , criminibus pereant .
 Crescit enim occulte cum longo poena reatu ,
 Ausibus illicitis si nihil obstiterit .
 Et magis , erranti ne parcant flagra , timendum est ,
 Quam ne non fiat , quod voluisse nocet .

XV.

QUALES NOS DILIGAT DEUS ³ . Ep. 56.

Tales nos amat Deus , quales futuri ⁴ sumus ipsius dono : non quales sumus nostro merito .

Tales a Domino , quales formamur , amamur :
 Non quales nostris extitimus meritis .
 Sanctificet , doceat , plantet , riget , excolat , ornet .
 Et sibi perpetuo quod placeat , faciat .
 Nam nihil est hominis , quod digne possit amari ;
 Perficiat proprium ni bonus auctor opus .

DE

¹ Al. injuste est . al. al. facit injuste . ² Al. Ira est magna Dei . ³ Al. Deus amet . ⁴ Al. quales facti sumus dono ejus , non quales facti sumus .

XVI.

DE PRINCIPALI RERUM OMNIUM

CAUSSA . Ep. 58.

*Voluntas Dei est prima , & summa caussa omnium
corporalium , spiritualiumque motionum . Nihil
enim fit visibiliter ac sensibilibus , quod non de in-
visibili , atque intelligibili summi Imperatoris au-
la aut jubeatur , aut permittatur , secundum ineffa-
bilem justitiam praemiorum atque poenarum , gra-
tiarum , & retributionum in ista totius creaturae
amplissima quadam immensaque republica .*

Principium mundi Deus est , quo cuncta moventur ,

Et quae permittit , vel jubet auctor , agunt .¹

Hinc mutabilium rerum immutabilis ordo

Aeterni servit legibus artificis .

Inque suos fines procedit quaeque voluntas ,

Nec variis meritis arbiter aequus abest ,

Corde regens , vires tribuens , peccata remittens ;

Mitis subjectis² , implacidus tumidis .

Ut nec poena malum quemquam , nec gloria justum

Suscipiat , nisi cum laude & honore Dei .

K k 3

QUOD

¹ Al. agit . Al. Quaeque jubet summus , vel fi-
nit &c. ² Al. Atque humilis humiles curans , pel-
lenisque superbos , Augens subjectos , despiciens tu-
midos .

QUOD TOTA INFIDELIUM VITA
PECCATUM SIT. *Ep. 83. al. 80.*

Omnis infidelium vita peccatum est : & nihil est bonum sine summo bono . Ubi enim deest agnitio aeternae , & incommutabilis veritatis , falsa virtus est ¹ , etiam in optimis moribus .

Quāvis multa homini post vulnera prima supersint,
Quae vitam hanc faciant laudis habere decus :
Si tamen ingenio claro , & probitatis amor
Fons ² defuit fidei , subdita corda rigans :
Cunctarum frugum marcescit inurile germen,
Nec fruitur vero lumine falsus honor .
Ignoratus enim Deus , & non credita virtus ,
Quae vera ad summum provehit arte bonum ,
Non finit eniti regna ad caelestia mentem
Obstrictam ³ vanis , occiduisque gravem .
Perque omnes calles errat sapientia mundi ,
Et tenebris addit , quae sine luce gerit .

DE

¹ Al. falsa etiam virtus est in &c. Al. falsa etiam ibi &c. ² Al. Si non &c. Fons adsit fidei &c.
³ Al. Obstrictam .

XVIII.

DE VERA LIBERTATE. *Ep. 85. al. 82.**Libera semper est servitus apud Deum, cui non necessitas servit, sed caritas.*

Libertas nulla est melior, majorve potestas,

Quam servire Deo, cui bene servit amor.

Absque jugo posita est ditionis amica voluntas,

Quae viget affectu, non gemit imperio.

XIX.

DE SUPERBIA. *1 Ep. 86. al. 83.**Quo primum vitio superatus est homo, hoc ultimum vincit 2. Cum enim omnia peccata superaverit, manet periculum, ne mens bene sibi conscia, in se potius quam in Domino gloriatur.*

Qua primum in mortem est homo pulsus fraude maligni,

Hanc illi extremam bella peracta 3 movent,

Sublimes ut cum palmas, clarasque coronas

Sumpserit, atque hostem subdiderit pedibus,

Virtuti propriae velit adsignare triumphum,

Non Domino, cujus munus, opusque fuit.

In quo uno semper superat, qui non superatur,

Quo dignante manum subdere, nemo cadit.

XX.

DE DILIGENDO DEUM. *Ep. 87. al. 84.**Non poterit hominis labor finire, nisi hoc diligat, quod ei non possit auferri.*

Ancipitis vitae qui vis superare labores,

Dilige, quod semper verus amator habet.

In-

1 Al. add. quam boni ultimam vinct. 2 Al. vincitur. al. ad ultimum. al. ad ultimum vinct. 3 Al. parata.

Instant terrenis infesta pericula rebus ,
 Fervent pro damnis praelia , proque lucris .
 Et nihil est inter carnalia vota quietum ,
 Nec pax sollicitis , nec modus est cupidis .
 In solo est mens tuta Deo , quem linquere nolens .
 Numquam erit aeterno non opulenta bono .

XXI.

DE VENIA , QUA ETIAM JUSTI
 INDIGENT . Ep. 90. al. 87.

Iustitia nostra quamvis vera sit propter verum boni finem , ad quem refertur , tamen tanta est in hac vita ¹ , ut potius remissione ² peccatorum constet , quam perfectione virtutum .

Magna quidem in multis est excellentia sanctis ,
 Quorum animos ³ superi gratia roris alit .
 Sed dum mens quaedam patitur mala corporis aegri ,
 Et pugnam ⁴ interius exteriora movent ,
 Numquam ita perfecto capitur victoria bello ,
 Vera ut securus pace fruatur homo .
 Inter discordes motus contagia serpunt ,
 Ipsaque virtutum gaudia vulnus habent ;
 Ut faciat cunctis longa experientia notum ⁵ ,
 Non esse hoc plenam tempore iustitiam :
 Ni Dominus miserando lavet delicta suorum ,
 Et dans virtutum munera , det veniam .

DE

¹ Al. tanta est in hac vita fragilitas . al. in hac vita humana . ² al. in remissione . ³ al. animas . ⁴ al. internis . ⁵ Al. Ut faciat notum longa experientia cunctis .

XXII.

DE NON DESPERANDIS ¹ PECCATORIBUS².*Ep. 92. al. 89.*

Non est desperandum de malis, sed pro ipsis, ut boni fiant, studiosius supplicandum. Quia numerus sanctorum de numero semper est auctus impiorum³.

Ut morbo oppressis; praestanda est cura medendi,

Donec in aegrototo corpore vita manet:

Sic pravis, multa & vitiorum mole gravatis,

Sanctarum pietas est adhibenda precum;

Ut, dum possibile est mutari corda malorum,

Horrescat noctis devia lucis amor:

Conversisque novam mentem det gratia Christi;

Qua fiunt homines justificante boni.

XXIII.

DE BONIS ⁴, QUAE NEMO AMITTIT⁵
INVITUS. *Ep. 94. al. 91.*

Potest homo invitus amittere temporalia bona: numquam vero nisi volens perdit aeterna.

Omne bonum mundo concretum, & tempore partū,

Quacumque amitti conditione potest.

Et

¹ Al. malis. Al. Quod non desperandum de peccatoribus. ² Al. peccatorum. ³ Al. obsessis.

⁴ Al. De bono quod &c. ⁵ Al. perdit, al. accipit.

Et quamvis 1 damnis vigilanter cura resistat ;
 Saepe tamen propriis dispoliatur homo .
 At bona , quae vere bona sunt nec fine tenentur ;
 Semper habet , quisquis semper habere cupit .
 Nec vim ferre potest Christo subnixā 2 voluntas ,
 In quo persistens omnia vincit amor .

XXIV.

DE BELLO INTESTINO . Ep. 96. al. 93.

Actio in hac vita pia est , Deum colere , & in ejus gratia contra vitia interna pugnare , eisque usque ad illicita instigantibus cogentibusve non cedere , & ubi ceditur indulgentiam , atque ut non cedatur adjutorium Dei affectu religiosae pietatis exposcere . In paradiso autem , si nemo peccasset , non esset actio pietatis expugnare vitia , quia felicitatis esset permansio vitia non habere .

Numquam bella bonis , numquā discrimina desunt ,
 Et cum quo certet , mens pia semper habet .
 Quae carnem oblectant , sancto sunt noxia cordi ,
 Contra animi legem praelia corpus habet .
 Pulsant exterius diversis motibus hostes ,
 Intus civile est , & sociale malum .
 Ut possit mundi illecebris , vitiisque resisti ;
 Vis est corpori mortificanda hominis .
 Sed quae mens recto famulam sub jure tenebit ;
 Edomitae , ut regnet carnis in officiis ;
 Excelso nisi quae servit bene subdita Regi ,
 Unde est facta volens , fiat & inde 3 valens ?

NUL-

1 Al. Ut dispolietur . 2 al. submissa .

3 Al. ut inde .

XXV.

NULLAM MALI ESSE NATURAM :

Ep. 97. al. 94.

*Omnia per verbum facta sunt . & sine ipso factum est
nihil . Cum itaque universae naturae per verbum
Dei factae sint , iniquitas per ipsum facta non est .
Quia iniquitas nulla substantia est , & peccatum
non natura est , sed vitium naturae id appetentis ,
quod non est ordinis sui .*

Per verbum omnipotens Deus omnia condidit unus,
A quo natura est nulla creata mali .

Et quod non fecit dives sapientia Verbi ,

Non habet in rerum conditione locum .

Nulla igitur vitiis substantia , nullaque vita est :

Quae vegetet corpus , materiamque i suam .

Sed cum libertas discedit ab ordine recto ,

Nec servant proprium , quae bona suat , modulū ,

In culpa & vitio 2 est vagus in contraria motus ,

Fitque malum veram deseruisse viam .

In quam si toto properet quis corde reverti ,

Nullus neglecti limitis error erit .

Totaque deleti 3 peccati poena peribit ,

Condita in integrum restituyente Deo .

DE

1 Al. materiamve . 2 Al. In culpae vitio .

3 Al. debenti .

XXVI.

DE JUDICIIS : DEI. Ep. 99. al. 96.

Nulla modo judiciis hominum comparanda sunt judicia Dei, quem non dubitandum est esse justum, etiam quando facit, quod hominibus videtur injustum.

Judicium humanum, quod falli saepe necesse est,
 Non semper recipit regula justitiae.
 At Domini in cunctis aequa est, veraxque potestas,
 Adspectum cujus nulla remota latent.
 Talis laudetur iudex, timeatur, ametur,
 Qui vere justus permanet, atque bonus:
 Adversos ² revocans, conversis cuncta remittens,
 Atque ³ malis veniam dando bonos faciens,
 Non ergo audacter mens veri nescia culpet,
 Quod placuit summi judicis arbitrio.
 Sed subdat sese justo ignorantia Regi,
 Qui numquā, quae sunt non ⁴ bona, velle potest.

IN-

¹ Al. *add.* non comparandis judiciis hominum.
² Al. Aversos. ³ Al. Deque malis. ⁴ Al. ni
 bona.

I N D E X

RERUM ET VERBORUM.

A

- A**dam : creatus est absque vitio . [212.](#) libero arbitrio discessit a bono . [213.](#) in eo omnes perierunt . [110.](#) [139.](#) [149.](#) [213.](#) [340.](#) Dei verba ad eum : *Ecce Adam sicut unus ex nobis factus est* quid significant . [217.](#) perdidit primitus *fidem* . [139.](#) perdidit scientiam boni . [218.](#) post peccatum quae in eo remanserint . [214.](#) in eo posterius omnia perdiderunt . [215.](#)
- Africana Concilia contra Pelagianos . [77.](#) [193.](#) [261.](#) [289.](#) [311.](#) [317.](#) eorum dux & ingenium s. Augustinus . [313.](#)
- S. Ambrosii auctoritas de lapsu Adae & totius humani generis . [213.](#)
- Animus non virtus , sed virtutis habitaculum . [237.](#) viget ad terrena ordinanda , quia natura vitiata est non extincta . [223.](#)
- Apostoli virtute viventis verbi accensi in cordibus suis ad praedicandum Evāgelium Christi . [231.](#)
- Atticus Ep. Constantinopolitanus Pelagianos repellit . [310.](#)
- S. Augustinus . Specialis patronus fidei . [4.](#) vir sanctus . [54.](#) summus in Ecclesia . [55.](#) catholicus . [161.](#) praecipuus in doctrina ecclesiastica . [288.](#) excellentissimae auctoritatis . [30.](#) doctor catholicus . [60.](#) pius . [140.](#) piissimus . [161.](#) catholicus praedicator . [60.](#) defensor gratiae . [161.](#) praestantissimus minister gratiae . [53.](#) praecipua portio Domini sacerdotum . [27.](#) admirabilis disputator . [152.](#) magister optimus . [292.](#) pastoralis speculae validissima turris . [288.](#) doctiloquus senex . [369.](#) laboravit contra haereses , & maxime Pelagianam . [27.](#) ejus ductu Catholica acies Pelagianos vicit . [172.](#) Paganorum , & Manichaeorum impietate accusatus . [28.](#) ejus obtrectatores irridentur .

ib. & 369. frustra impugnatur, nec nisi ab his, qui Pelagianorum, & Juliani maxime convicia reperant. 289. libro de *correctione*, & *gratia* quaestionibus in Gallia mortis satisfacit 5. fatetur se non recte aliquando sensisse de gratia. 137. quod exemplo nobis esse debet. ib. ejus scientia incrementorum profectibus aedificata, annorum studiis expolita. 140. ejus doctrina in omnibus libris contra Pelagianos ubique sibi consentiens. 293. Librorum ejus contra Pelagianos [ab exordio Episcopatus sui editorum enumeratio. 294. probavit praedicandum esse dogma praedestinationis, gratiae, & praescientiae Dei. 164. quomodo haec ad populum praedicanda sunt. docuit. 162. ejus *liber de Correctione & Gratia* plenus divinae auctoritatis. 5. ejus doctrinae auctoritas sancta & Apostolica. 5. 59. ejus scripta validissimis & innumeris testimoniis divinarum Scripturarum instructa,

8. defecatissimam ac saluberrimam doctrinam continent. 56. ejus doctrina ab Ecclesia ubique gentium probata, 29. humiles eam addiscunt. 314. Libros ad Simplicianum castigat. 137. Conciliorum contra Pelagianos ingenium. 313. ejus laudes ib. & 26. illi potissimum victoria de Pelagianis debetur. 314. Praestantia librorum Augustini pro Christi gratia ib. a quibusdam reprehensi. 169. Augustini reprehensores Pelagianis suffragantur. 170. bellum contra Pelagianos confectum renovant. 173. 306. unde major necessitas oritur eos refellendi. 170. Augustini contra Pelagianos decertantis doctrina a quibusdam ad pravos sensus detorta. 60. his responderetur a Prospero ex ejusdem Augustini principiis. 60. Calumnia in Augustinum de Fato, duabus naturis, duabusque massis. 53. ipsemet illam copiosissime destruxit in libris suis ib. ejus reprehensores etiam convicti, 123. men

men donec per Ecclesiae principes compri-
mantur, amandi, &
pacifice tolerandi, De-
usque pro illis oran-
dus. 298. in damna-
tione Pelagianorum ab
Innocentio, Palaestina
Synodo, Africanis
Conciliis, Zosimo,
Bonifacio, & Caele-
stino prostrati. 289.
legendus Augustinus
ab iis, qui de quaestio-
nibus gratiae instrui
desiderant. 55. Augu-
stini adversariis non
tam disputationibus,
quam auctoritate resi-
stendum. 295.

Aurelius Ep. Carthagi-
nensis. 313.

Auxilium Dei a gratia
Salvatoris distingui-
tur. 212. 214.

Beatitudo sanctorum
de munere gratiae est,
& de retributione ju-
stitiae. 382.

Bonifacius Papa Impera-
torum edictis usus ad-
versus Pelagianos. 290.
adversus libros Pela-
gianorum Augustini
responsa poscebat. ib.

Bonum. Bona omnia
nec desiderari, nec per-
fici a nobis sine Dei
auxilio. 125. quod
non fit a gratia non
bene fit. 349. sterile
& vanum est. 350.
Philosophorum Grae-
corum ac Romanorum
in quaerendo summo
bono vanitas. 233.
naturalia bona perdu-
cere per se non pos-
sunt ad veram vitam.
223. 357.

B

Baptismi effectus re-
missio quorumcum-
que praeteritorum pec-
catorum. 63. etiam in
relapsuris ib. & 92.
Baptismi necessitas.
214. desiderium ejus
ex Fide. 333.

Beatorem esse homi-
nem, cui Deus nihil
dederit, quam cui
universa contulerit,
impius sensus. 285.

C

Caelestinus Pontifex
ad Ecclesiae praesi-
dium multis gratiae
donis ditatus. 290.
Caelestium Italiae fi-
nibus extrudi iussit. ib.
ab errore Pelagiano
Britannias liberavit.
191. Orientales Eccle-
sias a Pelagiana, &
Nestoriana peste libe-
ravit. ib. reprehen-
sores s. Augustini in-

L 1 2 tra

- tra Gallias repressit. ib. quo testimonio deco-
raverit tum Augusti-
num, tum ejus do-
ctrinam. [292](#). Quo-
rumdam adversus Cae-
lestini testimonium ca-
villatio refellitur. [293](#).
Camillus presbyter Ge-
nuensis Prosperum cō-
sulit. [132](#).
Caritas. Sine caritate ni-
hil profunt cetera. [38](#).
sine caritate habent
cetera pietatis simili-
tudinem non verita-
tem. ib. Nemo dignus
donō caritatis inven-
tus. ib. sine caritate
bona cuncta non pro-
sunt. [246](#). Caritas, &
fides dona Dei. [37](#).
Caritas ex Dei mune-
re. [246](#).
Cassianus Presbyter. Ejus
collationibus s. Pro-
sper voce resistit. 30.
auctor collationis [xiii](#).
contra gratiam Dei.
[174](#). ejus placita de
Gratia, & libero ar-
bitrio horrescunt E-
vangelicae, apostoli-
caeque doctrinae di-
scipuli. [274](#). cur ejus
potissimum definitio-
nes confutandas susce-
perit s. Prosper. [174](#).
nec cum Pelagianis,
nec cum Catholicis
plene concordat. [182](#).
&c. In illud damnatum
incidit: *Gratiam Dei
secundum merita nostra
dari*. [182](#). & illud de-
fendentes adjuvat. [266](#).
ejus prima defini-
tio Catholica. [175](#).
quo sensu dixerit pro-
videntiam Dei homi-
nis comitem. [178](#), in
sententia instabilis.
[181](#). [250](#). docet cogi-
tationes sanctas nulla
Dei inspiratione con-
ceptas, de naturali pos-
se prodire sapientia.
[228](#). sensum sacrarum
litterarum pervertit.
[229](#). ad praecipitia Pe-
lagiana paulatim de-
currit. [251](#). ejus er-
ror, alios per gratiam
salvari, alios per le-
gem & naturam justifi-
ficari. [184](#). libero ar-
bitrio infensus, & gra-
tiae ingratus. [209](#). do-
cet hoc posse quosdam
per liberum arbitri-
um, quod quidam,
nisi Deo cooperante,
non possunt. [199](#). libe-
rum arbitrium a parte
quadam generis hu-
mani aufert, & in qua-
dam parte constituit.
[205](#). erroris arguit Pe-
lagianos pariter atque
Catholicos, [191](#). quo-
modo perverse conci-
liare conetur utrosque.
ib.

ib. perperam definit naturae humanae non id solum adscribendum quod malum est.

226. tantum homini tribuit ante gratiam, quantum ei fructuosissimum est habere per gratiam. 247. coactitiam vult Marthaei conversionem, voluntariam vero fidem Zachaei, & Latronis. 252. docet virtutem resistendi habuisse Job ex libero arbitrio, non ex gratia. 254. Deum fuisse ejus patientiae testem, non auxiliatorem. 285. inconvenientia miscet, & fideles in duo genera dividit, quibus contraria accommodet. 269. Deum aliis salvatorem, aliis tantum susceptorem definit. 271. uno verbo penè totum Pelagianum dogma confirmat, dicens, nullius laudis esse, ac meriti, si in Centurione Christus quod ipse donaverat praetulisset. 262. elisarum argumentationum arma colligit. 197. Recapitulatio duodecim ejus definitionum. 277. errores in ejus definitio-

nibus contenti summarim colliguntur. 286.

Centurionis conversio donum Dei 34. praeparatio ad conversionem per gratiam Dei.

34.

Christiani tanto beatiores quanto pauciora habuerint quae ipsorum sunt, & quanto plura quae Dei sunt.

274.

Christi nativitas vel mors, quibus profit. 79. Pro totius mundi redemptione crucifixus est. 80. an possit aliquo sensu dici pro his tantum crucifixus, quibus mors ejus profuit. 80. & seq. 97. 108. ad Christum nemo venit nisi adtrahatur. 200. 206. Christus est Salvator omnium qui salvantur. 114. 274. Illi debemus si quid recti gerimus volumusque. 346. ejus amore cupiditas carnis vincitur. 381. Cogitationes pie ex libero arbitrio sine Dei inspiratione non oriuntur. 229. Concilia Africana contra Pelagianos. 193. 289. 311. eorum dux L 1 1 & in-

& ingenium s. Augustinus. [313.](#)

Concupiscentiae malum.

[363.](#) [394.](#)

Conversio hominis ad Deum Dei gratiae ut principio adscribenda.

[360.](#) Conversionem sine haesitatione obedientium, non minus quam diu repugnantium Deus operatur.

[200.](#) Conversio hominis licet non sine ipso, non tamen ab ipso incipit. [234.](#)

Correctionis viam Deus nemini adimit, nec quemquam boni possibilitate dispoliat, sed peccator & velle, & posse bonum sibi fultulit. [126.](#)

Creatio eorum, qui aeternae vitae participes non erunt, quare fiat.

[86.](#) mundum ornant, & Sanctorum profectibus serviunt. ib.

quod probatur ex morte Christi, & Martyrum, & Apostolorum.

[87.](#) [101.](#)

Cupiditas carnis vincenda & quomodo. [380.](#)

Cyrillus Ep. Alexandrinus. [291.](#)

D

D Aemonibus nulla est servata conversio. [115.](#)

David cum templum aedificare concupisceret, non ignorabat verum, perfectumque templum a Christo condendum. [230.](#) cur ad constructionem templi non electus, sed ejus filius *ibid.* ex Deo erat hoc velle David, & ex Deo erat hoc facere Salomonem. [231.](#)

Delectatio & suavitas Gratiae. [183.](#) [201.](#) ex delectatione dilectio. [244.](#)

Deus. Ejus voluntas omnium rerum causa.

[389.](#) quomodo quaerendus. [379.](#) omnia illi referenda sunt *ib.* diligendus. [391.](#) quomodo omnes velit salvos fieri. [44.](#) [96.](#) [109.](#) Dei misericordia nec ab iis,

quibus negata est, nec ab iis quibus concessa est, reprehendi potest.

[345.](#) Deus priusquam deseratur neminem deserit, & multos desertores saepe convertit.

[124.](#) cur reprobos nasci faciat. [86.](#) [111.](#) [112.](#) cur peccata permittat.

[353.](#)

153. non est peccati auctor. 114. 119. 120. bona omnia in omnibus operatur. 155.

159. dat velle & perficere. 363. 394.

Diabolus. Nulla est illi servata conversio. 115. etsi criminibus delectatur, vim criminum non infert. 120. in flagitiis illecebrarum adjutor, non voluntatum generator ibi.

E

Ecclēsia congregatur non solum ex Judaeis, sed etiam ex Gentibus. 82. toto orbe dilaranda. 48. 98.

Electi. Discretionis electorum a non electis causa, & ratio supra facultatem humanae cognitionis inquiritur, & sine fidei diminutione nescitur. 45. scrutari eam homo non debet. 346. consideratio derelictionis peccatorum movere nos debet ad orandum pro illis. 345.

Ephesos. Pelagiani ab ea expulsi. 310.

Ephesina synodus. 291.

Episcoporum Afrorum ad Zosimum epistola. 194. Episcopi Pelagiani depulsi Episcopatu,

& excommunicati. 172.

Epiraphium Nestorianae, & Pelagianae haereseos. 373.

Evangelium ab omnibus gentibus audiendum.

46. 48. 94. 98. quod nondum omnibus fuerit praedicatum ex iudicio Dei factum, sed incomprehensibili. 83.

Evangelicae praedicationis gratia quibusdam negata. 46. 98.

cur multae gentes nondum factae evangelicae gratiae participes.

47. ubi non est praedicatum non est gratiae vocatio. 94.

F

Fatum etiam a multis non Christianis refutatum. 61. fato nihil geri, sed omnia Dei iudicio. 53.

Fides ex dono Dei. 94.

140. 146. 154. 331. ex ea est Baptismi desiderium. 333. radix est

meritorum. 333. quod ab illa non fit non bene fit. 333. Gratiā

funditus evertit qui existimat vel meritum ullum ante fidem esse

posse, vel fidem ex libertate ortum ducere, non ex mero Dei dono ibi.

Fides Dei donum

num & fundamentum aedificii coelestis. 155. per dilectionem operatur. 101. 265. eam non vult Pelagius donatam, ut gratiam persuadeat debitam. 140. Fidem in Adamo perditam non recuperari nisi per gratiam Dei. 138. Fides & conversio ex Deo. 37. Fides, opera, & in eis perseverantia ex Deo. 89. Fidem esse ex gratia demonstratur. 268.

G

GENTES aliquae faciunt sine lege quae legis sunt. 221.

Gratia si meritis redditur non est gratia. 27. dari gratuito ex historia praedicationis Evangelii probatur. 46. ex infantibus post baptismum decedentibus. 43. iustitiae opera ex ea sunt non ex natura. 78. virtus piorum non minoris facienda quia a gratia Christi accipiunt. 162. Gratiam maioribus ad singulos actus dari. 78. 224. 227. 361. 338. 363. nec omnibus dari. 67. 93. 98. 323. 324. Gratiae efficacia,

327. 330. 364. Gratiae est mentem mutare. 327. Gratia operans est & medicinalis. 337. 338. 342. 380. salvatrix 380. omnipotens. 330. 338. delectat. 183. 201. non aufert libertatem. 50. sed restituit. 363. ejus opitulationes stabilimenta voluntatis humanae. 275. praecedit semper gratia iustitiam. 383. Gratia nos reparat & justificat. 386. volentes & valentes facit. 394. per gratiae praedicationem virtutis studium non resolvi, sed augeri. 364. affectum credendi ac vo- lendi in libero arbitrio generat. 33. fideles ab hostibus gratiae sibi cavere debent. 350. non tantum boni operis fructus Deus largitur per gratiam, sed etiam operandi voluntatem, & cogitationem, totamque piae vitae seriem. 364. Gratiam praeteritis de omni mundo eruit paucos, nunc de universo hominum genere salvat innumeros. 150. qui a gratia reformari se non putant indigere, in phrenesim tran-

transiere . 198. Gratia ex invito volentem facit . 183. Gratiae effectus in anima sine laesione libertatis . 183. Gratia Christi non perdimus , sed recipimus pristinum naturae honorem . 342. Deus meritum in nobis est principium , quae eo magis crescunt , quo gratiam humiliter accipimus . 342. Relicta Deo arcanorum suorum conscientia , agnoscatur unus cunctorum auctor bonorum usque ad minimum bonae voluntatis initium . 349. Gratia justificans non ex bonis meliores , sed ex malis bonos facit . 39. Gratia omnino gratuita est , cum nemo bene agat , nisi cui illa donat bene agere , & ne quidem desiderari possit , nisi cum se ipsa desiderari facit . 338. Ut Matthaei , & Pauli , sic Zacchaei & latronis in cruce conversio pariter ex gratia . 203. nec desiderium sanitatis haberi sine gratia . 70. 186. Gratiae necessitas , cui jungenda industria liberi arbitrii . 71. initium bo-

nae voluntatis a Gratia . 210. Gratia salvatoris ab auxilio Dei distinguitur . 212. 214. Gratia non prius deserit quam deferatur . 95. 117. 124. 125. 128. 394. Gratia Pelagiana . 26. 138. Semipelagiana . 10. 11. 286. 323. Gratia , cui resistitur . 64. 77. 81. 84. 123. 124. 126. Gratiae perfectae intrepidi amatores pauci , 15.

H

- S. **H**ieronymus contra Pelagium scribit . 309.
 Hilarius Ep. Arelatensis s. Augustini admirator . 19.
 Homo . V. Adam . Hominem ab homine natura non discernit , sed gratia fidelem ab infideli . 143. quam parvi facienda quae homini post peccatum Adae supersunt . 359. ad malum sibi sufficit , per Deum fit bonus . 51. 381. 388. quod peccati fit servus non institutio est Dei , sed iudicium . 112. cur ea illi imputentur , quorum facultatem non invenit

nit in sua natura . [226.](#)
Humilitas Christiana de-
scribitur . [346.](#) [349](#)

I

Jacob . In eo ostensum
est quid homini dona-
retur , in Esau quid
deberetur . [137.](#)

Ignorantia non excusat .
[160.](#)

Impiorum multitudo nec
indecora est mundo ,
nec inutilis Dei regno .
[100.](#)

Infantes , & fatui sine
ullius suae voluntatis
arbitrio gratiam Dei
aut accipiunt , aut a-
mittunt . [244.](#) V. *Par-
vuli.*

Infidelitas ex sola homi-
nis voluntate . [94.](#)

Infidelium virtutes falsae
[36.](#) [242.](#) [331.](#) [333.](#) [387.](#)
[390.](#)

Innocentii I. Papae laus ,
& testimonium de gra-
tia , & libero arbitrio .
[191.](#)

Intelligentia naturalis ,
aut usus beneficiorum
Dei nec antiquis , nec
nobis ad vitam aeter-
nam sufficit . [42.](#)

Job . Ejus patientia ni-
hil illustrius inter San-
ctorum palmas . [255.](#)
non deseruerat cum
Dominus , sed curabar.

[257.](#) de Incarnatione ,
ac resurrectione Chri-
sti , ac spe Redemption-
is , prophetavit . [256.](#)
suis viribus vicisse dia-
bolum non Dei auxi-
lio , nisi quatenus Deus
non majorem tentato-
ri dedit potestatem
quam illi noverat inesse
virtutem , docet
Cassianus . [248.](#) Cassia-
ni doctrina exploditur
ib. vicisse auxilio Dei
demonstratur . [255.](#) &
seq.

Judicium Dei non potest
non esse aequum ,
quamvis occultum sit ,
cum omnibus meritum
ad mortem suppetat ,
vel ex uno originali
peccato . [349.](#) judicia
Dei non vestiganda .
[74.](#) [396.](#) [125.](#) [346.](#) [347.](#)
[348.](#) [157.](#) [349.](#)

Iulianus Pelagianus . [289.](#)
Justificatus gratuito do-
no , eodem acquirit
meritum . [70.](#)

Justitia hominis vera
nonnisi per Christum .
[36.](#) [331.](#) [388.](#) in ter-
ris numquam perfecta .
[381.](#) [391.](#)

L

Latro in cruce cum omnibus credentibus adtractus ex ipsa sua confessione docetur . 203. idem prius Christum de suo blasphemavit , de Spiritu sancto postea credidit ib.

Legis , & gratiae differentia . 315. Gratia legem observare facit . 384. 385.

Leontius Diaconus . 3.

Libertas bona non potest recipi sine liberatoris auxilio . 219. Libertas an aequaliter se habeat ad bonum aut malum . 244. nemo servit nisi cum aliqua libertate , & nemo liber est nisi cum aliqua servitute . 219. mala libertas ex voluntatis defectu . 219. manet voluntas libera post lapsum Adae , sed non bona , quocumque fertur ruit , & labitur . 341. libertas redempta . 363. libera . 244. 364. vera . 391. libertas a gratia non laeditur . 50. 197. 341. sed adjuvatur . 94. 275. 342.

Liberum arbitrium. Ejus miser status post pec-

catum Adae . 340. 356. 359. 364. peccato Adae laesum est . 193. 216. bibit omnium vitiorum venenum . 215. non sicut potuit Deo non impellente corrumpere , ita potest Deo non erigente confurgere . 216. absurde dicitur tolli cum sanatur , & liberatur per gratiam . 341. haec cogitatio ex eadem superbia nascitur , quae Adamum perdidit , ib. per se non posse sanari , sed per gratiam Christi , quae est arbor vitae ib. Quod homo libero arbitrio nimium tribuat ex illa superbia proficiscitur , quam diabolus primis parentibus inspiravit . 360. plurimos inde errores oriri , quos pii omnes averfari debent ib. qui cum membra sint Christi a capite suo vim omnem hauriunt . 361. Liberum arbitrium non peremtum , sed renatum . 51. solum quid valeat ib. spem suam in medico collocare debet ib. ante fidem in tenebris agit . 70. quomodo gratia ei medeatur ib. non aufertur per gratiam

tiam Dei, sed formatur, regitur, ordinatur. 197. Desipiunt, qui Paulo ipsi inscrutabilem quaestionem, cur hi potius quam illi per gratiam liberentur, per liberi arbitrii vellet, & nolle se solvere posse audacter opinantur. 349. Liberi arbitrii, quod humano spiritu agitur, & quod a Deo regitur descriptio ex Jacobo cap. 3. 14. &c. 52. inepta querimonia superbientium, liberum arbitrium auferri, si & principia, & profectus, & perseverantia in bonis usque in finem Dei dona esse dicantur. 255. Liberum arbitrium nec voluntatem boni, nec possibilitatem habet nisi per gratiam. 225. post gratiam liberum arbitrium manet in natura, sed qualitate, & conditione mutata per Christum. 276. Liberum arbitrium non ex toto deletum est, sed lapsus, & adligatum ad malum. 341. sine gratia nullo modo idoneum est ad eligendum bonum. 215. Liberum arbitrium est

rei sibi placitae spontaneus appetitus. 215. Libero arbitrio quantas vires tribuat Cassianus. 254. Liberum arbitrium sine Deo, aut cum Deo quale. 39.

Liber Pastoris a Cassiano citatus. 243.

Longaevitas ex Deo est, nec causa peccati. 65. 93. non est peccatum diu vivere, sed male vivere. ib.

M

MAli nullam esse naturam. 195.

de Malis duobus unum fieri bonum non potest, unam virtutem duo vitia non gignunt, unum verum duo falsa non faciunt. 191.

Mandata quorum facultatem homo non invenit in sua natura, cur ei imperentur. 225. data sunt ut nobis profint. 384.

Massae non duae massae, sed una massa. 54.

Massilienses. Quid eis displiceret in doctrina s. Augustini. 4. eorum aliqui recensito libro de correptione, & gratia intelligentiores facti. 5. Graciam humanorum

manorum meritorum comitem non prae-
viam volunt . 11. Meritis & honoribus com-
mendati . 5. 15. 18. 170. eorum hypocrisis . 170. Quid senti-
rent de peccato originali , & de gratia re-
generationis . 6. de praedestinatione ib.
de explicatione epistolae B. Pauli ad Ro-
manos . 8. de proposito vocantis gratiae .
10. de voluntate Dei salvandi omnes ib. de
libertate hominis ad bonum & malum fa-
ciendum ib. de electione ex praevisis bo-
nis aut malis , quae parvuli si vixissent per-
petraturi erant . 11. de morte Christi pro uni-
verso humano genere . 13. de numero Prae-
destinatorum . 14. de duobus , quae salutem
humanam operantur , gratia Dei & hominis
obedientia . 15. In reliquiis Pelagianae pra-
vitatibus a Massiliensibus defensionis non medio-
cris virulentiae fibra nutritur . 16.

Medicus noster Deus e-
tiam hoc donat infir-
mis , ut veram desi-
derent sanitatem . 279.
Tom. III.

Meritum . Omnis meri-
ti ac laudis causa in
Deo . 264. 283. Si , ut
Cassianus vult , sine me-
rito est quem Deus
semper adjuverit , con-
sequens erit in Dei
muneribus nullum me-
ritum esse , aut saltem
merita adquiri posse
propria facultate , nos-
que ideo in aliquibus
adjuvari ut possibilius
fiat per gratiam , quod
non erat impossibile
per naturam . 227. Fi-
dei , & bonis operibus
laudem , ac meritum
tribui sine praedicio
gratiae . 264. Laus &
meritum per gratiam
non aufertur . ib. Pro-
cul abiiciendi , qui exi-
stimant Sanctis aufer-
ri causam obtinendae
coronae , humana in eis
merita non reperian-
tur . 361. Meritis nul-
lus locus ante gratiam .
182. Merita hominum
nulla nisi ex gratia .
227. Impietas est ut
quemquam putemus
meritis suis erui de
potestate tenebrarum .
149. Quos Deus iusti-
ficat , donis auget &
meritis . 383.

Miracula Christi cur
apud credituros non
facta , apud non cre-
ditu-

M m

ditu-

dituros verò facta sint, inscrutabile . 158.
 Misericordia, & iudicia Dei Pelagianorum clationi penetrabilia videntur, quibus non latet consilium Dei, si gratia, ut & ira de merito est . 145.
 Mors nemini citius vel tardius accidit quam Deus voluerit . 65.
 Mors, & omnia mala ex peccato . 114.
 Mors Christi peccati remedium potens & singulare . 107. Quo sensu omnes in ea redempti, & penes quos sit redemptionis proprietas . *ib.*

N

Natura humana Adae lapsu in profundum malum demersa . 215. vulnerata, coeca, exuta virtute . 283. 317. vitata non extincta . 223. Gratiam mereri non valet . 326. 338. 346. si in eadem esset vis quae fuit in Adamo se ipsum quisque posset reconciliare Deo, ideoque Christus mortuus esset gratis . 398. Natura humana reformabilis formatori suo.

237. Natura ante gratiam in damnatione . 283. Sordet natura sine gratia . 36. 237. Naturae vitium discernendum est ab auctore naturae . 86. 111. Nestoriana haeresis . 291. 373.

O

Obduratio & derelictio Dei ex iudicio Dei peccata iuste punientis . 84. 99.
 Opera bona ad Deum referenda sunt, mala ad eos qui peccant . 65.
 Nullus boni operis fructus sine Deo . 125.
 Oratio . Deus iustus saepe postulata non tribuit, quae postulare donavit . 233. Quid contra se petant qui Dei voluntatem non facientes dicunt in oratione Dominica : *Fiat voluntas tua . 128.*

P

Palaeſtina ſynodus . 193. 210. 289.
 Parvuli ſine baptiſmo decedentes damnantur . 45. 341. Diabolo obnoxii propter culpam originalem . 112. Ex parvulis ſtatim poſt baptiſ-

baptismum morientibus clarissime perspicui gratiam non dari secundum humanae voluntatis studia , sed secundum Dei beneplacitum . 343. eorundem salutem non esse parentum meritis, nec damnationem demeritis adscribendam. 343. quod maxime patet in geminis, quorum alter baptizatur, alter sine baptismo moritur sola Christi misericordia eos discernente . ib. eadem misericordia aliis tribui fidem qua bene operentur , ac meritis augeantur usque in finem . ib.

Pastoris liber citatus . 243.

Pari pro Christo quis sine magna caritate non potest . 38.

Patientiae virtus Dei donum . 383.

Peccata Deus non praedestinat , sed poenas pro peccatis debitas . 118. 101. Neminem Deus ad peccandum cogit . 99. Peccati non est auctor Deus sed naturae , peccatum autem contra naturam est . 111. 114. peccatum non esse naturam sed vitium

naturae . 395.

Peccatum originale. Ejus effectus. 107. 114. 138. 149. 340. Ejus remedium mors J. C. 107. ex uno peccato originali omnibus esse meritum ad mortem . 344. 349. semina naturalia virtutum evertit . 237. post peccatum quid remanserit in homine . 237. egregia casus hominis descriptio . 340. Quae homini remanent post praevaricationem , mortalem vitam honestare possunt, aeternam conferre non possunt . 233.

Peccator omnis iuste puniendus quia non Dei, sed suam executus est voluntatem . 119. Peccatores non frustra Deus condit . 100. Peccant etsi gratia exsortes . 344. de illis non desperandum. 393.

Pelagius. Damnare compellitur *Gratiam Dei secundum merita nostra dari* . 193. Innumeros seduxisset si doctrinae suae poculum aliquo melle praelinisset. 354. Vocatur coluber Britannus . 306. ejus dogmata . 306. & 307. 321. ejus doctrinam Ecclesia rejecit . 308.

M m 2

fide

fictè errorem abnegat.

309.
 Pelagiana haeresis Africanorum Praefulum ope potissimum debellata . 311. Pelagianae haereseos caput , *Gratiam secundum merita dari* , & si quando gratiam necessariam confitetur , meritis eam humanae voluntatis enervat . 24. 138. Pelagiana haeresis tota ex minima sui parte renovatur . 396. 318.
 Pelagianorum de necessitate gratiae fallacia . 26. eorum versutiae deprehensae . 27. & artes discussae . 311. sacrarum litterarum auctoritatibus abutebantur . 32. eorum errores enumerantur . 306. 321. eorum oratio qua postulant in ecclesiam recipi , aut Semipelagianos etiam secum expelli . 316. gratiam negant dum subdole confitentur . 25. negant peccatum originale . 112. 113.
 Perseverantia donum Dei . 40. 70. misericorditer datur quibusdam , aliis juste non datur . 343. 364.
 Petri fides ardentissima in tentationibus defe-

cisset nisi pro eo Dominus supplicasset . 40. In Petro demonstratum nihil posse liberum arbitrium sine gratia . 40.

- Praedestinationis definitio . 156. praedestinatio Dei etsi apud nos in hac vita incerta est , apud Deum incommutabilis . 121. Horrorem praedestinationis definitae & gratuitaee causam esse male sentiendi de Gratia . 41. impium est talem praedestinationem negare ib. invictè probari exemplo parvulorum . 43. 342. Praedestinatio Dei nullo modo ex filiis Dei facit filios diaboli , sed contra . 122. merito Deum voluisse ut nos lateret divinae praedestinationis arcanum quamdiu in hac vita sumus . 346. fati nomine veritas praedestinationis non infamanda . 60. Fati opinio vana , & falsa , praedestinationis fides certissima . 61. Praedestinationis firmitas . 75. Praedestinationem nullus Catholicus Christianus negat . 61. Patienter ferenda est occulta-

cultatio mysterii Prae-
destinationis. 49. Prae-
destinatio non necessi-
tat ad bonum aut ma-
lum. 71. Praedestina-
tio Dei semper in bo-
no est, numquam in ma-
lo 89. 95. 124. discer-
nenda est a Praescien-
tia. 102. quomodo
praedicandum sit ejus
mysterium. 162.
quisquis est praedica-
tionis praedestinatio-
nis impugnator aper-
tissimus est Pelagianae
elationis adjutor. 165.
Praedestinatorum nume-
rus apud Deum cer-
tus. 49. 121. praede-
stinati sunt gratuito.
157. 332.
Praescientia Dei, & vo-
luntas quomodo diffe-
rant. 85. Praescientia
Dei ad bona, & ma-
la extenditur ib. Prae-
scientia, & praede-
stinatio discerni de-
bent. 90. 102. Prae-
destinata omnia sunt
praescita, non omnia
praescita sunt etiam
praedestinata. 91. 102.
Praescivit Deus bene-
ficia sua, quibus nos
dignatur liberare. 156.
Praescientia necessita-
tem non infert, etsi
falli non possit. 123.
Prophetiae David aliter

intelligi quam ab A-
postolis sunt intelle-
ctae non possunt. 252.
S. Prosper. S. Augusti-
no epistolam officii
mittit. 3. ex libris
Augustini Semipela-
gianis resistit. 8. im-
parem se dicit contra
Massilienses. 15. s. Au-
gustino varias quae-
stiones proponit. 16.
meliora in posterum
de Augustini contradi-
ctoribus sperat. 31.
ab invidis circa fidem
diffamatus. 23. 106.
Scriptorem molientem
opus adversus s. Au-
gustinum, ab incepto
deterret. 369. Eum-
dem aut alium, cujus
scriptum serpere dice-
batur, suspicionibus o-
nerat, & s. Augustini
refutationem eidem
minitatur. 371.

R

R Elapsi non puniun-
tur propter remis-
sa sibi peccata, sed
propter postrema. 63.
Relapsi, & sine cor-
rectione deficientes
non necessitatem pe-
reundi habuerunt quia
praedestinati non sunt,
sed ideo praedestinati
non sunt quia tales fu-
M m 3 turi

- turi praesciti sunt . [64.](#)
quod antequam caderent ab hac vita non ablati fuerint , ad occulta sed iusta Dei iudicia referendum . [65.](#)
Reliquiae primi status hominis quae supersunt solum superbiendi materiam ex se ministrant . [357.](#) Nemo ex illis reliquiis ad veram vitam unquam perducipotest ib.
Reprobatio negativa ex peccato originis . [112.](#)
[114.](#) [344.](#) [349.](#) Reprobatio positiva excluditur . [121.](#) ex praescitis meritis . [64.](#) [72.](#) [95.](#) [110.](#) [122.](#) [123.](#) [157.](#)
Romana sedes Pelagium damnat . [171.](#) [289.](#) [308.](#) [311.](#) ejus dignitas . [317.](#) [308.](#) [311.](#)
Rufinus amicus Prosperi & de ejus salute sollicitus . [23.](#)

S

Salus nonnisi ex Fide . [159.](#) Salvatur nemo nisi per gratiam Christi . [43.](#) Eadem gratia. & fide omnes salvatos quocumque tempore . [74.](#) Quomodo dicitur Deus velle omnes salvos fieri . [44.](#) [75.](#) malam voluntatem ha-

- bentes , quamdiu salvi esse nolunt , salvi esse non possunt , nec tamen haec mala voluntas ex Dei voluntate est . [116.](#)
Sapientia quaedam in infidelibus ex naturae a Deo conditae reliquiis . [223.](#)
Scientia pessima mali est malum esse , & pessima ignorantia boni bonum non esse . [282.](#)
Scientia quantalibet ex naturae operibus residua , vel ex legalis doctrinae eruditione quaesita , non potest praestare ut quod faciendum novimus etiam facere diligamus . [223.](#) Scientia & amor boni ex Dei dono . [193.](#)
Scientiae cujusdam mediae usus apud Massilienses . [11.](#) [13.](#) [18.](#) [155.](#) confutatur . [158.](#) [327.](#) [332.](#) [342.](#)
Scoti ad Christum convertuntur . [291.](#) [326.](#)
Semipelagiani Pelagianis periculosiores . [354.](#) superbi & ingrati . [303.](#) specie fallebant . [314.](#) eorum fides exponitur . [322.](#) fatentur originale peccatum , & baptismi necessitatem etiam ratione parvulorum .

rum . 354. sed cum Pelagio sapiunt cum ajunt naturam suis viribus ad bonum ferri posse, quemadmodum ante peccatum, quasi originali peccato laesa non fuerit &c. ib. docent habere quemlibet tantum facultatis ad bonum quantum ad malum. 315. & omnes a Gratia vocari. 323. & proprio arbitrio quemque Gratiae parere ib. & eam solum juvare etiam ad perfectionem & perseverantiam ib. illos a Pelagianis non discrepare, adeoque publice pacem cum illis inire debere. 317. indicantur Pelagianae haereseos capita, quae fuisse damnata fatebantur. 321. fatentes hominem per se nec iustitiam, nec salutem consequi posse, aut perseverare, contendebant tamen vocanti Deo assentiri propria libertate, cuius ille conatum sequatur, & perficiat; quo dogmate vera Christi Gratia evertitur. 328. Pelagianos voce tenus damnabant. 338. 353. in eis Pelagiana haeresis reviviscere coe-

pit. 314. eorum errores ab omnibus piis, quorum Christus est tota iustitia, fugiendi.

356.

Simplicianus ep. Mediolanensis. 136.

Superbia. Hoc primum vitio superatus est homo, hoc ultimum vincit. 39L.

Synodus Ephesina. 291.

Palacstina. 193. 210. 289.

T

Templum Deus sibi condit in omni terra. 326.

Theodorus Genuensis Presbyter Prosperum consulit. 132.

Timor Domini est donum Dei. 241.

Tolerantiae fortitudo nonnisi ex gratia Dei. 258.

Trinacria. Pelagiani ab ea expulsi. 311.

V

Virtus principaliter Deus est, cui non aliud est habere virtutem, quam esse virtutem. 236. Virtutes cum vitiis non simul consistere *ibid.* virtutes omnes sine exceptione

ptione nisi a Deo donatae essent nobis non inveniuntur in nobis.

[276.](#) appetitum virtutum habere hominem a se ipso, error Calisiani. [185.](#) virtutum sive meritorum principia nulla in nobis ante gratiam. [239.](#)

Quicumque virtutes suas vel sibi, vel gratiae, quam meritis sit, adscribit, proficiendo deficit, currendo recedit. [350.](#) virtutes eorum, qui naturali solum sapientia pollent, virtutes falsae & immundae. [36.](#)

[242.](#) [331.](#) [333.](#) [387.](#)

[390.](#) Virtutum semina in homine a peccato eversa, nec haberi queunt nisi eo restituyente qui [dederat.](#) [237.](#) quisque in virtute proficere semper debet. [382.](#)

Vocatio, quomodo vocatis omnibus aequalis, & quomodo non aequalis. [68.](#) [94.](#) An omnes homines ad gratiam vocati. [66.](#) [93.](#)

Voluntas hominis non auferitur per gratiam sed mutatur. [180.](#) [208.](#) & stabilitur. [275.](#) Voluntate creditur, vo-

luntate non creditur, sed tamen ibi discernendum quid veniat de misericordia Dei, quid de iudicio. [144.](#)

Quomodo Apostolus dixerit: *Velle adjacet mihi &c.* [187.](#) voluntatis malae effectus. [387.](#) voluntatis malae Deus auctor non est. [118.](#)

[120.](#) Nullus bonae voluntatis motus nisi ex Spiritu sancto. [180.](#)

[224.](#) voluntas bona sic hominis propria ut nonnisi Deo inspirante concepta sit. [178.](#)

[180.](#) [233.](#) Quaestio de origine sanctarum voluntatum contra Pelagianos clare definita. [196.](#)

Voluntas Dei non est causa perditionis hominum, etsi creat quos pro meritis est puniturus. [110.](#) [116.](#) [117.](#) [127.](#) Deum mala impiorum voluntate recte uti. [152.](#) spernentes voluntatem Dei invitantis sentient vindicantem. [129.](#) quomodo Deus velit omnes homines salvos fieri. [44.](#) [107.](#) [109.](#) [325.](#) sincerissime credendum, Deum velle, ut omnes homines salvi fiant, qui etiam illos

los salvar, qui salvari nolunt. [109.](#) Exemplis probatur aliquando Deum nolle fieri, quod homines facere Deo volente voluerunt. [231.](#)

X

X Istus Papa. Occultos gratiae hostes abigere illi servatum. [297.](#) [Augustini](#) ad eundem epistola. [294.](#) e-

jusdem epistolae locus relatus. [297.](#)

Z

Z Acchaei Dominus praeparavit animum cuius elegit hospitium. [202.](#) quaesitus a Christo, & praeventus. [203.](#)
 Zosimus Papa. [149.](#) [289.](#) [296.](#) ejus epistola ad Orbis universi Episcopos, [194.](#)

VARIANTIUM LECTIONUM SUO LOCO
PRAETERMISSARUM SPICILEGIUM .

Pag. 1. lin. 17. Al. *Christianorum Patrum opinioni & Ecclesiastico sensui convenire* . p. 5. lin. 11. al. *nam plane illis* . ib. lin. 12. al. *quasi scilicet specialiter* . p. 7. lin. 19. al. om. *sub* . p. 8. lin. 3. al. *planius* . p. 9. l. 16. al. om. *hanc* . p. 10. l. 23. al. *praevaricator Deo dicitur* . p. 14. l. 21. al. om. *enim* . p. 17. l. 4. al. *operantem & cooperantem* . ib. l. 12. al. *nihil operati* . p. 18. l. 15. al. *in qua futurus esset gratia & voluntate , praescierit* . p. 19. l. 13. al. *spirat* . p. 371. l. 7. al. *adurit* . p. 380. ep. 11. v. 1. al. *cum vel* . ib. v. 5. al. *Credentes omnes* . p. 382. ep. vi. v. 2. al. *Totum aut iustitia est* . p. 385. ep. xi. v. 5. al. *Lex ergo* . p. 386. ep. xii. v. 8. al. *absque bono* . p. 387. ep. xiii. v. 8. al. *Si verum sancte* . p. 392. ep. xxi. v. 1. al. om. *in* . p. 393. ep. xxiii. v. 1. al. *mundi* . p. 395. ep. xvi. y. 9. al. *In culpa vitio* .

ERRATA TYPOGRAPHICA GRAVIORA
SIC CORRIGITO .

Pag. 7. lin. 12. lege , *teporis* . p. 46. l. 16. *Apostoli* . p. 78. not. 3. *contra duas epistolas Pelagianorum ad* . p. 139. n. 1. *Rom. 6. 20. p. 151. notae 3. & 4. a suo loco abductae sunt* . p. 214. nota 5. respicit ~~et~~ non quod est in textu l. 10. p. 238. notae 3. & 4. a suo loco abductae sunt . p. 307. v. 43. *sint* . p. 308. n. 1. lin. 12. *epistolae* . p. 313. in marg. 105. p. 318. n. 2. *Cap. penult.* p. 319. nota 4. respicit v. 234. p. 323. n. 1. l. 5. *Le Renard* . p. 327. n. 4. l. 13. *ἐρῶμιον* . p. 335. n. 4. *Et frustra* . p. 341. n. 3. dele *Al.* p. 378. l. 12. *videtur* .

